





Ex Bibliotheca
majori Coll. Rom.
Societ. Jesu

49.6.36.

49

6


36.

49

08

13

12-9. F. 5



M.

2000

DE VIRIBVS
IMAGINATIONIS
TRACTATVS,

AUTHORE
THOMA FIENO
ANTVERPIANO,

*Medicina in Academia Louaniensi Professore
Primario, ac Serenissimorum BELGII
& BAVARIÆ Ducum quondam
Medico Cubiculario.*



Ex legato J. Cocini
LOVANI,

In Officinâ Typographicâ
GERARDI RIVII, Typographi iurati.

ANNÒ CLC. IDC. VIII,

Cum Priuilegio.







SERENISS.^{mo} PRINCIPI
ERNESTO,

ARCHIEPISCOPO COLO-
NIENSI, S. R. I. PER ITALIAM
Archicancellario & Principi Ele-
ctori; Episcopo Leodiensi; Comi-
ti Palatino Rheni; Duci Bauariæ,
Westphaliæ, Bullonensi; Mar-
chioni Francimontensi; Comiti
Loffensi, Hornensi, &c. Domi-
no suo & Meccœnati plurimum
honorando.

BIBLIOTECA NA-
TIONALE
ROMA
VITTORIO EMANUELE



TANTA humanitate habi-
tus fui ab inclyta Domo Ba-
uarica, cum in ea versatus
fui: tot signis honoris &
beneuolentiæ à te affectus
quando ex Bauaria in Bel-
gium tecum iter feci Serenissime & Excel-
lentissime Princeps, vt valdè impudens &
ingratus sim, si ea tam citò obliuioni tra-

* 2 didis-

didissem. Verùm tantùm abest, vt ita fecerim, vt potius repetita frequenter memoria ea altiùs altiùsque quotidie ànimo insculperim, nullis vitæ meæ diebus delenda. In signum illius & tesseram grati ànimi mei, offero Celsitudini Tuæ hunc libellum; rogans vt eum benignis oculis aspicere, & cum à grauissimis Imperij, & ditionum tuarum curis quandoque respirabis, etiam inspicere & legere non dedigneris. Munus paruum est, si libelli molem inspicias; aliquale, si subiecti iucunditatem & sublimitatem. Qualecumque sit, defectum eius partim Tuæ Celsitudinis humanitas, partim mea optima voluntas, & erga Tuam Serenissimam Celsitudinem humillima obseruantia supplebunt. Elegi materiam hanc, quòd Philosophica sit, & ex intimis naturæ arcanis eruta: non ignorans Celsitudinem Tuam. Philosophicis studijs apprimè esse imbutam & abditorum eiusmodi naturæ operum consideratione plurimùm delectari. Sperans proinde eam maiorem ex illa, quàm ex Medica aliqua aut Practica materia voluptatem esse capturam. Plurimum mihi gratulabor, si intelligam laborem meum à Tua Celsitudine probari; in cuius solius limatissimo iudicio conquiescens facilè omnium inuidorum oblationes contemnam. Sin minus; confido
eam

eam pro solita sua humanitate saltem conatum non improbatutam; & insufficienciam, rei difficultati, quæ vix ingenio humano penitiùs inuestigabilis videtur, fàcile ascripturam. Interim me antiquæ Tuæ Celsitudinis beneuolentiæ humillimè commendando: Deum rogans, vt eam Imperij & Reipublicæ Belgicæ quieti & Catholicæ religionis incremento quàm diutissimè incolumem seruet. Louanij, 1 v. Septembr. M. DC. VIII.

Tua Serenissima Celsitudinis

Humillimus Client

THOMAS FIENVS.



In

In Librum Clarissimi Viri
D. THOMÆ FIENI
MEDICINÆ IN ACADEMIA
Louaniensi primarij Professoris.

I A M B I C V M.

FIENVS; ille, quem vocârat Bauarus,
Nuper; recenter Principes hi Belgica:
Primam cathedram qui Louanij obtinet;
Caliginosâ nube cum vidit tegi
Silentiône præteriri ab omnibus
Quid possit, in prægnantibus petissimum,
Causamque, cur Imaginatio, in modum
Vel Prothei vel Polypi, difformiter
Formet notetue pendulum solummodo
Ex umbilico sætum; & intimam hæcenus
Physin latere tam stupendi anigmatis.
Suscepit in se serio prouinciam
Enucleandi quidquid in scholis Sophi,
Quicquid Galenus, & quod Arabes docent
De viribus Phantasiæ; Dilucidè
Educit hinc conclusiones solidas,
Et quæstiones explicat: Fætus biceps
Puerne duplex unde & hærens inuicem?
Affectuumq; matris insolentium,
Desiderata vel rei notam gerens?
Præscindit ergo veritatem hanc eruens
Noster FIENVS omnibus monstris viam,
Simulq; vulgi ineptientis omina
Docendo causas, monstrat esse anilia.

F. S. M. D.

NOMINA AVTHORVM QVI IN HOC LIBRO CITANTVR.



A.

Ælianus
 Aëtius
 Agrippa
 Albertus Magnus
 Alexander Aphrodisæus
 Alexander Trallianus
 Algazel
 Alkindus
 Andræas Cataneus
 Andræas Laurentius
 Antonius Beniuuenius
 Archangelus Picolomi-
 neus
 Argenterius
 Aristoteles
 D. Augustinus
 Auicembron
 Auicenna.

B.

Balduinus Ronssæus
 Bannes
 Bartholomæus Medina
 Bartholomæus Pisanus
 Bartholomæus Vasques
 Bayrus
 Bonamicus.

C.

Caietanus
 Cardanus
 Christophorus à Vega
 Chrysostomus
 Cicero
 Citadinus
 Codronchus
 Cælius Aurelianus
 Cælius Rhodiginus

Columella
 Concilator
 Conimbricenses
 Cornélius Gemma,

E.

Erasmus Rotodamus,

F.

Fernelius
 Ferrariensis
 Fonseca
 Franciscus Picolomineus
 Fulgosius.

G.

Galenus
 Gattinaria
 Geneseos liber
 Gentilis de Fulgineo
 Gregorius de Valentia
 Guilielmus Paradinus
 Guilielmus Parisiensis.

H.

Heliodorus
 Hercules Saxonia
 Hesiodus
 D. Hieronymus
 Hippocrates
 Homerus
 Horatius.

I.

Iacobus de Forlinio
 Iacobus Horstius
 Iason Pratensis
 Ioannes Baptista Syluati-
 cus
 Ioannes Costæus
 Ioannes Langius
 Isidorus

* +

Iulius

Julius Scaliger
Iustinus Historicus.
L.

Leuinus Lemnius
Libanius
Licoſthenes
Lucianus
Ludouicus Mercatus
Ludouicus Viues.
M.

Marcellus
Marcellus Donatus
Marcus Damascenus
Marſilius Ficinus
Martinus Delrio
Michael Medina
Munſterus.
N.

Nicolaus Florentinus.
O.

Olaus Magnus
Oppianus
Ortelius.

P.
Paracelfus
Paræus
Paulus Venetus
Peramatus
Pererius
Petrus Maſſias
Philoponus

Picus Mirandulanus
Plato
Plinius
Plutarhus
Pomponatius
Pomponius Mela.

Q.
Quintus Serenus.
R.

Rodericus à Caſtro.
S.
Schenkius à Graſenberch
Seneca
Solinus Polyhiſtor.
Soranus.

T.
Tartaretus
Themiftius
Theodoretus
D. Thomas
Thomas Eraſtus
Thomas à Vega
Toletus.

V.
Valeſius
VVeynrichius
VVycerus.

Z.
Zabarella
Zoarca.

Index Quæstionum huius Libri.

QVÆSTIO I. *An anima habeat vim Agendi in vllum Corpus?*

II. *In qua corpora agere possit, & qua Actione?*

III. *Per quas Potentias illos motus & actiones exerceat?*

IV. *An anima agat aliquid per potentiã Imaginatiuam?*

V. *An phantasia possit vllum corpus mouere Localiter?*

VI. *An possit Alterare?*

VII. *An phantasia possit vim vllam acquirere ab Influxu Cælorum?*

IX. *An ergo Phantasia nullam habeat vim Agendi?*

X. *Per quas Potentias phantasia corpora immutet?*

XI. *Quid possit in corpus Proprium, & specialiter, An possit in eo creare Morbos?*

XII. *An possit morbos Curare?*

XIII. *Quid possit in Alienum Externum?*

XIV. *Quid possit in Alienum Propinquum seu Fœtum?*

XV. *Quomodo & qua Ratione fœtum immutet?*

XVI. *Quomodo possit Conformatricem Dirigere?*

XVII. *Quanam imaginatio habeat illam Signandi potestatem, qua non?*

XVIII. *Cur non omnis imaginatio, quàm Animi Passiones sequuntur, signat?*

XIX. *An omnes Animi passiones signent?*

XX. *Quanam imaginatio signet; an tantum Matris, an etiam Patris?*

XXI. *An etiam Brutorum imaginatio signet?*

XXII. *Quo Tempore signet; an tantum Graviditatis, an etiam Conceptus?*

XXIII. *Quantam permutationem possit in fœtum inducere, & quas Signaturas possit causare?*

XXIV. *Cur phantasia non semper imprimit in fœtum res imaginatas eodem modo, sed sæpè tam diuersis?*

XXV. *Cur non eidem semper Parti, sed diuersis nota inducuntur?*

APPROBATIO.

Tractatus hic DE VIRIBVS IMAGINATIONIS ab autore suo accuratè conscriptus ad publicam vtilitatem in lucem emitti potest. 20. Maij, 1608.

GVILIELMVS FABRICIVS
Noniomagus, Apostolicus & Archiducalis Librorum Censor.

Cum Priuilegio Serenissimorum Belgij
Principum.

Signat.

Fourdin.

ERRATA.

- Fol. 4. linea 19. pro illo, pone illa.
- Fol. 56. linea 16. pro moru, pone nutu.
- Fol. 63. linea 3. pro frigidi, pone calidi.
- Fol. 62. lin. 6. & 7. pro nobiliore, pone ignobiliore.

Reliqua Lector facillè corriget.

INDEX RERVM QVÆ IN hoc tractatu continentur.

A.

A Cridens vnum non posse recipi in alio.	81
A ctiones immanentes non esse actiua ad extra	45
nihil alterare seipsum	6
A mulera & appetita plerumque esse superstitiosa	101
A nima vnus hominis an sit perfectior alterius	43
A nima an sit actiua	1. & 3
A nimam coniunctam corpori non esse totale agens suarum actionum, sed tantum particulare	2
A nimam esse principium agendi principale in corporibus animatis	3
A nimam non videre, audire, ratiocinari sed hominem	3
A nimam primo & per se, directe ac formaliter non habere vim alterandi	9
A nimam non posse suum corpus proprium per se primo seu directe alterare	5
A nimam per accidens posse corpus proprium variis modis alterare	7
A nimam alterare corpus proprium applicando actiua passiuus	8 11
A nimam nihil alterare in corpore nisi alimentum	16
A nimam per accidens alterare mediante motu humorum & spirituum	36
A nimam habere etiam vim alterandi mediantibus qualitatibus alteratiuis, tanquam instrumentis	13
A nimam vt causam motalem posse esse causam multarum alterationum in corpore	31
A nimata à seipsis moueri	5
A nimam mouere corpus suum, quod informat, motu locali	5
A nimam mouere suum corpus proprium, quod informat, partim per potentiam motiuam Voluntariam, partim per Naturalem. Corpora verò, quæ non informat, per potentias motrices Naturales	33
A nimam in corpore mouere aliqua motu materiali, aliqua motu spiritali	18
A nimam posse etiam mouere, quod non informat	17
A nimam non posse corpora remota ac externa per se primo ac directe mouere. 26. Non posse etiam alterare	30
A nimam separatam esse totale agens suarum actionum	2
A nima separata an habeat actiuitatem quoad tres species motus, scilicet alterationem, actionem, generationem	2
A nima sanctorum redeuntes ad hunc mundum an possint hominibus morbos, aut sanitatem inferre	3
A nima separatæ redeuntes in hunc mundum, an possint propria virtute sibi corpora formare, quibus assistant	2
A nimalia in montibus niuosis vnde alba	193
A ntiperistasis non fieri per species caloris reflexas	76
A ppetitiuam potentiam non esse efficientem causam motus voluntarij	51
A ppetitus & phantasia quomodo ad motum localem concurrant	55
A tentionem acuire actiones sensuum	95
A uicenna & sequaces quantam vim animæ ascripserint	16

©mnes

INDEX.

Omnes ferè corporis actiones, & omnia ferè corporis organa esse facta ad nativum caloris conservationem 10

B.

Brutorum phantasiam tam bene signare, quam hominum 174

C.

Causam principalem non posse eleuare aëritatem causæ instrumentalis, nisi secundum naturam suam, non autem contra eam 71

Characteres nullam vim recipere ab influxu cœlesti 83

Circumforaneorum fallacia & deceptio 97

Cœlos non moueri à formis assistentibus aut Angelis, sed à formis intrinsecis, & à natura 5

Cœlos non influere in hæc inferiora, nisi vel effectus vniuersales, vel in omnia 81

Cœlos non influere in animam, nec in potentias eius 81

Cœlos in dæmones agere non posse 83

Cognitionem duplicem esse, aliam per Instinctum, aliam Proprie dictam 151

Concoctricem potentiam solam inter omnes animæ potentias esse alteratiuam 16

Confidētia ægri de Medico, an faciat ad sanitatē, & quomodo 101

Conformatricem esse potestiam animæ foetus, non parentum 146

Conformatricem esse veram & proximam efficientem causam omnium qualitarum & notarum in foetu 110 & 141

Cruciationem cadauerum non esse naturalem 198

D.

Dæmones à cœlis affici & cogi non posse 83

Desiderium maxime signare foetum 106

Desiderium ipsum an causet per se signaturam, an indignatio ex negatione rei desideratæ 166

Desiderium cur magis signet, quando id quod desideratur, negatur, quam quando conceditur 167

Deum ad miracula bene vti causis naturalibus supra naturam, sed non contra naturam 175

F.

Fascinatio an solo attactu visione vel locutione fieri possit 44

Fœtum in sui conformatione omnium membrorum rudimenta simul acquirere 153

G.

Gallinæ incubantis imaginatione non posse pullam amplius signari 180

H.

Homines singulares proprietates & virtutes habentes 43

I.

Imaginatio omnis cur non signet 164

Imaginationem Reflexam magis signare, quam Simplicem 160

Imaginatio de peste quomodo sit causa pestis 94

Imaginationis virtute an Gemini fieri possint 152

Virtute Imaginationis an possit Sexus in foetu mutari 158

Virtute Imaginationis an possit Æthiops produci 186. & 170

Instrumentum debere ad nutum causæ principalis dirigi posse 21

L.

Lippitudo quomodo intuitu contrahatur 103

Lumen magnum an dissipet spiritus localiter mouendo 78

Maculae

I N D E X.

M.

Maculas & colores frequentius euenire in fœtu, quàm alias no-	195
Melancholiam morbum non semper corporis, sed sæpè solo ani-	102
mi vitio euenire	102
Membra omnia fœtus simul incipere conformari	153
Motus voluntarij causa an sit potentia Appetitiua, an Phantasia,	51
an loco motiua peculiaris	51
Mulieres fortes & prudentes rarò fœtus suos signate.	164

N.

Naturam non esse principium actuum Alterationis, nec Gene-	5
rationis, aut corruptionis in eo, cuius est natura	5
Naturam nullius motus magis esse principium in rebus physicis,	5
quàm localis	5
Notas in fœtu non esse omnes ab imaginatione	189
Notas in fœtu, alias esse Communes, alias Peculiares & determi-	132
natas ac imaginatas, quæ propriè dicuntur Signaturæ	132
Notarum & accidentium omnium fœtus veram & proximam ef-	110
ficientem causam esse Conformatricem, non Phantasia	110
Notarum mirabilium ab imaginatione causatarum exempla	115

O.

Operationem in rebus sequi essentiam earum	3
Oua in Aegypto & alibi quomodo sine gallina excubentur	181

P.

Partes similes minimè ope fibrarum alimentum trahere, sed	21
temperamento	21
Passiones animi fortificare species phantasticas	162
Passiones animi turbare potentiam Conformatricem	162
Quæ Passiones animi faciant phantasia magis signare	166
Passiones animi non semper mouere humores & spiritus eodem	169
modo	169
Passiones omnes magnas & celeres posse signare	171
Passiones animi non facere eisdem effectus in omnibus corpo-	170
ribus	170
Passiones animi certas partes & certas Potentias magis afficere,	170
quàm alias	170
Patris phantasia tam benè signare, quàm matris	172
Phantasia & Appetitiua esse diuersas potentias	52
Phantasia per se & directè non esse actiuam	45
Phantasie vires secundum Auicennam & alios	40
Phantasia per se non habere vim Alterandi. 61. Alterare valdè	37
per accidens	37
Phantasia non esse causam efficientem Motus Voluntarij	50
Phantasia & Appetitus quomodo ad motum localem membro-	55
rum concurrant	55
Phantasia non esse causam principalem, sed tantum instrumen-	1
tariam effectuum, qui ei ascribuntur	1
Phantasia magnam vim habere in corporis permutatione	84
Phantasia afficere corpus per accidens, mouendo alias potentias	85
quæ ipsum afficiant per se	85
Phantasia corpus afficere mediàntibus Animi passionibus	86
Phantasia corpus afficere mediante motu Humorum & Spiri-	88
tuum	88

Phant.

INDEX.

Phantasia non mouere humores & spiritus per se	58
Phantasia humores & spiritus saltem Dirigendi vim habere	59
Phantasia an possit excitare Appetitiuam, & quomodo	87
Phantasia an possit Foetum Signare	111 & 104
Quomodo causet signaturas in foetu. 121. . Non causare per se effective	126
Phantasia foetum signare Dirigendo potentiam Conformatricem	89 & 142
quomodo Phantasia dirigat Conformatricem. 144. dirigere Exemplatiter	144
Phantasia non Simplicem, sed cum Animi passionibus coniunctam signare	154
Phantasia posse diuersissimas notas in foetu causare	184
Phantasia non posse speciem foetus mutare	184
Phantasia non posse mēbra in foetu iam constructa annihilare	179
Phantasia Brutorum tam benè signare, quàm Hominum	174
Phantasia Patris tam benè signare, quàm Matris	172
Phantasia signare & tempore Conceptus, & tempore Grauiditatis. sed magis Grauiditatis	176
Phantasia non esse per se causam Morborum	91
Phantasia an possit Morbos Curare, & quomodo	97
Phantasia an possit vim recipere à Cœlis	78
Phantasia an res externas & Remotas afficere possit	103
Potentias Cognoscitiuas non esse per se actiuas	46
Potentias Cognoscitiuas nō esse Alteratiuas, nisi per accidens	38
Potentia non cognoscitiua, an possit agere ad Exemplar	148
Potentiam motiuam esse duplicem Volūtariam & Naturalem	33
Potentiam Motiuam Voluntariam non esse Alteratiuam, nisi valdè per accidens	37
Potentiam Motiuam Naturalem per accidens posse Alterare	37
Potentias nullas animæ esse alteratiuas præterquàm vegetatiuas	36
Proprietates admirandæ aliquorum hominum tuum corpus prohibito afficientium	24
Proprietates occultæ & virtutes admirandæ aliquarum rerum naturalium & hominum	43
Quales & quantas notas Imaginatio facere possit	182
Qualitates primas agere modo nobiliores in virtute animæ, quàm virtute propria	15
S.	
Salutatores Hispanicos facere opera admiranda non vi naturali, sed Diabolica	198
Signatura vt fiat, multa requiri	164
Signaturas facilius evenire in corporibus, dispositis ad generationem eius quod est imaginatum, quàm in alijs	165
Signaturas varias fieri pro varietate humorum in corpore abundantium	155
Signaturas quæ ab imaginatione fiunt, nunquam posse esse valdè monstruosas aut enormes	184
Signaturas non semper eodem modo, & secundum eadem accidentia fieri, sed diuersa	193
Non omnes signaturas quouis tempore fieri, & quæ quo tempore fieri possint	178
S. gna-	

INDEX.

Signaturas magis circa tertium mensem fieri, & cur	129
Signaturas fieri frequentius ab imaginatione habita tempore prægnationis, quam conceptus	157
Signaturarum maiorem diuersitatē contingere ab imaginatione habita tempore conceptus, quam prægnationis	194
Signaturas notabiliores & euidentiores fieri ab imaginatione tempore conceptus, quam prægnationis	178
Signaturarum maiorem diuersitatem contingere ab imaginatione forti, quam debili	194
Signaturas non semper eisdem, sed diuersis partibus imprimi	196
Signaturas frequentius in facie fortis, quam in alia parte euenire	197
Signaturæ an transferri possint absterfione manus, & eiusdem ad aliam partem applicatione	197
Signaturam ouium iacob fuisse miraculosam	158
Signaturas propriè dictas & notas determinatas ac imaginatas facere phantasiam Dirigendo potentiam Conformatricem	142
Speciei intentionalis essentiam & finem esse representare	69
Species intentionales non esse eiusdem essentia: specificæ cum suis obiectis	76
Species intentionales in anima, an habeant virtutem alterandi	66
Species intentionales an possint realem qualitatem producere similem ei, à qua fluxerunt	68. & 126
Species intentionales tantum esse actiua actione intentionali & perfectiua, non reali aut corruptiua	69
Species rerum habere rerum virtutes	156
Species phantasie quomodo ad vterum perueniant	162
Species phantasticas debere ipso momento imaginationis vtero communicari vt imaginatio signet	162
Spiritus & sanguinem, & humores in corpore ab anima moueri per se primo specialiter, ac per nudum imperium	19
Spiritus an vlli ex oculis vibrari & emitti possint	104
Spiritus & sanguinem non moueri materiali seu corporali partiu in quibus sunt, protrusione aut expressione, sed spiritualiter	20
Sublunaria corpora quomodo gubernentur à coelestibus	81.
Substantiam non agere immediatè per seipsam, sed per suas potentias	32
Sympathiam potentiarum animæ fundari in identitate radices	146

T.

Terrorem esse maximum omnium affectuum animi	167
Terror quomodo moneat humores & spiritus	168
Terrorem mouere humores & spiritus supernè deorsum	169
Terrorem maximè causare signaturam	169

V.

Visione, tactu, loquela nullam posse fieri fascinationem	199
Visionem non fieri per emissionem, sed per receptionem	102.

Matthæi 6.

*Quis ex vobis sollicitè cogitando
potest addere ad staturam
suam cubitum
unum?*

I

DE VIRIBVS
IMAGINATIONIS
TRACTATVS,

*Authore THOMA FIENO Medicina
Doctore, & in Academia Louaniensi
primario Professore.*



VT materiam de vi Imaginationis, quam tractare aggredior, & de qua multi varia scripserunt, perfecte & dilucidè explicem; videor mihi à primis principijs exordiri, & quæ sit animæ in corpus Proprium & Alienum potestas, & quibus instrumentis eam exerceat, inuestigare debere.

Alioquin non posse clarè demonstrari, quantum & quomodo Phâtasia agat. Etenim ipsa non est primum & principale agens eorum, quæ per illam fiunt; sed animæ ipsa autem tantum est animæ potentia & instrumentum. Vt autem sciatur quantam vim habeat instrumentum; sciendum quantam vim habeat ipsa causa principalis, quæ illo vtitur: & qualiter, & ad quem effectum illo vtatur. Sic enim, an & quomodo & quid valeat efficere, erit manifestum. Sequar autem in docendo modum Philosophorû; partim, quia hæc materia est multum philosophica; partim, quia ille modus est inquirendæ veritati conuenientior. Ponam itaque quæstiones aliquot, & eis adiungam cõclusiones pro opinionis nostræ declaratione necessarias. Sit itaque

QVÆSTIO I.

An anima habeat vim agendi in vllum corpus?

Vldetur autem quod sic: Primò. Quod est potest operari: nam omne ens est propter operationem: anima est ens, ergo potest operari.

A Secundò.

Secundò. Animæ sunt datæ potentiæ actiue: illæ non sunt, nisi propter operationem, ergo.

Tertiò. Anima est forma; formæ competit operari: nam forma est natura; natura autem est principium motus, ergo anima potest operari: Ast anima nò potest operari in substantias separatas, quia sunt ordinis superioris; inferiora autem non possunt agere in superiora: Ergo reliquum est, vt agat in substantias corporeas seu corpora.

CONCLUSIO I. Anima separata à corpore est agens *quod* suarum actionum, seu verum & totale agens earum.

Hæc conclusio est manifesta: quia talis anima non est pars compositi, sed est actus & substantia per se subsistens; itaque quidquid agit, agit per se solam & nullius alterius subsidio, & sic est verum agens *quod*. An autem habeat aliquam vim agendi in corpora; non est huius loci inquirere. Nos enim tantum agimus de ea, vt coniuncta corpori. Interim tamen, quoad tria motuum genera; nempe alterationem, auctiorem, & generationem; est communis Theologorum sententia, nullam habere actiuitatem; vt docet D. Thomas part. 1. quæst. 110. art. 2. Quoad motum verò localem, est sententia D. Thomæ, Caietani, Zoaris, Bannesij; eam corpora externa non posse mouere. Verùm Fonseca in Metaphys. contrarium tenet. Cuius sententia, si esset vera, sequeretur, quòd mediante illo motu, actiua passiuus applicando, posset etiam formas inducere in materiã & alterare, & generare: & cõsequenter, quòd animæ Sanctorum redeuntes ad hunc mundum, possent propria virtute sibi corpora assumere, formare, & in corpora viuientium morbos, sanitatẽ, & alia accidẽtia inducere.

CONCLUSIO II. Anima vn̄ ta corpori non est ipsum verum agens, nec est agens totale aut agens *quod* suarum operationum, sed est tantum p̄ncipium seu ratio agendi: & est solummodò agens *quo*: ipsum verò agens totale seu agens *quod*, est compositum ex anima & corpore, seu ipsum corpus animatum.

Hoc patet ex Aristotele 1. animæ text. 64. cum dicit: melius dici animam non misereri, aut discere, aut
ratio

rationari, sed hominem animā.

Patet etiam ratione. Nam actio est suppositum, ut docet D. Tho. 1. p. q. 39. art. 5. ad 1. & q. 40. art. 1. ad 3. At anima, ut informans, non est suppositum; sed est pars suppositi: corpus verò animatum est ipsum suppositum, ergo, Interim tamen anima est pars principalis eius, & est principium agendi principale. Anima enim est forma, forma autem est principium agendi, non materia: Forma enim est actus & dat esse: operari autem sequitur esse. Dico autem, quòd forma sit principium agendi Principale: quia etiam potentie sunt principium agendi, sed non Principale, sed tantum Instrumentale & Secundarium. Et hac ratione operationes tribuuntur formis. Ex quo patet, quando actiones & operationes corporis animati tribuuntur animæ, non esse intelligendum, ipsam animam eas edere, & ipsam esse verum & totale agens & causam earum, & corpus solum esse instrumentum; sed ipsum corpus animatum eas edere, animā verò esse id, ratione cuius maximè eduntur. Anima itaque non videt, sed oculus: anima non concoquit, sed stomachus & corpus animatum; & sic de ceteris operationibus.

CONCLUSIO III. Anima in illa ratione agendi habet magnam in substantias corporeas actiuitatem: Quod nihil aliud est dicere; quàm corpus animatum ratione animæ, tanquam principalis principij, habere magnam vim agendi.

Hæc conclusio est manifesta. Corpus animatum est corpus naturale ex materia & forma constans: corpora naturalia habent vim agendi, ergo & corpus animatum.

Secundò. Omne quod est, operatur: nam quidquid est, est propter suam operationem: corpus animatum est & subsistit, ergo operatur. Imò modus operandi sequitur modum essendi: & sic, quod existit modo nobiliore, modo nobiliore & excellentiore operatur: At corpora animata existunt nobiliore modo, quàm reliqua corpora naturalia: existunt enim per animā, quæ est nobilior alijs formis, ergo modo excellentiore operatur.

Tertiò. Quæ comunicant in forma & materia, mutuo agere possunt; corpus animatum communicat in forma & materia, cum alijs corporibus naturalibus, ergo

in ea agere potest.

Quartò patet experientia. Anima mouet corpus proprium; sanguinem, spiritus, cibos, excrementa, calculos, &c. eadem alterat, concoquit & in aliam substantiam conuertit, & sic generat, ergo agit in ea.

Ad argumenta respondetur. eis nihil aliud probari, nisi animam esse principium principale agendi, non autem esse ipsum verum agens totale. Et hac ratione magis confirmant nostram conclusionem.

QVÆSTIO II.

In qua corpora anima agere potest, & qua actione?

PRO huius quæstionis intelligentia est facienda distinctio inter Corpora. Dico itaque Corpus aliud esse Proprium, aliud Alienum. Corpus Proprium voco, quod ab anima vna indiuiduali informatur. Sub hoc comprehendo omnes partes essentielles corporis, quas anima illa aëtuat, & quibus formaliter inest, vt sunt cor, cerebrum, manus, &c. Alienum voco, quod ab anima illa eadem non est informatum; sed vel nulla anima est informatum; vel alia aliqua, ab illo numero distincta. Sic fœtus & corpus alterius hominis sunt corpora Alienat: quia etsi verè sint informata anima, tamen non sunt informata eadem numero animâ, quâ informatur illud, sed diuersâ. Alienum est duplex: Internû vel Externum. Alienum Internum voco; quod est intra peripheriam corporis proprii contentum: Externum, quod est extra eam. Internum adhuc est multiplex: vel enim est pars integralis Proprii, alimentum, vel instrumentum, vel aliud ab ea vitaliter dependens vel est nudum contentum. Illius generis sunt, sanguis, spiritus, semen, medulla, cibus, excrementa, fœtus, & quidquid aliqua ratione ad totius perfectionem requiritur: huius sunt lapis, nucleus, globus plumbeus, aut simile aliquid in corpus deglutitû, vel quaquā alia ratione admissum; quod ad totius constitutionem seu perfectionem non requiritur. Alienum Externum est, corpus quoduis extra proprii circumferentiam positum; vt ligna, lapides, aër externus, corpus alterius hominis,

aut alterius animalis. De singulis his quærendum est: in quænam illorum anima agere possit, & quamnam in ea actionem, & quomodò exerceat.

CONCLUSIO IV. Anima per se & directè habet actionem motus Localis in corpus Proprium, id est, Corpus animatum per suam animam, tanquam, principium mouendi, potest mouere seipsum.

Hæc conclusio est communis omnium Philosophorum, & probatur autoritate Aristot. 8. Phys. cap. 4. text. 19. & 1. de anima cap. 2. text. 19. & 2. animæ c. 2. text. 13. ubi dicit animata & viuentia à seipsis moueri; & hanc esse differentiam inter animata & inanimata: quòd illa à principio intrinseco seu à seipsis, hæc ab extrinseco seu ab alio moueantur. Probatur etiam autoritate Platonis 10. de legibus, & in Phædro his verbis: ὃ γὰρ ἴσμεν τὸ κινῆσθαι, ἀψυχόν; ὃ δὲ ἴσμεν, αὐτὸ ἴσμεν, ἡμψυχόν. Id est, cui forinsecus est, moueri; id est inanimatum; cui verò intrinsecus, sibi ex seipso, animatum.

Probatur etiam ratione. Natura est principium motus, materia quidem passiuum, forma verò actiuum; præcipuè verò in seipso, seu in eo, quod informat, vt Arist. definit: At natura non est principium actiuum alterationis, nec generationis in eo, in quo est, vt proxima conclusione dicitur: non est etiam principium accretionis; quia accretio est motus proprius viuentibus, non existens in alijs rebus naturalibus; natura autem est principium motus in omnibus rebus naturalibus, & non tantùm in viuentibus: ergo restat, vt sit principium motus localis. Et hæc est ratio, cur credam cum Pererio 7. Physicor. cap. 16. omnia corpora naturalia tam inanimata, quàm animata moueri à seipsis, & minime grauia & leuia à generante, & cælos ab intelligentia assistente; sed à principio intrinseco & à sua natura. At anima est natura, ergo anima est principium motus secundùm locum in corporibus animatis. Et si autem putem omnia naturalia ab interno principio moueri & consequenter à seipsis; tamen, quia in viuentibus est magis manifestum, quòd sic moueantur: & quia pluribus motibus diuersis mouentur, quàm corpora naturalia; &

motus suos inchoant & sistant pro voluntate; per quod magis videntur seipsa mouere, quàm illa: idèd specialiter præ alijs à seipsis moueri meritò dicuntur.

Probatur tertio experientia: quia est manifestum animalia per potentias animæ mouere suum corpus, & propter animam corpus habere varios motus, quos nō haberet, si anima præditum non esset.

CONCLUSIO V. Anima non potest suum corpus Proprium directè, & per se primò alterare: seu compositum ex anima & corpore non potest directè, & per se primò alterare seipsum.

Dico directè & per se primò: quia indirectè, secundariò, vel per accidens, potest: varijs modis, vt infra dicetur.

Probatur conclusio primò. Anima est natura: natura, vt inquit Philoponus, non est principium actuum alterationis eius, in quo est, ergo. Minor probatur. Si esset principium alterationis, esset etiam principium generationis, & corruptionis: nam generatio & corruptio sequuntur alterationem: sed natura non est principium generationis aut destructionis eius, in quo est, ergo nec alterationis. Subsumptum probatur: quia sic aliquid generaret & corrumpere seipsum: at hoc esse non potest, ergo. Natura est quidem principium motus in rebus naturalibus, sed non est principium motus cuiusuis: sed tantum motus rei naturali competentis: & idèd non est principium actuum alterationis aut generationis, seu corruptionis in eo cuius est; sed tantum vel motus localis, vel auctiois. In inanimatis solum est principium motus localis: in animatis est & motus localis & auctiois, non aliorum. Quia hi pertinent ad rei naturalis conseruationem & perfectionem, illi tenderent ad eius destructionem: natura autem est principium conseruandi, non destruendi illud, cuius est natura. Est ergo benè principium alterandi aliud, sed non illud, in quo est, & cuius est natura.

Secundò. Anima est forma: forma solummodo gerit caussalitem formalem erga suum subiectum, & non caussalitem cause efficientis, ergo & anima.

At si

I M A G I N A T I O N I S .

At si anima posset suum corpus alterare, gereret erga ipsum causalitatem causæ efficientis, ergo. Maior probatur. quia nihil potest habere causalitatem causæ formalis, & efficientis respectu eiusdem. Nam ratio causæ formalis consistit in perficiendo & conferuando, efficientis verò in permutando & destruendo.

Tertiò Eficiens habet contrarietatem cum patiente, nam studet ipsum destruere: At anima non habet, contrarietatem cum corpore, quia vnitur ei, & habet appetitum ad illud, nec studet illud destruere, quia è contrà est eius perfectio & *ἰσχυρία*, ergo.

Quartò. Qua docet experientia, ignem non calefacere seipsum, sed alia: aquam non humectare seipsam, sed alia, &c. Nulla forma suam materiam alterat, sed constituit solum in esse rei naturalis, & in eo conferuat eam, nihil permutando in ea, nec vllas extraneas qualitates in eam inducendo, & dat ei potentias ad agendum in res alias, & non in seipsam. Ergo idem de anima est censendum.

Dico tamen animam indirectè & per accidens posse corpus suum alterare, idque varijs modis. Primò: quatenus per suam voluntatem & potentiam motiuam voluntariam potest ei applicare agentia externa, varijs temperamentis prædita: vt cibos, medicamenta, ignem, glaciem, &c. quibus contingit ipsum varijs modis alterari. Sic homo potest seipsum calefacere, bibendo aquam vitæ, vel adeundo ignem, &c. Secundò: quatenus alimenta & humores corporis perfectè vel imperfectè, plus minùsue concoquit; vnde generantur vel humores superaffati vel cruditates quæ alterant. Tertiò: quatenus per potentias motrices naturales humores, & spiritus in hanc vel illam partem agitat & mouet: quorum præsentia vel absentia etiam contingit alteratio. Sic in animi passionibus corpus permutatur ad varias qualitates, calorem, frigus, &c. In ira extrema calefcunt; in timore & tristitia, refrigerantur: studio, meditatione, sollicitudine, corpus alteratur: quatenus propter eas contingit sanguinem, spiritus, vapores ab vna parte recedere; ad aliam verò

ferri. Nam quia recedunt à stomacho & partibus nutritorijs, hinc stomachus refrigeratur, non fit bona concoctio, multiplicantur cruditates; quia verò in caput trahuntur, caput incalescit, exiccatur, & tandem refrigeratur, fit catharris obnoxium, &c. Et generaliter, in quam partem anima mandauerit humores frigidos, ea refrigeratur; in quam calidos, ea calefit, &c. Quartò: corpus animatum alterat seipsum; per hoc, quod constat partibus heterogeneis, & diuerso temperamento præditis, quarum vna potest aliam sibi adjacentem alterare & conuertere in proprium temperamentum. Sic cor vel hepar calidum calefacit stomachum, & partes vicinas; stomachus frigidus refrigerat illa, &c. Tunc autem verè & directè corpus non calefacit seipsum, sed vna pars calefacit aliam, vt à se diuersam; & nulla calefit à seipsa. Et hoc est ex eo, quod illæ sint heterogeneæ, & sint vt res inter se diuersæ; etiamsi ab vna anima & forma cõmuni comprehendantur. Accedit quod, quando vna pars calefacit aliam, non calefaciat eam, vt animata, sed vt agens physicum: & non alio modo, quàm sicut vna res calida calefaceret manum alterius: quæ calefactio non fieret vitaliter, nec esset actio vitalis, sed tantùm physica: nec fieret ab anima per aliquem concursum animæ cooperâtis, sed solùm à calore membris inexistente: quo modo fieret etiam à partibus iam anima priuatis, si per diuinam potentiam calor in eis reseruaretur. Vna enim pars vitaliter non agit in aliam, alterando eam: sed tantùm physicè. Partes enim, vt dicemus conclusione octaua, vitaliter tantùm alterant alimentum, quod ex intento naturæ student corrumpere, & in se conuertere, non autem seipsas: cum nulla pars studeat aliam corrumpere, aut in se conuertere, sed anima studeat omnes in suo esse conseruare. Itaque anima per nullam suam actionem per se, directè, & immediatè alterat corpus suum, sed tantùm per accidens: applicando actiua passiuis, medicamenta, cibos, humores, spiritus, &c. quæ per se formaliter, & proximè illud alterant. Vnde quando ipsum visione, auditu, imaginatione alicuius rei, studio & meditatione alteratur, anima non alterat illud per illas actiones directè & per se, sed

se, sed per accidens: mediante motu humorum, spirituum, & vaporum. Atque hoc modo anima se habet erga corpus Proprium.

Sed quomodo se habet erga corpus Alienum, seu illud corpus, quod non informat? & quo genere motus mouet & immutat illud? & imprimis quæritur. An possit illud alterare; & videtur, quodd sic.

Primò. Forma omnis potest agere, & sibi similem producere per generationem: at generationem præcedit alteratio, ergo potest alterare. Non alterat aut generat suum corpus Proprium; vt iam dictum est, ergo aliud. Anima est forma, ergo anima potest alienum corpus alterare.

Secundò. Patet experientia, quodd anima alteret cibos, & per viam generationis essentialiter conuertat in sanguinem, spiritum, medullam, ossa, carnem, &c.

CONCLUSIO VI. Anima directe & formali alteratione non potest vllum corpus Alterare.

Pro huius conclusionis intelligentia, Dico non esse dubium, quin corpus animatum possit corpus aliud calefacere & refrigerare; manifestum enim est, quodd homo frigidus frigefaciat hominem calidum, & calidus calefaciat frigidum, & calefaciat lectum, thoracem, aseres, aliaque sibi contigua: sed dico illa non refrigerare aut calefacere ratione animæ, sed ratione caloris, quem in se formaliter habet: & non, quatenus est corpus animatum; sed quatenus est corpus mixtum, præditum formali calore. Calor enim facit illam actionem, non anima: & facit illam in virtute propria, & non in virtute animæ: & talis calefactio non est vitalis, sed merè physica: & fit eodem modo, quo vnus pannus calidus calefaceret alium; & quo corpus mortuum calore post mortem residuo posset adhuc aliud corpus sibi vicinum calefacere: Et illa calefactio non est actio æquiuoca, sed vniuoca, & de tali non est quæstio.

Sed est quæstio, An anima, vt agens æquiuocum, per aliquam potentiam ex sua essentia promanantem seu vitalem, sine formali qualitate, possit eminenter alterare: & quia maximè est quæstio de calore: An sine formali calore per seipsam possit eminenter calefacere;

sicut Sol calefacit per lumen? Et dico quod non.

Et probatur imprimis autoritate D. Thomæ part. 1. quæst. 117. art. 3. vbi dicit, quod homo per virtutem animæ non possit per se corporalem materiam immutare, sed tantum per accidens. Vbi Caietanus in commento etiam tenet, animam virtute propria & formaliter non posse, neque corpus coniunctum, neque externum immutare.

Probatur secundò Ratione. Si anima per aliquam suam potentiam vitalem posset eminenter calefacere, frustra dedisset natura corpori calorem natium, & instituisset tam multas potentias, & tam multa organa pro illius conseruatione. Etenim ferè omnes animæ potentie, & omnia organa corporis videntur esse facta propter eum; vt ipse scilicet restauretur, temperetur, & distribuatur. Propter eum enim est respiratio, pulsus, nutritio, & omnes potentie ei inservientes. Propter illas sunt nares, gula, guttur, pulmo, stomachus, hepar, cor, venæ, arterie, & ferè omnes partes: at natura non videtur illa omnia fecisse frustra, ergo. Maior probatur, Quia anima per illam potentiam eminenter calefacientem potuisset eum conseruare sine vlla molestia, & sine necessitate tot actionum & organorum, & sine vlla necessitate, vel aëris attrahendi, vel cibi sumendi.

Tertiò. Si anima posset eminenter calefacere; videtur, quod nunquam calor nativus posset deficere: quia anima quæ est incorruptibilis, & ex se nunquam potest deficere, posset illum semper per illam potentiam calefactiuam restaurare: & sic in defectu eius non esset opus vsu ciborum vel remediorum calidorum; quia semper per illam posset eum refarcire; At hoc non ita fit, sed in senio labascit; & cum deficit, debet restaurari per ea quæ calefaciunt, alioqui periret, Ergo.

Quartò. Quia nunquam videmus aliquam partem ab anima per se calefieri, aut solâ potentiâ animæ per se aliquam qualitatem produci, sine applicatione temperamenti, aut qualitatis realis: sed omnem alterationem & calefactionem, quæ in corpore fit, videmus fieri per applicationem membrorum, spirituum & humorum
reali

reali qualitate præditorum, ergo.

Quintò. In corpore nostro non solum fit calefactio, sed etiam refrigeratio, humectatio, & exsiccatio: aliqua enim minus frigida calefiunt; ut chylus, pituita, cum fiunt sanguis: aliqua calidiora refrigerantur; ut calor cordis, cum respiratione attemperatur; & sanguis, cum fit lac, pilus, membrana, &c. aliqua exsiccantur; ut medulla, cum fit os, &c. Itaque si anima haberet potentiam eminenter calefaciendi; videtur quod etiam deberet habere potentiam refrigerandi, exsiccandi, &c. At illas habere non potest; quia sic haberet potentias contrarias, & sic haberet potentiam sui destructicem, nempe frigiditatem; Ergo sicuti non refrigerat, nec humectat per se, sed mediante temperamento membrorum; ita est verisimile, quod etiam per se non calefaciat, sed solum mediante calore reali: & consequenter, quod per se nullam faciat alterationem.

Sextò. Si anima posset sic eminenter calefacere; posset calefacere externa omnia caloris receptiua: sicut sol qui eminenter calefacit, calefacit omnia calefactibilia; animalia lapides, ligna, &c. At non experimur animam per aliquam peculiarem potentiam calefaciendi externa corpora calefacere; sed calefactionem à nobis in externa promanantem solum fieri à calore reali corpori nostro formaliter inexistente, ergo. Si itaque anima per seipsam non potest alterare, sed solum mediantibus qualitatibus realibus & alterationibus, ergo etiam per se non potest facere ullam substantialem transmutationem: generatio enim præsupponit alterationem. Porro etsi anima non alteret directe per seipsam; tamen potest alterare per accidens; ut inquit Diuus Thomas loco proximè citato: applicando actiua passiuus: id est, per motum localem applicando illa agentia, quibus illæ qualitates reales, & alterationes formaliter insunt. Addo & ego posse alterare mediantibus qualitatibus primis; quibus ipsa utitur tanquam instrumentis: de quo erit conclusio sequens.

Ad argumenta interim respondetur. Animam quidem alterare, sed non alterare eminenter per seipsam, seu

seu per aliquam potentiam vitalem ab essentia eius permanantem, sine qualitatibus realibus: sed solùm alterare mediantibus illis: temperamento, nimirum, partium & calore nativo. Nec aliud probant argumēta ibi allata. Sit ergo

CONCLUSIO VII. Anima mediante temperamento partium & calore nativo potest per se vitaliter & effectivè Alterare & Generare.

Hæc conclusio est manifesta. Nam anima mediante temperamento stomachi, generat chylum: mediante temperamento hepatis, generat sanguinem: mediante temperamento cordis, generat spiritus: mediante temperamento seminis & uteri, producit vivens: ergo generat. Ista enim omnia fiunt per generationem & substantialem transmutationem: Atqui generatio non potest fieri sine prævia alteratione: & idein quod facit generationem, facit alterationem; secundum commune axioma Philosophicum, quod idem est inducens formam, & disponens materiam; ergo anima etiam facit alterationem, quæ illorum generationem præcedit. Quamvis itaque anima per solas suas potentias, seclusis qualitatibus realibus corpori, quæ mixtum est, inexistētibz, non possit alterare aut generare; tamen mediante partium temperamento, potest: quatenus eo vititur tanquam instrumento ad alterandum: ad quod eius potentiz sunt insufficientes.

Pro quo est notandum: primò, quando dicitur animam alterare, non esse intelligendum ipsam solam alterare, ut agens totale, seu agens *quod*; sed solùm alterare, ut agens *quo*: sicut conclusione 2. suprà est ostensum. Id est, non solam animam alterare, sed corpus animatum: sic tamen, ut anima sit ratio alterandi. Anima enim cum sit forma, & forma sit principium agendi principale; sequitur & animam esse principium agendi principale. Vnde quicquid corpus animatum alterat, generat, movet; facit ratione animæ.

Est secundò notandum: non esse dubium, quin corpus animatum possit alterare, quatenus est mixtum; sed de tali alteratione hic non loquimur; sed de illa, quam facit, quæ est animatum. Et sic dico corpus animatum

matum non tantum alterare, quæ est mixtum; sed etiã, quæ est animatum: & sic meritò dico animam Alterare. Verumtamen anima non alterat per se solam, siue non alterat immediatè per suas potentias vitales; sed mediante insuper partium temperamento & calore natiuo, membris corporis inexistente. Et anima non concoquit & coauertit chylum per suam nudam facultatem concoctricem; sed per illam partium temperamento, & calore natiuo adiutam; queis anima vititur tanquam proprijs instrumentis ad alterandum. In quo animaduertente licet differentiam in modo, quo anima corpus Alienum Internum localiter mouet; &, quo alterat: mouet enim per se primò; per solam suam potentiam vitalem: ita vt inter potentiam eius, & partem motam non mediet alia causa: non autem alterat per solam suam potentiam; sed inter potentiam & qualitatem, quæ inducitur, mediat calor natiuus & partium temperamentum. sine quibus potentia ipsa animæ non posset inducere alterationem. Verum dicet aliquis. Si anima non alteret immediatè per suas potentias, sed tantum mediante temperamento, & qualitibus realibus membris corporis eius inexistenibus: ergo ipsa per se non alterat, sed illæ qualitates: & sic corpus animatum non alterat, quatenus est animatum, sed tantum quatenus est mixtum, & quatenus in se habet qualitates reales, quæ formaliter alterant. non aliter, quam alterat ignis per suas qualitates, qui tamen non est animatus. Et sic alteratio illa non potest ascribi animæ, sed tantum partium temperamento: adeoque non est verum animam alterare, aut corpus animatum alterare ratione animæ, aut quæ est animatum; sed tantum quæ est mixtum.

Sed respondeo. Quando anima alterat mediante temperamento partium; non solum alterationem fieri in virtute temperamenti & caloris, sed etiam in virtute animæ: & animam coalterare & cooperari: & præter vim, quam influunt qualitates ipsæ reales in id, quod alteratur, etiam animam peculiarem vim influere, seu in ipsas qualitates, seu in ipsum passum; per quam alteratio aliter fit, quam fieret, si ipsæ tantum alterarent.

Et

Et idem non solum ipsum temperamentum alterare, sed etiam animam illo temperamento ad alterandum vtem. Pro quo est notandum: qualitates dupliciter agere posse: vel in virtute propria, vel in virtute formæ alterius superioris: sic etiam temperamentum partium & calor natiuus, vel possunt agere in virtute propria, vel in virtute animæ, seu vt corporis animati instrumentum. Cum operantur in virtute propria, tum solum simplicem faciunt alterationem: cum operantur in virtute animæ; tum alterant modo tam excelsio, vt, quod alteratur, disponatur ad formam sanguinis, spiritus, seminis, ossis, carnis, &c. Quando hoc modo alterant, tum alteratio non est effectus temperamenti solum, aut caloris natiui, nec est effectus corporis, vt est mixtum; sed insuper est effectus animæ & corporis, vt est animatum. Quod probatur: Quia, si corpus non esset animatum, talis & tanta alteratio non amplius fieret: posito etiam, quod per potentiam diuinam idem temperamentum in mortuo corpore remaneret, quod antea fuerat in viuo. Itaque cum globus plumbeus, qui antea erat frigidus, per corpus transmissus, exit calidus; ille est alteratus à corpore nostro, vt est mixtum, & sola virtute temperamenti: at cum cibus sic est alteratus, vt fiat chylus, sanguis, os, caro; non est alteratus à corpore, vt est mixtum; sed vt est animatum: & est alteratus non virtute propria formalium qualitatum in corpore existentium, sed virtute animæ. A corpore nostro, vt est mixtum, & à qualitatibus virtute propria alterantur, lectus, vestes, corpus & panis, quæ corpori nostro deforis apponuntur: sed quæ sic à corpore nostro alterantur, vt alterentur tali dispositione, quàm nobilissimæ eiusmodi formæ, sanguinis scilicet, spiritus, seminis, &c. consequantur; ea non à solis primis qualitatibus, aut à temperamento, sed ab ipsa anima alterantur. Solæ enim qualitates virtute propria non possunt ea alterare, alteratione eiusmodi formarum susceptible. Et si autem dicam in conclusione animam per se alterare, non propterea dico verè & per se alterare, eminenter calorem producendo: sed dico alterare per se, ad distinctionem alterationum aliarum, quæ ab anima sunt.

fiunt per accidens, mediantibus sanguine & spiritibus, quos ipsa per motum localem diuersis partibus applicat. Dico enim non tantum sic animam alterare per accidens; sed etiam actiue per se influendo, & vitaliter cooperando. Nam in illa alteratione, qua spiritus & humores moti presentia sua alterant; anima non coalterat: sed tantum applicat alterans: & illa alteratio, in quantum est alteratio, est merè physica, & non vitalis. Nam cum humores & spiritus ab anima moti membrum, aut chylum calefaciunt, actio qua illi calefaciunt, non est actio vitalis, sed tantum physica. Mortio equidem eorum est actio vitalis ab anima profecta: sed actio, qua ipsi iam moti, presentia sua alterant, non est vitalis. Proficiscitur enim ab humoribus & spiritibus, ut sunt corpora mixta, & non ut animata: nulla enim anima præditi sunt. Denique talis alteratio est animæ per accidens, & ab anima non est intenta. At cum anima concoquit: illa concoctio, quæ est alteratio, aut alterationem includit; est vitalis: & fit ab anima: & ex intento animæ, utentis partium temperamento, tanquam instrumento ad finem alterandi. Ut autem perfectissimè intelligatur, quomodo anima alteret; dico: animam, formaliter loquendo, non alterare, nec de per se producere vllum gradum caloris, distinctum realiter à gradibus caloris, quos ipsæ qualitates reales corpori inexistentes in se habent. Anima enim de per se, nec eminenter, nec formaliter est calefactiua: sed alterat; quatenus calorem & temperamenta partium corporis illustrat, & eleuat ad effectum nobiliorem; & ijs utitur tanquam instrumentis, attollendo eorum virtutem ad modum alterandi nobiliorem, quam ipsa ex se producere nata sint: ad talem scilicet dispositionem, quam nobilissimæ formæ sanguinis, spiritus, carnis, ossis, &c. subsequuntur: quæ non sequeretur dispositionem, quam ipsa temperamēta, seu qualitates reales propria virtute producere possent. Et sic alterat cooperando ipsi temperamēto, & vim aliquā illi, & qualitatibus primis influendo. Et quæ sic alterantur, dicuntur ab anima alterari & immutari; non ab ipso temperamento: eo quod actiones causas

principi

principali, non instrumentali ascribantur: in illa autem actione, temperamentum non sit agens principale, sed tantum instrumentale: anima verò sit ipsa agens principale. Et talis alteratio, quæ sit virtute animæ, differt ab alteratione, quæ sit à solo temperamento; in eo, quod illa, quæ ab anima fit, sit actio vitalis: quæ vero à solo temperamento, sit solummodò physica & naturalis.

CONCLUSIO IIX. Anima illo modo alterat corpus Alienum Internum per potentiam Concoctricem.

Omnis ergo alteratio, quæ sit ab anima, est Concoctio: & per nullam aliam potentiam anima alterat, quàm per concoctricem. Illud autem quod ipsa alterat, est corpus Alienum Internum: id est, substantia ab anima non informata, intrà corporis peripheriam contenta. Anima enim nec alterat corpus Proprium, nec corpus Alienum Externum; quia non concoquit illa: omnis enim eius alteratio est concoctio: sed tantum Alienum Internum: & illud quidem non omne, sed tantum, quod est concoquibile seu alterabile eiusmodi alteratione vitali. Tale autem est alimentum. Ex quo sequitur, animam nihil alterare, nisi alimentum. Alimentum autem est duplex, aliud remotum, ut cibus: aliud propinquum, ut chylus, sanguis, humores, spiritus. Itaque hæc omnia anima alterat, ut vel in corporis substantiam, vel in spiritus, qui sunt corporis necessarium instrumentum, conuertat. Alterat anima etiam medicamenta, excrementa: sed non ut talia, sed ut alimenta: in quantum ea studet in alimentum conuvertere: alterat enim illa cum intentione concoquendi, assimilandi, etsi in sua intentione fallatur. Multa alia in corpore nostro alterantur, quæ non sunt alimenta; ut calculi, globus deglutitus, &c. sed, ut dixi, illa non alterantur vitaliter, nec ab anima aut à corpore, ut est animatum; sed tantum ut est mixtum, & ut est calidum: cum non sint concoctibilia: & nihil anima alteret, nisi quod est, vel simpliciter, vel secundum quid, concoctibile.

Modò quæritur. An anima etiam corpus Alienum
possit

possit mouere motu secundum Locum .

Et videtur quod Non. Arist. 2. de anima text. 26. dicit animam non posse mouere quodcunque corpus, sed tantum proprium. Pariter D. Thomas part. 1. quæst. 117. resp. ad 4. quærens: an anima separata possit corpora localiter mouere, respondet quod non: & probat ex eo, quod anima coniuncta corpori non possit mouere, nisi corpus quod viuificat: vt ex eo, inquit, patet, quod brachium mortificatum amplius mouere non possit, propterea quod illud non amplius informat. Quasi diceret: si anima posset mouere, quod non informat, posset mouere brachium gangrenosum, sicut mouit antè, cum esset sanum: at illud non posset mouere: & non videtur esse ratio, cur illud post non moueat, cum antea mouerit; nisi quia antea informabat, postea non: ergo ratio mouendi est ex eo, quod sit forma. Cuius ergo non est forma, illud non mouet. Sic & Gregorius de Val. disput. 8. quæst. 8. puncto 2. & Zoares in Metaphys. etiam tenent animam nihil posse mouere, nisi quod informat; & multi alij Philosophi tenentes animam nihil posse mouere, nisi quod informat, & tamen videntes sanguinem ita ad nutum animæ moueri, consequenter debuerunt dicere, & dixerunt, sanguinem & spiritus esse animatos: At non sunt animati, secundum communem sententiam medicorum; vt patet ex eo, quod non sint organici; sint fluidi; non sint toti continui, Ergo non possunt sic ad nutum animæ moueri.

Secundò. Videtur probari ratione. Nam si anima posset mouere, quod non informat, posset omnia, quæ in corpore sunt, sic mouere: imò etiam posset mouere externa; sed non potest, ergo.

Tertiò. Quæ anima non informat, ea non tangit; quæ non tangit, non potest mouere: nam ad actionem requiritur contactus: alienum corpus non informat, nec consequenter tangit, ergo.

CONCLUSIO IX. Anima etiam potest corpus Alienum Internum, seu aliquid, quod non informat, intrà suum corpus contentum Mouere.

Pro quo sciendum est, certum esse in corpore nostro

B

ratione

ratione animæ multa moueri, quæ ab ipsa anima non informantur. Etenim cibus ab ore mouetur ad ventriculum: chylus à ventriculo ad hepar: sanguis & spiritus in animi passionibus per vniuersum corpus: excrementa per omnia intestina, renes, vesicam, asperam arteriam, oesophagum, in deiectionibus, tussis, vomitu: fœtus emittitur in partu: globus per os deglutitus per vniuersum corpus descendit: non quidem sola gravitate, sed mouente anima. Nam in intestinis sapientissimè sursum ferri debet: quod ab eius naturali gravitate fieri non potest. Illa omnia mouentur ab anima, & ratione animæ: quia, si corpora essent mortua, illa non amplius mouerentur: atamen ab anima non informantur. Ergo anima multa mouet, quæ non informant. Sed difficultas est de modo, quo ea mouere possit: & an illa omnia moueat eodem modo. Pro quo est notandum secundò: animam posse mouere aliqua motu quodā Materiali & Corporali; aliqua Spiritualiter & per nudū imperium. Tūc mouet anima res aliquas motu corporali; quando partes animatæ seipsas mouendo, seu, quod idē est, ab anima motæ, corporali quadā trusione res illas intra se contentas, quas corporaliter tangunt, protrudunt: sicuti ego corpore meo protruderem vnā trabem aut currum, quem cōtingerem. Nō est autem dubium, quin anima possit tales res in corpore existentes sic mouere, etiamsi eas non informet: id est, non est dubium, quin tales res in corpore existentes possint moueri ratione animæ in corpore existentis, etiamsi ipsæ nō sint animatæ. Quid nī enim possint? Si enim vna res inanimata in alteram irruens & incumbēs, potest eam localiter mouere; & si ego motu animali membrorum meorum externorum, proñciendo & trudēdo, possum ligna & lapides inanimata, extra me existentia mouere: cur anima motu membrorum interiorum non possit etiam res interiūs contentas sic trudendo mouere? Tali motū multa in corpore mouentur: sic mouetur in partu fœtus: mucus in emūctione & sternutatione: alimentū & humores in vomitu: spūta in tussis: excrementa in alui deiectione & mictione: cibus in deglutitione, &c. In partu, alui deiectione, mictione; muscoli abdominis

minis constringuntur & coarctant uterum, vesicam,
 intestina: hæc ipsamet quoque propria virtute se con-
 stringunt, & constringendo seipsa, quod in eis conti-
 netur, corporaliter excludunt. In sterminatione, vomit-
 u, tussi, musculi thoracis constringuntur, & constri-
 cti elidunt & expellunt aërem: simul ipsæ partes con-
 tinentes, cerebrum, pulmo, stomachus constringun-
 tur, & sursum seipsas attollunt; & attollendo corpora-
 liter, quod in eis est, extrudunt. Tali corporali motu
 omnis illa moueri censenda sunt, quæ ope fibrarum
 interius in quacumque corporis parte attrahuntur vel
 expelluntur. Ab anima enim illæ fibræ spiritualiter pri-
 mò mouentur; ipsæ vero motæ, corporaliter tum sibi
 contigua quoque mouent: Mouet itaque anima corpus
 suum spiritualiter: mouet enim illud primò & immedia-
 tè, intellige, nimirum, primò Principaliter; quia mouet
 illud mediantibus suis potentibus: quæ non concurrunt
 principaliter, sed tantum instrumentaliter. Sed sic
 mouet suum corpus primò; quod nullum corpus al-
 liud moueat prius; quo moto postea ipsum corpus cor-
 poraliter moueatur. Nam errant illi, qui dicunt ani-
 mam primò mouere spiritus, spiritus verò motos mo-
 uere partes: quod Picolomineus in Physicis lib. de po-
 tentia motiua dixit. Fateor quidem unam partem mo-
 tam, bene postea mouere aliam eiusmodi motu corpo-
 rali: sicut cum musculi contracti, trahunt ossa & artus
 sibi alligatos: sed tamen pars quæ primò mouetur, ita
 spiritualiter mouetur. Verum difficultas est. An anima
 possit spiritualiter, ac quasi per nudum imperium facul-
 tatis alicuius ad hoc destinatæ; seu expultricis, seu at-
 tractricis, seu fortè alicuius distributricis; aliquid in
 corpore mouere, quod non informet: & nomina-
 tum; An anima sic mouere possit sanguinem & spiri-
 tum & an de facto illi sic moueantur: seu an sanguis &
 spiritus moueantur per corpus à fibris venarum, ner-
 uorum, & partium similarium corporaliter trahi, an
 verò per imperium moti.

CONCLUSIO X. Anima potest directe & per
 se primò & immediate mouere Spiritum & Sanguinem
 sine adminiculo corporis instrumenti.

Hoc probatur imprimis à posteriori, hac ratione. Quæ sic mouentur corporeis instrumentis, non mouentur nisi certo modo, & ad certam positionem, eò scilicet versùs, quò partis trussio & compressio vergit: partes enim tantùm comprimuntur determinato modo: habent enim fibras suas certo & determinato modo positas. quapropter vt ad determinatum tantùm modum moueant est necessum. At contrà sanguis & spiritus mouentur vndique, ergo.

Secundò. Quæ sic mouentur, ea mouentur lentè & vicissim: prout opus est successiua partium omnium continuarum compressione; quæ non potest in instanti fieri: At sanguis & spiritus simul, & semel, & subito mouentur: vt patet in animi passionibus; in veneris imaginatione, &c. Ergo non sic mouentur.

Tertiò. Arteriæ & venæ non sic comprimuntur, vt earum compressione dici possit sanguis moueri. ergo sanguis non sic mouetur. Antecedens probatur. Si venæ ita constringerentur; videretur vel sentiretur talis aliquis motus in venis: nam cum alimentum mouetur per œsophagum; cum excrementa alui eijciuntur: vrina è vesica exit; sentitur talis constrictio & corporalis motio: Atqui talis in venis & arterijs non sentitur, ergo. Denique lubrica & lenis conformatio venarum & arteriarum non videtur indicare, sanguineam fibram, tanquam cataractarum quarundam constrictione & laxatione ita retineri, emitti, vel attrahi.

Quartò. Si eiusmodi fibrarum vel vasorum constrictione & laxatione, & corporali trussione spiritus & sanguis mouerentur: quando attrahitur, expellitur vel retinetur spiritus; deberet etiam expelli vel attrahi sanguis, & contrà: & deberent semper eodem motu moueri. Quando enim extruditur vnus, deberet & extrudi alter: propterea quòd in eisdem vasis contineantur: & eodem tempore non possint diuersæ fibræ sic constringi, vt vna tradat vnâ rem sursùm, alia aliam deorsum. At necessum est, vt sæpe inæquali, diuerso & omninò contrario motu moueantur. ergo non sic mouentur. Denique per easdem venas melearicas defertur eodem tempore chylus sursùm ad hepar, vt in sanguinem coauct.

conuertatur; & sanguis deorsum, vt intestina nutriat. Hoc fieri nō posset, si eiusmodi corporali membrorum motu mouerentur, ergo.

Quintò. Sanguis & spiritus non possent sic à partibus protrudi. Nam cum sint tenuissimi & fluidi, effugerent conatum partium, eos protrudere conantium.

Sextò. Quia talis per corporalem trusionem motus non videtur posse locum habere in vena caua & arteria aorta, quæ semper hiant & sunt valdè magnæ. Nam si per compressionem earum sanguis & spiritus mouerentur, ipsæ deberent omninò constringi: alioqui hi non possent sic extrudi.

Septimò. Quia, etsi per motum corporei organi videatur aliqua ratione expulsio & protrusio fieri posse; tamen non videtur illo modo fieri posse attractio: Atqui attrahitur sanguis & spiritus in membra pro nutritione. Ergo non per talem motum corporeum.

Octauò. Partes similes non sunt organicæ, nec figura præditæ: itaque non habent omnis generis fibras, quibus operationes suas exerceant: sed instrumentum operationum earum est solum temperamentum: Atqui eæ attrahunt sanguinem & spiritus, & retinent & expellunt, ergo non per fibras, vel corporeum vllum instrumentum; sed solo nutu & imperio animæ, adiuto potentijs proprijs & partium temperamento. Confirmatur. Eius, quod nutritur vnaquæque minima pars nutritur; at vnaquæque minima pars non habet fibras ad attrahendum, & retinendum & expellendum: cum vnius partis minimæ non sint plures alię minimæ. ergo solummodò expelluntur & attrahuntur spiritaliter, solo animæ iussu. Confirmatur secundò. Alimentum ab ipsis plantis è terra attrahitur, solo animæ vegetantis imperio, sine vllò motu corporeo aliquarum particularum. ergo & in animalibus: Si in sol. dis partibus sanguis ea ratione mouetur. ergo etiam in vasis eadem ratione moueri est censendus.

Probatur etiam à priori. Etenim sanguis & spiritus sunt partim instrumentum, partim corporis alimentum: Quatenus sunt instrumentum, necessum est, vt ad animæ nutum moueri possint: de ratione enim instru-

menti est, ad nutum causæ principalis dirigi posse, alioquin non esset instrumentum; præcipue verò naturæ spiritus conuenit, quàm promptissimè in omnem partem moueri posse. Quatenus sunt alimentum, debuerunt quoque nutui animæ obedire, vt in omnes partes glèdas commodè ferri possent: At si per corporea instrumenta mouerentur, non possent ita commodè moueri, nec possent nutui animæ obedire: ille enim motus valde tardus & molestiæ plenus esset. Ergo.

Secundò. Cum alimentum debuerit in omnes partes deferri, si sanguis & spiritus illa ratione mouerentur, necessariò per vniuersum corpus debuissèt corporea instrumenta motui illi seruientis fuisse constituta: at hoc fieri non potuit; itaque necessum fuit eos sic spiritaliter ad animæ nutum moueri. At dicet aliquis: si sanguis & spiritus ita mouerentur ad nutum animæ; possent moueri, quò vellemus: sed sic non mouentur, ergo. Sed respondeo: negando sequelam. Nam mouentur quidem ad nutum & imperium animæ; sed non propterea ad imperium phantasie aut voluntatis, sed ad imperium quoddam naturale alterius potentie naturalis, seu expulsiuæ, seu attractiuæ, seu distributiue: quæ non sequitur in mouendo facultatem cognoscitiuam aut appetitiuam, sed mouet certo modo sibi ab authore nature præscripto: cuius imperium naturali quodam instinctu sanguis cognoscit.

CONCLUSIO XI. Non tantùm spiritus & sanguis, sed adhuc alia in corpore nostro ab anima spiritaliter moueri videntur.

Sic partes similes attrahunt omne suum alimentum etiam prauum sic etiam excrementa sua expellunt per solam vim expultricem temperamento adiutam; sine partium aut fibrarum vlla contractione: sic vrina quoque à renibus, bilis à folliculo fellis, melancholia à liene videntur trahi & tracta denuò in intestina & stomachum amandari.

Ad argumenta ergo in principio quæstionis posita respondetur. Ad authoritatem Arist. verum esse animam nihil mouere, nisi corpus proprium: at per corpus proprium non tantùm intelliguntur membra animata, sed

etiam

etiam spiritus & sanguis, quos ubique Arist. in libris de generatione & partibus animalium, sub corporis partibus comprehendit. Ad D. Thomam respondent Conimbricenses 1. de Generatione cap. 4. quest. 24. art. 3. resp. ad 2. argumentum non tenere & posse animam etiam mouere ea quæ non informat. mouet autem, inquit, anima sanguinem & spiritum; non vt instrumentum coniunctum: quomodo nõ mouet, nisi quod informat, sed vt instrumentũ remotum: quomodo etiã potest mouere quod non informat. Vnde et. am bene Valef. in lib. de sacra Philosophia dicit, animam sanguinem spiritualiter sine instrumentis corporeis ad nutũ mouere, etiã si ipsum non informat: in quo ponit quandam diuinitatem & singularem sanguinis cum anima sympathiam: quod cum eum non informat, possit nihilominus sic ad mandatum mouere. Et cur non possit anima mouere illud, quod non informat? Sanguis enim & spiritus sunt animæ instrumentũ, & corporis alimentum; de ratione autem eorum est, vt & ad nutũ moueri & dirigi ab agente principali & à mēbris nutr. endis possint: vt valeant eorũ vsibus inferuire. Neque poterāt per instrumēta corporea moueri: quia impr. mis illa ubique & in omnibus partibus similaribus esse non poterant: secũdò, quia ille motus minimè fuisset expeditus, sed valde molestus: spiritus verò debēt esse ad omnem vsum paratissimi. Ita vegetatiua plantæ attrahit succum terrę pro alimento, qui tamen est externus, & quẽ non informat & sine corporei instrumenti constrictione vel trusione in summã vsque arborem trahit, spiritali quadam motione: cur non & animæ superiores eandẽ mouēdi sui alimenti efficaciam habere dici possint? Forma magnetis trahit ferrum; ambra paleam; pharmaci humorem peccantem, & tamen nulla istorum informat illud quod trahit.

Ad secundum Respondetur: negando sequelam. Nã sanguis & spiritus & quæ in corpore sunt, & iã sunt animæ instrumentum & propinquum alimentũ, ab anima vim & impressionē receperūt, quã idonea facta sunt ad eiusmodi animæ imperium recipiendum: quæ extra corpus sunt, multaque alia in corpore existentia quæ

à corpore non sunt alterata, non itē. Quod anima gra-
gremiosum brachium non ampliùs moueat: equidem est,
quia illud non ampliùs informat: Sed non sequitur; quia
illud non ampliùs informat, idē non mouet, ergo alia,
quæ etiam non informat, itidem mouere non poterit.
Nam alio modo mouet corpus proprium: alio modo
eā, quæ in corpore continentur, eiusque tantū vel
sunt instrumenta vel alimēta. Illud mouet, quā est for-
ma eius: hæc verò alio modo.

Ad tertium dico: animam tantū tangere contactu
virtutis: quod sufficit vt illa valeat mouere.

Atque ista sic se habent ordinariē & secundum natu-
ram in omnibus corporibus. Legimus autem præter
communem cursum naturæ aliquos aliquando in ra-
bilem & in proprium corpus & in ea quæ in corpore
continentur, efficaciam & virtutem habuisse. Narrat de
quodam Auicenna, qui cum vellet, corpus suum para-
lysi afflicebat. Scribit D. Augustinus de quodam, qui
pures vnā vel ambas pro arbitrio mouebat: de alio,
qui totam suam cæsariem toto corpore immoto, quan-
tum cap illi occupabant, ad frontem deponebat reuo-
cabatque cum vellet. Illud etiam penē omnem, inquit,
fidem superat: quoddam eorum, quæ deglutisset
plurima & varia paulatim contractis præcordijs, quasi
de sacculo, quoddam placuisset, proferebat. Refert idem
quendam sudare potuisse cum vellet: alium lachrymas
pro libito prompsisse. Narratur, inquit, & presbteri
cuiusdam Rostiti nomine, vis naturæ admiranda: qui
cum volebat, sese abducebat à sensibus, & iacens mor-
tuis hominis ostendebat speciem: vt non solū vellican-
tes & pungentes non sentiret; sed etiam admoto igne
vreretur, sine villo doloris sensu. Quibus exemplis in-
dicatur nonnullos excrementa & humores in corpore
suo contenta & partes etiam aliquas per imperium vo-
luntatis mouere potuisse. Nam qui se paralyti afflicie-
bat, videtur hoc debuisse facere humores internos in
spinam & nervos mittendo, & inde iterum educendo.
Qui se in extasi promouebat; debet hoc fecisse hu-
mores pituitosos in cerebri ventriculos & substantiam
agendo, & inde, cum placeret, educendo; Qui pro libito
sudabant

sudabant & lachrymabantur; serum pro imperio mouendo. Hæc exempla referens Cælius Rodiginus lib. 20. cap. 15. mirabilem animæ in proprium corpus vim fatetur, & corpus animæ imperio plurimum obedire: sed quod sit forma per se subsistens & non indigens peregrino adminiculo. Verum ista non arguunt admirabilem animæ in corpus efficaciam, sed potius particulares aliquorum hominum proprietates, & singularem corporis conformationem: quæ non eodem modo est in vno, sicut in altero. Illa enim potius pendent à peculiari quadam membrorum conformatione: quæ non semper in omnibus est eadem. Aliqui habent aliquas partes magis musculosas, quàm alias; aut habent musculos in aliqua parte, in quâ non habent ordinariè alij homines: & tales possunt mouere vnam partem, quam non mouent alij. Sic asini, equi, mouent aures, homines nō: quia in asinis & equis peculiares muscoli aurium motui sunt destinati, in hominibus non. Canes erigunt pilos & aues plumas suas, & histrices pinnas; homines minimè: equi mouent & concutiunt totam cutem, homines non. Quod sit, quia eorum omnium cutis non est ita firmiter corpori adnata, & magis musculosa: & idè eam mouere possunt, & mouendo mouent ea quæ illi inhærent. Animalia ruminantia cibum deglutitum ad os possunt reuocare: quod homo non potest. Quæ omnia fiunt, non ex imperio animæ super corpus, aut ea quæ in corpore continentur; sed ob peculiarem membrorum conformationem. Sed fortè etiam aliqua eorum arte magica contigerunt, aliqua fraude & dolo; aliqua forte etiam non sunt vera, sed ex relatu & fama hominum narrata. Idè non est exemplis omnibus adhibenda fides.

Restat videre. An anima etiam valeat mouere corpora Aliena Externa: siue corpora quæ non informant, extra suum corpus proprium constituta ac Remota. Et videtur equidem quoddam sic Primùm Authoritate. Etenim Auicenna 4.6. naturalium cap. 6. quem secuti sunt Algazel, Albertus Magnus, Marsilius Ficinus, Pomponatius, Paracelsus & alij, adè magnam vim animæ & imaginationi adscripsit, vt dicat eam non tantum in

corpus proprium, sed etiam in corpora externa & longè disita agere posse: ea non tantùm alterare, fascinare, & agitudinibus afficere, sed & loco mouere posse: addèd vt hominem longè remotum ex equo deicere, & tēpestates & pluias excitare, & consequenter nubes & vapores (sine quæ illæ excitari non possunt) localiter valeat agitare & mouere.

Probatur Secundo Ratione, Intelligentiæ agunt & operantur per intellectum & voluntatem, vt est communis Scholasticorum & etiam Arist. in libris de Cælo sententia: & per ea possunt corpora mouere. Sic intelligentiæ mouent orbis, prosternunt exercitus, mouent elementa & nubes, vt de diabolis est manifestum; corpora assumunt, &c. Atqui anima est etiam intellectus & voluntate prædita & similis supernis intelligentiis. ergo etiam per easdem potentias potest operari, & quidem etiam in corpora externa.

Tertiò. Anima, vt supra dictum est, potest mouere corpora interna, quæ non informant: ergo etiam potest mouere externa. Probatur sequela. Quia, quod anima non posset externa mouere, sola ratio esse videretur, quod illa non informaret: sed illa ratio non valet, quia aliqua interna etiam non informat & tamen mouet. Ergo etiam externa mouere potest, etsi non informat.

Quartò. Magnes mouere potest corpora externa à se remota. Ergo videtur quod & corpora animata idē poterunt. Probatur sequela. Nam corpora animata habent formam & essentiam nobiliorem, quàm magnes: anima enim est multò excellētior forma, quàm sit forma magnetis: At quæ essentiam habet nobiliorem, ea videntur quoque & modum agendi debere habere perfectiorem. Ergo. Sit

CONCLUSIO XII. Anima non potest directè & per se ac immediatè Corpus Alienum Externum siue Remotum mouere.

Pro cuius intelligentia est Notandum: animam dupliciter posse corpora externa mouere. Primò, vt causā moralem: sic enim suadendo, rogando, mirando, perterrendo, potest esse causa, vt res externa moueatur: sic minando possum facere vt homo aut canis, qui antea quiesce-

quiescebat, moueatur & à me aufugiat & currat, etiâsi quam maximè esset remotus: perterrefaciendo possum facere, vt qui in alto tecto stat quietus, tremat & cadat: rogando & blandiendo, facere vt qui stat inferiùs, ascēdat fursùm, volutetur, veniat ad me, abeat, proficiascatur Romam, &c. Sed de tali causalitate nos hic non loquimur, sed de causalitate physica, qua anima externū corpus propria virtute & effectiue possit mouere. Secundò potest etiâ corpora mouere per accidens: mouēdo propriū suum corpus: quo moto aliud ei substantialiter cōtiguū corporaliter impellitur, protruditur, vehitur, aut circumagitur. Sic possum hominem, lapidem, baculum impellere, attrahere, vehere, lapidem proicere, currum agere, &c. Et de tali motione nō est quæstio. Sed hic est quæstio. An anima per se, non mediâte motu locali corporis sui aut partium eiusdem, possit effectiue per imperium & immediatè corpus aliquod Externum mouere: & de tali motu est intelligenda Conclusio.

Et probatur primū Authoritate. Nā Arist. 2. de Anima, text. 26. dicit animā non posse mouere quodcunque corpus, sed tantū propriū. Et D. Thom. 1. part. quæst. 117. responsione ad 4. quærens, an anima separata possit corpora localiter mouere, respondet quod non. argumento, quod anima coniuncta non possit mouere nisi quod informat. Quibus verbis manifestè indicat, quod saltem externum corpus nulla ratione mouere possit. Hoc etiam docent Valentia disp. 8. quæst. 8. puncto 2. Zoares, Conimbricenses, Valesius in sacra philosophia, & breuiter est communis opinio omnium Peripateticorum.

Probatur etiam Experiētiā: quia videmus nos nullam rem externam posse virtute animæ nostræ mouere, nisi quatenus illam tangimus & corporaliter protrudimus aut quaqua ratione mouemus: per solam autē rei visionem, vel cogitationem, vel imaginationē de ea, vel voluntatē mouendi illam; videmus quod eam nunquā mouere possimus. Quantumcumque enim quis diu lapidē inspiciat, aut de eo cogitet, aut habeat voluntatem eum mouendi, nunquam mouebit eum: vt nequidē vel minimā plumam. Imò tantum abest, vt externā rē mouere

uere possimus, vt nequidem partem propriam corporis gangræna aut paralyti affectam, quantumcumque eam mouere desideremus, & de mouenda cogitemus, mouere valeamus: vt iam supra ex D. Thoma est allatum.

Ad Argumenta Respondeo. Ad authoritatem Aui-cennæ, Algazelis, & aliorum: illos fuisse nimis superstitiosos in extollenda animæ & imaginationis virtute & ea ascripsisse Imaginationi, quæ sunt ascribenda virtuti Diabolicæ. Nam cum viderunt & audierunt aliquos homines mirabilia supra naturam fecisse, non habentes adhuc illam notitiam maleficiorum & artis magicæ, vt nunc habemus, putauerunt eos illa facere per vim suæ animæ & imaginationis, cum fecerint virtute diaboli. Alij eorum fuerunt homines Magici & superstitiosi, qui ided dixerunt animam tanta posse, vt illo pallio regerent impietatem artis, quam profitebantur. Quod si anima haberet virtutem res externas mouendi, vtique illa potestas omnibus animatis indita esset: at nemo hodie talia virtute animæ facere potest, nisi sit magus. ergo. Nec valet, quod ipse tacite occurrens obiectioni, dicat: non omnes talem virtutem habere, sed eos tantum, quorum animæ sunt nobiliores, & à terrestri facie magis separatæ, & sub felici siderum cōstellatione creatæ & ab ijs influxum adeptæ quia imprimis virtutes cælestes in animam, vt pote spiritus tualem influere non possunt, vt infra dicetur: secundò; quia, si aliqui homines talem potestatem haberent, maximè haberent viri sancti, ingeniosi, & docti: tales enim (quando animæ alijs alijs possent esse perfectiores) viderentur meritò eas præ alijs habere excellentiores: At nullus hodie est, quantumcumque sapiens vel sanctus qui vel festucam quidem extra se sine tactu corporali, solo animæ nutu & imperio, mouere possit. ergo.

Ad secundum Respondetur. Id esse: quia illæ sunt substantiæ separatæ, solo imperio intellectus & voluntatis (quæ nulli corpori alligantur) mouentes: At anima nostra, etsi sit quidem separabilis, in hoc tamen vitæ statu est corpori immersa, & per ipsam determinata ad suum corpus: sic vt eius virtus motiua non sit generalis & indeterminata sicut Angelorum; sed ita determi-

nata

nata ad illud, vt nihil mouere possit, nisi vel illud ipsum, quod informat; vel, quæ habent necessariam cum illo connexionem, in esse instrumenti vel alimenti, &c. Si anima posset agere per imperium intellectus & voluntatis, qui sunt immateriales; & ad nullum mobile specialiter determinati; posset fortè, etiam externa quæuis mouere: & idè fortè separata etiam alias res præter corpus suum mouere potest: at in corpore limitatur & astringitur sic, vt non possit agere, nisi per potentias quas in materia habet, seu per potècias materiales: Atqui in corpore animato non sunt tales potètiæ, quæ possint res externas mouere. quare mirum non est, si eas mouere non possit. Quod nullæ tales sint in nobis potètiæ, probò: Quia potètiæ quæ in vuentibus sunt Motiuæ; vel sunt potentia Loco motiua Animalis; vel potètia motiua Naturalis, vt expultrix, attractrix, aut aliqua forte distributrix; At potentia Loco motiua non potest mouere nisi per musculos & nervos: & sic non potest mouere, nisi illa ad quæ illi pertingunt; illi nò pertingunt in res externas, itaque illas non potest mouere. Aliæ potètiæ, vt expultrix, attractrix, ad certas quoque res & certos ductus & organa & organorum temperamenta sunt determinatæ, Ergo voluntas in nobis sicut in Angelis non est effîcax, sed corporis coniunctione ita est ligata, vt inmediate non operetur, sed solum per aliam potètiã materialem; nempe loco motiuam: per quam solum determinatur ad illud mouendum, quod illa potètia proximè executiua mouere potest. Et de facto patet, quòd voluntas non sit per se motiua: quia si loco motiua animalis sit læsa, voluntas quantumcumque desideret, ne minimam quidem partem mouere potest; vt in paralyticis patet.

Ad tertium Respondetur, negando sequelam. Etenim anima operatur per potètiã, quæ in sua operatione dependet à certo temperamento, certis ductibus & canalibus: quæ in corpore sunt, extrà verò non sunt. Ad probationem Respondetur etiam negativè; Ratio enim cur anima non moueat, non est solum, quòd ea nò informat, sed quia nec ea informat, nec illa impressionem ab anima receperunt; quæ sint facta idoneum corporis

corporis instrumentū vel alimentū, vel idonea ad eiusmodi animæ vim motiuam recipiendam. Hinc mouet nonnulla, non quia informat, sed quia talem essentiam acquisierunt, per quam sunt facta apta moueri.

Ad quartum Respōdetur, quod non impediat, quin anima potuisset habere potentiā etiam externa mouendi, si ita Deo placuisset, sicuti magnes habet. sed id eodē nō placuit; quia dedit viuentibus sufficientia media ad omnia pro naturæ suæ exigentia exequenda, etiam si talem res externas mouendi potentiā non habeant. Dedit enim eis in vicem illius, potentiā loco motiuā, quæ spontē ad res externas, quās mouere habent, progredi possint, vt eas quantitatiuē tangant & sic moueant: etiam si de longē solo nutu mouere nō possint. Potuisset itaque animæ vim illam dedisse, sicut & Angelis, si voluisset; sed non voluit. Voluit autem hominē intra certos quosdam terminos perfectionis creare, quibus Angelis essent inferiores.

Sed an anima potest corpus Externum Alterare? Sit

CONCLUSIO XIII. Anima non potest etiā Alterare corpus Externum; id est, corpus animatū quā est animatum, non potest alterare corpus externum. Si non potest Alterare, ergo etiam non potest Generare.

Hanc conclusionem tenet D. Thom. part. 1. quæst. 117. art. 3. & probatur. Anima non potest operari, vbi nō est: extra corpus non est, ergo ibi non potest operari. Sciendum itaque est, corpus animatū benē posse corpora externa alterare sed nō potest ea alterare, quā est animatū, sed tantū quā est mixtum. Sic corpus meū calefacit vestes, lectum, alia corpora adiacentia: sed ea non alterat vitaliter ratione animæ aut in virtute animæ; sed solum physicē & in virtute qualitatū quæ ei inexistunt. Nō aliter, quā lapis & ferrum calida, ea alterarent: quæ tamē non sunt animata. Et sic temperamentum & qualitates mei corporis alterant corpora illa in virtute propria & non in virtute animæ, nec quicquam anima in illa alteratione cooperatur aut influit: & idē talis alteratio non est actio vitalis, sed tantum physica: & illa corpora, quæ sic alterantur, non aliter alterantur, quā a quouis corpore inanimato possent alterari.

Et

Et ideo non alteratur nisi simplici alteratione: & solummodò calefiunt aut refrigerantur: nunquam autè in chyli, sanguinis, spiritus, seminis aut membri naturam conuertuntur, sicut conuertuntur illa, quæ vitaliter interius ab anima alterantur.

Dicit aliquis, Alterantur à corpore animato, quia est animatum: quia quæ à corpore animato de foris alterantur, tantum acquirunt calorem: At calorem habet corpus ratione animæ, Ergo etiam ratione animæ acquirunt illum. Sed Respondeo esse per accidens ad calefactionem, quod calor ille corpori insit ratione animæ: non enim refert à quo corpus habeat calorem, an ab anima an ab alio: sufficit quòd illa calefactio non fiat virtute animæ, quia etiam si per potentiâ Dei anima à corpore auferretur, & corpus nihilominus calidum remaneret, eodem modo res externæ ab illo corpore calefierent, sicuti calefiebant, cum anima præditum esset. Etenim non tantum corpora animata externa corpora calefaciunt, sed etiam refrigerant. Sic vnus homo frigidus alium calidum sibi adiacentem refrigerat: at non refrigerat in virtute animæ, sed in virtute suæ qualitatis. sicuti ergo illum non refrigerat in virtute animæ, cum ipse est frigidus: ita etiam non calefacit in virtute animæ, cum ipse est calidus. Accedit, quòd nequidem corpus calorem habeat ab anima, sed potius animam à calore: etsi ante animam inductus calor postea à succedente anima conseruetur.

Potest porro anima adhuc alia ratione esse causa alterationis in corporibus externis: nempe, vt causa moralis: metum & gaudium seu verbis seu gestibus incutiendo: per quæ motus in varia hominibus, ipsa variò modo alterantur, rubent, pallent, tremunt, &c. vel etiam motu animali suorum membrorum: actiua naturalia eis applicando. Quo modo possum aquam facere calidam: motu manuum mearum ignem ei applicando. Sed de eiusmodi alterationibus per accidens nos hic loquimur.

Constat hunc ex prædictis in quæ corpora anima habeat actiuitatem, & quo motu ea valeat mouere. Recte fiat videre.

QVÆSTIO III.

*Per quas potentias illos motus & actiones
exerceat?*

CONCLUSIO XIII. Anima nihil immediata operatur per seipsam, sed per Potentias sibi superadditas. Potentiæ autem tantum sunt animæ Instrumenta; anima verò est ipsa causa Principalis.

Hæc conclusio est D. Thomæ part. 1. quæst. 77. art. 1. quem sequuntur plerique Theologi & passim Philosophi, dicentes, non tantum animæ hoc non competere ut per suam substantiam agere possit, sed nequidem vili creaturæ, sed soli Deo, qui est simplicissimus, & cuius idem est esse & agere. Hinc dicunt, nequidem Angelos per suam substantiam agere posse, sed tantum per intellectum & voluntatem, tanquam potentias operandi substantiæ superadditas. Hinc est, quod Arist. animæ potentias adscripserit, per quas operetur: hinc omnibus substantiis potentia & qualitates tanquam instrumenta actionum ascribuntur. Ignis dicitur agere, non per suam substantiam, sed per calorem: magnes trahere ferrum; non per seipsum, sed per potentiam attractivam: anima videre, non per suam substantiam, sed per potentiam visivam; audire per potentiam auditivam; concoquere per potentiam concoctricem, &c. Etenim substantiæ sunt indifferentes ad omnem operationem: quare necessarium est, ut per potentias sibi superadditas ad hanc vel illam prædendam terminentur. Quod si pro omnibus alijs operationibus; visu, auditu, intellectu, imaginatione, memoria, peculiare potentias habere anima debuit; certè multò magis habere debuit ad Mouendum & Alterandum. Etenim actiones cognitivæ sunt animæ propriæ: hæ animæ etiam cum alijs rebus naturalibus communes. Sicut ergo res naturales non possunt illas sine peculiaribus potentijs exercere, ita quoque non est mirum si neque anima possit. Illæ enim sunt immanentes, hæ transcunt: facilius autem videtur anima immediate
per

per suam substantiam edere posse actiones immanentes, quàm transeuntes: cum ergo non possit illas, utique neque has.

CONCLUSIO XV. Anima non mouet corpora omnia Localiter per eandem Potentiam, sed per diuersas.

Potentia illæ duplices sunt: alia Animalis Medicis dicta, Philosophis Motiua voluntaria seu Progressiua alia Naturalis, siue inuoluntaria Animalis est, quæ in cerebro residet & per nervos toti corpori communicatur. Hæc potentia sequitur sensum & appetitum & obedit voluntati & potentia appetitiua, & ab his in opus excitatur: & edit actionem suam per nervos & musculos, & sine illis nihil omnino potest mouere: & solis inest animalibus, minimè verò plantis. Talis est, per quam brachia & crura mouentur. Facultas motiua Naturalis, est facultas quædam, quæ non sequitur sensum & appetitum, nec voluntati aut appetitiua parit, sed est inuoluntaria: & sequitur quandam inclinationem naturalem, per quam excitatur ad aliquid motu suo fugiendum vel prosequendum. Hæc facultas non est simplex, sed variae sunt eius differentiae: aliae omnibus partibus insit: aliae aliquibus peculiæres. Alia est facultas naturalis motrix cerebri: alia cordis: alia stomachi, alia vteri. Hæc non vitur nervis aut musculis, sed solo temperamento, spiritibus & membrorum fibris. Talis est, per quam cerebrum in sternutatione, pulmo in tussi, stomachus in vomitu emittunt excrementa. Talis est, per quam alimenta in vniuersum corpus & per omnes partes nutriendas attrahuntur & superflua excernuntur. Porro præter illas potentias nullæ sunt aliæ potentia Localiter mouendi potestatem habentes.

CONCLUSIO XVI. Corpus Proprium seu animatum & membra eius per se primò mouet & per motiuam Animalem seu Voluntariam, & per motiuam Naturalem.

Quod per motiuam animale moueat, est manifestum: nam per illam mouentur brachia, pedes, caput & oēs musculi.

culi corporis & totum corpus : & dedò etiam vocatur à Philosophis Progreſſiua. Quod per motiuam Naturalem etiam moueat, probatur: quia pulſifica mouet cor : motrix naturalis, quæ eſt in cerebro, mouet & concutit cerebrum in ſternutatione : expulſrix pulmonis, pulmonē in tuſſi: ſtomachi, ſtomachū in ſingultu, nauſea, vomitu: vteri, vterum in ſtrangulatione, in partu: expulſrix quæ eſt in neruis, in carne, cutem & carnem, in rigore, palpitante & motibus conuulſiuis. Eſt autem membra corporis animati ab vtraque facultate motiua moueri poſſint, non tamen propterea omnia mouentur ab vtraque: ſed aliqua mouentur magis à motiua Animali, quæ non mouentur à motiua Naturali, vt muſculi & artus externi: alia mouentur à facultate Naturali, quæ nulla ratione mouentur ab Animali, vt cerebrum, ſtomachus, vterus, pulmo, iam dicti. Eſt etiam differentia: quòd motiua Animalis poteſt mouere membra ſecundū ſe tota; motiua vero Naturalis non ſic, ſed tantū motu dilatationis & conſtrictionis: Sic in pulſu totum cor non mouetur loco: nec ſtomachus in vomitu, nec vterus in partu; ſed tantū conſtringuntur & dilatantur: Eſt & alia differentia; quòd per motiuam Animalem tantū per ſe primò mouetur corpus Proprium ſeu animatum, & non corpus Alienum: per Naturalem non tantū Proprium; ſed & Alienum, ab anima non informatum. Dico per ſe primò: quia per accidens etiam Alienum poteſt moueri. Etenim per motiuam Animalem, vt per motum muſculorum, abdominis, etiam excrementa alui & vrina & fœtus excluduntur: per motum muſculorum thoracis, ſputa excreantur & aër eliditur: quæ non ſunt animata, nec partes corporis: verū non per ſe, ſed per accidens quatenū ipſarum partium animatarum motu & conſtrictione, per accidens extruduntur.

CONCLUSIO XVII. Corpus Alienum Internum, ſeu corpus non animatum, intrà corporis peripheriam contentū, per potentiam motiuam Naturalem poteſt moueri, per motiuam verò Animalem nō poteſt, niſi per accidens: vt iam dictum eſt.

Prior pars probatur, quia in Medicina certiffimum eſt,

est, chylum, sanguinem, semen, spiritus, excrementa, in corpore localiter moueri per facultates expultricem & attractricem, & si quæ fortè sit in membris principalibus dispensatrix, ab illis diuersa; quæ omnes sunt Naturales: interdùm interuentu & subsidio fibrarum; interdùm spiritus, interdùm aëris impellentis; interdùm solo temperamento.

Posterior pars probatur, Primò. Nam quod à Loco motiuum Animalium mouetur; mouetur nutu voluntatis: Atqui nec sanguis, nec humores, nec spiritus, nec excrementa, nec calculi, nec nuclei deglutiti mouentur nutu voluntatis: Ego non à motiuum animalium.

Probatur Secundò. Quia, quod facultas illa mouet, mouet per musculos: interit in corpore, in visceribus, venis, arterijs, intestinis, nõ sunt muscoli, ibi autem sunt humores, spiritus & excrementa. Ergo illa facultas non mouet ea.

CONCLUSIO XVIII. Corpus Externũ non potest moueri Localiter, nisi per potentiam Locomotiuam Animalem.

Dictum est suprà conclusione 12. externum corpus non posse directè & immediatè per imperium ab anima moueri, sed tantũ per accidens: motu scilicet corporis proprii. quod per se & immediatè corporali trusione, uestione, &c. mouet illud: hic verò dicitur talem motionem per accidens fieri per potentiam motiuam Animalem. Quod, quia est manifestum, non eget ulteriori probatione.

Vidimus ergo per quas potentias anima moueat singula corpora Localiter; videndum nunc est per quas potentias singula Alteret. Sit ergo.

CONCLUSIO XIX. Anima Alterat per varias potentias, sed per aliquas alterat per se; per aliquas tantũ per accidens.

Alterat per se per potentiam Concoctricem, Altricem & Generatricem: Imò videtur tantũ alterare per potentiam Concoctricem: nam vel illæ alix non sunt à potentia Concoctrice diuersæ, vel Concoctrix est famula earum, & per illam perficiunt omnem, quæ opus habent, alterationem. Hoc tamen hic non multum atti-

net disputare. Sufficit scire, potentias, quæ verè & per se alterant, esse potentias Vegetatiuas : atque ad eò animā alterare per solas potentias Vegetatiuas, & nullas potentias sensitivas & cognoscitiuas esse per se alteratiuas. Alterat tamen nihilominus anima per potentias Vegetatiuas, non quidem solas & per se consideratas, sed mediante temperamento & calore natiuo: sicut Conclusionē 7. est declaratum. Alterat tamen per se : quatenus præter influxum ipsarum qualitatum, ipsa quoque effectiue cooperatur & per se influit ; sic vt per eius influxum effectus producat̃ur lōgè nobilior, quàm sola virtute qualitatum formalium posset produci ; vbi ibidem ostensum est . Per Accidens alterat anima per illas omnes potentias, quæ quauis ratione possunt esse causa motus humorum, spirituum, excrementorum ad partem, quæ alteratur . Quæ enim potentie solūm alterant mediante motu humorum & spirituum, &c. illæ non verè alterant, sed solūm alterant applicando actiua passiuis: quod est tantūm per Accidens alterare. Hac enim ratione etiā Angeli alterant : quos tamen docet D. Thomas & omnes Theologi Scholastici per se non alterare, nec vllam formam in materiam inducere. Causa enim solummodo actiua passiuis applicans inter veras causas efficientes non refertur . Quando enim potentia aliqua animæ alterat applicando & mouendo humores & spiritus ad partem, tunc illa verè nihil alterat, sed tantūm humores & spiritus mouet: & verè nihil influit quoad illam alterationem, sed tota alteratio perficitur in virtute humorum & spirituum: & humores & spiritus non alterant in virtute animæ, sed in virtute propria; & solūm & eodem prorsus modo, quo alterarent, si à potentia illa non applicarentur, sed vel ab Angelo tantūm, vel motu proprio, seu intrinseca sua grauitate vel leuitate. Inter potentias, quæ sic per Accidens alterant, est diuersitas. Nam aliæ alterant longè magis per accidens, quàm aliæ: & aliquæ tantūm minùs per accidens alijs, vt in comparatione illarum quæ agant per se & possint dici agere per se: quamquàm respectu verè agentium per se, semper agant per accidens. Nam, cum omnes hæc, quæ alterant per accidens,

alterent

alterent mediante motu humorum & spirituum; illæ quæ proximius, immediatius, & magis per se mouēt humores, etiam proximius alterant: quæ vero remotius & magis per accidens mouent humores & spiritus, illæ quoque magis per accidens alterant. At dictum est conclusione 10. solūm potentias Motrices naturales per se mouere humores & spiritus, alijs per accidens; quare sequitur & illas quoque magis per se alterare, quā alias. Reliquæ omnes, quæ quaquā ratione alterant, alterant tantūm, quatenus dependentiā quadam naturali motricem naturalem visceribus & præcipuè cordi in-existentem in consensum trahunt & excitant: quæ tum sanguinem & spiritus mouet, quorum accessu & recessu partes alterantur. Hac ergo ratione alterandi per Accidens, maximè alterat virtus Motiua Naturalis, quæ est in corde, qualiscumque demū ea sit quippe quæ spiritum vitalem & sanguinem in vniuersum corpus distribuendi, & inde iterum ad cor reuocandi immediatam habet potestatem. Sic alterat & virtus illa, quæ in Cerebro existens, animales spiritus dispensat, & ad sensoria externa emittendi, & in somno & animi passionibus ad se denuò reuocandi habet potestatem. Ita alterat etiam potentia peculiaris Hepati inexistens, sanguinem venosum per venas in vniuersum corpus dispensans. Sic etiam omnium partium Attra&rix, Retentrix, Expultrix alterant, quatenus sanguinem, spiritus, excrementa localiter ad alia atque alia membra mouendo; sese priuatiuè; alia verò, ad quæ mouent, positiuè immutant. Porro potentia Motiua Animalis etiam potest corpus alterare, sed valdè per accidens & quidem varijs modis. Primū; quatenus potest corpus exercere, & exercendo, per motum, qui est calefactiuus; vel per spirituum & sanguinis agitationē calefacere. Secundò, quatenus potest cibos & remedia calida frigidaue corpori adhibere, à quibus ipsum alteratur. Potentia Appetitiua per suas actiones seu animi passionēs potest etiam corpus plurimū alterare, vt quotidiana experientia constat: sed ea tantūm ratione alterat, quā potentiam motricem naturalem cordis in consensum trahit & excitat, quæ per se spiritum & san-

guinem celerrimè per vniuersum corpus mouet: quo motu partes, à quibus illos auocat, refrigerat, ad quas verò mittit, calefacit. Sic ira, gaudium calorem; tristitia & metus faciunt frigiditatē Sic etiam potentia Cognoscitiua & in primis Sensus Interni, vt Phantasia, corpus alterant. sed adhuc longè magis per accidens. Etenus enim alterant, quatenus operando mouent appetitum, appetitus mouet potentiam cordis, potentia cordis mouet sanguinem & spiritum; qui per se alterāt. Sic imaginatio mortis, inferni, paupertatis, refrigerat; pallorem, canit em, aliasque qualitates inducit: contrā cogitatio sumendę vindię, honorum, opum, pacis, calorem inducit & ruborem: illa, metum & tristitiam, hæc, iram & gaudium causando. Non tantum sensus interni, sed & Externi temperiem mutant: sed longè adhuc remotius magisque per accidens. nempe, quatenus illi actione sua mouent phantasiam; phantasia mouet appetitum; appetitus potentiam cordis, potentia cordis sanguinem spiritusque. Sic videndo præcipitia, audiendo fures, gustando venenum, tangendo gladium; refrigeramur & palleſcimus: contrā videndo inimicum fugientem, audiendo nuntia læta, &c. incalescimus & rubemus. Quia nimirum per illas sensationes pariter metus & tristitia; per has ira & gaudium excitantur: vt de sensibus internis diximus Alio modo etiam per operationes potētiarum Cognoscitiuarum & quarumcumque aliarum potentiarum potest corpus Alterari: quatenus intensa operatio vnius potentia est causa diminutionis & remissionis alterius. Sic studio & nimia cogitationibus læditur concoctio; generantur in corpore cruditates; cor & hepar refrigerantur: è contrā nimis commellationibus, id est, nimia facultatis concoctricis occupatione, cerebrum refrigeratur, &c. Quod etiam per accidens sanguinis, spirituum & caloris motu fieri potest. Vbi enim anima vni alicui operationi valde est intenta, eò sanguis, spiritus calorque feruntur: ab alijs, quibus minùs est intenta, recedūt. Ex quo est manifestum, has potentias non nisi remotissimè & valdè per accidens, & verè non effectiue, sed tantum occasionaliter alterare. Etenim potentia illa à natura non sunt destinatae

destinatæ ad alterandum, sed ad alias operationes sibi proprias: motuæ ad inveniendū, cognoscituæ ad cognoscendū: quæ sunt operationes ab alteratione plurimū diuersæ. Facultates concoctrices pro natura partiū, quibus in hærent; sunt diuersæ: aliæ ex alimento generant chylum; aliæ sanguinē; aliæ spiritum, aliæ semen. Omnium finis est alimentum essentialiter transmutare. Illa essentialis permutatio fit præuia alteratione: quare omnes, ut primò alterent, est necessum. Per se itaque solæ potentia in conclusione menti onatæ alterant: per accidens, omnes illæ alterare possunt, quæ quauis ratione causa sunt humorum, spirituum aut excrementorum ad aliquam partem motus. Dictum autem suprà est conclusione 5. animam per se non alterare corpus Proprium, & conclusione 13. per se non alterare corpus Remotum, sed solummodò corpus Alienum Internū. Ex quò sequitur illas potentias quæ per se alterant, non alterare corpus Proprium seu animatum, sed tantum corpus Alienum seu inanimatum, intra corporis Proprii peripheriam contentum. Contenta ergo corporis, humores, spiritus, semen, excrementa, alterantur per potentias illas, quæ Per se alterant: corpus Proprium alteratur, non per potentias Per se alterantes, sed per potentias alterantes per Accidens. Contenta enim corporis concoquuntur, non ipsum corpus: corpus verò ipsum alitè atque humorum & spirituum applicatione: non verò humores aut spiritus applicatione sui ipsorum. His suppositis fundamentis Queritur nunc

QVÆSTIO IIII.

*An anima aliquid agat per potentiam
Imaginatiuam?*

ET videtur quod sic: Primum Authoritate. Etenim infiniti auctores diuersas & admirandas virtutes ei adscripserunt: ipsum met vulgus & totus mundus dicit & quasi pro comperto habet per Imaginationem mirabiles effectus contingere & in corpore Proprio & Alieno: & non tantum hoc viri medocriter docti, sed

& mulierculæ ipsæ norunt & prædicant: Vox autem populi, Vox Dei.

Arist. lib 3 de Anima cap. 3. dicit, quodd (per phantasiam multa agere & pati contingat) & subiungit (ex eo quod imag. nationes immanēt sensibūque similes sint, bestię atque homines agunt) & lib. de motu animalium cap. 6. (Alterant, inquit, phantasia & sensus & meditationes. Aliquo enim modo species intellecta calidi & frigidi talis existit, qualis & rerum vnaqueque.)

Auicenna fen. 2. lib. 1. doct. 2. cap. 14. dicit imaginationem magnam vim habere Etenim imaginationē factam tempore conceptus, dicit factum assimilare rei imaginatę sola imaginatione rei austerę, stuporem dentium; imaginatione doloris, dolorem verum induci; aliaque. Idem 4. 6. natural. cap. 6. & 9. metap. scribit posse animam humanam per fortem imaginationem nō solum proprium corpus, sed etiam externum realiter transmutare: posse corpus sanum ad ægritudinem & ægrum ad sanitatem conuertere; corpora falcinare; gradines, niues, ventos excitare, & syderum virtutes à cælis depromere: hominem longè remotum & equo insidentem deicere & in puteum prosternere. Dicit tamē non cuiusvis hominis Phantasiam illam potentiam habere, sed illius, qui animam habuerit excellentiorem & puriorem, & à fœce, materię magis abstractam & sub felicissimo sidere & imperio Iouis conceptam. Talis enim virtutes, inquit, à Iouis influxu recepit & quasi est ipsa Iouis imago: adeo vt per influxum ab eo acceptum, non tantum operetur quasi anima; sed quasi ipse Iuppiter: Vnde sicut Iuppiter & cælestia corpora imperium habent in hæc sublunaria; ita etiam talis anima influxu & virtute Iouis affecta, mediante sua imaginatione, habet, inquit, potentiam pro imperio sublunaria corpora permutandi. Et 4. 6. natural. cap. 4. dicit id mirum non esse: quandoquidem anima sit forma spiritualis & corpori nō necessariò coherens, adeoque congenera superis intelligentiis: quas vtī absolutam in corpora sublunaria potestatem habere, & per se formas in materiam eorum inducere posse putat, ita quoque putat animam eorum naturam imitari in tantum, vt egere possit

possit sine contrario: operari in distans sine medio: & tantam in res omnes materiales exercere potestatem, ut plùs ab ea, quàm ab ipsis agentibus naturalibus valeant alterari. Sic, ut possit hominem sine matre, utero & semine, & plantam sine semine generare. Quæ ita certa esse credit, ut 1. 1. suæ philosophiæ ineptos omnes esse dicat, qui hoc non credunt.

Hanc sententiã scribunt secutum esse Auicembro-nem Philosophum Maurum; Algazelem 5. phys. cap. 9. & nonnullos alios.

Similes etiam propemodum virtutes imaginationi adscribunt Marsilius Ficinus lib. 3 Theol. Plat. cap. 1. Andreas Cataneus Imolësis lib. de intellectu & de cau-sis mirabilium effectuum, Pomponatius lib. de incanta-tionibus; Paracelsus lib. de signat. rerum; Agrippa lib. de ocul. philosophi Iacobus de Forliuio 3. tech. quæst. 11. Cælius Rodiginus lib. 10 cap. 15. qui tantum imagi-nationi tribuunt, ut plurima, quæ omnes fascinatione diabolica vel miraculo fieri putant, ipsi sola fortis Ima-ginationis virtute fieri credant. Sic putant per Ima-ginationem Apollonium Thyaneum mirabilia opera præstitisse: Empedoclem ex hostis agro segetem in suũ transtulisse: aliquos naturaliter fascinare posse: sola imaginationis virtute sanguinem ex interfecti corpo-ris vulnere exire, &c. Imò tantum imaginationi adscri-bit Pomponatius, ut putet ossa canum tanta posse mi-racula facere, si à colente ea putarentur esse ossa San-ctorum; quàm si verè ossa Sanctorum essent: per solam colentis Imaginationem. Et aliqui, inquit Christopho-rus à Vega lib. 2 art. med. sect. 6 putant homines illos in Hispania existentes, qui Salutatores vocantur, sa-gittas & spicas ex corporibus vulneratis euellere; & per ignem ac districtos enses sine noxa, sola virtute Ima-ginationis, incedere posse.

Porro & Hippocrates, & Empedocles, & Plutarchus, & Soranus & D. August. & D. Hieron. quorum infra auctoritatem adducemus & infiniti alij, etsi non illam quam præcedentes, magnã tamen etiam potestatem Ima-ginationi adscriperunt. Quin & D Thom. part. 3. quæst. 13. art. 2. ad 3. m. falsus est imaginationem multam in cor-poris

poris mutatione vim habere, possi que corpus & quoad, morum localem, & quoad alterationem, & secundum multa accidentia immutare.

Probatnr Secundò Ratione. Scribit Arist. in 3. de anima cap. 5. quòd scientia, quæ est actu est idem quod res: & alibi dicit, quòd intellectus intelligendo fiat ipsum intelligibile: quod intelligendum quidem est, non quòd fiat ipsum intelligibile realiter, sed saltem spiritaliter. Sicut enim subiectum, quod recipit realem calorem, fit realiter calidum: ita potentia, quæ recipit formam caloris, fit spiritaliter calida: & sic de alijs sensibilibus. Atqui vnumquodque, sicut est, ita potest operari. Ergo phantasia, quale sensibile fit imaginatio, secundum talis sensibilis naturam potest operari. Ergo, si phantasia fit spiritaliter calor, poterit calefacere: si fit spiritaliter frigus, potest refrigerare: si spiritaliter color, potest colorare, & sic deinceps. Et si autem fiat ipsum sensibile tantum spiritaliter, tamen operatur realiter: quia, ut inquit Aristot. lib. de motu animalium cap. 6. species habent rerum virtutes. Cum ergo phantasia possit omnia sensibilia percipere & percipiendo fiat omnia, sequitur quòd possit omnia operari.

Tertiò. Quid miri est, si anima humana, quæ est tam nobilis & excellens, incorruptibilis, & diuina spiraculum à Deo spiratum: habeat aliquam potentiam tam excellentem, per quam tam admirabilia possit prestare? præcipue animæ aliquæ nobiliores & excellentiores? Etenim multorum Scholasticorum sententia est, non omnes animas esse æquæ nobiles, sed vnam alia nobiliorem à Deo creati: & vnam non solum ratione maioris & minoris perfectionis corporis, sed etiam essentiali & intrinseca bonitate alia esse perfectiorem: ut de anima Christi & anima Iudæ exemplificant. An non videmus in multis alijs rebus naturalibus longè ignobilioribus corpore animato esse admirandas virtutes, quibus res externas & longè distitas afficere possunt & in eas stupendas vires exercere? ut de magnete est manifestum? Quid ni etiam animæ concedi possit potentia aliqua, per quam habeat vim admirabilia perpetrandi? Nec quicquam est, quod

nos ignoremus, quomodo id facere possit; cum videamus tam multa alia effectus edere; quos qua virtute & quomodo edant, ignoramus. Quomodo Echeneis naues remoretur: quomodo ambra paleas; naphtha ignem; magnes ferrum trahat: adamas eius virtutem compescat; quomodo charadrius auicula conspecta l&erum curet; basiliscus visu occidat; & similia multa ignoramus; quæ tamen fieri Arist. 2. hist. animalium cap. 14. Plutarchus 5. Symposiac. quæst. 7. Aelianus hist. animal. lib. 17. cap. 13. Plinius varijs locis attestantur: Quid mirum ergo, si etiam Animam per Imaginationem multa præstare credamus; quæ tamen quomodo præstare queat, ignoramus?

Accedit Quartò; quoddà multis memoriæ proditum sit; nonnullos homines, gentes & nationes, imò etiam & bestias peculiare habere proprietates per aliquas alias animæ potentias mirabilia præstandi: Quidni ergo pariter dici possit; quoddà sicuti per illas potentias in externa agere & ea vario modo afficere possunt, ita aliqui singulari proprietate etiam per potentiam Imaginativam similia & maiora agere possint? Scribit Plinius lib. 7. cap. 2. ex Cratete Pergameno & Agatarchide circa Pontum fuisse gentes Ophiogenes; in Africa Psyllos; in Italia Marfos, qui serpentum venenum solo tactu compescebant & ictus eorum curabant. Scribit ibidem de Pyrrho Rege, quoddà solo pollice pedis attingendo, lienosos persanabat. Alij scribunt de Imperatore Vespasiano, quoddà etiam solo tactu multos curabat. Sic Galliæ Reges scrofulas solo tactu curant, & vulgo septimus quisque non interrupta serie filius eadem facultate præditus putatur. Scribit Michael Medina lib. de rectoria in Deum fide cap. 7. se novisse puerum quendam, qui gratiam sanitatis habere dicebatur; qui multos homines solo tactu gravissimis morbis liberabat. An nò etiam Echeneis solo tactu naudem firmat? Sic sunt alij qui fascinant & interimunt videndo. Scribit Plinius ex Isogono loco citato in Triballis & Illirijs gentes esse, quæ solo visu fascinant. De Thibijs Pontigente ex Philarcho idem Plutarchus refert 5. sympos. quæst. 7. Sic basiliscus test. Gal. lib. de Theriaca, Catoblepa teste Pompo-

Pomponio lib. 3. cap. 4. Plinius lib. 8. cap. 11. & Solinus cap. 32. visu interimunt. Rubeta palustris, teste Aliano lib. hist. animalium visu pallorem inducit. Lupus teste Plinio lib. 8. cap. 32. & Solino cap. 7. raucedinem; Testudo visu oua excubat, Sunt alij qui loquendo & verbis solis prolati mirabilia possunt præstare. Scribit Plinius loco citato ex Nimphodoro in Africa familias esse, quæ laudando arbores fascinent & pueros interimant. Scribit Homerus lib. 9. Odysseæ Autolici filium fluxum sanguinis carmine sedasse, quod alios etiam facere Q. Serenus cap. 33. refert. Scribit Celius Aurelianus 1. Chroniçn Adrianum Imperatorem aquam inter cutem quibusdam verbis eduxisse. Marcellus scribit quibusdam verbis sordes in oculos ingressas elui. Scribit Aetius lib. 3. cap. 50. spinam vuulæ infixam verbis extrahi, & vermes, epilepsiam, dentium dolorem, precibus sanari. Plinius lib. 18. cap. 2. ex Theophrasto Varrone & Catone scribit Ischiadem, podagram & luxata membra carmine curari, & Trallianus lib. 6. cap. 4. scribit in morbis incantationes & certorum verborum pronuntiationem plurimum prodesse. Conciliator differentia. 156. dicit se vidisse aliquem, qui proferendo aliquot verba in aurem tauri, eum prosternebat. Scribit Antonius Beniuenius lib. de abd. caus. cap. 26. sagittam cuiusdam militis pertinaciter hærentem carmine excidisse. Si ergo tangendo, videndo, loquendo homines & animalia tantam virtutem habent; quomodo, non eandem habebunt & longè maiorem imaginando. Quin imò videntur hi omnes effectus imaginationi potius, quàm prædictis actionibus esse ascribendi. Non enim videntur tam à visione, tactu, aut locutione; quàm potius vehementi imaginatione cum illis coniuncta promissasse. Accedit, quod supra ex Auicenna & D. Augustino dictum sit, quendam cum volebat, corpus suum paralyti afficere potuisse; alium pro arbitrio aures mouere: alium capillitium totum in frontem dimittere, & iterum attollere: alium cibos deglutitos, singulos pro voluntate sursum adducere: alium sudores, lachrymas emittere: alium se omnibus animæ functionibus ita pro libito priuare potuisse,

ut mortuus videretur & punctus dolorem non sentiret.

Tertiò probatur experientiâ : quia videmus quoti-
die fœtus matrum imaginatione signari: Homines, da-
peste imaginantes in eam incidere: remedia nullam na-
turalem agendi vim habentia, sola portantia imagina-
tione morbos curare : cibos, etiam malos, cum delide-
riò sumptos prodesse.

CONCLUSIO XX. Anima nihil agit per
se per potentiam Imaginativam; id est, Phantasia seu
potentia imaginativa non est activa, nec per se directè
& propria virtute in vlla corpora agit.

Pro quo est Notandum potentiam Imaginativâ esse
quidem activam; quia est potentia; omnis autem potê-
tia est activa; sed non esse activam nisi suæ operationis
& imaginationis, & eius actionem immanere ei & non
exire extrâ potentiam & sic præter suam nudam cogni-
tionem nihil ad extrâ effectivè in corpus seu Proprium
seu Alienum agere, nec illud vlllo motus genere directè
& per se mutare, movere aut alterare.

Hæc cōclusio probatur generaliter: quia imaginativa
est potētia cognitiva; potentiz autem cognitivæ à Phi-
losophis passivè dicuntur: ex eo, quòd ipsæ à speciebus
cognoscibilibus afficiantur, eas recipiant, & recipiendo,
in se vitaliter eliciant iudicium & cognitionem: & præ-
ter cognitionem suam ulterius effectivè nihil agant. At
potentiæ motivæ & vegetitivæ dicuntur potentiz acti-
væ, eò quòd earum actio transeat in corpus: & ipsæ in
corpus & ea quæ in corpore continentur, vim exercent;
eaque motu locali, alterationis & alijs motus speciebus
immutent: Ergo imaginativa non est activa.

Probatur secundò clariùs. Omnis cognitio est actio
immanens: imaginatio est cognitio, ergo imaginatio
est actio immanens. At actiones immanentes sunt in-
secundæ & nō sunt activæ. ergo nec imaginatio est acti-
va. Minor probatur. Actio quæ in alio aliquid facit, re-
cipitur in eo, in quo facit seu in passo: nam vbi non reci-
pitur actio, ibi non est passio; nec consequenter pro-
ductio effectus: at actiones immanentes non recipiun-
tur in alio, sed manent in potentia, & idèò appellantur
immanentes, Ergo.

At obijciat aliquis: Aristot. 3. animæ cap. 3. dicit; idèd animalia, bestias & homines per imaginationem multa agere, quia imaginationes immanent sensibùsque similes sunt: ergo tatum abest, vt imaginatiua idèd non sit actiua, quòd eius actio immaneat, vt potius per hoc videatur debere esse quam maximè actiua. Verùm Respondeo. Aristotelem ibi non loqui de actionibus immanentibus aut efficacia earundem: & ibi non velle dicere, quòd imaginatio, per hoc, quòd sit actio immanens, habeat vim per se realiter alterandi; sed disputare in illo capite de potentia imaginatiua, qualis ea sit: an scilicet à sensu, intellectu & opinione sit diuersa; & docet quod sic: & quòd non tantum sensus, intellectus sint causa diuersarum motionum in corpore, sed etiam phantasia: & ibi docet etiam phantasiam mouere appetitum & alias potentias: vnde variè contingunt in corpore motiones & alterationes. Et hoc est, quod dicit Phantasiam posse: & non, quòd realiter per se & immediatè alteret. Et sic dicit in animalibus phantasiam esse plurimarum motionum causam & precipuè in bestiis, in quibus phantasia præest corporis gubernationi & à nulla superiore potentia intellectiua coercetur: sepè etiam in hominibus, quando, scilicet, intellectus per amentiam, animi passiones, aut somnum impeditur. Nā tunc ipsi sola imaginatione ducuntur & operantur ex præscripto imaginationis & non intellectus; & idèd, inquit, imaginatio multarum motionum in corpore causa est: quia ipsa, inquit, sensibus similis est & ita à speciebus sibi post absentiam obiectorum externorum inherenter mouetur, sicuti moueretur à speciebus, quæ presentibus obiectis per sensus hauriuntur: propterea, quòd species in ea remaneant & non statim pereant & euanescent. Nam hinc etiam absentibus obiectis adhuc mouetur, & consequenter alias potentias excitat & quouis tempore corpus mouet & permutat: quod non faceret si eius species in potentia non remanerent. Quando enim illæ periissent, non ampliùs phantasiam afficerent: phantasia non mota non etiam moueret alias potentias, & sic animal quiesceret & non permutaretur.

Probatur

Probatur conclusio Secundò si per imaginationem vel actum alicuius potentię cognoscitiuę aliquid alteraretur, vel illud deberet esse obiectum ipsum quod recipitur: vel ipsum organum, quod recipit; vel alia aliqua corporis pars: non obiectum: quia ipsum nihil patitur à sensu, sed agit in sensum & est externum; & cum res aliqua percipitur, illa per nostrā perceptionem realiter non mutatur, sed manet in suo esse & secundum omnes suas qualitates, sicut erat ante; vt bene dicunt Themistius & Alexander: Non organum: quia organum receptione intentionali obiecti alteratur solum alteratione perfectiua, non autem corruptiua & reali. Nam cum gusto amarum, lingua mea non fit amara: cum video rubrum, oculus meus non fit ruber, cum sentio calorem, cutis mea non fit realiter calida, nisi in quantum cum actione intentionali obiecti est coniuncta actio materialis & corruptiua: quod est sensui per accidens: quia tunc organum non afficitur vt organum, nec patitur ab obiecto, vt sensibili; sed tantum sicut vnum corpus mixtum potest ab altero pati & alterari, etiamsi nō sit animatum. Nam nulla sensibilia, vt talia, in sensum, vt sensum, aliter agunt, quā intentionaliter: vt bene disputat Zarabella in libello de sens. agente cap. 4. Non etiam alteratur alia aliqua corporis pars, quia ipsa actio cognitionis non transit, sed immanet potentię & organo. Ergo nulla pars potest ab imaginatione alterari.

Probatur Tertiò exemplo aliarum potentiarum cognoscitiuarum; quarū nulla in homine est actiua: Sic visiva nihil aliud facit quā suam visionem; auditiva nihil aliud, quā suā auditionem. Præter visionē & auditionē nullam in corpore nostro ab his percipimus mutationem: siue videamus, siue oculos claudamus, eodē modo constituti sumus. Visio, vt visio, nihil efficit: nec quia videmus ignem, ideo incalescimus; nec quia glaciem, ideo refrigeramur. Neque videre res moras facit nos moueri, nec quietcentes, plus minúsue quietere. Idem in omnibus alijs sensibus est manifestum. Non per hoc quod imaginamur ignem, calidi fiemus: nec per hoc quod imaginamur glaciem, frigidi: nec imaginado
& appe-

& appetendo intensissimè corporis albedinem, albi, aut nigredinem, nigri sumus: nec imaginando simplici-
ter motum ideo mouemur, aut imaginando quietem, quiescimus: Quamuis per accidens fiat, vt aliquando moueamur, vel quiescamus: Saltem per solum actum imaginationis id non fit. Quod si id à simplici & sola imaginatione fieri posset; paralytici intensissimè imagi-
nantes & appetentes motum, imaginatione sua se mo-
uerent; & febrientes imaginando frigiditatem, & siri-
culosi imaginando humiditatem, & cæci imaginando
sanitatem; frigidi, humidi, & bene videntes euaderent.
Quod enim aliquid per se facit; illud est natum illud
facere semper. Accedit, quod nec naturæ imaginationis
nec sensuum aut vllius potentie cognoscitiue conue-
niat, vt sint actiue. Quia sic animalia nunquam illarum
potentiarum operationes exercere, & nunquam quic-
quam cognoscere possent, quin semper mutarentur,
mouerentur alterarenturque; quod reliquas omnes ani-
mæ actiones & sanitatē & statum corporis semper per-
turbaret & augmentum quandam induceret.

Pro cuius conclusionis maiori intelligentia, res hæc
particulariùs est explicanda. Quapropter sciendum
quodd, si phantasia haberet vim agendi & tam mirabilia
opera præstandi; deberet ea facere per aliquam speciem
motus: vel scilicet per motum localem, vel per altera-
tionem, vel auersionem, vel generationem. & precipuè
vel per motum localem, vel per alterationem. Nam si
phantasia posset alterare, posset & essentialiter trans-
mutare; & si non posset illud, etiam nec hoc posset. Nam
generatio omnis à præuia pendet alteratione. Quapro-
pter vt vires phantasie perfecte sciamus; specialius in-
uestigandum est.

An Phantasia aliquo istorum motuum corpora pos-
sit immutare. Et imprimis an possit Alterare. Etenim si
posset Alterare; posset morbos & ægritudines facere;
nempe eos, qui à temperamento pendent: posset e-
tiam inducere secundas qualitates, vtpote, quæ pen-
dent à primis: posset esse causa productionis & ge-
nerationis variarum rerum, & posset mirandos facere
effectus in illis corporibus, siue Proprio siue Alieno, ad
quæ

que eius potestas extenderetur. Est etiam videndum, an possit corpora vlla Localiter mouere. Quia si saltem posset mouere Localiter, posset applicando actiua passiuus multa prestare. Quomodo & voluntas angelica, etsi non habeat vim alterandi, quatenus tamen habet vim loco mouendi, nihil non potest. Si localiter per se mouere posset spiritus & humores; posset morbos ex insuperie curare; posset etiam producere; actiua passiuus applicando: posset facere morbos in conformatione, & factos curare; posset surdos facere audientes, & cæcos videntes: humores in membra impellendo vel amouendo. Et inducendo qualitates primas, posset etiam inducere secundas & fortum varijs coloribus signare. Si etiam res externas mouere posset; posset etiam (quod dixit Auicenna) & homines, & animalia fascinare, elementa turbare, & ventos, pluuias, & tempestates ciere. Quapropter ad sciendum, an aliquid istorum facere possit, videndum, an possit alterum illorum motuum ciere. Imprimis ergo queritur,

QVÆSTIO V.

*An phantasia possit vllum corpus
mouere suo loco?*

ET videtur quod sic. Primò Authoritate. Etenim Aristot. 3. de anima c. 10. dicit phantasiam & appetitum corpus proprium localiter mouere. Et lib. de comuni animalium motu, dicit cogitationem, visum, voluntatem, selectionem, cupiditatem animalibus motum adferre. Et D. Thomas part. 3. quæst. 13. art. 3. ad 3. dicit, quod imaginationi, si sit fortis, naturaliter obedit corpus quoad aliqua: puta, inquit, quoad casum & trahet quia imaginatio est nata esse principium motus localis; ut est, inquit 3. de anima. Et Caietanus 3. de anima cap. 6. & plerique Thomistæ dicunt, quod imaginatio sit principium motus localis, & quod ipsa corpus animatum effectiue moueat, quoad motum voluntarium, & præter eam nulla sit alia specialis potentia loco motiua,

D **Secun-**

Secundò probatur Ratione: quia, quando imaginatio vult aliquod membrum moueri, statim illud membrum mouetur, & cum vult vt à motu cesset, statim etiam cessat: adeoque prout vult & imperio, & quando & quomodo & quantum ipsa vult membra mouentur, ergo mouentur à phantasia. Sequela probatur. Nam si a phantasia non mouerentur, sed ab alia aliqua facultate, non penderet motus eorum ita absolutè ab illa sed solum à dispositione suæ veræ & efficientis ac proximæ causæ seu illius facultatis, à qua mouerentur. Vnde videtur, quòd phantasia per se & effectiue moueat ipsum corpus proprium, seu ipsum corpus animatum.

Videtur etiam quòd moueat corpus Alienum, nempe spiritus & humores. Etenim propter actiones phantasiæ spiritus & humores celerrimè, modò huc, modò illuc in corpore mouentur, Ergo mouentur à phantasia. Etenim imaginando terribilia, homines tremunt, refrigerantur, pallent, in syncopen incidunt: imaginando iucunda & læta, rident, incalescunt. oculi eorū fiunt flāmei & radiantes: sæpè extemplò oriuntur: imaginatione veneris coles extenditur. Hoc non alia ratione contingit, nisi quia propter eiusmodi cogitationes spiritus & sanguis quam celerrimè, intrò, foràs, sursum, deorsumque mouentur. At nihil videtur eos mouere, quàm illæ cogitationes & imaginationes, timore enim post tales cogitationes ita mouentur: & nihil aliud videtur mediare, à quo dici possint ita moueri: ergo phantasia illos mouet. Hoc dicunt & tenet Cornimbricenses, Thomas à Vega, Valesius, Piccolomineus. &c.

CONCLUSIO XXI. Phantasia per se non mouet secundum locum corpus Proprium seu animatum.

Probatur conclusio. Membra corporis, vt ostensum est conclusione 16. vel mouentur motu voluntario vel naturali: phantasia non est causa motus naturalis, vt omnes fatentur: quia ille motus non obedit phantasiæ, sed fit à proprijs potentijs naturalibus motricibus: non etiam est causa motus voluntarij membrorum. ergo nullus. Quod non sit causa motus voluntarij, probatur

batur: quia causa eius est potentia quædam Loco motiua à phantasia distincta, vt medici tenent: vel saltem est potentia appetitiua, quæ etiam est à phantasia distincta, vt tenent plerique philosophi. Ergo non est phantasia.

Pro huius quæstionis intelligētia, quia est valdè difficilis & controuersa, est notandum ad motu concurrere tres actiones se mutuo ordine necessario consequentes: cognitionem, appetitionē & motionem. Etenim motio est ad aliquid prosequendum vel fugiendum: non prosequimur aut fugimus, nisi quod appetimus aut declinamus, itaque concurrit appetitio: non appetimus, nisi quod cognoscimus; itaque concurrit cognitio. Prima ergo est cognitio, inde sequitur cogniti appetitio, vltimò est appetiti prosecutio, quæ fit per motum. Non est dubium, quin cognitionis causa sit phantasia; & in hominibus etiam intellectus: sed est quæstio, quid edat duas reliquas actiones an phantasia, an aliæ potentiæ peculiare. Si phantasia eas ederet, equidem verè esset causa motus membrorum: si non, sed sint aliæ potentiæ, quæ eas edant; vbique nec phantasia potest dici motus localis causa: at sunt aliæ. ergo phantasia non est causa eius. Subsumptum probatur. Phantasia non est causa appetitionis, sed propria potentia appetitiua: ergo cum appetitio mediet inter cognitionem & motionem; sequitur phantasia non mouere, sed proximius mouere ipsam appetitiuam. Quòd autem phantasia & appetitiua sint potētiæ diuersæ, docet Arist. 3. animæ text. 29 & 42 & 6. Ethic. cap. 6. & idem docet Galenus & Plato. quippe, qui phantasia in cerebro, appetitum irascibile in corde, & concupiscibilem in hepate posuerunt, & D. Thomas part. 1. quæst. 81. art. 1. Et probatur Ratione. Quia cognitio tendit in verum, appetitio tendit in bonum: at illæ sunt rationes obiectorum formaliter diuersæ. quare vt & potentiæ sint diuersæ, est necessum. An autem appetitiua tantum faciat appetitionem, an verò insuper membrorum motionem, dubium est. Plurimi dicunt appetitum facere vtramque; & appetitionem & membrorum motionem: & illas esse duas actiones eiusdem potentiæ, se mutuo necessario consequentes: & ita appetitiuam & motiuam esse ynam & eandem potentiam,

D 3 forma.

formaliter tantum distinctas : & ratione, qua facit appetitionem, dici appetitiuam; qua verò mouet membra, dici loco motiuam: & præter appetitiuam, nullam esse aliam loco motiuam ab illa diuersam. Et hanc sententiam tenent plurimi Philosophi; & putant esse Aristotelis 3. animæ cap. 10. & lib. de communi animal. motu: vbi videtur expresse ponere appetitum esse principium motus voluntarij. Verum ista sententia non est verat quia appetitus non efficit per se motum elicitiuè, sed tantum imperatiuè.

Præter appetitum autem est insuper adhuc alia potentia membris inhærens, quæ per se proximè est executiua motus, & illa vocatur potentia Loco motiua: ab appetitu plurimum diuersa, & à medicis vocatur motiua animalis seu voluntaria; & vtitur nervis & musculis ad suam actionem edendam.

Hæc sententia est Galeni varijs locis in libris de vsu partium, & motu musculorum, de causis symptom. de lotis affectis, &c. & eam sequuntur omnes Medici, Fernelius, Thomas à Vega, Valesius, & reliqui omnes. Eam quoque tenet Aristoteles loco citato: vbi dicit quidem, appetitum esse principium motus; sed præter eum dicit adhuc esse aliud. Etenim textu 55. dicit tria esse, quæ mouent illo genere motus: primum, quod mouet immotum, vt obiectum seu bonum apprehensum: secundum, quod mouet, motum; vt appetitus, mouetur enim ab obiecto & mouet: & insuper dicit esse tertium mouens, adeòque proximum: quod dicit ipsius appetitus esse instrumentum, & in singulis membris esse quærendum. Per quod nihil aliud intelligit, quàm potentiam loco motiuam, cerebro & singulis membris, ac maxime musculis inexistentem; & ab appetitu diuersam. Eandem sententiam etiam manifestè tenet D. Thomas in opusculo 43. c. 5. vbi dicit, quòd appetitus imperat motum secundum locum, æstimatiua dirigit, motiua exequitur. Quod etiam multialij Philosophi, vt Zoares, Vasquez, Conimbricenses, &c. tuentur.

Et probatur Ratione. Primò, Appetitus facit appetitionem, ergo non facit motionem. Sequela probatur. Nam illæ actiones sunt diuersi generis: & appetitio

petitio est actio immanens ; motio verò est actio transiens.

Probatur secundò. Aliqua animalia sunt , quæ habent sensum & appetitum , & tamen non mouentur, ergo appetitus non est causa motus.

Tertiò. Si appetitus esset causa motus , motus non posset fieri sine speciali applicatione , aduertentia ac actu ipsius : nec motus posset præuenire appetitum & cognitionem : at sæpè fit motus nobis non volentibus : sæpissimè sine aduertentia , deliberatione & consideratione , ergo non fit elicitivè & proximè , & per se ab ipso appetitu.

Quartò. Certum est , quod appetitus motum imperet : at de ratione actus imperati est , vt non fiat elicitivè ab illa potentia , à qua imperatur , sed ab alia , ergò. Sic appetitus excitat etiam potentiam visiuam , ad videndum : phantasiam ad imaginandum : ipse tamen non est elicitivus actionum illarum . Sicuti ergo illos actus imperat & non facit ; ita consentaneum est , vt , cum imperet motum , ipsum quoque non faciat.

Quintò Si appetitus immediatè & elicitivè moueret ; semper cum appetimus moveri , deberemus moveri : at hoc non fit : quia sæpè appetimus moveri , & tamen non mouemur , vt cum arthritide & paralyfi laboramus , ergo.

Dicet aliquis : hoc esse , non quod in membris sit aliqua peculiaris vis actiua motus , sed quod membra non sint disposita , ad hoc , vt ab appetitu possint moveri . non enim potest appetitus , aut potentia aliqua mouere quiduis , sed tantùm membra apta & disposita recipere actionem eius : & idè ex eo quidem arguitur , præter appetitum esse benè in membris aliquam potentiam motiuam , sed eam dicunt non esse potentiam actiuam & effectiuam motus , sed tantùm passiuam : & esse solum dispositionem , per quam membra sint apta ab appetitu moveri . quod dicunt Ferrariensis , Medina , Bannes , Picolomineus , aliique.

Sed respondeo , præter eiusmodi passiuam potentiam esse aliam potètiā actiuam ; quæ est proxima & elicitiv-

ua motus causa. Nam præter appetitum, sentimus manifestè in neruis, musculis & tendinibus membrorum, esse vim aliquam & impetum per quem mouemus: quã vim sentimus post labores & egritudines in nobis flaccescere, & motum solito more præstare non posse. Etenim, cum scribo, quis credat manum meam tantummodò passiuè, nõ autem actiuè concurrere ad scriptiõnem? Illam vim videtur etiam indicare membrorum conformatio; varietas tendinum, ossium, articularum, neruorum, musculorum: quæ non videretur necessaria esse, si tantum passiuæ & non actiuæ aliqua vis in membris resideret. Etenim motus localis est motus valdè imperfectus, & non videtur requirere magnam in mobili dispositionem, ad hoc, vt moueri possit. Et idè conformatio illa varia, quæ est in membris, non propter illam dispositionem aut potentiam passiuam, sed propter aliquam actiuam à natura videtur esse instituta. Accedit, quòd (vt benè deducit Bartholomæus Vasquez 1. 2. quæst. 9. disp. 24. cap. 2) si corpus nullam vim actiuam haberet ad motum, sed solùm passiuè illum reciperet à phantasia & voluntate; sequeretur eadem velocitate nos posse moueri, cum ægri sumus & laesi, sicut cum sani. Nam corpus etiam languidum & infirmum ab angelo eadem velocitate moueri potest, quia ab anima mouetur, cum validum est; non alia ratione, nisi, quia motus solùm ab angelo recipitur in membra absque vlla efficacia & concursu virtutis eorum. Ergo eodem modo à phantasia moueri posset, si totum motum ab illa reciperet, & non aliam aliquam peculiarem vim actiuam adiungeret. Et hinc est, quòd angelus absque vlla alia dispositione equè velociter mouere possit corpus mortuum, ac viuum: languidum & sanum, dispositum non dispositum: modò eadem mensura grauitatis contineatur; Proinde pari ratione, si sola phantasia aut voluntas membra moueret & nulla vis actiua in membro existens concurreret, nulla dispositio videretur requiri, ad hoc, vt phantasia illud membrum mouere posset: sed videtur, quod tam citò & æquè benè languidum ac sanum mouere posset. Quapropter est manifestum, phantasiam aut voluntatem per se non mouere membra, sed pecu-

peculiarem quandam potentiam quam, Medici Motuam animalem vel voluntariam appellant. Veruntamen, quamvis nec phantasia, nec appetitus per se eliciant & exequantur motum, tamen concurrunt quàm maximè ad motum. Nam imprimis appetitus concurrat, ut imperans motum quia appetitus habet dominium despoticum super potentia motiua, & applicat eam ad opus: & sic est quasi principalis causa motus: & motiua, est sicut famula eius. & ideo, sicut opera seruorum adscribuntur dominis, ita operatio motiue seu motus adscribitur non raro ipsi appetitui. Phantasia etiam concurrat ad motum dupliciter. primò, ut causa quædam remota & sine qua non: quatenus non fieret appetitio, si non præcessisset cognitio. secundò proximius: quatenus dirigit motum & eum determinat & modificat. Etenim potentia motiua ex natura sua est indeterminata, & ad omnem motus speciem indifferens: phantasia autem dirigit eam & facit. ut sic vel sic moueat, hoc vel illud membrum, ad hunc vel illum situm. Et hac ratione etiam non immeritò motus phantasie adscribi potest.

Ad argumenta respondetur. Ad primum. Benè ab Aristotele motum phantasie & appetitui adscribi, cum motus ab his imperetur & dirigatur, ut iam dictum est; & motiua obediat eis: sed nò ita adscribi, quasi ipsæ sint potentie motus elicitivæ, & nulla sit præterea alia potentia motus proximius executiua, quia eodem cap. (ut supra ostensum est) illam potentiam agnoscit, & in ipsis membris mouentibus dicit residere. Ad D Thomam eodem modo respondetur. Verum esse, quod phantasia sit principium motus, sed non elicituum.

Ad secundum respondeo. Per phantasiam membra non ita moueri, sed per appetitum. appetitus enim imperat motiue, phantasia non. Et ideo per imaginationem non prius editur motus, quàm actionem phantasie actio appetitus insequatur. sed motum ab appetitu imperandum phantasia dirigit. Quòd autem membra pro ratione & nutu earum ita moueantur, non arguit ea immediate & per se ab illis moueri, sed solum, vnam imperium, alteram directionem in locomotionem habere: &

loco motiuâ secundum imperium earû debere operari.

CONCLUSIO XXII. Phantasia per se, & directè etiam nò mouet secundum Locum corpus Alienum, seu Humores & Spiritus.

Pro cuius intelligentia duo sunt notanda. Primò, quòd non negem, quin phantasia aliquo modo possit esse causa motus sanguinis, & spirituum ad hanc vel illam partem: sed dico, quòd ipsa non moueat illos effectiue, per se & immediatè: sed tantum per accidens: excitando alias potentias, quæ illos per se mouent. Est notandum secundò; quod non sit dubitandum, nec quispiam neget; quin regulariter & ordinariè sanguis & spiritus moueantur à potentijs animæ naturalibus seu vegetatiuis: sed hoc Quæritur; An præter illas potentias motrices naturales, phantasia etiam non habeat potestatem eos solo motu & imperio per seipsam mouendi Etenim quòd sanguis & spiritus ordinariè, & semper, ac per se moueantur à facultatibus motricibus naturalibus, & non à phantasia, est manifestum. Nam attrahitrix & retentrix sunt potentie naturales & vegetatiue: illæ autem, quid mouent nisi humores & spiritus? non enim mouent membra ipsa, sed in membris contenta: illud autem quid sunt, nisi humores & spiritus? Humores & spiritus sunt obiecta facultatis nutritiue, & sunt partium alimenta. at nutritiue munus est, non tantum alimenta concoquere, sed prius concoquenda attrahere, & concocta in alia membra transmittere. ergo nutritiue munus est humores & spiritus mouere: & illud munus non competit phantasie. Nam alimentum attrahere & expellere sunt operationes nutritioni inservientes, & sic potentie quæ illos actus edunt, sunt potentie famulatrices & ministræ ipsius nutritiue: At phantasia non est potentia nutritioni inserviens, sed longè nobilior & excellentior, Ergo non est eius humores & spiritus mouere. Phantasia enim non cognoscit operationes naturæ, & idè non potest illos secundum leges naturæ mouere. Phantasia debuit quiescere & subinde cessare ab operando: potentie autem naturales in perpetuo opere debuerunt permanere Atque ex his patet sanguinem & spiritum omnesque humores
in cor-

in corde, cerebro, hepate genitos; quādo per venas, artē-
 tias, nervos in vniuersa mēbra pro earum nutritione di-
 stribuuntur; non moueri à phantasia, sed à natura & po-
 tentijs naturalibus. Nā, siue vigilemus, siue dormiamus;
 siue de sanguine & spiritibus imaginemur, siue non; &
 siue ea cognoscamus, siue nō, semper illi per corpus mo-
 do suo, eodemq; mouentur. Proindeq; patet, quōd per
 se & ordinariē moueantur à natura, & non à phantasia.
 Dico autē in conclusione: quod non tantū ordinariē à
 phantasia nō moueantur, sed nec vnquā. Et hoc probō.

Primò. Si phantasia sanguinem & spiritum moueret,
 deberet habere notitiā internarum partium, ad quas
 & per quas illos moueret: at non habet, ergo.

Secundò. Si phantasia moueret sanguinē & spiritus,
 moueret eos quōd vellet: sicut, qui dicūt phantasiā esse
 causā motus volūtarij, dicunt eā mēbra mouere, quōd
 vult. at sic non mouet eos, ergo. Minor probatur: quia,
 quantumcūque homo pallidus imaginetur, & velit, vt
 sanguis & spiritus in faciem feratur: aut quantumcūq;
 rubicundus imaginetur, vt recedat: quantumcūq;
 imaginetur & velit, vt spiritus in partem gangrēnosā
 feratur: vt bilis in ictero à cute ad folliculum redeat: aut
 sanguis in hēmorrhagia & vulnere aut inflammatione
 ad originem retrocedat; nunquā propterea retrocedit.

Tertiò. Si phantasia per se moueret sanguinem & spi-
 ritus, semper moueret, illud enim quod facit aliquid per
 se, & ex propria natura, id natum est illud facere sem-
 per: At sæpē fortissima imaginatio hoc non potest. Ergo
 non per se, nec virtute propria mouet.

Quartò. Si phantasia habuisset potestatem spiritus &
 sanguinem mouēdi, illud fuisset operationibus potentię
 vegetatiuę summum impedimentū. Nam phantasia eā
 sæpē cōtrarijs motibus moueret, quā actiones vegetatiuę
 exigerēt: At natura fecit quod melius est; itaq; non dedit
 phantasię talē potestatē spiritus & humores mouendi.

Quintò. Videmus in corpore effectū vnius facul-
 tatis non edi ab altera facultate; sic visum non facit alia
 facultas, quā visiva: motum voluntarium non facit
 alia facultas, quā loco motiua voluntaria: notum
 cordis non alia, quā pulsifica cordis: quare verisimi-

est etiam motum spirituum & humorum, cum fiat à facultatibus vegetatiuis, non posse vnquam fieri ab vlla potentia sensitiva, nec consequenter à phantasia. Nisi etiam phantasia per se spiritus & humores moueret, eiusdem effectus in corpore duæ causa essent per se effectiue, æquè immediatè: hoc superfluitatem argueret, quam natura abhorret Ergo.

Sextò. Illud quod mouet, debet esse in parte, vnde illud quod moueri debet, promanat. Indè enim est principium motus, vbi illud est, quod mouet: & quod trahitur, trahitur ad locum, vbi est ipsum trahens. At humores & spiritus promanant à corde & hepate; & sanguis ille & spiritus, qui in animi passionibus ita derrepentè mouentur, & omnem faciunt alterationem, promanant ab hepate & corde, & à corde & hepate mouentur extrorsum, & ab extrà rursus ad cor & hepar. Ergo, si phantasia illos moueret, phantasia deberet esse in corde, vel in hepate. At ibi non est, sed in capite. Ergo ipsa per se humores & spiritus non mouet. Confirmatur. Quando aliquid mouet à centro in omnem circumferentiam, illud quod mouet, non potest esse in vna aliqua parte circumferentiæ; alioqui eodem actu simplici mouendi moueret respectu sui in contrarias positiones, à se & ad se: At in animi passionibus, ut ira, gaudio, sanguis & spiritus mouentur à centro corporis ad omnem peripheriam: & in tristitia & metu à tota peripheria ad centrum. Ergo ipsum mouens est in centro. In centro non est phantasia. Ergo ipsa non eos mouet.

Ad argumenta in principio quæstionis, contra conclusionem allata respondetur. Per ea tantum probari, phantasiam esse quidem causam per accidens & intentionalem motus eorum, quatenus instigat & excitat alias potentias intermedias ad mouendum, sed non esse veram causam per se & effectiuam eius. Etenim eodem modo quo phantasia per suam imaginationem est causa motus spirituum & sanguinis; eodem modo etiam potentia visus & auditus & tactus &c per suas actiones sæpè sunt causa motus eorundem. Nam sicut imaginatione præcipit, ignis, rerum tristitia, &c humores & spiritus mouentur, homines tremunt, pallent, refrigerantur,

rantur, &c. ita quoque visione, auditione & tactu eorundem: Atqui nec visiva, nec auditiva, nec tactiva, habent vim per se spiritus & sanguinem cordis mouendi. Ergo nec imagiatiua.

CONCLUSIO XXIII. Etsi phantasia effectiue spiritus & humores non moueat: habet tamen aliquam vim eos vel versùs vnâ, vel versùs alteram partem magis Dirigendi. Pro quo est Notandum. Aliud esse mouere, aliud motum dirigere: aliud facere ipsum motum seu substantiam motus, aliud modum superaddere, seu motum modificare. Multa autem sunt, quæ non faciunt ipsam motû & tamen motum modificât. seu faciût, vt illud, quod ab alio mouetur, moueatur ad determinatum locum. Sic canalis non mouet aquâ, ducit tamen & dirigit ad determinatum locum. regula nō mouet pluuiam, attamen dirigit, index non mouet viatorem, attamen dirigit eum. Sic dico, quodd, etsi facultas phantastica, ipsamet non moueat spiritus, sed motrix naturalis; phantasia tamen per suam actionem possit motricem illam determinare ad certam versùs hanc vel illam partem, hoc vel illo modo motionem.

Probatur conclusio. Qui imaginatur Venerem, ei coles excitatur, & spiritus mouentur versùs genitalia, & non ad aliam partem. seu diriguntur ad illam partem, quæ est instrumentum istius actionis, de qua est imaginatio. Qui imaginatur cibum aliquem lautum, ei saliuâ ad os mouetur: motrice naturali ad palatum, quod instrumentum est illius actionis seu gustus, de quo est imaginatio, humorem illum dirigente. Cum cogitamus de mingendo, vel cum videmus alios mingentes aut egerentes, miſturimus, vel cacaturimus. Cum videmus alios comedentes, aut de cibo cogitamus, incipimus famere: quod, non videtur alia ratione, fieri quàm propter spiritus, quos natura mittit ad illas partes ab ipsa imaginatione determinata. Idèd benè dicit Iacobus de Forliuio propter obedientiam virtutum superiorum ad inferiores phantasiam ita mouere virtutes naturales, vt ipse aliter moueant sanguinem & spiritum, quàm aliàs naturaliter mouerent, si à phantasia non dirigerentur. Nam sicuti superius conclusione 21. dictum est, ipsam phanta-

phantasiam non mouere membra motu voluntario, & tamen dirigere motum eorundem, ita non est mirum, si etiam dicamus eam, etsi spiritus humoresque non moueat, certo tamen modo dirigere. Visum est phantasiam per se non mouere: Videndum nunc

QVÆSTIO VI.

An possit alterare?

ET videtur quod sic. Primò Authoritate. Etenim Aristoteles lib. de motu animalium varijs locis, dicit sensum, cogitationem & phantasiam alterare. Etenim dicit ibi, phantasiam esse causam motus voluntarij, per hoc, quòd phantasia alterat, & alteratione spiritus & nerui dilatentur & constringantur, & sic partes moueantur. (Mouetur enim & incedit, inquit, animal appetitione vel selectione, alteratione tamen facta aliqua per sensum & phantasiam.) Et paulò post, (calor autem aut frigus, inquit, eorum cogitationem & imaginationem necessariò consequuntur) & iterum post, (Cause autem, inquit, motionum naturales, interueniente sanè fiunt alteratione. Cogitatio namque & imaginatio, vt dictum est, priùs agentes adducunt affectiones. Nam agentium species repræsentant) & iterum, (visum & notio rerum agendarum vim obtinent. Etenim specie vel caloris, vel frigoris, & rei vel iucundæ, vel formidabilis mente percepta, quodammodo talis agnoscitur, qualis quæque res est.) Ita quoque Auicenna 6. naturalium par. 4. cap. 4. dicit æstimationem informatam obiecto alterare calefaciendo, & refrigerando. Et dicit materiam corporalem magis obedire substantijs separatis, quàm agentibus contrarijs in naturas & idèd, cum anima sit illis substantijs proxima, eam per vim imaginationis posse alterare, & formam in materiam inducere: non tantum propinquam, sed & remotam. Idem videtur & D. Thomas asserere. Etenim 3. cõr. gentes cap. 99. volens ostendere, quod Deus possit operari præter ordinem naturæ, seu præter ordinem rebus inditum, producendo effectum absque causis proprijs, id probat ex eo, quòd imaginatio hoc possit. Vnde, inquit,

quit, multo magis Deus hoc poterit. Nā ex hoc, inquit, quod anima imaginatur aliquid vel vehemēter afficitur ad illud, sequitur, inquit, aliquando mutatio in corpore ad sanitatem vel egritudinem, absq; actione principiorū corporalium, quę sunt nata in corpore sanitatē, aut morbum procreare. Ex quo patet eū velle, animam per potentiam imaginatiuā per se posse calefacere, sine medijs substantijs corporalibus alterandi vim habentibus.

Probatur porrò Experientia, quia cogitatione & imaginatione rei lætæ, homines incalescunt, rubent & robur acquirunt: tristis vero, refrigerantur, & pallescent, canescunt, moriuntur, in febrem ac pestem incidunt: quorum nihil sine corporis alteratione fieri potest.

CONCLUSIO XXIV. Phantasia per se formaliter non potest Alterare.

Hanc conclusionem tenet D. Thomas varijs locis, & est communis ferè omnium Philosophorum. Etenim 3. contra gentes cap. 103. disputat an anima possit per se alterare, & resoluit, quod non. Et reprehendit Avicennam contrarium asserentem: & subiungit apprehensionem & imaginationem alterare quidem, sed tantum per accidens: quatenus apprehensionem sequuntur animi passionēs: ab animi passionibus humores & spiritus mouentur, qui præsentia sua partes alterant. Et ideo dicit, solam & nudam apprehensionem non alterare, sed tum solū, quando cum animi passionibus est coniuncta. Et hoc, inquit, mediante motu locali sanguinis & spirituum. Idem dicit part. 3. q. 13. art. 3. ad 3. ubi dicit illam esse rationem, cur imaginatio possit quidem agere in corpus secundum calorem & frigus, & nō secundum figuram, & similia accidentia; quod, inquit, calefaciat & refrigeret mediantibus animi passionibus, & humorum, & spirituum motu, aliter non: at mediante motu spirituum & humorum non potest, inquit, figuram permutare: quia humores & spiritus alterare quidem possunt, sed figuram non possunt permutare. Idem dicit quæst. 117. part. 1. & multis alijs locis; quem Ferrariensis, Bannes, & plerique Theologi scholastici sequuntur. Ad locum autem in contrarium adductum
respon-

respondet Ferrariensis illum non sic esse intelligendū, quasi phantasia per se immediatè causet sanitatem vel ægritudinem: sed tantū per accidens; mediantibus animi passionibus & spirituum & humorum motu. sicuti in præcedentibus locis manifestè est declaratum.

Probatur etiā conclusio Ratione. Primò. Suprà cōclusionē 6. & 7. ostensum est animam per se directè per nullam potentiam posse immediatè alterare, sed solummodò mediante temperamento & calore nativo membrorum; & illas potentias, per quas sic alterat, esse solū potentias vegetatiuas. Ergo nec phantasia per se immediatè potest alterare, nec etiā mediante temperamento aut calore nativo membrorum, vt instrumento; cum sit potentia cognitiua non autem vegetatiua.

Probatur secundò. Si phantasia posset per simplicem suam operationem seu imaginationem directè & per se ac formaliter alterare, semper per intensam imaginationem alteraremur. Quod enim habet potestatem per se, & ex natura sua aliquid faciendi, illud semper facit: At per quotidianas nostras imaginationes nulla fit in nobis alteratio. Ergo phantasia per se non alterat. Tūc autem solū alterat, quando eam sequuntur actiones potentie appetitiuæ, propter quas spiritus & humores mouentur. Ergo phantasia per se & directè non alterat. Nam etiam si quis toto die imaginetur se esse calidum, aut velit esse calidus, non idè calefiet: aut imaginetur se esse frigidum non idè frigefiet: æthiops imaginando albedinem per integros annos, non idè albescet; fæto-re anhelitus laborans, imaginando perpetuū odoris bonitatem, non idè sibi faciet anhelitum odoratum: nec quispiam simplici sua imaginatione per se vllam aut primarum aut secundarum qualitatum seu in corpus proprium, seu in contenta eiusdem, humores scilicet spiritūsque inducet.

Tertiò. Si phantasia per se alteraret; vel posset producere omnes qualitates primas, vel vnā aut plures earum: Non omnes, quia sunt contrariæ vnā autem aut eadem simplex causa non potest per se producere effectus contrarios: nisi fortè ratione subiecti aliter atque
auter

aliter dispositi Non vnā, quia, cur magis produceret vnā quā aliam cum phantasia videatur ad omnes esse indifferens. tam enim videtur imaginatio frigidi posse tacere calorem, quā imaginatio frigidi, frigus. Ergo.

Quarrit. Si phantasia, visus, auditus per suam nudā actionem directē & immediatē producerent aliquam realem alterationem, deberent semper producere eandem. Etenim per eandem specie actionem non potest produci, nisi vnus & idem specie effectus; quantum, scilicet, est ex parte agētis (vt dictum est.) At per visionem, imaginationem &c. modò sequitur in corpore calor, modò frigus; modò rubor, modò pallor, qui sunt effectus contrarij. Nam cum imaginor tristitia, fit frigus; cum imaginor læta, fit calor; cum video noctem, fit frigus; cum video amicum fit calor & tamen imaginatio læti & imaginatio tristici, & visio amici & visio hostis sunt eadem actiones solo numero, non autem specie differentes. est enim vtriutque actionis obiectum formale idem. Ergo illæ alterationes per illas actiones per se non causantur. Amplius; visio, imaginatio, &c. eiusdem obiecti inducunt contrarios effectus, ergo non per se: nam vna causa non potest per se inducere contrarios effectus. Antecedens probatur. Nam aliquando visio ignis, inducit calorem, aliquando inducit frigus; visio aquæ aliquando inducit calorem, aliquando inducit frigus: & sic eodem modo imaginatio. Sic qui per Alpes profecti frigore rigescunt, viso igne exhilarantur & incallescunt: qui verò propter scelera ad ignem sunt condemnati aut cauterij sunt vrendi, viso igne palleunt, refrigerantur & contremiscunt. Qui per deserta Lybiæ ambulantes, siti ferè extincti sunt, subito aquæ conspectu rubebunt & incallescunt: qui verò ad submersionē sunt condemnati, visa aqua refrigerabuntur, pallebunt & perhorrescent.

Quintò Si imaginatio, visus, auditus, per se aliquam realem causarent alterationem; omnes illæ non causarēt eandem, sed diuersam. Probatur. Nam talis alteratio seu talis realis actio non contingeret alio modo, quā per hoc, quòd talem cognitionem seu talem actionem

ex con-

ex connexione quadam & sequela naturalitatis alteratio, vel actio realis comitaretur. Ergo diuersam cognitionem, seu diuersam speciem cognitionis deberet diuersa alteratio sequi: sed ita non sequitur. Nam illę tres cognitiones, visio, auditio, & imaginatio sunt cognitiones specie diuersę: & tamen eas omnes sæpè sequitur eade n alteratio, ergo. Subsumptum probatur. Nam & visio ignis in eo, qui est comburendus, & auditio ignis crepitantis & imaginatio eiusdem, faciunt similem frigiditatem, pallorem, &c. v. visio aquę, & auditio murmurantis, & imaginatio eiusdem in eo, qui penę siti est extinctus, faciunt calorem & ruborem. Ergo illa alteratio ab illis actionibus per se non causatur.

Sexto. Si imaginatio, visio, &c. essent alicuius realis qualitaris productiue, essent certè illius, qua formaliter præditum est, vel quam efficere natum est illud obiectum, quod percipiunt. Et sic visio & imaginatio ignis deberent producere calorem, & visio, & imaginatio aquę deberent producere frigus: At visio & imaginatio aquę aliquando sunt causa caloris, vt in moriente siti: & visio ignis est aliquando causa frigoris, vt in breui per iustitiam comburendo. Ergo.

Septimò. Si visio per se aliquam realem qualitatem producere posset; maximè deberet posse producere illam, quam percipit, Nam à specie illius informatur, & per illam determinatur ad eam, & acquirit similitudinem cum ea. Nam, quam aliam posset producere? Etenim cum varię sint in obiectis qualitates; quam connexionem habet visus cum illis? aut quam similitudinem magis habet cum vna quàm cum altera; vt magis vnam, quàm alteram producere possit? At accidentia, quę percipit visus, sunt color, lumen, figura, motus, numerus, magnitudo. Ergo illas, & nullam aliam producere deberet. Vnde cum visus videt ignem, aquam, leonem; auditus audit tormenta bellica contra urbem emissã; non deberent calorem aut frigus causare. quia illa ab auditu & visu non percipiuntur. sed flauedinem, perspicuitatem, sonum, figuram, motum, &c. Sed nullam illarum causant: quia propter nullam visionem sentimus in nobis colorem, figuram, magnitudinem partium,

tium, &c. mutari. Ergo nec visus, nec auditus ullam earum per se producant. Cum ergo post visionem rerum aliquarum in corporibus nostris tamen fiat alteratio, non aliter, quàm sicut post imaginationem fieri solet; manifestum est, quòd sicut visio illam per se non causat, ita nec imaginatio causet.

Ad argumenta Respondetur. Ad authoritates Aristotelis, dico. Eum in illo libro varijs locis docere, propter imaginationem corpus alterari, quod & nos non negamus & infrà docebimus: sed nò dicere ipsam phantasiam per suam imaginationē illud per se & immediate alterare, de quo hic est quæstio: sed satis indicare, eam hoc facere per accidens, mediantibus animi passionibus & humorum & spirituum motu. Sicut enim phantasiā, itā & visionem dicit alterare: at certum est Aristotelem non velle ipsam visionem per se alterare, sed tantum per accidens, mediante motu, qui fit in corde. quare etiam censendum est, eum non velle imaginationem per se, sed solummodò per accidens alterare. Et quòd hoc velit, colligi potest. Nam cum dixisset, quòd calor & frigus necessariò rerum externarum notionem & visum confectentur, subiungit eius rationem, quia, inquit, res tristifica euitari, iucunda affectari solet. Quasi diceret: hoc fieri, quia species rerū perceptæ & visio & imaginatio earum excitāt animi passionēs; tristitiam, gaudium, &c. quibus fit, ut ad fugiendum sanguis & spiritus introrsum reuertentur; vel ad amplectendum, extrorsum ferantur, ex quo frigus calorque eueniunt. Ad authoritatem Auicennæ, dico: eam non esse curandam; eò quòd ipse in imaginationis viribus extollendis nimis sit effusus & superstitiosus. Ad D. Thomam, dico: eum ibi non velle supponere, phantasiā per se alterare, aut sanitatem & morbum facere. quia ex locis iam allatis, satis manifestum est, eum velle, quòd solum alteret per accidens, mediante humorum & spirituum motu: sed hoc solum: quòd, sicuti homo potest aliquandò facere ea, quæ sunt præter ordinem naturæ: & aliquandò sine medicamentis sanare seipsum per suam imaginationem, per quam ordinariè sanatio fieri non solet, sed tantum per medicamen-

ta ad hoc à natura instituta: ita multò magis Deus aliqua facere possit præter ordinem naturæ: Ex quo patet eum ibi non dicere, quod homo aliquando sanat seipsum per suam imaginationem, seipsum directè & immediatè alterando: sed solùm, quòd sanat seipsum sine applicatione medicamentorum externorum, per solam suam imaginationem: nihil proponens aut curans, an id imaginatio faciat immediatè & per se alterando, an verò per accidens mediante humorum & spirituum motu.

Ad argumentum ab Experientia desumptum Respondeo: certum esse, homines per sensum & imaginationem alterari, & in febres ac alios ex intemperie morbos incidere posse: sed nego, quòd per se & directè; sed solùm per accidens & indirectè: mediantibus operationibus aliarum potentiarum, seu humorum & spirituum motu, vt iam sæpiùs dictum est. Verùm dicet aliquis: verum quidem esse, ipsam potentiam imaginatiuam, cùm sit passiuæ & non actiuæ vilius alterius actionis, quàm suæ imaginationis & eius actio seu imaginatio sit immanens nec transeat in aliquod passum, fortè nihil alterare, sed ipsas rerum species intentionales, quæ in potentia recipiuntur esse actiuas & habere vim alterandi: eas autem à cerebro per nervos membris communicari, & ad quæ peruenerint, ea alterare; & ided cum species sint in potentia & eam informant, & sic constituent vnum cum ea; meritò dici Phantasiam alterare, & totam illam alterationem facere, quam faciunt species eius. Propter hoc autem est videndum,

An ipsa species phantastica possit alterare.

Et videtur quidem quod sic: primùm Authoritate. Etenim Aristoteles libro de communi animalium motione, dicit in hæc verba (visæ, inquit, sensus & consignatæ in animo notiones commouent) & subdit (visum & notio rerum agendarum vim obtinent. Etenim species vel caloris, vel frigoris, vel rei iucundæ, vel formidabilis mente percepta, quodammodò talis agnoscitur, qualis res vnaquæque est. idcirco notione solum affecti, tum horrore, tum mente perculsi videmur.)

mur.) Auicenna lib. de anima part. 4. cap. 4. dicit, vim æstimantem informatam obiecto alterare, calefaciendo vel refrigerando. Gentilis de Fulgineo, red-dens causam, cur cum videmus alios acida & acerba comedentes, dentium dolore afficiamur; dicit id ex eo esse, quod species acetosi veniens ad imaginationem, habeat virtutem acetositatis: vnde simili modo afficit acipsa acetositas. species enim rerum, inquit, sunt plurimum secundum se deferentes virtutem rerum, quia species, inquit, calidi, virtutem habet, vt calefaciat; & species frigidi virtutem habet, vt infrigidet. Hoc etiam tenuerunt Marsilius Ficinus lib. 13. de animi immortalitate cap. 1. Tartaretus 2. de anima artic. penultimo. Citadinus lib. 3. com. in artem paruum cap. 15. Iacobus de Forliuio 3. Technes quæst. 11. concl. 4. Concil. differ. 135. Thomas à Vega ad cap. 49. artis parue. Valesius lib. de sacra Philoso. cap. 11. Conimb. lib. de generat. & corrupt. cap. 9. quæstione 1. art. 2.

Probatur secundò Ratione. Scribit D. Thomas opusculo 3. cap. 177. & opusculo 10. cap. 16. & in 4. distinct. 44. quæst. 3. art. 1. quæstiuncula 1. & alijs locis, corpora damnatorum vri, non reali actione & calore, sed intentionali. Ergo species sunt actiue, & habent vim rerum.

Tertiò. Marsilius Ficinus lib. de generat. & corrupt. quæst. 18. Venetus lib. 1. Meteor. Foroliuiensis quæst. 1. in aphor. 15 sect. 1. dicunt auctorem caloris in antiperistasi fieri propter specierum caloris repercussionem: quatenus species repercussæ augment & fortificant qualitatem realem, Ergo species habent vim alterandi.

Quarò. Species sunt quædam accidentia, & quædam formæ seu actus: informant enim & actuant potentiam & organum. At de ratione formarum est, posse agere. Ergo species sunt actiue. Confirmatur, species sunt eiusdem rationis & nature specificæ cum suis obiectis, & species caloris est calor, sed in esse remisso: & sic non differunt species à suis obiectis seu accidentibus realibus, nisi secundum magis & minus: atqui calor potest

agere.

agere. Ergo & species eius. Sequela probatur. Nam, si sunt eiusdem naturæ specificæ; sicut agit vna, ita poterit & alia agere: nam agere sequitur esse, & idcirco quæ non differunt in esse, etiam non differunt in agere: solum videtur illa posse esse differentia; quod, sicuti species est calor, modo quodam nobiliore & minoris entitatis, quàm ille; ita quoque modo nobiliore & remissius agat. Nunc autem videtur esse posse, quod etsi species, ex natura propria debilius agat, quàm sua qualitas realis à quâ defluit; & sic in virtute propria non possit realem qualitatem producere; tamen in virtute animæ possit sic operari, vt realem qualitatem producat. Ergo videtur, quod species intentionalis in phantasia existens possit aliquam realem qualitatem producere.

Quintò. Porro quod de facto aliquando producat, hinc videtur apparere. Etenim nonnulli, quales se nouisse scribunt Guilielmus Parisiensis & Nicolaus Florentinus, sola cogitatione & aspectu pharmaci ita alio mouentur, ac si medicamentum hausissent: hoc non videtur fieri alia ratione, nisi quatenus species pharmaci cogitatione percepta vim habet pharmaci & mouet, sicut ipsum pharmacum. Ergo. Qui frigiditatem glaciæ imaginantur, aliquandò horrent: hoc non videtur alia ratione fieri, nisi quatenus species frigoris imaginatione concepta producit in corpore verum frigus, quod sit causa horroris. Qui vident alios acerba comedentes, ipsimet stupore dentium afficiuntur: quod non videtur fieri alia ratione, quàm quia ex illa specie producitur in ore ipsemet sapor acerbus, qui stuporem dentium facit. Imaginantes fœtida nauseant: quod non alia ratione fieri videtur, nisi quia inde odor fœtidus in stomacho generatur, qui illum subuertat. Aliqui imaginantes dolorem in aliqua parte corporis, dolorem contrahunt: quod etiam fieri videtur, quatenus imaginatio doloris producit veram causam doloris. Ergo.

Sextò. Species albedinis in oculo recepta disgregat visum, lumen intensum oculos lædit, & vnaquæque species modum excedens potest dolorem in proprio sensu causare. Ergo species sunt actiue. Sit

CONCLUSIO XXV. Species phantastica nō est

est productiua realis qualitatis; nec potest formaliter alterare.

Hæc conclusio probatur Authoritate Aristotelis, 2. 2. animæ cap. 5. tex. 59. vbi dicit actionem intentionalem esse perfectiuam, non autem corruptiuam. Probatur etiam authoritate Themistij lib. 2. animæ cap. 42. & Alexandri Aphrodisei, & precipuè D. Thomæ 1. part. quæst. 67. art. 3. & 2. sentent. dist. 13. art. 3. vbi dicit, species non posse naturalem transmutationem causare. Quod idem dicunt Scaliger exer. 75. sect. 2. Franciscus Picolomineus in physicis lib. de facultate motiua cap. 22. Christophorus à vega lib. 2. artis medic. sect. 6. Codronchus libello de morbis veneficiis. Vayrus de fascino, alijque.

Probatur secundò Ratione. Actus & finis speciei est repræsentare: nā species est ordinata ad hoc, vt fiat cognitio: vt scilicet ipsa perueniens ad sensum, ad quem nō potest peruenire ipsum obiectum, illud etsi remotum repræsentet: quapropter eius esse & formalis ratio consistit in repræsentare: At agere sequitur esse. Ergo sicut eius esse est repræsentatiuum, ita eius actio formaliter non potest esse alia, quàm repræsentatio. Ergo species non est effectiua; nec eius actio est alicuius rei effectio, sed tantum repræsentatio.

Probatur sequela. quia differunt repræsentare & efficere. Etenim imago quæ ré aliquam repræsentat, dat eam cognoscendam, sed illam non efficit: species nihil est aliud quàm imago rei. Ergo eam tantum dat cognoscendam per repræsentationem, & non efficit eam: repræsentare enim intrinsecè excludit efficere. Nam quando aliqua res per species repræsentatur, si tum efficeretur, verè non repræsentaretur, sed repræsentaret seipsam, & esset ibi vbi repræsentatur: at repræsentatio per speciem dicit intrinsecè absentiam illius, quod repræsentatur. Ergo quod repræsentatur, non efficitur, & quod repræsentat, non efficit. Ergo.

Tertiò Quod est perfectiuum, non potest esse corruptiuum: species sunt perfectiuæ & institutæ ad potentiam & organum perficienda. Ergo non possunt esse corruptiuæ. At si species possent agere actione reali, essent

essent corruptivæ . Ergo sic non agunt . Minor probatur : quia alteratio realis est alteratio corruptiva , & est via ad corruptionem . Confirmatur . Si species ageret realiter , maximè ageret in organum : at si sic ageret in organum , corrumpere ipsum : quia ipsum imbuere reali qualitate , per quam fieret ineptum ad cognoscendas qualitates externas . quia , vt inquit Philosophus , organum debet esse denudatum ab obiecto , ne intus existens impediatur externum . Ergo non agit realiter .

Quartò . Si species alterarent & producerent aliquam realem qualitatem , agerent ultra suam perfectionem : hoc fieri non potest , ergo . Maior probatur : quia species sunt tantum qualitates intentionales ; intentionales autem qualitates longè sunt ignobiliores realibus . Hoc tenent communiter omnes Philosophi , Et probatur . Omnia accidentia , quæ possunt se multiplicare realiter , possunt se etiam multiplicare intentionaliter , sed non contrà ; imò qualitates , quæ minimè sunt actiue , & non possunt se multiplicare realiter ; vt qualitates secundæ , color , sapor , quantitas , figura , adhuc tamen possunt sese multiplicare intentionaliter . Ergo qualitates intentionales minus sunt , quàm reales . Denique species pendent inesse à qualitatibus realibus & absentibus obiectis seu realibus qualitatibus pereunt & evanescunt . Ergo . Denique species sunt tantum imago , imago autem minus est eo , cuius est imago . Ergo . Verum dicet aliquis ; etsi species sint minoris entitatis & efficacis , quàm reales qualitates , & sic per se , & virtute propria non possint producere eas tamen in virtute animæ possunt . & sic species quæ extra animam & in medio sunt , non possunt producere qualitatem realem ; in anima verò & organo existentes in virtute animæ & potentis imaginativæ possunt . Sed non valet : quia imprimis potentia imaginativa , in quam species recipiuntur , non est activa ; nec ordinata ad alterandum , sed tantum ad cognoscendum : & sic non potest speciebus impertiri & influere virtutem maiorem ad alterandum , & reales qualitates producendum , quàm ipsæ ex se habeant . Secundò : quia etiam ipsæ species non sunt à natura institutæ ad agendum

dum & alterandum, sed tantum ad representandum, & sic non habent ordinem ad alterationem; & ideo non possunt ab anima attolli ad alterandum, seu ad effectum talem producendum, ad quem ex natura sua non habent ordinem. Etenim causa aliqua nobilior potest instrumentum ignobilius attollere ad effectum producendum supra virtutem propriam; modo illud instrumentum habeat ordinem ad illum effectum: & effectus ille sit secundum naturam ipsius, sed si effectus sit præter naturam eius, & instrumentum non habeat ordinem ad illum; tunc quantumcunque sit excellens causa principalis, nunquam potest illud ad illum effectum attollere. Sic anima potest calorem nativum attollere ad hoc, ut carnem & spiritus generet, quos in virtute propria producere non posset: sed non potest illum sic attollere, ut refrigerandi vim acquirat. Artifex potest operationem ferræ ita attollere, ut statuem faciat: non autem, ut unquam dealbet, calefaciat, refrigeret, &c. Eodem modo anima bene potest attollere speciem phantasticam ad nobiliorem effectum, quam ante habebat in ratione representandi: quia facit, ut possit mouere intellectum, quod ante receptionem in phantasia non poterat; sed nulla ratione potest attollere in ratione alterandi. eò quod illa sit extranea eius essendi modo & ordini, quem à natura habet. Ex quo etiam sequitur; quod si species haberent vim realiter alterandi, species quæ sunt in aëre, etiam deberent res inanimatas alterare: At non alterant. nam speculum à speciebus coloris non fit coloratum, nec aër, nec quicquam in quod species incidunt. species figuræ, quantitatis, motus in nulla re inanimata ullam faciunt figuræ, quantitatatis, motus permutationem. Ergo. Accedit, quod si species possent producere realem qualitatem, haberent modum agendi nobiliorem, quam habent ipsæ qualitates reales. Etenim qualitates reales alterant solummodo, ut causæ Vniuocæ, at species intentionales alterarent eminenter, & ut causæ Æquiuocæ sicut alterant cœlestia corpora. causæ autem Æquiuocæ sunt nobiliores Vniuocis. At est præter rationem, ut illa quæ minoris sunt entitatis, prædita sint agendi modo nobiliore: modus enim

agendi sequitur modum essendi, & quæ nobiliore modo sunt, ea quoque modo excellentiore operantur. Ergo species non possunt producere realem qualitatem.

Quintò. Si species possent producere realem qualitatem, non possent producere aliam, quàm illam à qua deriuantur, & cuius sunt species. Etenim ei solùm similes sunt, quia eam solum representant; ab illa sunt productæ & ab illa habent omne suum esse, & à nulla alia: & consequenter ad illam determinantur. Atqui species plurimæ non possunt illam producere. Ergo. Minor probatur. Nam species coloris non potest producere colorem realem: species saporis non potest producere saporem: species figuræ, quantitatis, numeri, &c. non possunt producere figuram, quantitatem, numerum. Etenim ipsæmet illæ qualitates & accidentia à quibus illæ species promanant, non possunt sibi similia producere. Ergo multò minus species, quæ sunt tantùm imago eorum & effluxus tenuissimæ entitatis. Si illæ species non sunt productiue realium qualitatum sibi similium, ergo nec aliæ. quia species omnes in esse speciei sunt similes: quare etiam debent esse similes in modo agendi. Nam cum species primarum qualitatum, sint species obiectorum tactus, species aliæ sint species sensibilibus aliorum sensuum: si species, ut species, essent alteratiue, tam benè species aliorum sensuum essent alteratiue, quàm tactus. Nam cur non tam benè species visus posset alterare, quàm tactus? cum species visibiles sint longè actiuiores actione intentionali, quàm species tangibiles, & virtus visua multò acutior, quàm tactiua? Etenim visibiles species ab usque cælo & multis millibus milliariis & in momento visum tangunt, tangibiles non nisi è propinquo & in tempore. Si autem actione intentionali sint actiuiores, cur non consequenter etiam essent actiuiores actione reali?

Sextò. Si species per se producerent realem qualitatem, species caloris deberent producere aliam qualitatem, quàm species frigoris: & species eiusdem qualitatis deberent semper eandem producere qualitatem: At hoc non fit. quia sæpè videre est ex contrariis obiectorum perceptione eandem in nobis altera-

alterationem contingere; & è contrà, ex eorundum obiectorum perceptione sæpe produci in nobis qualitates contrarias. Ergo species illam alterationem & illas qualitates effectivè & formaliter non producant, sed ab alia causa producantur. Sic cum duo sunt morti adiudicati: vnus qui comburi, alter qui submergi debet vel in glacie sepeliri, quousque frigore moriatur vnus habebit speciem caloris & ignis in phantasia, & alter speciem aquæ & frigiditatis; & tamen ab vtraque specie vterque refrigerabitur: excitato, scilicet, timore. Sic iterum, vnus & idem homo cum valdè friget: imaginando ignem à quo vult calefieri, & aliàs cum valdè calebit, imaginando aquam in qua desiderat natàre, ab vtriusque obiecti speciebus calefiat: gaudio in animo excitato: & idem erit vtriusque effectus; cum tamen ipsæ sint contrariæ, & à contrarijs obiectis derivate, & proinde contrarias agendi virtutes habere debeant.

Septimò. Si species haberent actionem realem, semper cerebrum & totum corpus infinitis modis alterarent; maximè, cum ipsæ toties sine intermissione in organum recipiantur: Atqui experientia docet non alterare; nam quantumcumque diu circa aliquam rem imaginemur, quantumcumque diu circa naturam ignis, circa naturas primarum qualitatum philosophicè speculando versemur; non propterea vllam imaginatæ species in nobis temperamenti corporis faciunt permutationem. Nam siue ego hodiè studeam intensissimè de natura ignis; cràs de natura aquæ & glaciei; non idèd vno die magis calidus, altero magis frigidus fio, sed semper in eodem statu, & tam calidus vno, quàm altero die permaneo: Etiam si oculus decem diebus aspiceret murum flauum aut nigrum, non idèd flauior aut nigrior fieret: aut auris decem diebus sonorum reciperet species, non idèd illæ sonum vllum in aure generarent. Nec valet dicere non omnes species id posse, sed certas tantum; valdè, scilicet, intensas; subito & in imaginatiuam fortissimam & in corpus tenerum & in animam excellentiorem ac à terrenis facibus magis remotam & sub felici siderum còstellatione creatam, receptas: quia, vel species habent illam vim ex natura sua, in quantum

species: vel aliunde. Si ex natura sua, ergo omnes species habere deberēt: & sic, etsi aliquę species intensiores cum actu imaginandi fortiore coniunctę & certo modo & corpore receptę, aliquando alterationem facerent maiorem; tamen reliquę omnes necessariō etiam aliquam, etsi minorem, facere deberent: quam nullus tamen experitur. Quia virtus quę per se alicui accidenti aut corpori inest, illa debet omnibus necessariō inesse: etsi vni plus, alteri minus insit. Non aliunde: nam vnde haberent? non à phantasia aut potentijs cognoscitiuis: quia illę (vt dixi) non habent ordinem ad alterandū: & quia viri prudentissimi & doctissimi, qui & intellectum & phantasiā excellentissimam habent & species fortissimas, nullam tamen sentiunt in imaginando alterationem. Non ab objecto: quia objecta sunt eadem, & tamen in vno homine continget alteratio, in altero non. Ergo.

Octaud. Si species calidi posset calefacere; species calidi ageret in realem frigiditatem, illam ex suo subiecto expellendo: aliter enim calefacere non posset: at quę in se mutuo agunt, debent sibi mutuo contrariari. species calidi non contrariatur frigiditati reali, nec species frigidi caliditati reali: nam in eodem subiecto recipiuntur. species enim ignis recipitur in parte refrigerata, & species calidi recipitur in cerebro & in membris quę sunt calida. Ergo in se mutuo non agunt.

Ad argumenta in oppositum Respondetur. Ad auctoritatem Aristotelis, dico, non esse Aristotelem sic intelligendum; quasi ipse velit species imaginatione perceptas formaliter & effectiue alterare: quia (vt supra ostendimus) ipse 1. animę cap. 5. distinguit alterationes: & dicit non sic alterari sensum & organum ab objectis, sicut alię potentię alterantur à suis agentibus; per actionem scilicet realem & corruptiuam, sed alio modo; per actionem, scilicet, intentionalem & perfectiuam. Et ita non vult dicere Aristoteles speciem rei ita realitèr alterare, sicut ipsa res alterare potest; seu speciem ignis ita realitèr calefacere, sicut potest calefacere ignis ipse; sed hoc solū; speciem rei sola imaginatione reuolutam ita mouere & excitare appetitum

tum & determinare in ordine ad persecutionem, vel fugam, sicut ipsamet res præsens excitaret & determinaret. Et sic vult dicere; quodd, sicuti homines terrentur, & timent, & alterantur sæpè ab ipsis obiectis; verbi gratia, sicut videndo inimicum aut leonem, &c. horrent, tremunt & refrigerantur: ita quoque ab ipsis solis speciebus inimici aut leonis in imaginatione agitatis aliquandò terreantur, tremant & refrigerentur, etiamsi nullus inimicus aut leo adsint; non aliter ac si adessent. Et sic dicit ibi, species rerum habere rerum virtutes; non in ratione realiter alterandi; sed in ratione mouendi appetitum & animi passiones excitandi: quas postea corporis alterationes consequuntur.

Ad argumentum ex D. Thoma desumptum respondeo. controuersiam esse inter scholasticos, quomodo ignis infernalis vrat damnatos: an per species; an per suâ realem qualitatem. Tamen, vt ita esset, quodd per species ageret, hoc nihil argueret contra nostram positionem: quia tunc illæ species non operarentur naturaliter sed supernaturaliter; peculiari Dei virtute sic vigoratæ, vt realem qualitatem producere possint. quodd in actionibus naturalibus locum non habet.

Ad tertium respondeo. Antiperistasis non fieri per species caloris reflexas, sed alia ratione: de qua Coenimbricenses lib. 1. de generat. & corrupt. cap. 9. quæst. 1. art. 1. Valef. lib. 1. controuers. cap. 5. Thomas Vega artis paruq cap 29.

Ad quartum respondeo: species non esse eiusdem rationis & essentiæ specificæ cum suis obiectis. Etenim albedo & nigredo non possunt esse in eodem subiecto; species verò earundem possunt: ergò inter se natura specificâ differunt: quia vna habet contrarium, altera non. Imò sæpè non tantum specie, sed & genere differunt. Nam species canis in intellectu non est essentialiter canis: quia species canis est accidens, canis verò est substantia. Itaque in natura entitatis differunt species & obiectum: sed in ratione esse representatiui non tantum sunt idem genere & specie, sed etiam numero; inquit, Zabarella. Quapropter cum
in na-

in natura entitatis differant qualitas & species eius & ab illo esse entitatio dependeat agere, non est mirum etiam differe actione. Et ideo, etsi qualitas realis aliam realem producat, non ideo sequitur, quod ipsa species eam etiam producere possit. Itaque species est ipsa qualitas representatiue: & sicuti est qualitas representatiue: ita in sensum & organum imprimit eandem qualitatem intentionaliter seu cognoscibiliter. Id est, species, verbi gratia, caloris, rubedinis, &c. sic agit in organum, non ut ipsum organum fiat calidum aut rubrum realiter, sed ut fiat calidum & rubrum cognoscibiliter. sic quod per eam calorem & rubedinem & alias qualitates tam perfecte cognoscat, ac si ipsas realiter in se haberet. Et hoc est, quod dicit Aristoteles 3. animæ cap. 5. quod scientia quæ est actu, est idem quod res; non, quod anima aut organum fiat ipsum obiectum realiter, sed intentionaliter.

Ad quintum respondetur. illos effectus non contingere, per hoc, quod species sensibus aut imaginatione perceptæ reales in corpore producant qualitates aut earum edant effectum: sed per hoc, quod propter sensationes aut imaginationes rerum aliquarum, sympathiâ quadam potentiæ vegetatiuæ seu naturales ad opus excitentur: ex quo contingit humores & excrementa moueri & varios in corpore effectus & alterationes prouenire. Sic qui sentiunt fœtidum odorem, nausent & vomunt: qui audiunt ferræ stridorem, rigent: qui vident cascum vel aliquid à quo abhorrent; toto corpore afficiuntur: sæpè non alia, quàm eiusmodi potentiarum & partium sympathiæ causa. Neque solum, qui res ipsas sensu percipiunt, ita alterantur; sed & illi, qui tantummodò imaginantur. Nam, ut inquit Aristoteles lib. de com. animal. motione, species habent rerum virtutes & sæpè adeò corpus alteratur sola speciei in phantasia existentis, ac obiecti realiter præsentis perceptione. Quod ergò solum fœtorem imaginantes aliqui nausent: aliqui sola cogitatione vel lōginqua pharmaci visione moueantur & purgentur; non contingit, quod species fœtoris imaginatione percepta producat verum fœtorem; aut species pharmaci purgantis producat in intestinis

intestinis vim purgatoriam: sed quòd à tali imaginatione, sympathiâ quadam facultatum, motrix naturalis membris inexistens in opus excitetur, vnde humores agitantur & agitati naturam irritantes expelluntur. precipuè cum in corpore abundant & ad expulsionem sunt parati. Eodem modo, quo videmus quotidie ex foliis animi passionibus; vt subito timore, homines ad mingendum & alui excrementa egerenda prouocari. Qui audiunt aliquem in aquam congelatam incidisse & imaginatione frigiditatis horrent, non horrent, quòd species illa frigiditatis animo percepta reale frigus producat, aut per se effectum veri frigoris edat: sed contingit ex eo, quòd moto appetitu motrix naturalis excitetur; quæ humores & spiritus per membra corporis sentientia vibrat: qualis horror non tantum glaciem, sed & ignem & combustionem & alias res horrendas imaginantibus contingit. Quod indicium est eum non sic à specie frigoris, sed modo iam dicto causari. Alioqui, à specie caloris eadem ratione causari non posset. Quòd illi, qui vident alios res acerbis comedentes, ipsi eundem acerbum saporem in ore percipiunt, & imaginantes dolorem, aliquandò ipsum dolorem sentiant; non fit ex eo quòd species illæ saporis & doloris imaginati realem saporem aut dolorem inducant, sed contingit ex deceptione facultatum sentientium, quæ ab ipsa phantasia inducitur: per quam putamus videre, quod non videmus; audire quod non audimus: & tangere, quod non tangimus: vt in melancholicis frequentissimè contingit. Vt in illo, de quo scribit Horatius: qui haud ignobilis Argis, credebat se varios spectare tragædos, in vacuo solus plausor sessorque theatro.

Ad sextum respondeo species sensibiles afficere non solum potentiam, sed etià ipsum organum, quæ est organum. Et ideò, quando species sunt potentie & organo proportionatæ, potentiam & organum perficiunt, & in eo pariunt quandam delectationem; & quando sunt improporcionatæ, pariunt quandam dolorem. Sed sicut perfectio illa est intentionalis, & sicut illa voluptas causatur à speciebus actione intentionalis, ita etiam destructio est intentionalis & dolor fit actione intentionali.

nali. Et idè talis destructio & dolor contingunt etiam in intellectu, qui est spiritualis, & in quem non cadit actio vlla realium qualitatum.

Ad hoc quod dicunt species albi & luminis dissipare spiritus, quæ est actio quædam realis, nempe motus localis spirituum: respondeo primò. non esse mirum; cum lumen sit qualitas realis. Secundò, illas non verè dissipare spiritus, sic quòd per se moueant spiritus localiter: sed hoc esse sic intelligendum, quod illæ species non vniantur taliter in spiritibus & humoribus oculi, sicut vniuntur species aliorum colorum; sed per substantias illas perspicuas oculorum, propter consensum albi, & luminis cum perspicuo, magis alijs diffundantur. Et sic non spiritus, sed potius ipsæ species dissipantur.

QVÆSTIO VII.

*An phantasia possit vim vllam acquirere
ab influxu cælorum.*

E Tenim nonnulli id dicere non sunt veriti. Enimuerò Auicenna 4. 6. naturalium cap. 4. dicit animas in illo tempore, quo creantur, acquirere virtutem & influxum ab illis syderibus, sub quorum constellatione creantur. Si anima aliqua creetur sub fortunato aspectu Iouis, recipiet virtutem Iouis: sic quod poterit operari & agere eo modo, quo sydus Iouis: si sub aspectu Martis, virtutem Martis; & sic de alijs syderibus, sub quorum felici constellatione fuerit generata. Hunc secuti sunt multi alij vani & superstitiosi homines, qui spurcitiem suarum falsitatum pallio virtutū cælestium tegere sunt conati, vt Paracelsus & alij.

Et videtur equidem ita fieri posse. Etenim cælestia corpora agunt in sublunaria & mundus inferior regitur à supernis lationibus. vt est Philosophi 1. Meteor. cap. 2. & multæ sunt in rebus sublunaribus virtutes, quæ à nullo alio principio, quàm influentijs cælorum videntur pendere. Ergo etiam cæli in animam, & in phantasiam hominis influere possunt.

Probaturs secundò. Cæli influunt in dæmones: etenim

nim dæmones certis cœli constellationibus & lunæ quadris magis operantur & corpora cruciant obsessorum: hoc non videtur alia ratione fieri, nisi quia illis cœli mutationibus ipsi mutantur & afficiuntur. Ergo & anima à cœlis affici, & consequenter influxum eorum suscipere potest.

Tertiò. Characteres certis cœli aspectibus fabricati & adhibiti, & verba certis temporibus prolata, certos syderum recipiunt influxus, per quos peculiares & admirandos effectus operantur. Ergo & phantasia similes recipere poterit. Sit.

CONCLUSIO XXVI. Phantasia nullam peculiarem agendi vim recipit à cœlis.

Pro huius intelligentia est notandum. Primò, duplicatione dici posse phantasiam recipere vim à cœlis: vel sic, quòd anima, cuius ipsa est potentia, in prima sui creatione recipiat influxum, & virtutem à cœlis pro natura illius constellationis, sub qua creatur; secundum quàm virtutem postea mediante potentia imaginativa operetur: vel quòd illam recipiat postmodum, postquam iam homo est natus, quouis scilicet tempore, quo phantasia est in exercitio suæ operationis: sic, quod, quando interdum fortius est intenta suæ operationi, valeat recipere influxum, & virtutem illius syderis, quod rum casu fortuito fuerit dominatum: vel eius, quod habeat virtutem illud efficiendi, quod illa imaginatio tum imaginatur: qua virtute cœlitus iam imbuta & informata valeat vicissim alia alterare & permutare.

Est secundò notandum. non negare me, quin secundum constellationem corporum cœlestium phantasia benè possit immutari indirectè, secundum aliquam dispositionem communem; puta, quòd perfectius vel imperfectius operetur: quatenus, scilicet, per illam constellationem aer immutatur & fit humidus aut nebulosus, & spiritus cerebri fiunt humidiores & crassiores, & nebulosi, & cerebri substantia humidior. ex quo fit, quòd non possit tam perfecte suam operationem exercere, sicut aliàs facit: sed dico directè nō posse à cœlis acquirere ullam vim activam peculiarem, diversam à sua natura

tura cognoscitiua, per quam possit in corpora vlla agere & illa realiter permutare.

Quod probatur primò. Corpora cœlestia sunt causæ vniuersales: de ratione causæ vniuersalis est, ædere effectus generales, omnibus rebus sublunaribus ad esse & operari necessarios: aut gubernare generali quodam influxu mundi elementa & conseruare ea in suo esse; & non ædere effectus particulares: effectus autem particulares fiunt à causis particularibus; At influere vim aliquam actiuam in phantasiam esset effectus quidam particularis. Ergo cœli talem vim non influunt in eam. Denique cœli agunt motu & lumine: at motu & lumine non possunt produci, nisi qualitates communes in toto vniuerso, vt calor, &c. & non peculiaris aliqua virtus actiua in huius vel illius hominis phantasia. Ergo.

Dices, cœli agunt etiā per influentias: per influentias autē producant effectus particulares & singulares proprietates agendi in rebus subiectis. Ergo etiam in phantasia producere possunt. Sed esto: saltem illæ proprietates peculiares producantur vniuersaliter in omnia corpora subiecta receptiua eiusmodi proprietatum; alioqui cœli nō essent causæ vniuersales. At eiusmodi fictæ proprietates agendi non producantur in omnium hominum phantasijs. Ergo cœli non producant eas. Assumptum probatur: quia sic, quādo phantasia vnius hominis reciperet à cœlis eiusmodi influxū, omnes phantasiæ omnium hominū eodem tempore deberent eundem influxum & eandem proprietatē recipere: At hoc non fit. non enim, quando vnus per phantasiam aliquid putatur agere, omnes qui eodem tempore imaginantur, vel eodem tempore nati aut concepti sunt, illud agere inueniuntur. Ergo. Denique, si vna constellatio posset suam in phantasiam influere virtutem, posset & alia suam. phantasia enim omnibus hominibus eadem est. cum animæ omnes sint eadem, & organa omnia eodem modo disposita; solūm secundū magis & minū in suo temperamento variantia: vnde, cum vna constellatio tam sit fortis in sua influentia & virtute producenda, quā alia in sua; quocumque tempore homines nati essent, aut quocumque tempore fortiter imaginarentur,

rentur, semper aliquid quam deberent à cœli constellationibus recipere virtutem. Et quia omnes homines semper sub aliqua constellatione nati sunt, aut imaginantur, deberent omnes habere peculiares proprietates suę phantasie, per quas hi hæc, illi illa facere possent. Atqui id non videtur ita se habere nam quomodocumque constellationes quotidie mutantur, & quacumque constellatione homines nati sint, semper eodem modo imaginantur, & semper eodem modo sensibilia externa iudicant, nec ullam sentiunt in suis phantasias diuersitatem aut mutationem, neque habent omnes aliquas peculiares virtutes & proprietates aliquid faciendi. Ergo.

Secundò. Si constellationes possent influere in phantasiam, possent etiam influere in potentias animæ vegetatiuas, & quidem multò magis, quia hæc sunt ordinatæ ad agendum, minimè autem potentie cognoscitiuæ: At constellationes cœli non inducunt potentis vegetatiuæ nouas proprietates agendi; sed sicuti concoctrix vnius hominis concepti aut concoquentis sub vna constellatione producit in stomacho chylum, ita & aliterius. Ergo.

Tertio. Si sidera influunt talem vim: vel influunt in animam, vel in potentiam, vel in speciem, vel in organum: non in animam, quia illa est spiritalis: materiale autem non potest agere in spirituales: non in animæ potentias, quia, vel sunt essentialiter idem quod anima, & sic manet idem argumentum, vel sunt accidentia, & sic etiam virtutes cœlorum non possunt in eas influere; quia vnum accidens non potest influere aut recipi in aliud: non etiam in species phantasticas, quia sunt etiam accidentia & quidem tenuissimæ entitatis. Et si in species phantasticas, certè & eadem ratione in sensu illæ influere possent. At non videmus quòd propter varietatem constellationum calor vno die aliter agat in sensum, quam alio, aut color vno die aliter immutet visum, quam altero, aut species receptæ vno die nos calefaciant, altero refrigerent, &c. Ergo si in aliquid influerent, influerent in solum organum phantasie. at non etiam in illud influunt. Ergo in nihil. Assumptum probatur: quia sidera non influunt nisi effectum, ut dixi, vniuers;

agere. Ergo & species eius. Sequela probatur. Nam, si sunt eiusdem naturæ specificæ; sicut agit vna, ita poterit & alia agere: nam agere sequitur esse, & idèd quæ non differunt in esse, etiam non differunt in agere: solum videtur illa posse esse differentia; quòd, sicuti species est calor, modo quodam nobiliore & minoris entitatis, quàm ille; ita quoque modo nobiliore & remissius agat. Nunc autem videtur esse posse, quòd etsi species, ex natura propria debilius agat, quàm sua qualitas realis à quà defluit; & sic in virtute propria non possit realem qualitatem producere; tamen in virtute animæ possit sic operari, vt realem qualitatem producat. Ergo videtur, quod species intentionalis in phantasia existens possit aliquam realem qualitatem producere.

Quintò. Porro quòd de facto aliquando producat, hinc videtur apparere. Etenim nonnulli, quales se nouisse scribunt Guilielmus Parisiensis & Nicolaus Florentinus, sola cogitatione & aspectu pharmaci ita aluo mouentur, ac si medicamentum hausissent: hoc non videtur fieri alia ratione, nisi quatenus species pharmaci cogitatione percepta vim habet pharmaci & mouet, sicut ipsum pharmacum. Ergo. Qui frigiditatem glaciei imaginantur, aliquandò horrent: hoc non videtur alia ratione fieri, nisi quatenus species frigoris imaginatione concepta producit in corpore verum frigus, quod sit causa horroris. Qui vident alios acerba comedentes, ipsimet stupore dentium afficiuntur: quod non videtur fieri alia ratione, quàm quia ex illa specie producitur in ore ipsemet sapor acerbus, qui stuporem dentium facit. Imaginantes foetida nauseant: quod non alia ratione fieri videtur, nisi quia inde odor foetidus in stomacho generatur, qui illum subuertat. Aliqui imaginantes dolorem in aliqua parte corporis, dolorem contrahunt: quod etiam fieri videtur, quatenus imaginatio doloris producit veram causam doloris. Ergo.

Sextò. Species albedinis in oculo recepta disgregat visum, lumen intensum oculos lædit, & vnaquæque species modum excedens potest dolorem in proprio sensu causare. Ergo species sunt actiue. Sit

CONCLUSIO XXV. Species phantastica nō est

est productiua realis qualitatis; nec potest formaliter alterare.

Hæc conclusio probatur Authoritate Aristotelis, 2. 2. nimæ cap. 5. tex. 59. vbi dicit actionem intentionalem esse perfectiuam, non autem corruptiuam. Probatur etiam authoritate Themistij lib. 2. animæ cap. 42. & Alexandri Aphrodisei, & precipuè D. Thomæ 1. part. quæst. 67. art. 3. & 2. sentent. dist. 13. art. 3. vbi dicit, species non posse naturalem transmutationem causare. Quod idem dicunt Scaliger exer. 75. sect. 2. Franciscus Picolomineus in physicis lib. de facultate motiua cap. 23. Christophorus à vega lib. 2. artis medic. sect. 6. Codronchus libello de morbis veneficis. Vayrus de fasci-
no, alijque.

Probatur secundò Ratione. Actus & finis speciei est representare: nā species est ordinata ad hoc, vt fiat cognitio: vt scilicet ipsa perueniens ad sensum, ad quem nō potest peruenire ipsum obiectum, illud etsi remotum representet: quapropter eius esse & formalis ratio consistit in representare: At agere sequitur esse. Ergo sicut eius esse est representatiuum, ita eius actio formaliter non potest esse alia, quàm representatio. Ergo species non est effectiua; nec eius actio est alicuius rei effectio, sed tantum representatio.

Probatur sequela. quia differunt repræsentare & efficere. Etenim imago quæ ré aliquam repræsentat, dat eam cognoscendam, sed illam non efficit: species nihil est aliud quàm imago rei. Ergo eam tantum dat cognoscendam per repræsentationem, & non efficit eam: repræsentare enim intrinsecè excludit efficere. Nam quando aliqua res per species repræsentatur, si tum efficeretur, verè non repræsentaretur, sed repræsentaret seipsam, & esset ibi vbi repræsentatur: at repræsentatio per speciem dicit intrinsecè absentiam illius/quod repræsentatur. Ergò quod repræsentatur, non efficitur, & quod repræsentat, non efficit. Ergo.

Tertio Quod est perfectum, non potest esse corruptum: species sunt perfectæ & institutæ ad potentiam & organum perficienda, Ergo non possunt esse corruptivæ. At si species possent agere actione reali,

essent corruptiua. Ergo sic non agunt. Minor probatur: quia alteratio realis est alteratio corruptiua, & est via ad corruptionem. Confirmatur. Si species ageret realiter, maximè ageret in organum: at si sic ageret in organum, corrumpere ipsum: quia ipsum imbueret reali qualitate, per quam fieret ineptum ad cognoscendas qualitates externas. quia, vt inquit Philosophus, organum debet esse denudatum ab obiecto, ne intus existens impediatur externum. Ergo non agit realiter.

Quartò. Si species alterarent & producerent aliquam realem qualitatem, agerent ultra suam perfectionem: hoc fieri non potest, ergo. Maior probatur: quia species sunt tantum qualitates intentionales; intentionales autem qualitates longè sunt ignobiliores realibus. Hoc tenent communiter omnes Philosophi, Et probatur. Omnia accidentia, quæ possunt se multiplicare realiter, possunt se etiam multiplicare intentionaliter, sed non contrà: imò qualitates, quæ minimè sunt actiua, & non possunt se multiplicare realiter; vt qualitates secundæ, color, sapor, quantitas, figura, adhuc tamen possunt sese multiplicare intentionaliter. Ergo qualitates intentionales minus sunt, quàm reales. Denique species pendent inesse à qualitatibus realibus & absentibus obiectis seu realibus qualitatibus pereunt & euanescent. Ergo. Denique species sunt tantum imago, imago autem minus est eo, cuius est imago. Ergo. Verum dicet aliquis; etsi species sint minoris entitatis & efficaciæ, quàm reales qualitates, & sic per se, & virtute propria non possint producere eas: tamen in virtute animæ possunt. & sic species quæ extra animam & in medio sunt, non possunt producere qualitatem realem; in anima verò & organo existentes in virtute animæ & potentiaë imaginatiuæ possunt. Sed non valet: quia imprimis potentia imaginatiua, in quam species recipiuntur, non est actiua; nec ordinata ad alterandum, sed tantum ad cognoscendum: & sic non potest speciebus impertiri & induere virtutem maiorem ad alterandum, & reales qualitates producendum, quàm ipsæ ex se habeant. Secundò: quia etiam ipsæ species non sunt à natura institutæ ad agendum

dum & alterandum, sed tantum ad representandum, & sic non habent ordinem ad alterationem; & ideo non possunt ab anima attolli ad alterandum, seu ad effectum talem producendum, ad quem ex natura sua non habent ordinem. Etenim causa aliqua nobilior potest instrumentum ignobilius attollere ad effectum producendum supra virtutem propriam; modò illud instrumentum habeat ordinem ad illum effectum: & effectus ille sit secundum naturam ipsius, sed si effectus sit præter naturam eius, & instrumentum non habeat ordinem ad illum; tunc quantumcunque sit excellens causa principalis, nunquam potest illud ad illum effectum attollere. Sic anima potest calorem nativum attollere ad hoc, ut carnem & spiritus generet, quos in virtute propria producere non posset: sed non potest illum sic attollere, ut refrigerandi vim acquirat. Artifex potest operationem ferræ ita attollere, ut statuum faciat: non autem, ut nunquam dealbet, calefaciat, refrigeret, &c. Eodem modo anima bene potest attollere speciem phantasticam ad nobiliorem effectum, quam ante habebat in ratione representandi: quia facit, ut possit mouere intellectum, quod ante receptionem in phantasia non poterat; sed nulla ratione potest attollere in ratione alterandi. eò quòd illa sit extranea eius essendi modo & ordini, quem à natura habet. Ex quo etiam sequitur; quod si species haberent vim realiter alterandi, species quæ sunt in aëre, etiam deberent res inanimatas alterare: At non alterant. nam speculum à speciebus coloris non fit coloratum, nec aër, nec quicquam in quod species incidunt. species figuræ, quantitatis, motus in nulla re inanimata ullam faciunt figuræ, quantitatis, motus permutationem. Ergo. Accedit, quòd si species possent producere realem qualitatem, haberent modum agendi nobiliorem, quam habent ipsæ qualitates reales. Etenim qualitates reales alterant solummodò, ut causæ Vniuocæ, at species intentionales alterarent eminenter, & ut causæ Æquiuocæ: sicut alterant cœlestia corpora. causæ autem Æquiuocæ sunt nobiliores Vniuocis. At est præter rationem, ut illa quæ minoris sunt entitatis, prædita sint agendi modo nobiliore: modus enim

agendi sequitur modum essendi, & quæ nobiliore modo sunt, ea quoque modo excellentiore operantur. Ergo species non possunt producere realem qualitatem.

Quintò. Si species possent producere realem qualitatem, non possent producere aliam, quàm illam à qua deriuantur, & cuius sunt species. Etenim ei solùm similes sunt, quia eam solum representant; ab illa sunt productæ & ab illa habent omne suum esse, & à nulla alia: & consequenter ad illam determinantur. Atqui species plurimæ non possunt illam producere. Ergo. Minor probatur. Nam species coloris non potest producere colorem realem: species saporis non potest producere saporem: species figuræ, quantitatis, numeri, &c. non possunt producere figuram, quantitatem, numerum. Etenim ipsæmet illæ qualitates & accidentia à quibus illæ species promanant, non possunt sibi similia producere. Ergo multò minus species, quæ sunt tantùm imago eorum & effluxus tenuissimæ entitatis. Si illæ species non sunt productiuæ realium qualitatum sibi similium, ergo nec aliæ. quia species omnes in esse speciei sunt similes: quare etiam debent esse similes in modo agendi. Nam cum species primarum qualitatum, sint species obiectorum tactus; species aliæ sint species sensibilibus aliorum sensuum; si species, vt species, essent alteratiuæ, tam benè species aliorum sensuum essent alteratiuæ, quàm tactus. Nam cur non tam benè species visus posset alterare, quàm tactus? cum species visibiles sint longè actiuiores actione intentionali, quàm species tangibiles, & virtus visua multò acutior, quàm tactiua? Etenim visibiles species ab vsque cælo & multis millibus milliarium & in momento visum tangunt, tangibiles non nisi è propinquo & in tempore. Si autem actione intentionali sint actiuiores, cur non consequenter etiam essent actiuiores actione reali?

Sextò. Si species per se producerent realem qualitatem, species caloris deberent producere aliam qualitatem, quàm species frigoris: & species eiusdem qualitatis deberent semper eandem producere qualitatem: At hoc non fit. quia sæpè videre est ex contrariis obiectorum perceptione eandem in nobis altera-

alterationem contingere; & è contrà, ex eorundum obiectorum perceptione sæpe produci in nobis qualitates contrarias. Ergo species illam alterationem & illas qualitates effectiue & formaliter non producant, sed ab alia causa producantur. Sic cum duo sunt morti adiudicati: vnus qui comburi; alter qui submergi debet vel in glacie sepeliri, quousque frigore moriatur vnus habebit speciem caloris & ignis in phantasia, & alter speciem aquæ & frigiditatis; & tamen ab vtraque specie vterque refrigerabitur: excitato, scilicet, timore. Sic iterum, vnus & idem homo cum valde friget: imaginando ignem à quo vult calefieri; & aliàs cum valde calebit, imaginando aquam in qua desiderat natare, ab vtriusque obiecti speciebus calefiet: gaudio in animo excitato: & idem erit vtriusque effectus; cum tamen ipsæ sint contrariæ, & à contrarijs obiectis deriuatæ, & proinde contrarias agendi virtutes habere debeant.

Septimò. Si species haberent actionem realem, semper cerebrum & totum corpus infinitis modis alterarent; maximè, cum ipsæ toties sine intermissione in organum recipiantur: Atqui experientia docet non alterare; nam quantumcumque diu circa aliquam rem imaginemur, quantumcumque diu circa naturam ignis, circa naturas primarum qualitatum philosophicè speculando versemur, non propterea vllam imaginatæ species in nobis temperamenti corporis faciunt permutationem. Nam siue ego hodiè studeam intensissimè de natura ignis; cràs de natura aquæ & glaciei; non idèd vno die magis calidus, altero magis frigidus fio, sed semper in eodem statu, & tam calidus vno, quàm altero die permaneo: Etiam si oculus decem diebus aspiceret murum flauum aut nigrum, non idèd flauior aut nigrior fieret: aut auris decem diebus sonorum reciperet species, non idèd illæ sonum vllum in aure generarent. Nec valet dicere non omnes species id posse, sed certas tantum; valde, scilicet, intensas, subito & in imaginatiuam fortissimam & in corpus tenerum & in animam excellentiorem ac à terrenis facibus magis remotam & sub felici siderum cōstellatione creatam, receptas: quia, vel species habent illam vim ex natura sua, in quantum

tum & determinare in ordine ad persecutionem, vel fugam, sicut ipsamet res præsens excitaret & determinaret. Et sic vult dicere; quodd, sicuti homines terrentur, & timent, & alterantur sæpè ab ipsis obiectis; verbi gratia, sicut videndo inimicum aut leonem, &c. horrent, tremunt & refrigerantur: ita quoque ab ipsis solis speciebus inimici aut leonis in imaginatione agitatis aliquandò terreantur, tremant & refrigerentur, etiamsi nullus inimicus aut leo adsint; non aliter ac si adessent. Et sic dicit ibi, species rerum habere rerum virtutes; non in ratione realiter alterandi; sed in ratione mouendi appetitum & animi passiones excitandi: quas postea corporis alterationes consequuntur.

Ad argumentum ex D. Thoma desumptum respondeo. controuersiam esse inter scholasticos, quomodo ignis infernalis vrat damnatos: an per species: an per suam realem qualitatem. Tamen, vt ita esset, quodd per species ageret, hoc nihil argueret contra nostram positionem: quia tunc illæ species non operarentur naturaliter sed supernaturaliter, peculiari Dei virtute sic vigoratæ, vt realem qualitatem producere possint. quodd in actionibus naturalibus locum non habet.

Ad tertium respondeo. Antiperistasis non fieri per species caloris reflexas, sed alia ratione: de qua Coenimbricenses lib. 1. de generat. & corrupt. cap. 9. quæst. 1. art. 1. Vales. lib. 1. controuers. cap. 5. Thomas vega artis paruq cap 19.

Ad quartum respondeo: species non esse eiusdem rationis & essentia: specificæ cum suis obiectis. Etenim albedo & nigredo non possunt esse in eodem subiecto; species verò earundem possunt: ergò inter se natura specifica differunt; quia vna habet contrarium, altera non. Imò sæpè non tantum specie, sed & genere differunt. Nam species canis in intellectu non est essentialiter canis: quia species canis est accidens, canis verò est substantia. Itaque in natura entitatis differunt species & obiectum: sed in ratione esse representatiui non tantum sunt idem genere & specie, sed etiam numero; inquit, Zabarella. Quapropter cum
in na-

in natura entitatis differant qualitas & species eius & ab illo esse entitatio pendeat agere, non est mirum etiam differe actione. Et ideo, etsi qualitas realis aliam realem producat, non ideo sequitur, quod ipsa species eam etiam producere possit. Itaque species est ipsa qualitas representatiue: & sicuti est qualitas representatiue: ita in sensum & organum imprimit eandem qualitatem intentionaliter seu cognoscibiliter. Id est, species, verbi gratia, caloris, rubedinis, &c. sic agit in organum, non ut ipsum organum fiat calidum aut rubrum realiter, sed ut fiat calidum & rubrum cognoscibiliter. sic quod per eam calorem & rubedinem & alias qualitates tam perfecte cognoscat, ac si ipsas realiter in se haberet. Et hoc est, quod dicit Aristoteles 3. animæ cap. 5, quod scientia quæ est actu, est idem quod res: non, quod anima aut organum fiat ipsum obiectum realiter, sed intentionaliter.

Ad quintum respondetur, illos effectus non contingere, per hoc, quod species sensibus aut imaginatione perceptæ reales in corpore producant qualitates aut earum edant effectum: sed per hoc, quod propter sensationes aut imaginationes rerum aliquarum, sympathiâ quadam potentiæ vegetatiuæ seu naturales ad opus excitentur: ex quo contingit humores & excrementa moueri & varios in corpore effectus & alterationes provenire. Sic qui sentiunt foetidum odorem, nauseant & vomunt: qui audiunt serræ stridorem, rigent: qui vident caseum vel aliquid à quo abhorrent; toto corpore afficiuntur: sæpè non alia, quàm eiusmodi potentiarum & partium sympathiæ causa. Neque solum, qui res ipsas sensu percipiunt, ita alterantur; sed & illi, qui tantummodò imaginantur. Nam, ut inquit Aristoteles lib. de com. animal. motione, species habent rerum virtutes & sæpè adeò corpus alteratur sola speciei in phantasia existentis, ac obiecti realiter præsentis perceptione. Quod ergò solum foetorem imaginantes aliqui nauseant: aliqui sola cogitatione vel lōginqua pharmaci visione moueantur & purgentur; non contingit, quod species foetoris imaginatione percepta producat verum foetorem; aut species pharmaci purgantis producat in
intestinis

intestinis vim purgatoriam: sed quòd à tali imaginatione, sympathià quadam facultatum, motrix naturalis membris inexistens in opus excitetur, vnde humores agitantur & agitati naturam irritantes expelluntur. precipuè cum in corpore abundant & ad expulsionem sunt parati. Eodem modo, quo videmus quotidie ex foliis animi passionibus; vt subito timore, homines ad mingendum & alui excrementa egerenda prouocari. Qui audiunt aliquem in aquam congelatam incidisse & imaginatione frigiditatis horrent, non horrent, quòd species illa frigiditatis animo percepta reale frigus producat, aut per se effectum veri frigoris edat: sed contingit ex eo, quòd moto appetitu motrix naturalis excitetur, quæ humores & spiritus per membra corporis sentientia vibrat: qualis horror non tantum glaciem, sed & ignem & combustionem & alias res horrendas imaginantibus contingit. Quod indicium est cum non sic à specie frigoris, sed modo iam dicto causari. Alioqui, à specie caloris eadem ratione causari non posset. Quòd illi, qui vident alios res acerbis comedentes, ipsi eundem acerbum saporem in ore percipiunt, & imaginantes dolorem, aliquandò ipsum dolorem sentiant; non fit ex eo quòd species illæ saporis & doloris imaginati realem saporem aut dolorem inducant, sed contingit ex deceptione facultatum sentientium, quæ ab ipsa phantasia inducitur: per quam putamus videre, quod non videmus; audire quod non audimus: & tangere, quod non tangimus: vt in melancholicis frequentissimè contingit. Vt in illo, de quo scribit Horatius: qui haud ignobilis Argis, credebat se varios spectare tragædos, in vacuo solus plausor sessorque theatro.

Ad sextum respondeo species sensibiles afficere non solum potentiam, sed etiam ipsum organum, quæ est organum. Et ideo, quando species sunt potentiæ & organo proportionatæ, potentiam & organum perficiunt, & in eo pariunt quandam delectationem; & quando sunt improportionatæ, pariunt quandam dolorem. Sed sicut perfectio illa est intentionalis, & sicut illa voluptas causatur à speciebus actione intentionalis; ita etiam destructio est intentionalis & dolor fit actione intentionali.

nali. Et ided talis destructio & dolor contingunt etiam in intellectu, qui est spiritualis, & in quem non cadit actio vlla realium qualitarum.

Ad hoc quod dicunt species albi & luminis dissipare spiritus, quæ est actio quædam realis, nempe motus localis spirituum: respondeo primò. non esse mirum; cum lumen sit qualitas realis. Secundò, illas non verè dissipare spiritus, sic quod per se moueant spiritus localiter: sed hoc esse sic intelligendum, quod illæ species non vniuntur taliter in spiritibus & humoribus oculi, sicut vniuntur species aliorum colorum; sed per substantias illas perspicuas oculorum, propter consensum albi, & luminis cum perspicuo, magis alijs diffundantur. Et sic non spiritus, sed potius ipsæ species dissipantur.

QVÆSTIO VII.

*An phantasia possit vim vllam acquirere
ab influxu cælorum.*

E Tenim nonnulli id dicere non sunt veriti. Enimuerò Auicenna 4. 6. naturalium cap. 4. dicit animas in illo tempore, quo creantur, acquirere virtutem & influxum ab illis syderibus, sub quorum constellatione creantur. Si anima aliqua creetur sub fortunato aspectu Iouis, recipiet virtutem Iouis: sic quod poterit operari & agere eo modo, quo sydus Iouis: si sub aspectu Martis, virtutem Martis; & sic de alijs syderibus, sub quorum felici constellatione fuerit generata. Hunc secuti sunt multi alij vani & superstitiosi homines, qui spurcitiem suarum falsitatum pallio virtutū cælestium tegere sunt conati, vt Paracelsus & alij.

Et videtur equidem ita fieri posse. Etenim cælestia corpora agunt in sublunaria & mundus inferior regitur à supernis lationibus, vt est Philosophi 1. Meteor. cap. 1. & multæ sunt in rebus sublunaribus virtutes, quæ à nullo alio principio, quàm influentijs cælorum videntur pendere. Ergo etiam cæli in animam, & in phantasiam hominis influere possunt.

Probatur secundò. Cæli influunt in dæmones: etenim

nim dæmones certis cæli constellationibus & lunæ quadris magis operantur & corpora cruciant obsessorum: hoc non videtur alia ratione fieri, nisi quia illis cæli mutationibus ipsi mutantur & afficiuntur. Ergo & ænima à cælis affici, & consequenter influxum eorum suscipere potest.

Tertiò. Characteres certis cæli aspectibus fabricati & adhibiti, & verba certis temporibus prolata, certos syderum recipiunt influxus, per quos peculiares & admirandos effectus operantur. Ergo & phantasia similes recipere poterit. Sit.

CONCLUSIO XXVI. Phantasia nullam peculiarem agendi vim recipit à cælis.

Pro huius intelligentia est notandum. Primò, duplicatione dici posse phantasiam recipere vim à cælis: vel sic, quòd anima, cuius ipsa est potentia, in prima sui creatione recipiat influxum, & virtutem à cælis pro natura illius constellationis, sub qua creatur; secundum quàm virtutem postea mediante potentia imaginatiua operetur: vel quòd illam recipiat postmodum, postquam iam homo est natus, quouis scilicet tempore, quo phantasia est in exercitio suæ operationis: sic, quod, quando interdum fortius est intenta suæ operationi, valeat recipere influxum, & virtutem illius syderis, quod tum casu fortuito fuerit dominatum: vel eius, quod habeat virtutem illud efficiendi, quod illa imaginatio tum imaginatur: qua virtute cœlitus iam imbuta & informata valeat vicissim alia alterare & permutare.

Est secundò notandum. non negare me, quin secundum constellationem corporum cœlestium phantasia benè possit immutari indirectè, secundum aliquam dispositionem communem; puta, quòd perfectius vel imperfectius operetur: quatenus, scilicet, per illam constellationem aer immutatur & fit humidus aut nebulosus, & spiritus cerebri fiunt humidiores & crassiores, & nebulosi, & cerebri substantia humidior. ex quo fit, quòd non possit tam perfecte suam operationem exercere, sicut aliàs facit: sed dico directè nō posse à cælis acquirere vllam vim actiuam peculiare, diuersam à sua natura

tura cognoscitiua, per quam possit in corpora vlla agere & illa realiter permutare.

Quod probatur primò. Corpora cœlestia sunt causæ vniuersales: de ratione causæ vniuersalis est, ædere effectus generales, omnibus rebus sublunaribus ad esse & operari necessarios: aut gubernare generali quodam influxu mundi elementa & conseruare ea in suo esse; & non ædere effectus particulares: effectus autem particulares fiunt à causis particularibus; At influere vim aliquam actiuam in phantasiam esset effectus quidam particularis. Ergo cœli talem vim non influunt in eam. Denique cœli agunt motu & lumine: at motu & lumine non possunt produci, nisi qualitates communes in toto vniuerso, vt calor, &c. & non peculiaris aliqua virtus actiua in huius vel illius hominis phantasia. Ergo.

Dices, cœli agunt etiã per influentias: per influentias autẽ producunt effectus particulares & singulares proprietates agendi in rebus subiectis. Ergo etiam in phantasia producere possunt. Sed esto: saltem illæ proprietates peculiares producuntur vniuersaliter in omnia corpora subiecta receptiua eiusmodi proprietatum: alioqui cœli nõ essent causæ vniuersales. At eiusmodi fictę proprietates agendi non producuntur in omnium hominum phantasijis. Ergo cœli non producunt eas. Assumptum probatur: quia sic, quãdo phantasia vnius hominis reciperet à cœlis eiusmodi influxũ, omnes phantasie omnium hominũ eodem tempore deberent eundem influxum & eandem proprietatẽ recipere: At hoc non fit. non enim, quando vnus per phantasiam aliquid putatur agere, omnes qui eodem tempore imaginantur, vel eodem tempore nati aut concepti sunt, illud agere inueniuntur. Ergo. Denique, si vna constellatio posset suam in phantasiam influere virtutem, posset & alia suam. phantasia enim omnibus hominibus eadem est. cum animæ omnes sint eadem, & organa omnia eodem modo disposita; solũ secundũ magis & minũ in suo temperamento variantia: vnde, cum vna constellatio tam sit fortis in sua influentia & virtute producenda, quàm alia in sua; quocumque tempore homines nati essent, aut quocumque tempore fortiter imaginarentur;

rentur, semper aliam quam deberent à cœli constellationibus recipere virtutem. Et quia omnes homines semper sub aliqua constellatione nati sunt, aut imaginantur, deberent omnes habere peculiares proprietates suæ phantasiæ, per quas hi hæc, illi illa facere possent. Atqui id non videtur ita se habere nam quomodocumque constellationes quotidie mutantur, & quacumque constellatione homines nati sint, semper eodem modo imaginantur, & semper eodem modo sensibilia externa iudicant, nec ullam sentiunt in suis phantasias diversitatem aut mutationem, neque habent omnes aliquas peculiares virtutes & proprietates aliquid faciendi. Ergo.

Secundò. Si constellationes possent influere in phantasiam, possent etiam influere in potentias animæ vegetativas, & quidem multò magis, quia hæc sunt ordinatæ ad agendum, minimè autem potentiæ cognoscitivæ: At constellationes cœli non inducunt potentijs vegetativis novas proprietates agendi; sed sicuti concoctrix vntus hominis concepti aut concoquentis sub vna constellatione producit in stomacho chylum, ita & aliterius. Ergo.

Tertiò. Si sydera influunt talem vim: vel influunt in animam, vel in potentiam, vel in speciem, vel in organum: non in animam, quia illa est spiritalis: materiale autem non potest agere in spirituale: non in animæ potentias; quia, vel sunt essentialiter idem quod anima, & sic manet idem argumentum, vel sunt accidentia, & sic etiam virtutes cœlorum non possunt in eas influere; quia vnum accidens non potest influere aut recipi in aliud: non etiam in species phantasticas, quia sunt etiam accidentia & quidem tenuissimæ entitatis. Et si in species phantasticas, certè & eadem ratione in sensibiles influere possent. At non videmus quòd propter varietatem constellationum calor vno die aliter agat in sensum, quam alio, aut color vno die aliter immutet visum, quàm altero, aut species receptæ vno die nos calefaciant, altero refrigerent, &c. Ergo si in aliquid influerent, influerent in solum organum phantasiæ. at non etiam in illud influunt. Ergo in nihil. Assumptum probatur; quia sydera non influunt nisi effectum, vt dixi, vniuers;

vniversalem; & influunt in omnia subiecta receptiuat. At omnes homines eodem tempore imaginâtes, vel eodem sydere nati, habent eandem vim agendi. Ergo. Accedit, quod nulla talis virtus influi possit, per quam natura ipsius potentiz possit immutari: vt, scilicet quæ est cognitiua & passiua, fiat actiua: & quæ est nata solum intentionaliter agere, acquirat naturam agendi realiter. Etenim influxus cœlestes non permutant rerum sublunarium essentias & virtutes essentielles, sed eas conseruant: & qualescumque aspectus syderum sint, qualescumque influxus, semper omnia agunt pro natura sua: semper calor calefacit: semper magnes ferum trahit homo hominem, canis canem generat semper species visibilis eodem modo visum afficit & intelligibilis intellectum, & stomachus chylum concoquit & hepar sanguinem: & semper potentia passiua manet passiua, & actiua manet actiua. Quare, vt & species phantasticæ semper maneant representatiuæ, & phantasia maneat cognoscitiua, & non actiua, aut vilius realis alterationis effectiua, est necessum. Nec valet dicere, quod quidam dicunt, cœlos esse animatos, aut vnam totius mundi animam esse, & ided, sicuti dicimus in anima hominis esse consensum, & sympathiam potentiarum, quod vna operans excitet aliam in actum: sic etiâ esse sympathiam inter animas nostras, & animam cœlorum, & per eam operationes animæ nostræ excitare in actum virtutes & operationes cœlorum: aded vt cum anima nostra fortiter imaginatur aliquem effectum, cœli per illam sympathiam excitentur ad illum effectum in re, de qua imaginatio est, producendum: vel vim eius productricem in phantasiâ transmittendum. Quia imprimis eiusmodi de mundi & cœlorum anima opinio falsa, erronea est & damnata. Secundò etiam, quia sic sequeretur, quod, sicuti in omnibus hominibus inest eadem illa potentiarum sympathia: ita inter animam cœlorum, seu mundi & omnium hominum animam deberet etiam esse eadem sympathia: ac proindè propter omnium & singulorum inensam imaginationem eodem modo semper cœli vires suas exercere, & eosdem effectus in rebus phantasia

tasia cogitatis producere deberent. quoddā minimē fieri est manifestum.

Ad argumenta Responderur. Ad authoritatem Aui-cennæ, patet responsio ex ijs, quæ iam dicta sunt. Ad authoritatem Aristotelis respondeo. Sublunaria corpora regi à superioribus: non quod superiora corpora infundant in sublunaria peculiares omnes virtutes, quibus ipsa operentur (cas enim non habent à cœlis, sed à propria forma & natura) sed quod producant qualitates quasdam communes, quibus sublunares res fulciuntur in suis operationibus: vel quod applicent res sublunares ad operandum, aut conseruent eas in esse per influxum quandam. Quod hic non attingit exactiùs disputare.

Ad secundum Respondeo. Cœlos in dæmones non agere; sed dæmones homines aliquando certis cœli constellationibus magis infestare: non quod à cœlis coer- ceantur, aut vim recipiant: sed, vel quia vtuntur ali- quando causis naturalibus & humoribus corporis ad homines cruciandos: qui certis anni temporibus & cœli constellationibus magis in corpore agitantur aut au- gentur. vel quia volunt homines hac ratione fallere, faciendo, vt hac ratione credant effectus illos non ab opera diabolica, sed virtute causarum naturalium pro- ficisci.

Ad tertium Respondeo. Verba, & characteres (cum sint quid artificiale, & sint accidentia, & nullam agendi vim habeant naturalem) à cœlis vim nullam acquirere, sed solummodo virtute diabolica operari: Diabolū au- tem de industria facere, vt sub vna constellatione maio- rem, quàm sub altera efficaciam habeant, propter ratio- nem iam commemoratam. His prælibatis quæritur,

QVÆSTIO IIX.

An ergo phantasia nullam habeat vim agendi?

CONCLUSIO XXVII. Phantasia per acci- dens potest esse causa multorum effectuum, & mul- torum tum perturbationum, tum alterationum in cor- pore

pore, tam alieno, quàm proprio.

Hæc conclusio est manifesta. Imaginationibus parentum fœtus sæpissimè signantur: imaginatione cibi lautioris salua in os ascendit: diuturna veneris imaginatione coles excitatur; nocturnâ etiam semen emittitur: videntes alios oscitare, oscitant imaginatione mingendi, cacandi, edendi, dolendi, sitiendi, partes stimulantur, & iisdem passionibus ac inclinationibus reuerà afficiuntur: vt est apud Aristot. 7. probl. 2. Imaginantes se aliquibus morbis laborare, sæpè tandem in aliquos morbos incidunt; propter imaginationem sæpè putantur videri, quæ non videntur; audiri, quæ non audiuntur; sentiri, quæ non sentiuntur: Imaginantes res amaras & austeras non rarò eisdem sapes percipiunt; videntes alios austeros fructus comedentes, horrore & stupore dentium corripiuntur: Præfixâ per imaginationem surgendi hora homines eadem expergiscuntur, & spiritus eadem hora excitantur, qui vapores cerebrum obsidentes, & somnum facientes pellunt. Quæ quis facienda fortiter sibi proposuerit, ea sæpè etiam noctu agere incipit: Sola imaginatione & terrore ex visione epileptici cadentis conceptis, nonnulli feruntur in epilepsiam incidisse. Nimia imaginatione de peste, etiam per somnum, plurimi in pestem incidunt. Alij diuturna rerum tristium meditatione in lypothysiam, melancholiam, marcorem & phthisim: imaginatione rei fœtidæ, vel naturæ contrariæ ex sola relatione vel oblatione concepta plurimi vomituriunt, & sanguinem è naribus emittunt: imaginatione pharmaci nonnulli purgantur: plurimæ mulieres sola imaginatione, quodd cibi aliqui boni sint vel mali, eorum desiderio tenentur; comedunt, & suauissimum ex ijs percipiunt saporem: vt zinzibere, creta, pice, lateribus, &c. Cogitando aduersa vel prospera toto corpore homines mouentur, calefiunt, refrigerantur, horrent, tremunt, rubent pallentque: aliqui vna nocte forti mortis imaginatione canuerunt: aliqui ad supplicium adducti sola virgule, vel linteo madido tacti expirauerunt, & aliæ multæ fiunt in corpore per phantasiam perturbationes.

CON;

CONCLUSIO XXVIII. Mouendo & Dirigendo alias animæ Potentias Mouendi & Alterandi vim habentes.

Etenim, vt iam diximus, per phantasiam multæ in corpore fiunt alterationes: illas non potest phantasia facere per se: quia illæ, vel fiunt per motum localem, vel per alterationem: neutrum motum potest phantasia per se facere. Ergo vt per accidens faciat, est necessum. At non videtur quomodo per accidens faciat, nisi sic mouendo & dirigendo alias potentias, quæ illas faciant per se. Ergo sic facit. Quæritur ergo.

QVÆSTIO IX.

Per quas potentias phantasia corpora immutat?

CONCLUSIO XXIX. Phantasia non potest per vllas potentias cognoscitiuas corpus vllum afficere vel immutare.

Probatur conclusio. quia sicut phantasia, quia est cognoscitiua non potest corpora immutare, ita nec potentia alia cognoscitiua. Propterea etsi phantasia possit mouere intellectum, tamen per eum non potest operari. Etenim intellectus est immaterialis, & ided non potest agere in materiam corporalem, quoad vllam alterationem vel generationem, aut formæ in materiam introductionem: sicut nec Angeli possunt. Pariter etsi phantasia etiam moueat alias potentias sensitivas, per eas tamen in corpus nullum agere potest: quia earum actiones sunt immanentes, & ipsæ potius agerent per phantasiam, quam phantasia per ipsas.

CONCLUSIO XXX. Per potentiam Locomotiuam Animalem, seu voluntariam potest per accidens, & corpori Proprio, & Alieno varias inducere permutationes.

Etenim mouendo appetitum, & mediante appetitu motiuam animalem, & sic causando motum membrorum, brachiorum, scilicet, & pedum, & illo mediante actiua passiuus applicando, potest & corpus proprium,

& alienum varijs dispositionibus afficere. Sed hoc nobis est adscribendum phantasie, sed potius voluntati, quæ phantasie imperat & dominatur. Hac ratione, per saltum, magnam vociferationem, nimium exercitium, percussione & agentium externorum applicationem, potest phantasia suum corpus afficere vulneribus, fracturis, apostematibus, febre, & quouis tandem genere morborum. Potest etiam eadem ratione mater corpus sui fetus variè lædere, & quivis etiam in externa corpora vni similem conuertere. Sed eiusmodi alterationes & affectiones habent causam euidentem & externam, & idcò non cadunt sub præsentem considerationem. Illas verò alterationes & permutationes, quæ fiunt motu interno humorum, non potest nec phantasia, nec voluntas per motuam voluntariam causare: eo quòd (vt conclusione 17. dictum est) illi à loco motiua animali non moneantur.

CONCLUSIO XXXI. Phantasia agit in corpora per potentiam Appetitiuam; seu mediantibus Animi passionibus.

Hæc conclusio est D. Thomæ part. 1. quæst. 110. art. 2. resp. ad 1. & quæst. 117. & p. 3. q. 13. art. 3. ad 3. & 3. contra gentes c. 103. vbi dicit animam & phantasiam per se non posse corpus immutare, sed tantum mediante appetitu, & passionibus animi, & humorum & spirituum motu, qui quidem ab ipso appetitu mouentur. Eandem tenet Ferratiensis ibi. Zoares in Metaph. disp. 18. sect. 8. cap. 15. Conimbricenses de gener. & corrupt. lib. 1. cap. 4. quæst. 30. art. 2. & 7. Physicorum cap. 2. quæst. 1. art. 7. Iacobus de Forliuius super technen. 3. quæst. II. Citad. lib. 3. cap. 15. Thomas Vega, aliique.

Et probatur primò. Phantasia est nata mouere appetitum, & inducere animi passiones, vt est manifestum: quia læta cogitando, gaudemus; tristia cogitando metuimus & tristamur: & omnes animi passiones præuiam sequuntur cognitionem: At animi passiones sunt maxime corporis alteratiue. Ergo illis mediantibus potest phantasia corpus alterare.

Probatur secundò. Videmus, quòd simplex imaginatio nullam faciat in nobis alterationem: siue enim imaginemur

ginemur ignem, siue aquam; si simplex & incomplexa sit imaginatio; nulla in corpore nostro continget alteratio: sed si phantasiam animi passionem consequantur, tum demum alteratio consequitur. Sic intensa natiuum cogitatio non signat fortium, nisi subitus terror aut intensum desiderium succedat. Sic aliquando mulieres non entaneo motu & terrore signant fortium, non quidem per se propter imaginationem; quia in illo tempore inmomentaneo non potest phantasia esse valde intensa: sed propter animi passionem coniunctam. Et hinc est, quod longa & intensa imaginatio non signet fortium, sed plerumque subita. Hoc autem est indicium phantasiam per se non alterare: quia si per se alteraret, diuturna & intensa imaginatio magis alteraret, quam subita; sed solum alterare ratione vehementis animi passionis.

Verum obijciat aliquis: phantasia non potest mouere & excitare appetitum, ergo eo mediante non potest alterare, nec in corpora agere. Antecedens probatur, quia non videtur modus, quo phantasia possit appetitum mouere. Etenim phantasia est potentia cognoscitiua, appetitus non est cognoscitiuus. Ergo phantasia non potest appetitum excitare. Sequela probatur. Nam si posset excitare appetitum, hoc deberet facere offerendo ei suas species phantasticas: quomodo phantasia mouet intellectum & sensus externi mouent phantasiam: at sic non potest eum excitare; quia species non afficiunt, nisi potentiam cognoscitiuam, appetitiua non est cognoscitiua. Ergo eam non afficiunt. Si eam non afficiunt, ergo illam mouere non possunt. Denique phantasia & appetitus a se inuicem longe distant subiectis. Nam phantasia est in cerebro, appetitus est in corde. Ergo non potest phantasia appetitum mouere. Secundò, etiam si phantasia moueret appetitum, non ideo posset corpora alterare aut permutare. Etenim potentia appetitiua etiam non est actiua, quia eius actio est immanens: & etiam non est alteratiua; quia, ut dictum est conclusionem 19 nullæ potentie sunt alteratiuæ præterquam vegetatiuæ. Ergo nec phantasia potest alterare per illam.

Respondeo phantasiam non mouere appetitum per talem obiectiuam communicationem specierum, sed solum

per quādam naturalem subordinationem earū inter se, & sympathiam fundatam in identitate radicis & subiecti vtriusque. Propter hanc enim fit, quod, quando anima per vnam aliquam potentiam fecit aliquam actionem, eadem anima per aliam potentiam cum illa priore naturalem connexionem, & ordinem habentem, statim edat aliam actionem. Hac ratione multæ potentæ se mutuū excitant in opus, in quibus nulla talium specierum communicatio esse potest. Sic potentiæ naturales se mutuū excitant, attractrix, retentrix, concoctrix, &c. in quibus nullæ reperiuntur species: sic appetitus excitat potentiam motricem, & per animi passiones humores, & spiritus sursum, deorsum, intrō & extrā feruntur. Est equidem verum multas potentias se mutuū excitare, & dirigere obiectiue per species communiter, sed id in omnibus fieri non est necessarium. Ad confirmationem Respondeo. Vtramque potentiam in cerebro esse: vt tamen appetitus in corde esset, nihil referret: quia in vtraque parte est eadem anima. Eadem autem anima exercens actionem per vnam potentiam in vna parte, potest tam facile per aliam potentiam exercere aliam actionem in parte remota, quā in eadem.

Ad secundum Respondeo. Phantasiam non alterare corpus per appetitum, & animi passiones immediatē, sed mediatē. quatenus appetitus mouet, & excitat potentias motrices naturales membris, & præcipuē cordi inexistentes, & illæ mouent humores & spiritus, qui suo ad membra accessu vel recessu illa positiue aut priuatiue alterant.

CONCLUSIO XXII. Phantasia ergo Alterat & immutat corpora mediante motu Humorum & Spirituum.

Etenim phantasia alterat mediantibus animi passionibus: animi passiones alterant mediante motu naturali cordis & mediante motu humorum & spirituum. Ergo & phantasia. Ex quo est Notandum in omnibus mutationibus & alterationibus, quæ hac ratione fiunt, phantasiam esse causam valde remotam, & per accidens, quippe quæ eiusmodi alterationes non facit, nisi tribus

tribus alijs causis mediantibus: appetitu, nimirum, potentia motiua naturali cordis, & humoribus & spiritibus. Ipsi enim humores & spiritus sunt, qui vltimò, proximè, & per se alterant. Si phantasia illis potentijs intermedijs imperaret. & eas per imperium ad exercitium sui actus moueret: posset meritò quicquid per eas tandem agitur, phantasie vtpotè dominæ & causæ principali adscribi; quomodo facta militum duci exercitus, & facta seruorum patrifamilias ascribuntur: sed modò illas sic non mouet; sed ita mouet, si uti etiam eas mouent sensationes externæ, etsi vno gradu immediatius. Et ita, qua ratione eiusmodi permutationes & alterationes phantasie, eadem & sensibus externis adscribi possent. Sicuti enim imaginando ignem, hostem, leonem; tremimus, pallemus & refrigeramur: ita etiam eos videndo, vel audiendo. Vnde sicut vix solent eiusmodi alterationes sensibus externis adscribi, ita quoque videntur non nisi improprie & valdè remotè phantasie adscribi debere. Præcipua autem causa earum sunt Appetitus & Animi passiones.

Verùm quæri potest: An non etiam alia ratione phantasia corpora immutat, & an non propinquius & magis per se, potentias Vegetatiuas aliqua ratione per se, vel mouendo, vel dirigendo. Etenim cum potentie vegetatiuæ (vt conclusione 19. est ostensum) sint per se alteratiuæ, si phantasia posset eas dirigere, vtique videtur, quòd magis proprie, & per se alterationum, quæ inde contingerent, causa esset. Sit.

CONCLUSIO XXXIII. Phantasia non solum mediante appetitu & motiua cordis, sed necessario etiam alio modo corpora immutat.

Hæc conclusio est contra D. Thomam: quippe, qui vbique dicit animam non aliter corpora immutare, quam per appetitum & passiones, & motum cordis. Est tamen vera. Etenim plurimæ circa solum virtute imaginationis eueniunt mutationes, quæ non possunt solis animi passionibus adscribi, & quarum ratio dari non potest, nisi alia causâ propinquior assignetur.

CONCLUSIO XXXIV. Phantasia etiam mutat corpora, Dirigendo & Modificando potentiam

centiam Conformatricem.

Et hac ratione phantasia facit magis admirandas illas & singularissimas, & magis particulares, quæ in corpore fœtus contingunt, permutationes. Hanc conclusionem, quia iterum infra, ubi particulariùs de causa permutationis fœtus agemus, clarioris doctrinæ causa repetemus, idèd hic non probamus, ibi latius probaturi.

CONCLUSIO XXXV. Proprium corpus non aliter mouet, quàm mediantibus Animi passionibus; non autem vlla Conformatricis directione aut immutatione.

Prior pars conclusionis, conclusione 31. est probata. Posterior probatur. Quia in corpore proprio conformatrix est extincta vel cessat operari, ergo phantasia non potest illud immutare dirigendo actionem eius: quia eius iam nulla amplius actio est, aut si est, est debilis & imbecilla.

Secundò. Etiam si conformatrix adhuc superstes esset, & aliquo modo dirigi posset, tamen per hoc substantia corporis non permutaretur: quia substantia corporis in nobis iam natis & adultis est dura, & à facultate conformatricis non amplius mutabilis, sicuti est in teneris corporibus ipsius fœtus adhuc nascentis.

Tertiò. Quia nullus fit ab imaginatione in corporibus nostris iam natis, & adultis effectus, quin possit còmodè referri ad animi passiones, vt ad propriam causam: & nullus videtur contingere effectus, qui dici possit euenire à conformatricis turbata vel permutata operatione. Etenim stigmata, figure, colores, qui in fœtibus producentur, & à conformatricis mutata operatione videtur proficisci, nunquàm per imaginationem in corporibus adultis oriri videntur. Quomodò corpus Alienum Internum, semper fœtus à phantasia alteretur, infra dicemus.

Potèd quando nunc disputatum est, quomodo & quibus mediantibus potentijs phantasia corpora immutet, reliquum est vt videamus in particulari, quæ corpora sic immutet, & quamam circa singula immutationem facere possit. Cum ergo supra à nobis corpora sint diuisa in Proprium & Alienum, Alienum aliud sit Internum, aliud Externum, & sub interno fœtus compre-

henda-

hendatur; videndum primò est, quid phantasia possit in corpus proprium, quid in corpus sœtus, quid in æternum agere, & primò.

Q U Æ S T I O X.

*Quid possit in corpus Proprium, & specialiter,
An possit in eo creare morbos.*

ET videtur quod sic. Primò Authoritate. Etenim D. Thomas 3. cont. gent. cap. 99. volens ostendere Deum posse operari præter ordinẽ rebus inditum, producendo effectus absque causis proprijs eorum. id probat ex eo, quod imaginatio id possit: ergò multò, inquit, magis potentia diuina. Nam ex eo, inquit, quod homo aliquid imaginatur & vehementer afficitur, sequitur mutatio in corpore ad sanitatem vel ægritudinem, absque ratione principiorum naturalium, quæ nata sunt in corpore ægritudinem vel sanitatem causare.

Probatur secundò Ratione. Phantasia est causa variarum alterationum in corpore; caloris, frigoris, ruboris, palloris, &c. Nam qui imaginantur horrenda, refrigerantur; qui læta, incalescunt: at excessus caloris & frigoris sunt morbi in intemperie. Ergo.

Denique phantasia est causa motus humorum & spirituum in corpore, vt est conclusio 31. motu humorũ & spirituum possunt varij, imò omnis generis morbi in nobis causari. Nam motu humorum possunt fieri obstructions, & consequenter apoplexiæ, calculi, asthma, dysuria, cæcitas, &c. vlcers & apostemata internæ motu spirituum possunt fieri deliquia, vertigines, &c. Ergo. Imò videtur, quod homo per suam imaginationem posset se ferè afficere quocumque morbo vellet. Etenim vt conclusio 23. est ostensum, imaginatio habet vim directoriam: Ergo potest humores in quamcunque partem determinatam dirigere, & in ea morbum facere, imò etiam hunc, vel illum morbum determinatè.

Probatur tertio Experientia & Exemplis. Contingit sæpè eos qui sibi persuadent se aliquo morbo laborare, tandem in illum incidere. Quotidiana experientia docet nimis intensè de peste imaginantes ea corripì, &
sæpè

sæpè eam magis imaginatione & metu, quàm contagio
 serpere. Videmus homines imaginatione & aspectu
 præcipiti, hostis & cuiusvis periculi contremiscere, ca-
 dere, horrere, in deliquium animi incidere. Habuimus
 superius exempla eorum, qui imaginatione mortis vna
 nocte cani facti sunt: habuimus alterius, qui in theatro
 ad supplicium expositus, & panno frigida imbuto in
 collum percussus, putans se gladii ictum sentire, expi-
 rauit. Docet euentus quotidianus, curis, sollicitudinibus
 & cogitationibus perpetuis detentos in phthisim,
 hydropem, atrophiam, melancholiam morbum non
 raro incidere. Scribit Marcellus Donatus lib. 2. cap. 1.
 historię suæ mirabilis, Vincentium quendam imagi-
 natum fuisse se tam magnum corpus habere, quod per
 ostium transire ausus non esset, sed Medicum eum vi
 per ostium transportari fecisse, postea verò ægrum con-
 questum fuisse se in ista transportatione totum fuisse in-
 terius confRACTUM, & paulò post esse mortuum. Scribit
 Fulgosius lib. 1. cap. 5. Arnoldum Philosophum scri-
 bere, cum nocte somniasset se à cato in pede morderi,
 postridiè manè in eodem pede vlcus vel anthracem cō-
 traxisse. Scribit quidam (Thomas ni fallor à Vega)
 quendam ambulantiem inter sepulchra parentum, cum
 fortè fortunà calcaret lapillum, sic vt calceis fortiter
 adhereret, induxisse in animum, se à manibus suorum
 parentum trahi & illa imaginatione intrà septimanam
 mortuum fuisse. Scribunt aliqui antiquis temporibus
 accidisse, quod histriones, qui agebant personas furio-
 forum, vt, Herculis, Athamantis, Thyestis, Orestis,
 Alcæonidis aut Aiæ, habuerint tam fortem imagina-
 tionem ad benè representandum facta illorum, vt ipsi
 met actu furiosi facti fuerint. Nota est historia Æsopi
 insignis histrionis, qui exhibens personam Thyestis,
 sæptro occidit vnum seruorum suorum. Lucianus lib.
 xxi. ~~scribit~~ *scribit* de quodam, quod representans
 Aiæcem furiosum, factus fuerit ita perturbatus, vt verè
 euaserit furiosus. Bibius Gallus Romanus, cuius me-
 minit Seneca in declamationibus, imitando stultum,
 ipsemet stultus factus est. Scribit Cælius Rhodiginus
 lib. 20. cap. 16. suarum antiquitatum quendam cum
 vellet;

vellet; paralyſim; alium apoplexiam, & ſenſus mentis, que priuationem ſibi excitare potuiſſe.

CONCLUSIO XXXVI. Imaginatio Per ſe non poteſt vllum Morbum inducere: id eſt, per nudum & ſimplicem actum imaginationis non poteſt induci vllus morbus, ſic vt nuda imaginatio per ſe ſit illius cauſa.

Probatur. Etenim, ſi phantaſia poſſet per ſe cauſare morbum vel deberet hoc facere mouendo per ſe corporis humores localiter, vel per ſe alterando: non mouendo humores corporis, quia conſuſione 17. & 22. oſtenſum eſt phantaſiam non mouere per ſe humores: & conſuſione 19. & 24. eſt oſtenſum per ſe non alterare, & conſuſione 25. nec ſpecies eius alterare, & conſuſione 20. generaliter eſt oſtenſum phantaſiam non eſſe actiuam. Ergo.

Probatur ſecundò. Si phantaſia per ſe nudo ſuo actu imaginationis poſſet cauſare morbum, cauſaret morbum imaginatum: at eum non cauſat, ergo. Antecedens probatur. Nam ſi phantaſia eſſet actiua & morbum producere poſſet, eſſet de ſe indeterminata ad mouendum hunc, vel illum humorem: ad hanc, vel illam qualitatem inducendam, & hunc vel illum morbum producendum. Ergo per ſpeciem morbi imaginati deberet determinari ad hunc potiùs, quàm illum producendum; & conſequenter deberet producere morbum imaginatum. Minor probatur. Quia, qui imaginatur icterum, non idèd fit ictericus; qui imaginatur podagram, non idèd fit podagricus: qui aliquandò falſò imaginantur ſe calculo, aut internis apoſtematibus, aut vlceribus laborare; aut melancholici, qui imaginantur ſe eſſe claudos, aut habere magnum naſum, aut corpus tam magnum, vt per oſtium tranſire non poſſit; non propterea tales euadunt: aut crurum diſlocationem, aut illam naſi, aut corporis magnitudinem acquirunt: ſed, ſi aliquam intenſam de re aliqua meditationem, aut phantaſiam morbus vllus ſequatur, non fit morbus imaginatus, ſed aliquis morbus communis, vt atrophia, hydrops, melancholia, aut ſimilis aliquis: qui per acci- dens ſiunt propter mororem, ſomni defectum, aut ſpi- rituum

rituum à partibus nutritionis auocationem, eiusmodi meditationem aut sollicitudinem comitantes. At dices aliquis. Docet quotidiana experientia imaginantes & cogitantes intensè de peste, peste corripì. Ergo imaginatio in ipsa per se pestem facit, & morbum imaginatum. Respondeo. Hoc per accidens fieri & imaginationem pestis per se non facere pestem. Etenim si imaginatio pestis, faceret pestem, imaginatio alterius morbi etiam faceret illum morbum imaginatum. Non enim est ratio cur imaginatio pestis magis faceret pestem, quàm imaginatio alterius morbi illum morbum: tam enim est fortis species alterius morbi ad mouendam imaginationem & cauendum morbum similem, quàm species pestis ad cauendum pestem: sed imaginatio alterius morbi non facit illum vti iam dictum est. Ergo nec imaginatio pestis per se facit pestem. Sed, quòd fortiter de peste imaginantes, pestem acquirant; sit per accidens: quatenus, scilicet, imaginatio pestis inducit magnum timorem, qui timor mouet malignos, putridos & pestilentes humores in corpore imaginantis latentes, qui mori pestem faciunt. Et ita dico, imaginationem pestis non facere pestem, nisi in corporibus ad eam dispositis: vti ex eo patet, quòd tempore pestis grassantis multi sæpè intensissimè, & cum subsequente maximo timore de ea cogitantes, tamen propterea ea non corripiantur; tempore verò non grassantis multò minùs. Cuius ratio est, quòd in neutris dispositio ad pestem adsit. Ex quo patet imaginationem non esse per se causam effectiuam illius, sed solummodo occasionalem, per accidens, ac remotam.

CONCLUSIO XXXVII. Phantasia per accidens potest esse causa multorum morborum, varijs modis. Primò, inducendo animi passiones, quæ morbos causant; sicut conclusionè 31. est ostensum. Hac ratione phantasia potest esse causa omnium illorum morborum, quos animi passiones inducere possunt, qui plurimi sunt. Secundò. Per hoc, quod propter intensam imaginationem spiritus & vapores plurimi in caput attrahuntur, qui ibi existentes possunt cerebrum vel calefacere, vel refrigerare, vel humectare, vel obstruere. Et hac ratione per intensam imaginationem, studia, meditatio-

ditiones, potest quis incidere in deliria, vertiginem, per vigiliū, epilepsiam, catharros, &c. vti quotidiana experientia est manifestum. Naturæ enim consuetum est, vt vbi aliqua actio intensè fit, eò spiritus & calorem, & sequelā quadam & vapores, & sanguinem mittat. Tertiò. Per hoc, quòd per intensam imaginationem, studium & meditationem, aliæ actiones naturales & vegetatiuæ impediuntur, & spiritus, & calor ac sanguis à partibus nutritorijs amoucantur: ad cerebrum scilicet attracti. Propter finitam enim animæ virtutem contingit, vt quandò ipsa circa vnā actionem nimium est impedita, non possit aliam æquè perfectè exercere. Hinc concoctio non benè fit, nec alimenti distributio, aut excrementorum expulsio: ex quo cruditates, obstructions, atrophie, &c. Quartò, per hoc, quòd actio quævis nimia & nimis diu durans tandem organum suum fatiget, spiritus eius consumat & harmoniam destruat. Nam hæc ratio nimis intensa imaginatio, curæ, studia, meditationes, cerebrum debilitant, oculos destrunt, &c. Videtur imaginatio etiam aliquando morbos facere, per hoc quòd morbos paruitate sua latentes detegat & aperiat. Sic qui morbo aliquo aut dolore exiguo laborant, sæpè illum dolorem non percipiunt, nisi attendant. & cum attendunt, percipiunt. Et illa ratione videtur imaginatio dolorem illum quodammodo facere: quamuis tamen reuerà non faciat. Attentio enim in omni sensu causa est, vt sensibile parum perfectius percipiatur. Et hæc est causa, cur pueri dolorem aliquem patientes, etiamsi de illo non conquerantur, quando tamen audiunt eius fieri mentionem, incipiant eum sentire, & de eo conqueri. Hinc dolores omnes noctu maiores, quàm interdiu: quia homines nullo sensuum exercitio distracti eos tum magis percipiunt. Hinc iterum pueri ludentes nō percipiunt dolorem, sed quiescentes. Patientibus denique dolorem, quando alios vident eosdem torqueri, dolor recrudesceat, &c. Est tamen sciendum, quòd, etsi imaginatio per se morbos aut dolores facere non possit, aliqua tamen ratione possit eos per se augere: quatenus ipsa habet vim aliquam directoriam motus spirituum & humorum: sicut conclusione 23.

est ostensum. Per hanc enim directionem fieri aliqua ratione potest, vt humores & spiritus magis ad affectam partem, quàm ad alias moueantur: ex quo fieri potest, vt morbi ac dolores augeantur.

Ad argumenta respondetur. Ad authoritatem D. Thomæ respondeo ex Ferrariensi ad eundem locum; D. Thomam ibi non velle, phantasiam per simplicem actum suæ imaginationis ægritudinem, aut sanitatem inducere; alibi enim clarè docuit imaginationem nihil agere, nisi mediantibus animi passionibus & spirituum ac humorum motu: sed hoc solùm; phantasiam posse morbos & sanitatem facere sine alijs causis ordinarijs morborum: puta, inquit, putrefactione aut indigestione, &c.

Ad secundum Respondetur. Id non fieri ab imaginatione per se, vt imaginatio est; sed per accidens; mediantibus passionibus & motu cordis, quod non negamus.

Ad Exempla & Experientias Respōdeo. Quoddam inciderint in morbos, quos imaginati fuerunt, factum fuisse; non quod phantasia illum morbum fecerit; sed contrà, quod morbus fecerit phantasiam. Etenim non deò homines morbum acquirunt, quia imaginantur se eum habere, sed quia eum habent, vel iam eius aliquod principium in se sentiunt, idè se eum habere imaginantur, eumque timent, & de eo conquerruntur. Verùm, quia interdum morbus tantum incipit, & adhuc non prodit se externis symptomatibus, vnde homines iudicant eos non ægrotare; idè, postquam iam vident eos in morbum, de quo antea fuerant conquesti, incidisse; putant eos illum per vim imaginationis contraxisse: cum tamen contrarium acciderit. Quod de peste adfertur, iam ostensum quomodo contingat. Alia fiunt quidem ab imaginatione, sed per accidens tantum; mediantibus animi passionibus, & alijs modis iam commemoratis. Ad exemplum Marcelli Donati dico illum fuisse melancholicum aut maniacum & tuisse mortuum ex morbo, non ex illa persuasionē; aut si ex illa persuasionē non per se, sed per accidens id contigisse, mediante, scilicet, summa tristitia, ex qua pluri-

mos mori non rarò contingit. Ad exemplum Fulgosi
 dico, illum non contraxisse vlcus aut anthracem in pe-
 de, quia somniauerat se ibi à cato esse commorsum: sed
 contrà, quia nocte illa iam aliquod mali illius princi-
 pium & humoris aliquis defluxus incipiebât, quæ dor-
 mientis sensum & phantasiam afficiebant; idèd eum ta-
 le aliquid de animali se ibi mordente somniasse. Ad ex-
 emplum Vegæ dico. Illum etiam melancholicum fuisse,
 & idèd vel ex morbo, vel ex maximo timore in cœ-
 miterio à spiritibus concepto mortuum fuisse. Sic me-
 mini hic Louanij quandam sub noctem per cœmite-
 rium euntem, concepto maximo à spectris timore, su-
 bitò expirasse. Ad exempla illorum histrionum dico;
 ea esse figmenta Poëtarum, nec fidem mereri. Ad ea
 quæ Cælius Rhodiginus ex D. Augustino refert: ea vel
 arte diabolica vel fallacia aliqua contigisse, aliàs impos-
 sibilia esse: saltem postremum de extasi seu apoplexia.
 Nam quod arte aliquis partem aliquam possit paralyti
 afficere non est ita mirum. Fieri enim hoc potest, ner-
 ui alicuius in aliqua parte occulta strictione aut com-
 pressionem, aut validioris alicuius narcotici superposi-
 tione: quomodo aliqui nebulones & circumforanei, ve-
 mentita sua alexipharmaca carè diuendant, sumpto
 saccharo cando, persuadentes populo arsenicum esse, oc-
 culta sub manica ligatura, brachijs suis asphygmiam in-
 ducunt: simulantes se semimortuos esse, quouique sum-
 pto suo alexipharmaco ab animi illo, si Dñs placet, de-
 liquio omnium admiratione liberentur. Quæritur
 ergo

QVÆSTIO XI.

An possit morbos curare?

ET videtur quod sic; primùm Authoritate. Etenim
 Galenus 1. prognost. dicit confidentiam ægri de
 Medico plurimùm facere ad salutem, idque se in seipso
 expertum esse; & propterea illum medicum meliùs sa-
 naturum, qui meliùs poterit persuadere. Albertus Ma-
 gnus 4. de anima, scribit ægrum per confidentiam de
 suo Medico tantùm sanare seipsum, quantum Medicus

G medi-

medicamentis. Marfilius quoque Ficinus lib. 13. Theol. Platon. cap. 1. & Conciliator Differentia 135. Forliuensis & communiter omnes Medici, magnam vim eiusmodi confidentiæ ascribunt. Ausus fuit scribere Pomponatius lib. de Incantationibus, illos qui aliquandò sanitatem consequuntur ex cultu ossium sanctorum, eam solummodò consequi virtute suæ imaginationis & confidentiæ, quam de ijs habent, adeò, quòd si tantum canis ossa colerent, credentes ea esse ossa sanctorum, eodem quoque modo sanitatem suam consequerentur. Imò putat idem Pomponatius & Andreas Cataneus lib. de causis mirabilium effectuum, & multi alij, omnia appensa, verba prolata, morbos curare; non alia, quàm solius imaginationis virtute.

Probatur quoque Experientia & Exemplis. Quia experientia docet plurimos fuisse curatos à morbis, gestando solum lapillos, sordes & quisquilias: per hoc, quòd crederent illa esse nobilissima & efficacissima amuleta. Docet etiam experientia multos in febribus habentes summum cibi alicuius desiderium, & fortissimam imaginationem quòd talis cibus esset eos sanaturus, comedendo eum; sæpissimè fuisse sanatos, etiam si ipsi cibi secundum regulas medicinæ illi morbo noxij & contrarij haberentur. Sic multi aquam crudam ingurgitando, comedendo haleces ad satietatem, aquam vitæ bibendo; quæ omnia in febribus à medicis vetantur; subitò sanitatem recuperauerunt, quam acceptis alijs plurimis remedijs recuperare nò potuerunt. Quod cum non fiat virtute naturali ipsorum ciborum, reliquum est, vt non fiat nisi virtute firmæ ægrorum confidentiæ & intensæ imaginationis. Scribit Thomas à Vega quendam ex suis decumbentem causâ frequenter in delirio obnixissimè medicos rogasse, vt liceret sibi in illo stagno (pauimentum monstrabat) natâre, dicendo quòd exinde esset conualiturus: & medicos id ei tandem concessisse: illum tum se in pauimentum mox deiecisse, & cum in eo aliquanto tempore fuisset volutatus, cum summa lætitia dixisse, aquam nunc ad genua, & paulò altius ascendisse: & cum vltimò sibi persuaderet eam iam vsque ad guttur peruenisse, dixisse se iam

iam sanum esse, & reuera sanum euasisse. Scribit Michaël Medina lib. de recta in Deum fide cap. 7. se Salmanticae puerum quendam nouisse, qui gratiam sanitatis habere credebatur, qui multos homines solo attactu grauissimis morbis liberabat: sed morbos tandem iterum recurrere, quando iam ægrorum imaginatio deferbuisset. Scribit Alexander Trallianus, quandam, quæ putabat se serpentem deuorasse, sanatam fuisse per hoc, quod Medicus ei vomitofium dedisset, & oborto vomitu serpentem quendam clanculum in testam inieciisset. Scribit Gattinaria Marlianum Medicum, quandam putantem se ranas in corpore habere, eodem modo curasse: & Aëtius Philotimum Medicum, quandam curasse, qui se putabat caput non habere: faciendo eum gestare magnam laminam plumbi super caput. Qui omnes sanati sunt melancholico morbo, sola sanationis imaginatione.

CONCLUSIO XXXIIX. Phantasia per se non potest morbos curare.

Hæc conclusio probatur per conclusionem præcedentem. Etenim si verum sit phantasiam non posse morbos inducere, sequitur etiam non posse curare. Eodem enim modo, quo curari possent; possent etiam produci. Si phantasia posset morbum calidum curare, posset frigidum producere: calidi enim curatio, est frigidæ productio: si posset obstructionem tollere, humores & spiritus ex parte expellendo, posset etiam facere: eodem in aliam impellendo, & sic de alijs.

Imò multò minùs potest sanitatem facere, quàm morbos. Nam, vt fiat morbus, sufficit vitium vnius dispositionis: ad sanitatem verò omnes dispositiones bonæ requiruntur: cum bonum in omnibus consistat, malum non nisi in vna parte.

Probatur secundò. Infiniti sunt qui grauissimis morbis miserè affecti, perpetuò cogitant & imaginantur sanitatem, & tamen non sanantur. Ergo.

Tertiò. Si imaginatio sanitatis posset aliquem morbum sanare, maximè sanaret morbos in intemperie: quia illi sunt simplices, & curantur simplici alteratione: at nemo per imaginationem curatur hæticæ aut

hydropes. Ergo.

Quarid. Non est ratio cur imaginatio sanitatis magis causaret sanitatem, quàm morbum. Ergo non potest causare sanitatem. Antecedens probatur: quia, qui imaginantur sanitatem, simul imaginantur ægritudinem; imo magis imaginantur ægritudinem, quàm sanitatem; quia ægritudo est præsens & actu mouet sensum suo dolore; sanitas est absens. Ergo si imaginatio sanitatis produceret sanitatem, imaginatio ægritudinis, quæ ei est coniuncta, eadem ratione simul produceret ægritudinem. Denique qui imaginatur sanitatem, sæpè magis imaginantur medium ad sanitatem, quàm sanitatem ipsam; puta, certum cibum aut medicamentum. At si imaginatio esset per se actiua & effectiua imaginati, imaginatio remedij tam benè deberet in corpore efficere ipsum remedium, quàm ipsam sanitatem. At non efficit illud: ergo nec hanc.

Quintid. Si imaginatio sanitatis per se esset effectiua sanitatis, esset indifferens ad omnem sanitatem; quare vt produceret determinatam sanitatem, deberet etiam esse determinata: At imaginatio ægrorum non est determinata ad aliquam speciem determinatam sanitatis: quia, qui post intensam imaginationem aliquando sanantur, nullius determinatæ sanitatis habent cognitionem, nec sciunt in quo sit posita ægritudo eorum, & sic quoque non sciunt in quo etiam sanitas sit constituta. Ergo imaginatio eorum non potest esse effectiua talis sanitatis. Sanitas enim in vniuersali non potest produci, sed determinata, hæc vel illa.

Sextid. Sanitas non est vnâ qualitas simplex, sed à variarum conuenientia dependens; ideo non est consequibilis vno simplici motu, sed diuersis. Nam, vt fiat sanitas, multa diuersa debent fieri: humores debent locomoueri; aliqui fortè retrorsùm, qui sint causa antecedens; aliqui antrorsum, qui sint fortè causa coniuncta: vt exire possint per vias conuenientes: humores illi etiam debent sæpè alterari, liquari, coqui; & membra quoque temperies mutari; susipientis partia debitas confortari. mandantis robur & sensibilitas retundi; &c. Hos diuersos effectus non potest edere imaginatio,

natio, quæ est vna simplex actio. Ergo.

Verum, sicut conclusione præcedente dictum est, imaginationem posse causare morbos per accidens, ita dico etiam hic, eam posse causare sanitatē per Accidens: & proindē confidentiam ægri de medico per se non facere sanitatem, sed tantum per accidens: & hoc duobus modis, & non aliter. Primò, quatenus illa confidentia ingenerat in animo ægrotantis lætitiā, diffidentia verò mœrorem & timorem: lætitia autem dilatat vias, excitat calorem nativum, spiritus vivificat, vnde morbi facilius superantur, & non capiunt incrementum: tristitia verò & timor refrigerant, spiritus obnubilant, vias coarctant, cruditates multiplicant, exciementa includunt; vnde morbi augentur. Secundò, quia confidentia facit ægrum præceptis medici esse obedientem, & promptum quævis medicamenta hilari animo assumere; diffidentia verò ea auerſari & recusare: quò fit vt cum illa morbus valeat superari, cum hac nequaquam.

Ad argumenta in oppositum Respondetur. Ad auctoritatem Galeni, verum esse confidentiam multum facere, sed nihil facere per se, sed tantum per accidens, vt iam dictum est. Etenim confidentia est in opinione, opinio est actio intellectus: morbi autem fiunt, & curantur per potentias naturales seu vegetatiuas, potentia autem vegetatiua à sensitiuis aut intellectu non dirigitur, aut imperantur. Ad Albertum Magnum nihil respondeo, nisi eum peccasse in nimis multum imaginationi tribuendo. Ad Pomponatium, dico eum impiè locutum esse, & idè eius librum à sancta sede merito esse prohibitum, & opinionis illius falsitatem latissimè refelli à Bartholomæo Pisano in Prologò libri sui Conformitatum. Ad illud quod dicitur de appensia & a nuletis, respondeo: illa plerumque esse superstitiosa, & idè operari non in virtute imaginationis, sed in virtute diabolis: aut si aliquandò non operentur in virtute diaboli, & tamen effectus sequatur, illum effectum esse casualem; & secuturum fuisse, etiamsi illa appensia adhibita non fuissent. Ad illud de cibis nocuis quos aliquando sequitur sanitas, dico, hoc contingere, non

propter imaginationem ægrotantis, sed varijs alijs modis: vel quòd illi cibi aut remedia per suam naturalem virtutem aliquandò sint reuera boni, etiamsi medici hoc ignorent: vt in febribus intermittentibus, sinapi, aqua vitæ, vinum Hispanicum: vel quod, etsi sint nociui, tamen sint aliquandò causa alicuius effectus, quem per accidens sequitur sanitas, vt vomitus, sudorum vel alui deiectionum, &c. Quo modo alia inimica naturæ, vt eleborus, scammonia, per accidens curant morbos: natura conante illa expellere & simul expellente causam morbificam: vel quod illa casualiter fuerint oblata, eo precise tempore, quò iam morbus criticè, vel vi præexhibitorum remediorum erat soluendus. Ad exemplum Thomæ à Vega respondeo: illud fuisse casuale, & non posse sciri quomodò acciderit: & idè ipsummet non putasse accidisse virtute imaginationis, sed quòd fortè à pauimento fuerit refrigeratus & ab illo frigore interiorius febrilis calor restinctus. Ad illud quod refert Medina; dico, eiusmodi sanationes fieri opera Diaboli: qui suos artifices & sibi fidem dantes sæpissimè fallit, & sæpè videtur curare ad tempus & non curat: Deo ita disponente. Ad exempla illa Melancholicorum respondeo; Melancholiam sæpè vitio corporis, sæpè vitio solius animi & specierum nimis altè imaginationi impressarum contingere: vt sit in ijs, qui ex nimia deuotione, studio, aut amore melancholici euadunt. Melancholia, quæ vitio corporis contingit, quæque verè est morbus, non potest eiusmodi inuentis curari. Nam per impressam aliquam in animo ægrotantis imaginationem, humores in cerebro & toto corpore existentes non possunt expelli, nec vitiosum cerebri temperamentum permutari; sed quæ contingit vitio animi, per solam prauam imaginationem in animo radicatam, & reuerà non tam est morbus corporis, quàm potius animi, potest per inductam aliam imaginationem contrariam tolli.

Vidimus itaque quid possit phantasia in corpus Proprium. Videamus nunc quid possit in Alienum. & quia tractatio de Alieno Interno est longior; videamus primò

QVÆSTIO XII.

Quid possit in Alienum Externum?

PLurimi certè dixerunt animam per virtutem imaginationis posse agere in remotum : & imprimis , vt supra audiuius , Auicenna 6. naturalium sect. 4. cap. 4. dixit , eam posse in res externas agere ; posse eas alterare & pro imperio permutare : aded vt etiam agere possit in distans sine medio : res longè disitas permutare ac mouere , non permutando intermedias , & posse hominè longè remotum morbis afficere , ex equo deijcere , interimere : pluuias & nubes excitare : non quidè omnem animam , sed illam quæ nobilior fuerit & magis spiritalis & à facie corporea abstracta . Auicennam secutus fuit Algazel 5. Physic. cap. 9. Alkindus & Paracelsus libris de imaginatione & nonnulli alij : qui , licèt non tantam , vt illi , animæ & imaginationi vim tribuerint ; tantam tamen tribuerunt , vt putent eam externa alterare , fascinare , & varijs morbis afficere posse : vt Marsilius Ficinus lib. 13. Theolog. Platon. cap. 1. Iacobus de Forliuo 3. techn. quæstio. 11. Pomponatius lib. de incantationibus capite 4. Andreas Cataneus libro de causis mirabilium effectuum . Gentilis de Fulgineo . VVeynrichius libro de monstis , & alij . Inter quos aliqui putauerunt animam id solo imperio facere posse , vt Auicenna & alij Arabes , Paracelsus , Fulginas , &c. Alij non quidè mero imperio & nuda apprehensione , sed emissionè spirituum in res externas : qui vel malignis qualitatibus , quibus formalitè præditi sint ; vel virtute specierum , quibus sint imbuti , eas afficiant . Quod anima seu phantasia nudo imperio & sola spiritali apprehensione id facere possit , sic probat Auicenna . Superiora habent dominium in inferiora , & intelligentiæ regunt & immutant res corporales , & eas possunt pro libito mouere & in eas formas quasuis inducere : anima est substantia spiritalis & separabilis , sicut intelligentiæ . ergo eodè modo , quo illæ , poterit in omnes res corporeas agere , & eas pro libito permutare . Quod verò per emissionem spirituum in res externas

agere possit easque alterare, vt alij dicunt, videtur non paucis argumentis posse probari: & primum auctoritate communi omnium Opticorum, Galeni 7. de plac. & 10. de vf. part. & Platonis in Timæo, & multorum Medicorum: qui videntur tenere visionem fieri per emissionem. Si per emissionem, ergo aliquid emittitur: si aliquid emittitur, illud debet esse corporeum, quia emissio dicit motum localem, motus autem localis competit corporibus, non accidentibus. Ergo debet esse spiritus: Si videndo spiritus emittuntur, ergo illi in res certas dirigi possunt: si ita dirigi possint, ergo ad quas peruenierint, eas qualitatibus suis poterunt permutare. Probatur etiam auctoritate D. Thomæ. Nam 3. contra gentes cap. 103. disputans contra Auicennam, & refutans quod ipse dixerat; phantasiam, scilicet, per solum imperium & spiritalem suam apprehensionem res externas posse mouere, dicit illam hoc solum facere, quatenus eam sequuntur animi passionēs, à quibus humores moventur. & vapores ad cerebrum ascendunt; qui spiritibus cerebri mixti, vnā cum illis vi imaginationis in externa eiulantur. Et part. 1. quæst. 117 art. 3. dicit phantasiam spiritus immutare, qui tenuitate sua ex oculis exeuntes, res externas inuadunt, & eas afficiunt. Vbi non hoc tantum videtur D. Thomas velle; vapores propria & naturali sua leuitate, & solo physico motu à corpore exire, & vicinas res afficere, sicuti afficerent quiuis alij vapores & spiritus ex quacumque alia corporis parte exeuntes; sed afficere eas, vt eiulatos & vitaliter ex oculis per vim imaginationis vibratos. Nam per hoc, quod imaginationem dicit sic alterare, & effectum ad imaginationem refert, videtur agnoscere aliquem concursum ipsius, vt spiritus illos & vapores dirigentis: alioqui non ad imaginationem, sed ad nudum contagium retulisset: & per hoc, quod dicit eos ad oculos ascendere, & per illos exeuntes agere, videtur indicare vapores hoc facere, non, vt simpliciter naturali sua tenuitate & leuitate à corpore expirantes, sed vt ex oculis singulariter per vim visiuam & imaginatiuā emissos. Certè, si spiritus ita emitti possint, sequitur omnino, quando ipsi maligna qualitate fuerint affecti, externas

res

res ad quas pertigerint, læuros esse. Possunt autem maligna qualitate affici à vaporibus: qui motis per animi passionem corporis humoribus, sursum ascendunt & ob congeneram naturam spiritibus permiscuntur. Hoc de facto ita fieri, videtur experientia docere. Scribit enim Aristot. 2. de somno & vigil. cap. 1. & Plinius lib. 7. cap. 15. menstruatam mulierem radijs ex oculis exeuntibus posse speculum inficere: scribunt authores Catolepam venenatis oculorum radijs homines enecare: habuimus superius certas gentes esse, quæ quos intuebantur, poterant fascinare: vetulæ animalia & teneros pueros fascinant intuitu oculorum, secundum illud Poetæ. Nescio quis teneros oculus mihi fascinat agnos. Quidni ergo homines odio & invidia ac ira affecti, motis inde malignis corporis humoribus, à quibus spiritus contaminantur, ijsdem spiritibus in res externas per imaginationem directis, possint eas lædere & permutare? Equidem videtur, quodd non solum eas possint permutare qualitatibus realibus, quas à tali admixtione contraxerunt; sed etiam sola virtute specierum intentionalium, quæ in illis subiectantur: quæ species, cum secundum Aristot. lib. de communi animalium motionem habeant virtutes rerum, videtur quod res externas afficere poterunt ijsdem qualitatibus quibus ipse res, quarum species sunt, eas afficere possent.

CONCLUSIO XXXIX. Phantasia per se non potest in res Externas agere: id est, non potest per suum actum imaginationis, per veram aliquam aut directam efficientiam, res externas permutare.

Hanc conclusionem tenet imprimis D. Thom. part. 1. quæst. 118 art. 3. ubi dicit animam non posse in corpora externa agere, nisi mediante suo corpore: quod agit ut corpus naturale; aut applicando actiua passiuiv. Et ibidem art. 4. dicit animam non posse mouere corpus, cui non est vnita. Ex quo sequitur, quodd cum nequeat externum corpus neque alterare, neque localiter mouere; nequeat etiam illud permutare, aut vlla læsione, aut ægritudine afficere. Idem docet quæst. 110. ubi dicit, nec animam, nec substantias vllas separatas in res corporeas pro imperio agere posse. Eam tenet

D. August. lib. 3. de Trin. cap. 8. Greg. de Valentia disp. 8. q. 8. puncto 2. Zoares Metaph. disp. 18. sect. 8. cap. 25. Michael Medina lib. 2. de recta in Deum. fide cap. 7. Conim. 7. Phys. q. 1. cap. 2. Toletus in 7. Phys. cap. 2. text. 24. q. 2. Franciscus Picolom. in lib. Phys. tract. de potentia motiua cap. 24. Martinus Delrius lib. 1. Disqu. cap. 3. q. 3. Vayrus lib. de fascino. Valesius lib. de sacra Philos. Ludouicus Mercatus to. 1. lib. 2. class. 3. q. 168. art. 4. Picus Mirandulanus, & communiter omnes Philosophi.

Probatur conclusio Ratione. Anima, ut est ostensum conclusione 12. & 13. nullum corpus externum potest directè per se mouere nec alterare. Ergò nec phantasia: quia phantasia est potentia animæ, & ita non est nisi animæ instrumentum: si causa principalis non potest, ergò nec instrumentum, quod ab illa dirigitur.

Secundò. Conclusione 20. est ostensum phantasiam per se non esse actiuam, ergò non potest agere in corpus externum: quia, si simpliciter non sit actiua, & per se, nec in Proprium, nec in Alienum internum agere possit, multò minùs poterit agere in Externum, quòd ab anima illa, cuius ipsa est potentia, est remotum; nec ad ipsam ordinem, dependentiam aut sympathiam ullam habet: sicut habet proprium aut internum.

Tertiò conclusione 21. & 22. specialiter est probatum, phantasiam nec Proprium corpus, nec Alienum Inter- num posse localiter mouere, ergò multò minùs Externum: quod enim non potest minus, nec maius poterit: plus autem est agere in remotù, quàm in propinquum. Et conclusione 24. est ostensum phantasiam per se non posse alterare. Si simpliciter per se non potest alterare, ergò non potest alterare corpus externum. Quapropter si nec loco mouere, nec alterare externum corpus potest, ergo nullam in illud per se habet actiuitatem. Ergò non potest illud fascinare, nec ullam sanitatem aut ægritudinem in illud inducere.

Dictum equidem est conclusione 27. & 34. Phantasiam per accidens posse alterare, vel inducendo animi passiones, & sic mutat corpus Proprium: vel dirigendo facultatem conformatricem, & sic immutat corpus Alienum Inter- num, nempe fœtum: sed neutro modo potest immu-

Immutare corpus Externum . ergo nulla ratione immutat illud . Subsumptum probatur . Non enim potest immutare inducendo animi passiones ; quia , quod phantasia alteret proprium corpus mediantibus animi passionibus , est propterea , quod phantasia & appetitiua sint radicate in eadem anima , & propter illam identitatem radice , phantasia excitet appetitiuam : at phantasia vnius & appetitiua alterius hominis non sunt in eadem anima radicate , sed in animabus numero distinctis . ergo imaginatio vnius non potest excitare animi passiones alterius . Et sic docet experientia , quod mea imaginatio non faciat letari aut timere alium . Cuius ratio est , quia radix meæ phantasie , & radix appetitiuæ alterius , numero sunt diuersæ ; vnde vna non potest alteram à se remotam mouere : intellige , vt vera causa physica , per actiuam , scilicet , alterius potentiæ motionem . Nam vt causa moralis , promittendo , instigando , perterrefaciendo , potest . Non potest etiam externum corpus immutare , conformationem destruendo . primò . quia in corpore alieno externo iam conformatrix perfecit opus suum , & cessauit operari , & sic amplius non potest dirigi : secundò , quia corpus externum non est cõiunctum per venarum & sanguinis continuitatem corpori imaginantis , sicut est corpus fœtus : & idè eius directio seu per species seu alterius qualitatis impressionem non potest ei communicari sicuti fœtui communicatur .

Ad argumenta in contrarium respondetur . Ad auctoritatem Auicennæ & aliorum ; eos plus virium imaginationi tribuisse , quàm reuerà ei competat .

Ad argumentum eius dico . Intelligentias non regere pro nutu & imperio res corporales , sicut ipse putauit ; nec formas inducere in materiã sed solummodò habere potestatem super eis , quoad motum localem : vt bene docuit D. Thom. 1. part. q. 110. art. 1. & 3. & cõmuniter omnes Scholastici tenent . Et etsi eas ita regerent , non idè sequitur , quod propterea etiã & anima id posset : quandoquidem intelligentiæ sunt superioris ordinis & efficaciores in agendo , quàm sit animæ & sunt separate à materiã , & agunt per solum intellectum & voluntatem : anima verò est alligata corpori & ad illud determinata ;

& agit

& agit mediantibus potentijs materialibus, quæ extrâ corpus proprium nihil possunt.

Ad argumentum ab Opticis & Galeno desumptum, respondeo. Visionem non fieri per spirituum, aut alicuius substantiæ corporeæ emissionem; vt est communis omnium ferè Medicorum & Philosophorum sententia: idè nullo spiritus ex oculis in res externas posse vibrari. Exeunt quidem ex oculis spiritus & vapores, sicut ex alijs omnibus corporis partibus; sed tantùm exhalando, non autem radialiter, seu rectâ lineâ in res externas, & longè remotas has illâsue pro imaginationis nostræ arbitrio vibrati aut directi: & idè non agunt in rem aliquam determinatè, sed quas exhalando fortè attingerint, eas contagio quodam, fortuitò tantùm lædunt & efficiunt. Et hac ratione qui lippos aliorum de propè aspiciunt oculos, mero contagio aliquando eandem lipitudinem contrahunt: non quòd vel lippientes oculi vibrent spiritum venenatum ad oculos intuentis; vel oculi intuentis vibrent spiritus in oculos egros; qui in oculos vnde exierunt redeunt eos hausta labe inficiant: sed quòd vapores ex oculis lippiensibus egressi hæreant in circuitu eorundem, & sic oculos inspicientis propinquos attingant & inficiant.

Ad auctoritatem D. Thomæ dico. Eam de simplici contagio & evaporatione spirituum & vaporum, & nò de rectâ quadam seu radiali in rem determinatam pronutu imaginationis eiaculatione esse intelligendam.

Ad exemplum de Catoblepa & muliere menstruata respondeo. Eas lædere & inficere res vicinas non radio oculorum, sed sola iam dicta venenatorum vaporum exhalatione. Restat modò videre

QVÆSTIO XIII.

Quid possit agere in corpus Alienum Propinquum seu Fætum?

AN possit ei notas inurere, figuram eius mutare, & tam varia circa eum facere, quàm de ea homines prædicant.

Et vi-

Et videtur certè quod non. Primò, quia diuinus Aristoteles, qui nihil circa generationem & naturas animalium intractum reliquit, nullam vspiam facit eius mentionem: quod sine dubio facturus fuisset; & facere debuisset, si eam tantam vim in generatione habere credidisset. Etenim lib. 4. cap. 3. etiam si latè & anxie inquirat causam similitudinis fœtum, & cap. 4. inquirat causas monstrorum; tamen ne semel phantasie facit mentionem: nec credo eum vspiam in omnibus operibus aliquid de vi imaginationis scribere, præterquàm quod 10. probl. probl. 11. quærens cur proles aliorum animalium magis sint similes suis parentibus, quàm hominum; dubitanter respondeat: an id fortè sit propter varietatem imaginationis, quàm habent homines in congressu magis, quàm alia animalia: quodd fortè magis ex vulgi, quàm ex propria opinione ibi dicit.

Secundò. Quia nonnulli magni viri, vř Ioannes Costæus in lib. Disquisitionum Physiologicarum, Vayrus in lib. de fascino, Thomas Erastus aliquo loco, credunt eam nullam in mutando fœtu vim habere, sed quæ in eo aliquando præter ordinem naturæ eueniunt; à fortuitis humorum incurſibus, ac alijs causis prouenire.

Tertiò. Quia si imaginatio tantam vim haberet in fœtu immutando; videtur, quòd t ferè nunquam non fœtus deberent prodire signati. Quæ enim mulier est, quæ tempore nouem mensium, quo fœtum in utero gestat, non habeat frequenter intensas aliquas de varijs rebus imaginationes? quæ est, quæ non sæpè terreatur, multa desideret, quæ non potest habere, &c. At rarum est tales fœtus prodire. Ergo.

Quartò. Si fœtus ab imaginatione signaretur, illa imaginatio deberet esse insens, & desiderium & timor, quæ illam comitantur, deberent semper esse fortissima & benè notabilia: At scribit Argent. com. 1. in art. parvam, & experientia docet multas intulieres produxisse proles cum eiusmodi signaturis, quæ tamen falsæ sunt, se non habuisse magnam de rebus, quarum notam proles credebant, cogitationem. Undè sæpè mulieres, postquam pepererunt proles ita signatas, videntes signaturas earum, tum primum apud se reuoluerè & cogitare inci-

incipiunt, an de talibus rebus, quales in prolibus expressæ videntur, nō habuerint cogitationem, desiderium, aut timorem, Ergo phantasia non est causa earum.

Quintò. Authores præcipuè antiqui, qui hanc vim phantasiæ ascripserunt: dixerunt illam imaginationem præcipuè talē vim habere, quæ contingit tēpore coitus: at tempore coitus imaginatio nō est fortis, quia spiritus & calor aliò sunt retracti: vnde dicebat Hippocrates coitum esse quasi paruam epilepsiam. ergo illa non videtur posse magnam vim habere: Si illa non habet magnam vim; ergò multò minorem aut nullam habebit illa, quæ contingit tempore prægnationis: Ergò nulla.

Sextò. Multa ascribuntur imaginationi, quæ videtur fabulosa; vel quæ videtur impossibile esse à phantasia causari. ergo suspicandum est reliqua omnia, quæ ei ascribuntur; vel etiam esse fabulosa, & opiniones & figmenta muliercularum; vel aliam habere causam ab imaginatione diuersam.

Septimò, Multæ sæpè apparent notæ in fœtu, quæ nō sunt imaginatæ, & non causantur à præuia vlla imaginatione, sed ab alia causa: sicuti ergò tales fiunt à proprijs causis, ita videtur quod & reliquæ omnes ab eis fiant, & non ab imaginatione.

Octauò. Fœtus figura, color, magnitudo, species, pendet à facultate conformatrice, & facultas conformatrix est causa efficiens earum, & nulla potentia animæ potest quippiam in fœtu conformare, aut eius figuram, colorem, &c. effectiuè facere, quàm facultas conformatrix: illa enim benè operans facit figuram, stum, colorem, numerum, quantitatem partium, decentia; malè operans, indecentia. Itaque ipsa est causa verè efficiens & proxima ac synectica omnium accidentium fœtus, & nulla alia potentia: & idèd nulla potest circa fœtum fieri variatio, nisi conformatrix varietur. Ergo si phantasia mutaret fœtus figuram & conformationem, ipsa prius deberet mutare conformatricem: At non potest mutare conformatricem; quia conformatrix est potentia vegetatiua; phantasia est potentia sensitiva; potentiæ sensitivæ non regunt, gubernant aut immutant vegetatiuas, quia hæ non subsunt imperio earum

earum. Ergo phantasia nullam potest in fœtu facere permutationem. Sit.

CONCLUSIO XL. Phantasia habet vim fœtum immutandi: seu propter operationem phantasie contingit sæpè fœtum permutari.

Hæc conclusio est communis & conformis opinioni & dictis omnium hominum, qui mirabilem in mutando efficaciam ei ascribunt. Et probatur autoritatibus infinitis & varijs exemplis, quibus omnibus refragari temerarium videretur. Ponam imprimis authoritates omnes, tum exempla, quæ licuit inuenire, ab autoribus memoriæ tradita, ut eis visis possit vnusquisque videre quantum roboris aut apparentiæ habeant, & quanta vis & efficacia imaginationi sit ascribenda.

Imprimis itaque diuinus Hip. lib. de superfœtatione eius vim agnouit, dicens desiderium mulieris prægnantis posse fœtum signare. (Si qua inquit, mulier terram edere concupiscat aut carbones, eademque edat; in capite pueri eius signa à talibus apparebunt.) Hanc signandi vim Hippocratem imaginationi tribuisse etiam colligi potest ex D. Hieronymo in traditionibus Hebraicis super Genesim; Vbi dicit Hippocratem semel liberasse vnā mulierem ab infamia & suspitione adulterij; per hoc, quod in eius cubiculo pependisset pictura fœtui similis, in quā ipsa intetam habuerat cogitationē.

Eandem vim etiam imaginationi tribuit Soranus antiquissimus Medicus, teste D. Augustino contra Iulianū cap. 9. Ibi enim scribit D. Augustinus, Soranum memoriæ tradidisse; quod, cum Dionysius Tyrannus, utpotè deformis existens, nollet sibi similem prolem generare, iusserit pulchram picturam suspendi ante oculos vxoris; ut ipsa illius intuitu prolem picturæ, id est, pulchram; non autem patri similem, seu deformem produceret.

Galenus lib. de theriaca ad Pissionem cap. 14. dicit etiam imaginationem & aspectum pulchræ picturæ posse fœtum mutare, eumque rei imaginatæ similem facere.

Plutarchus 5. de plac. cap. 12 scribit Empedoclem dixisse: (visu sub conceptum oblato infantem formari & rebus visis & imaginatis similem euadere.) Quinto

sæpè

sæpè mulieres statuas aliquas adamasse, & proles, quas ex alijs conceperant, illis similes euasisse: quod Empedoclem sensisse Gal. lib. de historia Philosophica sibi ascripto cap. 117. etiam refert.

Aristot. sect. 10. probl. 12. quærens, cur proles cæterorum animantium magis similes sint suis parentibus, quàm hominum, respondet: An, inquit, quia homines magis vago & vario in coitu sunt animo, quàm illa? prout autem mater in conceptu fuerit, fœtus variatur?

Plinius lib. 7. hist. naturalis cap. 12. dicit, cogitationes & haustas sub conceptu imagines effingere similitudinem fœtus: & varietatem formarum in genere humano, magis quàm in cæteris animantibus, à sola ingeniorum varietate & cogitationum tempore conceptus celeritate pendere.

Eodem modo Cicero 1. Quæstionum Tusculanarum: dicit, maiorem similitudinem prolium in bestijs, quàm hominibus, ex hac solum causa pendere; quod illæ rationis sint expertes.

Auicenna Fen. 2. lib. 1. doctr. 2. cap. 14. (Est, inquit, & cum corpus patitur propter affectiones animales, quales sunt imaginationes. Plurimum enim, inquit, imprimunt res naturales: quemadmodum accidit, vt puer ei similetur, cuius forma imaginata fuerit in hora coitus viri & mulieris; & vt sit eius color propinquus colori eius, quem viderunt, cum sit calus spermatis. Et istæ, inquit, sunt res, quas homines credere abhorrent, qui non scrutantur dispositiones: illi verò, qui sapientiam diligunt, non negant eas.) Et 3. canonis Fen. 21. tractat. 1. cap. 2. dicit, aliquos sapientes dixisse, & in eo quidem non errasse; quòd causa assimilationis fœtus, sit dispositio conceptionis in mente mulieris, aut viri firmiter exemplificata.

Heliodorus antiquissimus scriptor; postquàm tradidisset historiam Caricæ quæ alba ex Æthiopibus parentibus nata erat; eò quòd Regina mater eius picturam quandam semper intuita fuisset, in qua Andromeda alba facie depicta erat; subiungit: Gymnosophistas, qui erant illius regionis summi sapientes, id factu possibile esse indicauisse.

Legi-

Legitur 30 Geneseos sanctum Patriarcham Iacob, ut acquireret oves diversi coloris, cepisse virgas virides & populeas, & amygdalinas, & eas hinc inde decorticasse, ut essent variegati coloris, & posuisse in canalibus aquarum, ad quos marè oves venturæ erant potatum, ut ipsæ postmodum in congressu, i. imaginatione diuersitatis illorum colorum, fœtus producerent variegatos.

Cuius facti mentionem faciens D. August. lib. 3. de Trinit. c. 12. & 12. de Ciuit Dei c. 25 illam immutandi fœtus vim imaginationi quoq; concedit. Quinimò lib. 18 cap. 5. eiusdem operis rationem dant: quomodo factum fuerit, quod apud Ægyptios nunquam deficeret bos quidam candidis maculis distinctus, quem Apim appellabant, & pro Deo colebant; putat id factum fuisse, quod dæmon coëuntis alicuius vaccæ imaginatio- nem similibus specierum oblatione sic immutauerit, ut postea similem semper fœtum produxerit.

D. Hieronymus in traditionibus hebraicis super Genesim, dicit, hanc in conceptu fœminarum esse naturā, ut fœtum imaginatæ rei similem producere queant.

Et scribit Cœlius Rhodiginus lib. 20. antiquarum lectionum cap. 15. Fabium Quintilianum mulierem quandam à suspitione adulterij liberasse, quæ nigram prolem pepererat; per hoc, quod in cubiculo pictura nigri Æthiopis pependisset. Quod de eodem etiam D. Hieronymus, ni fallor, loco supra citato, & alij de Alcibiade referunt.

Hesiodus antiquissimus Poëta lib. 2. de operibus & diebus præcipit, ne quis à funere rediens liberis operam det, ne imaginatio rei trahitis in proles transeat, easq; que permutet, his verbis

Μὴδ' ἀπὸ δυσφύμοιο τὰφῃ ἀπονοστήσαντα

Σπέρματιν γενεὴν ἀλλ' ἀνατάων ἀπὸ δαιτὸς.

Isidorus lib. 12. originum cap. 1. dicit imaginationem animalium posse fœtum rei visæ similem reddere. Etenim, inquit, anima in vsu venereo formas extrinsecus intus transmittit, eorumque laxiata typis rapit species eorum in propriam qualitatem.

Hanc vim immutandi fœtum, præter iam recitatos, imaginationi etiam tribuant omnes, qui sequuntur

H Alber-

Albertus Magnus lib. 12. tract. 1. cap. 3. Marsilius Ficinus lib. 13. Theolog. Platon. cap. 1. Tartaretus 2. animæ articulo penultimo. Michael Medina lib. 2. de recta in Deum fide cap. 7. Cardanus lib. 12. de Subtilitate. Pererius super Genesim cap. 30. disp. 3. Toletus super 2. Physic. quæst. 13. Foroliuiensis 3. techn. quæstio. 11. concl. 2. Thomas à Vega comm. in art. paru. cap. 49. Christoph. Vega 2. art. paruæ sect. 6. Fernel. 7. Physiolog. cap. 12. Conciliator diff. 135. resp. ad 2. Scaliger exercit. 59. sect. 1. Valesius lib. 1. Sacræ Philosophiæ c. 11. Pera natus lib. de hominis procreatione cap. 17. Citradinus lib. 3. cap. 15. Andreas Laurentius lib. 8. controu. anatom. quæst. 10. Archangel. Picolom. anat. prælect. lect. 1. Hercules Saxonia 4. Panthei cap. 30. Argent. com. 2. super artem paruam fol. 139. Baptista Syluat. lib. histor. Medic. historia 6. Rodericus à Castro tom. 1. de morbis mulier. lib. 3. cap. 9. Bonamicus lib. 4. de alim. cap. 38. Leuinus Lemnius lib. 1. de complex. cap. 6. Franciscus Picolomineus in lib. Physic. disput. de facultate motiua cap. 13. Martinus Delrio in Disquis. Magicis quæst. 3. cap. 3. Andræas Cataneus lib. de intellectu. & causis mirabilium effectuum, Pomponatius lib. de incantationibus, Langius, VVyerus, Gemma, Paræus, VVeynrichius, Codronchus, Libanius, Iason Pratenfis, & multi alij: quorum nomina non recordor, & loca quærere piget.

Huc accedit commune adagium: filium ex adultera excusare matrem à culpa: quo significatur filios ex adulterio natos plerumque magis similes esse marito adulteræ, quàm vero genitori: eò quòd mater continuò de marito cogitans, metuendo ne ab eo deprehendatur, vel vultus suæ prolis prodat verum genitorem: illà imaginatione reddat eam magis similem marito, quàm vero genitori.

Probatur porro etiam Experientia & Exemplis. Et 1. Galeni loco citato: qui scribit quendam virum diuitem, cum deformis esset, iussisse vxori, vt tempore conceptionis inspiceret pulchram picturam: & exinde contigisse eam postmodum pulchram prolem picturæ similem addere.

2. Plutarchi etiam loco citato: qui dicit mulieres aliquas statuas adamasse, & postmodum ædidisse fœtus illis similes.

3. Heliodori iam etiam mentionati, qui lib. 1. historię suę Æthiopice scribit reginam Persinam Æthiopem ex marito Hydaspe pariter Æthiope peperisse albam prolem dictam Caryclæam; ex eo, quod intuita fuisset picturam quandam, in qua Perseus & Andromeda alba facie erant depicti.

4. Præter illa sunt alia adhuc multa exempla. Scribit Iustinus lib. 15. hist. Laodicem uxorem cuiusdam Antiochi clari inter Philippi Duces viri per quietem visam sibi fuisse ex Apolline concepisse, & pro mercede concubitus annulum ab Apolline recepisse, in cuius gemma anchora insculpta esset: & postea filium peperisse Seleucum, notam anchoræ in femore gerentem.

5. Marcus Damascenus, ut testatur Petrus Messias libro variarum lect. c. 7. scribit in consinijs Pise in loco quodam Petra sancta appellato, natam fuisse puellam totam hirsutam; ex eo, quod mater tempore conceptus imaginem D. Ioannis ad lectum pendentem intuita fuisset: quam filiam Michael de Montagna scribit Carolo Regi Bohemię fuisse præsentatam.

6. Scribit D. Hieronymus in quæstionibus super Genesim loco supra citato, mulierem quandam nigrum fœtum peperisse, eò quod fortem de Æthiope imaginationem habuisset.

7. Guilielmus Paradinus in historia Sabaudie in Epilogo ad caput 46. scribit neptim Nicolai tertij Pontificis, qui erat de familia Vrsinorum, peperisse prolem totam villosam, vngulis armatam instar vrsi: eò quod in imagines vrsorum in ædibus illius familię depictorum intuita fuisset: propter quod Pontifex exinde iussit omnes imagines vrsorum in vrbe Roma existentes aboleri. Lycostenes in lib. de prodigijs, & Iason Pratenfis dicunt id anno primo Pontificatus Martini Quarti accidisse.

8. Ludouicus Viues in comm. ad c. 25. lib. 12. Augustini de Ciuitate Dei recitat Syluæducis in Brabantia virum quandam, qui dæmonem publicis ludis exhiberat,

buerat, domum reuersum ijsdem adhuc scenicis vestibus indutum cum vxore rem habere voluisse: dicendo, quòd ex ea diabolus progignere vellet: ipsam autem deterritam postea fœtum figura diabolica præditum produxisse.

9 Peramatus lib. de hominis procreatione cap 17. agens de vi imaginationis in fœtum mutando, narrat historiam cuiusdam monstri valde admirabilem nati in India occidentali in oppido S. Laurentij Anno 1573. mensis Aprilis die 6. delatam ad Ducem de Medina Sydonia, & varijs fide dignis testimonijs comprobata; quod habuit oculos, os, aures, nares valdè deformi & horr. bili figura prædita: in fronte duo cornua instar cornuum capræ primum enascentium: pilos oblongos: in ventre cingulum carneum duplicatum cum frusto carneo ex eo dependente instar peræ: in sinistra manu sonalium seu campanulam carneam, similem illis, quibus Indi ad tripudia vtuntur: in cruribus ocreas carneas albas reduplicatas: in dextro crure quasi cingulum aut cōpedem cruri circumductum: totum figura valdè horribili, similem diabolo humana specie tripudianti, natum (vt insinuat) ex eo, quòd mater territa fuisset à diabolo, quem (vt ibi crebriora hominum cum dæmonibus sunt commercia) illâ formâ tripudij viderat commixtum.

10 Philippus Meurs Protonotarius Apostolicus, & Louanij in æde S. Petri Canonicus, vir tam senex, vt tria viderit secula; mihi & infinitis alijs narrauit, se habuisse sororem toto reliquo corpore perfectam, quæ nullum habebat caput, sed loco capitis collo superpositam concham testaceam ad similitudinem mytili, constantè duabus valuis, quæ aperiebantur & claudiebantur; per quas cibum cochleari ministratum sumebat; quam dicebat ita natam esse, ex eo quòd mater eius tempore gestationis vteri musculos marinos quos in foro viderat venales, nimis intensè desiderasset & potiri non potuisset. Illud monstrum dicebat peruenisse vsque ad annum vndecimum ætatis, & mortuum esse ex eo, quòd semel præ iracundia cochlear, quo cibis ministrabatur, nimis fortiter præmordisset; vnde contingebat illas valuas testaceas frangis quibus fractis ipsum moriebatur. Eius

Imaginem habebat pluries in cubiculo suo depictam, quam totus mundus vidit. Historia ista est Louanij famosa, & nemini non nota.

11. Scribit Sebastianus Munsterus lib. 3. suæ Cosmographiæ: propè Moguntiam suo tempore accidisse, cum duæ mulieres ex opposito sibi in platea confabularentur, aliam ex improviso venientem à tergo capita vtriusque collisisse; & alteram earum, quæ prægnans erat, duas inde filias peperisse, capitibus oppositis, id est, frontibus vsque ad nasum cohærentes: quæ sic decem annis continuis coniunctæ vixerunt.

12. VVyerus lib. 4. de præstigijs dæmonum cap. 18. scribit quendam ægrè ferentem uxorem suam vterum gestare, accenso animo ei dixisse; se credere quoddam bolum in ventre gestaret: & ipsam postmodum prolem peperisse cornutam in forma diaboli ac satyri, multis deformitatibus præditam.

13. Scribit Cornelius Gemma lib. 1. suæ Cosmotricæ cap. 6. quendam mulierem Louanij inter confabulandum, cum fortè mentio fieret de eius grauiditate, dixisse; se tempus partus computare in festum trium Regum: conuiuasei precatos esse, ut tres Reges in lucem proferret: ipsam hilari animo respondisse; quod faustum felixque sit. Et tempore elapso tres filios peperisse; quorum vnus erat nigrore & bituminoso colore.

14. Scribit idem Ludunensi cuidam mulieri grauidæ accidisse quoddam, cum iam tempus partus instaret, & maritus stricto gladio semel eam insequeretur, & eius frōti minaretur, ipsa postea pepererit prolem, magnum in fronte vulnus gerentem: ex quo ita abundè mox sanguis fluxit, ut sisti nequirit & obierit.

15. Leunus Lemnius lib. 1. de occultis naturæ miraculis cap. 4. habet; quoddam, cum nebulo quidam ex improviso cuidam grauidæ picturam pueri permagno capite præditi ostendisset; ipsa attonita pepererit prolem prægrandi fungolo ac monstroso capite præditam.

16. Scribit Langius tom. 1. Epist. epistola 12. mulierem quendam appetitum acquisiuisse mordendi humeros cuiusdam pistoris, quem nudum videbat: maritum in-

duxisse pretio pistorem, vt pateretur: ipsam bis mordisse; tertium morsum pistorem ferre noluisse: tandem enixam esse tres proles, quarum duæ viuæ, tertia mortua erat: propter tertium morsum ei denegatum.

17. Thomas Erastus lib. de occultis pharmacorum proprietatibus cap. 34. refert Heroïnâ quendam mirabili antipathia à felibus solitam perterrerî & sibi dixisse causam eius esse, quod mater eius cum ex ea grauida esset, semel à fele propè eam inopinatò decidente perterrita fuisset, etsi antea tamen feles non odisset.

18. Scribit Balduinus Ronsæus libello de primordijs hominis cap. 10. Gaudæ in Hollandia mulierem quandam videntem greges gallinarum Indicarum sic consternatam fuisse, vt postea pepererit fœtum habentem faciem multis excrescentijs carnosis multiformis coloris, galli Indici instar, deturpatam.

19. Paræus lib. 24. cap. 7. suæ Chyrurgiæ, scribit Anno Domini 1517. in Bosci Regis Parœcia in Byersylua via ad fontem Bellæ aquæ, natum fuisse monstrum facie ranali: ex eo quod mater ipsa nocte qua cum marito rem habebat, ranam manibus contra febrem alligatam habuisset.

20. Iacobus Horstius libello de aureo dente, scribit, se non tantùm colores & maculas, sed carnea fragra & cerasa in dorso, & genis virtute imaginationis producta sæpè vidisse.

21. Refert Scenkius in libris obseruationum rararum, quendam Iacobum Suterum Doctorem Medicum hanc sibi obseruationem misisse: nimirum, eius vxori contigisse, quod ob frustum carnis ei à lanione in macello denegatum, ita iracunda facta fuerit, vt sanguis ei è naribus efflueret: & cum eum defluentem perciperet, & à labris abstergeret, enixa tandem fuerit fœtum supremo labro carentem.

22. Retulit mihi vir quidam gravis & fide dignus pro certa historia: mulieri cuidam grauidæ iuxta murum ambulanti lacertam in pectus insiluisse, indè ipsam grauitè consternatam paucis post diebus peperisse fœtum in pectore carneam lacertam habentem, quæ caput in carnem pueri infixum & occultatum, reliquam corporis

poris partem foris haberet.

23. Est Antuerpiæ quædam honesta matrona, quæ & vultum, & externas gestulationes simiæ similes habet; ex eo, ut putatur, quod mater eius grauida simia quadam, quam domi habebat, valde delectata fuisset, & frequenter cum ea lusisset. Alia exempla plurima vulgo audiui narrari, quæ, quia nec fide dignos auctores, nec probatam habent veritatem, hic non pono.

24. Plurimi rubras in facie maculas habent, qui eas habere creduntur, ex eo quod matribus grauidis in mensa scyphi vino rubro pleni inopinatò in gremium sint effusi. Multi homines videntur magnas maculas pilis confitas in facie & reliquo corpore habentes; qui eas habere dicuntur, quod matres grauidæ ex improviso iuxta eas decurrentibus, aut supra caput incidentibus muribus, aut gliribus deterritæ fuerint.

25. Alij plurimas habent maculas rotundas fragi aut cerafi similitudinem habentes; qui eas habere putantur, quod matres grauidæ ceraforum aut fragrorum desiderio affectæ fuerint, quibus potiri non potuerunt: Porro non in hominibus tantum, sed etiam in brutis animantibus contingit fœtus illis rebus assimilari, quæ tempore coitus fuerunt in parentum imaginatione.

26. Exemplum primum est de Patriarcha Iacob 30. Genescos suprâ commemoratum, qui mutando imaginationem ouium, fecit eas producere fœtus variegatos.

27. Scribit Auicenna & Albertus Magnus 9. de animalibus; semel pullum prodiisse ceruice accipitrina, eo quod gallina inter concipiendum valde territa fuisset ab accipitre supervolante.

28. Scribunt illi qui de agricultura agunt, pavones euadere albos, si cum femina ouis incubat, linteis albis contegatur. Oppianus lib. de venatione dicit hac eadem arte procurari posse columbas varijs coloribus præditas.

Columbarum pullos hac arte figurat.

Stragula flammeolis oculis, rubrosque tapetes

Et vesles oïstro persusas obijcit anceps:

*Sicque oculos pascens, animos eludit amantes,
Et pullos edit rubeo discrimine mixto.*

29. Scribit Isidorus lib. 12. Originum cap. 1. & ex eo Caelius Rhodiginus cap. 20. lib. 15. in Hispania solere equifones equos immutare & generosos sibi procurare, obijciendo oculis concipientium equarum, equos valde generosos: quorū imaginatione ipsæ similes producant. Et columbarum dilectores curare in columbaris depingi pulcherrimas columbas. ut famellæ earum intuitu, possint similes generare. Quod etiam Oppianus lib. præfato his verbis testatur.

*Inque vtero matris pulli variare colores
Possunt, humanæ quanta est solertia mentis,
Quales expectant pretioso corpore pullos
Efficere, & tumida quando gestatur in aluo,
Saucia dum Mater violento flagrat amore,
Et formosus eam præsto admissurus ardet.
Magnanimum siquidem discriminat ante maritum,
Et terguum varijs pigmentis pingit equis.
In thalamos tandem adducunt splendore superbum.
Tum mater gignit maculosum corpore pullum,
Concipiens oculis obiectos mille colores.*

Imò scribit idem Oppianus etiam homines solere hoc artificio uti ad formosas proles producendas.

*Illa solent etiam sæpe usurpare Lacones,
Dum vxores cernunt vtero catulire tumentis,
Eximie pictas tabulas & splendida ponunt, &c.
Dum tabulas lustrant oculis formasque venustas,
Astonita pariunt formosas ore Lacenæ.*

Et scribit etiam Isidorus propterea vetari mulieribus grauidis ne inspiciant deformes animalium picturas; ne earundem intuitu affecta imaginatione consimiles proles progignant.

30. Scribit Michael Medina loco supra citato; gallinam non pullum, sed serpentem producturam esse; si dum ovis incubat, inclusus cancellis aliquibus serpens eius oculis continuo obijciatur.

31. Alij scribunt gallinas producturas esse pullos diuersi coloris, si oua earum diuersis coloribus depingantur.

32. Scribit Iulius Scaliger exercitatione in Cardanum 59. sect. 1. causam cur in Schytia, Noruegia, & Allobrogum montibus, & alijs niuosis locis, vultures, aquilæ, vulpes, perdices, vrsi & corui albi inueniantur; non aliam esse, quam, quod aspectus niuium imbuat phantasiam speciebus illius albedinis quæ in ipsis postea fortibus exprimitur.

His Authoritatibus & Exemplis, quæ omnia negare nimis temerarium foret, videtur manifestum phantasiæ factum immutare. Non attuli equidem omnia hæc exempla, quod credam omnia esse vera; puto enim aliqua esse falsa, vel simpliciter, vel saltem secundum quid; sed quando attuli aliqua, volui omnia simul congerere, quæ apud authores licuit inuenire, siue falsa sint siue vera, ut ea postea exactius examinarẽ. Ad conclusionis autem probationem sufficit multa vera esse, etsi non omnia.

Quapropter ad argumenta in contrarium respondeo.

Ad primum, Aristotelem non potuisse ubique omnia scribere, & ideo non sequi, non sic esse, quia Aristoteles non scripsit. Sufficit, quod manifeste scripserit in problematibus; etsi ibi respondeat interrogatiuè, non ideo tamen dubitat, quia ita respondet in omnibus problematibus.

Ad secundum respondeo. Parum esse quod illi ita sentiant: cum decuplò plures nunc sint adducti contrarium sentientes.

Ad tertium patebit responsio infra conclus. 49.

Ad quintum. Non sic calorem & spiritus esse retrahendos, aut imaginationem distractam, quin possit aliquando circa res externas fortissimè versari. Infra autem conclusione 54. dicemus magis tempore gravidationis, quam conceptu signaturas euenire.

Ad sextum. Etsi aliqua sint fabulosa & impossibilia, non ideo esse omnia. Infra verò conclusione 55. ostendemus, quænam vera sint, quæ falsa.

Ad septimum. Notas fieri etiam ab alijs causis citrà imaginationem; sed non ideo sequi, nullas ab imaginatione fieri.

Ad octauum respondeo. Negando subsumptum Infra

H 5 autem

autem conclusione 45. & 46. ostendetur, quomodo phantasia possit conformatricem permutare. Restat modo videre

QVÆSTIO XIV.

Quomodo & qua ratione fœtum immutet?

Videtur equidem id arduum esse, & suprà captum ingenij humani. Nihilominus tamen debemus experiri, an aliqua ratione illum modum possimus investigare. Quapropter, quid de ea magni viri tum Medicum Philosophi senserint videamus, & inde opinionem nostram subiungamus.

Galenus lib. de Theriaca ad Pisonem referens quandam visa pulchra imagine tempore concubitus similem prolem produxisse, subiungit hæc verba (visu, inquit, imaginem transmittente.) Quibus verbis indicat hoc fieri: quatenus species imaginatione perceptæ mediantibus sanguine, credo, & spiritibus versus fœtum transmittuntur. Quomodo verò eo delatæ sint causa, ut simile aliquid ipsis generetur, ulterius non exprimit.

Plinius lib. 7. cap. 12. habet hæc verba: (Et similitudinum in mente reputatio est, & multâ fortuitâ vi polent haustæ imagines sub ipso conceptu. Cogitatio etiam vtriuslibet animum subito transuolans effingere similitudinem aut miscere existimatur.) Quibus verbis videtur indicare ipsas species habere vim effingendi simile realiter ei, quod in phantasia intentionaliter est cogitatum.

Auicenna 5. de animalibus, dicit; imaginationem spiritibus cerebri species imprimere: spiritus illos misceri sanguini, qui sit alimentum fœtus; illum tum speciem fœtui imprimere. Vbi videtur velle species imaginatione perceptas mediantibus spiritibus, & sanguine deferri ad fœtum, & ibi effectiuè tale quid facere, quale est id, cuius ipsæ sunt species.

Isidorus lib. 12. cap. 1. modum exprimit his verbis. Etenim, inquit, anima in usu venereo formas extrinsecas intus transmittit, eorumque satiata typis, rapit species eorum in propriam qualitatem. Quibus verbis idem

Idem dicere videtur: species, scilicet, ad vterum delatas effectiue producere similitudinem in fœtu.

D. Augustinus videtur eodem modo velle similitudinem fieri. Nam lib. contra Iulianum cap. 9. loquens de ouibus Iacob dicit: quod rerum corporalium qualitates in res incorporeales transeant: vt, scilicet, in animam. Sicut autem, inquit, de corpore ad spiritum, ita vicissim transeunt de spiritu ad corpus. Nam colores, inquit, virgarum, quas variavit Iacob, afficiendo transferunt in animas pecudum matrum: atque inde rursus eadem affectione transeundo, apparuerunt in corporibus filiorum. Quæ verba videntur indicare: accidentia, quæ sunt in rebus corporalibus realiter, transire in animam intentionaliter: & vicissim redire, vt venerunt, id est, ab anima in qua sunt intentionaliter, transire in corpora realiter, & sic species intentionales phantasia perceptas ad fœtum delatas producere in ipso reales qualitates. Idem videtur velle lib. 12. de Ciuit. Dei cap. 25. vbi dicit (quod anima sic, vel sic affecta prægnantis possit aliquibus velut qualitatibus fœtum induere. Et 18 eiusdem lib. cap. 5. reddens rationem, quomodo perimaginationem vaccæ bos aliquis industria dæmonum cum certis maculis semper generaretur, qui Apis vocabatur, quemque Ægyptij pro Deo colebant: dicit id factum fuisse (quatenus libido vaccæ attraheret, quod in fœtu corporaliter appareret.) Quibus verbis, vt inquit Valef. lib. de sacra Philosoph. c. 11. nihil aliud Augustinus innuit; quàm vaccam in congressu spiritaliter recipere formam seu speciem, quæ in fœtu postea corporaliter appareat. Quod non aliter, inquit, fieri potest: quàm, quatenus species realem in fœtu producant qualitatem. Hanc opinionem D. Augustino etiam ascribunt Conimbricenses 1. de generat. & corrupt. cap. 4. quæstione 30. articulo 2. qui propterea eius auctoritate, vt inquirunt, moti eandem ex parte sententiam tenent.

Marsilius Ficinus lib. 13. de immortalitate animæ cap. 1. dicit eodem modo phantasiam fœtum signare; vibratione, inquit, spiritus per nervos. Quatenus dum vehemens cogitatio spiritus vehementer mouet; for-

mam.

nam, quam continua imaginatione reuoluit, fœtus imprimis.

Citadinus lib. 3. super artem paruum cap. 15 eodem modo dicit, phantasia non alterare: quatenus species per eam perceptæ sanguini communicantur, & in sanguine produciunt talem realem qualitatem, qualem ipsæ representant. Ex quo sanguine ad vterum delato, cum fœtus nutritur, in ipso fœtu color seu qualitas sanguinis impressa remanet.

Porro & Iacobus de Forliuio lib. 3. art. paru. quæst. II. conclus. 4. Tartaretus lib. de anima articulo penultimo. Pomponatius lib. de incantationibus, Conciliator differ. 135. Thomas à Vega ad cap. 49 artis parue. Valesius lib. de sacra Philosophia cap. 11 omnes eandem sententiam sequuntur: nempe phantasiam fœtum permutare; quatenus species phantasia perceptæ motu spirituum aut sanguinis transferuntur ad fœtum, quæ ibi talem realem produciunt qualitatem, quales ipsæ sunt intentionaliter.

CONCLUSIO XLI. Phantasia per se & immediate non immutat fœtum: id est, phantasia per suum simplicem actum imaginationis non immutat fœtum.

Hæc conclusio ex præcedentibus plurimis est manifesta. Etenim si per se immutaret; hoc faceret, vel per se alterando fœtum; vel mouendo & transponendo localiter humores aut membra eius. Non alterando; quia conclusione sexta est ostensum, animam per se non alterare: ergo nec phantasiam, quæ tantum est eius instrumentum. & conclus. 10. est ostensum phantasiam per se non esse actiuam, & conclus. 24. per se formaliter non alterare. Non mouendo localiter humores & membra: primò quia, conclus. 10. est ostensum, itidem non esse actiuam; secundo, quia conclus. 21. est ostensum non mouere proprium corpus & 12. est ostensum etiam non mouere humores & spiritus eius: ergo multò minus humores & spiritus aut membra corporis alieni; tertio. quia humores & membra fœtus reguntur à propria anima & ab illa mouentur & sic anima parentum non habet vllum imperium in illa.

Et, vt breuiter repetam argumenta, Phantasia est poten-

potentia cognoscitiua, & eius actio est immanens, ergo per se non est actiua. Antecedens est declaratum superius concl. 20.

Secundò. Si nudus actus imaginationis esset per se immutatiuus fœtus, omnis vehemens imaginatio parentum semper induceret fœtus immutationem &figurationem: at non inducit. ergo.

Tertio. Causa per se effectiua fœtus & omniũ accidentium, coloris, figuræ, quantitatis, numeri, situs, est ipsa facultas Conformatrix; ergo per se non est phantasia. Consequentia probatur: nam sic essent duæ causæ per se & æquè propinquæ conformationis fœtus: hoc argueret superfluitatem causarum & potentiarum in anima. ergo. Nusquam enim videmus in corpore eandem actionem fieri à duabus potentijs diuersis per se & æquè immediatè, ac, vt causis totalibus: sed vnã actionem videmus non facere, nisi vnã potentiam; visionem non facere, n. si potentiam visuam; auditum non facere, nisi potentiam auditiuam; & nunquam vnã potentiam facere operationem alterius. Ergo. Nec valet dicere, quòd non conformet totum; quia ne minimum quidem actum conformationis potest facere, nisi ipsa facultas conformatrix.

Quartò. Si phantasia per se conformaret fœtum, phantasia deberet esse in ipso semine, aut fœtu: Nam quòd facit conformationem in fœtu, est intrinsecum eis: at phantasia non est intrinseca fœtui aut semini. Ergo ipsa non est principium conformationis. Confirmatur. Si phantasia existens in cerebro conformaret fœtum, qui est in vtero; phantasia ageret in distans non agendo per medium: at hoc fieri non potest, vt est communis doctrina Philosophorum. Ergo. Sequela probatur. Quia, quandò phantasia mutaret colorem in fœtu secundum colorem imaginatum, & produceret illũ colorem imaginatum; nisi tum ageret in distans, deberet eundem colorem imaginatum, quem producit in fœtu, producere in omnibus partibus intermedijs, quæ sunt à cerebro ad fœtum: & quando in fœtu produceret aliquem effectũ, et motionem humorũ & spirituum fœtus, deberet etiã mouere omnes humores intermedios propriũ

propriij corporis, qui sunt à cerebro ad fœtum: hoc non facit, ergo. Nec valet dicere, ipsam quidem phantasiam non mutare fœtum aut conformare per se, sed tantùm mutare & dirigere conformatricem: quia de eo hic non quæritur, sed tantùm an per se immutet, quia si tantùm immutet conformatricem dirigendo vel mutando, sic habetur intentum, & sic remanet conclusio firma: scilicet, non per se immutare.

Quintò. Si imaginatio per se esset efficax & actiua, non esset actiua & productiua nisi imaginati; at si esset productiua in aginati, posset facere quoduis imaginatum; quia non esset ratio, cur magis efficeret hoc imaginatum, quàm illud; vnaquæque enim res potest esse æquè imaginata: Sed phantasia potest varia imaginari: potest imaginari accidentia & qualitates: potest imaginari substantias, vt piscem, canem, lapidem; & inter accidentia potest imaginari colorem, saporem, odorem, sonum, venenositatem, leuitatem, grauitatem, perspicuitatem, & infinitas proprietates; vt trahendi ferrum, &c. itaque posset illa omnia in fœtu producere, & posset loco figuræ humanæ producere piscem, canem, lapidem, &c. At talia per virtutem imaginationis non producuntur. Ergo phantasia per se, & consequenter per nudum suum actum imaginandi nihil producit.

CONCLUSIO XLII. Phantasia non potest etiam fœtum effectiue immutare per suam Speciem phantasticam: id est, Species phantastica etiam per se non est effectiua, nec vllius qualitatis realis in fœtu productiua.

Hæc conclusio est contrà omnes illos authores superius nominatos, & præcipuè contra D. Augustinum. Et probatur. Primò per conclusionem communem 25. in qua dicitur, nullam speciem esse actiuam vllius alterius operationis, quàm mouendi potentiam, & ei obiectum suum repræsentandi & nullius alterius realis actionis.

Probatur secundò, argumentis ipsam fœtus mutationem peculiariter concernentibus, hoc modo. Si species per naturalem suam virtutem esset realis qualitatis effectiua, omnis species fortiter concepta in phantasia matris

semper esset immutativa fœtus: quod enim secundum suam virtutem naturalem habet potestatem per se aliquid efficiendi, id nullo posito impedimento illud semper efficit. At certum est plurimas mulieres tempore prægnationis sæpè de varijs rebus habere intensissimas imaginationes, quæ tamen non producunt fœtus signatos; nequidem melancholicas, quarum tamen imaginationes sunt fortissimæ. Ergo.

Tertiò. Si species haberet per se vim producendi in fœtu qualitatem talem, qualis ipsa est intentionaliter; vel illam, cuius ipsa est species; vel illius rei effectum; omnis species esset productiva sui obiecti, vel effectus sui obiecti: tam enim vna species est efficax producere suum obiectum, seu suam qualitatem realem, cuius ipsa est imago, quàm alia suam: Sed non habet; quia, si haberet, cum in phantasia infinitarum rerum species concipiantur, sequeretur quòd infinitæ notæ & accidentia in fœtu possent produci: hoc non fit. Ergo.

Quartò. Si species essent per se effectivæ illarum notarum & accidentium, quæ aliquandò apparent in fœtu, species deberent easdem qualitates, & eadem accidentia producere in corpore proprio in omnibus partibus intermedijs quæ sunt à cerebro matris usque ad fœtum; Sed non producunt. Nam cum in fœtu est mutatus color, aut figura, aut quantitas, aut situs membrorum, ille color non est etiam mutatus in proprio corpore imaginantis, nec quantitas aut figura, aut situs partium sunt mutati. Maior propositio probatur: quia agens naturale agit in omne sulceptivum suæ actionis indifferenter: at partes intermediæ proprii corporis sunt tam benè receptivæ figuræ, coloris, quantitatis, situs, quàm fœtus. Imò agens naturale magis agit in propinquum, quàm remotum. Quare magis deberet agere in partes omnes intermediæ proprii corporis, quàm in partes fœtus.

Quintò. Species externæ seu species in aëre non sunt productivæ alicuius realis qualitatis. Ergò nec quæ sunt in anima. Diceret fortè aliquis non sequi; & esse diversitatem ex eo, quòd illæ non possint agere, nisi in virtute propria; quæ verò sunt in anima, possunt agere in virtute

tute animæ. At contrà. Quia, si mulier fuerit imaginatæ diabolum, continget fœtum nasci cum cauda, vel vngulis, vel eminentijs in capite instar cornuum, vel pilis, vel varijs coloribus repræsentantibus diabolum, secundum nostrum modum concipiendi eum. Vel si mulier fuerit perterrita à rana, simia, glire; continget fœtum signari ad similitudinem ranæ, simiæ, gliris. At anima nostra non habet potentiam generandi ranam, simiam, aut accidentia earum; nec habet ordinem vllum ad illa animalia, aut figuram eorum. Ergo non potest attollere actiuitatem specierum ad similitudines illorum animalium inducendas. Ergo species in virtute animæ non possunt similitudinem figurarum aut accidentium esse productiuæ.

Sextò. Si species vim effectiuam haberent alicuius qualitatis producendæ, non haberent alterius, quàm talis à qua deriuantur, & cuius sunt imago; ei enim sunt similes, & ad eam determinantur, ab eaque habent omne suum esse: Sed in fœtu sæpè producuntur accidentia alterius generis, quàm sunt species imaginatæ. Ergo illa à speciebus effectiuè non producuntur, sed necessario debent produci alia ratione. Subsumptum probatur Exemplis. Si contingeret mulierem grauidam terri à carbone ignito desuper ex improviso super manus eius cadente, & ipsa terreretur, & fœtus signaretur, vt contingere potest: posset fieri, quòd talis fœtus haberet cicatricem in manu, vel foramen, vel extans tuberculum, vel maculam nigram aut rubram. At species quæ fuit in sensu & imaginatione, & quam terrore fuit securus, non fuit species cicatricis, aut tumoris, aut foraminis, aut coloris: sed fuit species intensissimi caloris, & species luminis. Ergo illa effectiuè non potuit illa accidentia inducere; sed quando aliqua producere debuisset, debuisset potiùs produxisse summum calorem, lumen aut perspicuitatem. Sequela probatur. Quia species quæ ab illo carbone fuerunt perceptæ & terrorem incusserunt, fuerunt species illorum accidentium, & habuerunt similitudinem cum illis, & non fuerunt species cicatricis, tumoris, foraminis, &c nec cum his similitudinem habuerunt. Cum mulier appetens mor-

rum

fœtum denegatum, signat fœtum; contingere potest fœtum signari in aliqua parte macula aliqua rubra, aut tuberculo rubro; vt patet in exemplo 20. At in imaginatione mulieris tum maximè fuit species saporis mori, & non species coloris seu rubedinis eius. Nam sapor mori peperit desiderium in animo mulieris, non color. Ergo si species per se esset productiua qualitatum in fœtu, illa species saporis mori debuisset in aliqua parte corporis produxisse saporem mori, & non colorem. Ergo cum id non fecerit, species non fuit per se talis notæ causa effectiua.

Septimò. Vnum non est natum facere nisi vnum; & idem manens idem natum est semper facere idem, vt inquit Philosophi: itaque si species essent alicuius qualitatis, aut notæ effectiue, eadem species deberent semper esse effectiue earundem notarum, sed non sunt, quia contingit sæpè mulieres eadem specie affectas, & eandem rem desiderantes diuersas producere prolium signaturas. Ergo species per se non efficiunt illas, sed alia causa. Assumptum probatur Exemplis. Nam, si contingat duas desiderare cerasa negata: poterit esse quòd vna inducet in fœtum tantum maculam rubram; alia particulam carneam cerasum referentem: tertia fœtum habentem proprietatem cerasa vel odiendi, vel appetendi: imò quarta propter morsum negatum in exemplo 16. causauit mortem suæ prolis. Denique si vna mulier terreatur à fele ex improviso insiliente, contingere potest, quòd eius fœtus habebit faciem figura felis; sicuti est in exemplo 8. eius quæ terreatur à marito, & in exemplo 27. gallinæ, quæ terreatur ab accipitre; in exemplo 19. mulieris quæ terreatur à rana. Si secunda etiam terreatur à fele; eodem modo contingere potest, quòd illius fœtus non habebit, nisi cicatrices in illo loco, in quem contra matrem felis insiliit, tanquam vestigia pedum eius, vt aliquibus audiui euenisse: Si tertia; contingere poterit, quòd eius fœtus nascetur pilosus, sicuti felis, vt est in exemplo 7. & 24. Si quarta, poterit fieri, quòd eius fœtus nascetur cum odio naturali felium, vt est in exemplo 17. Si quinta, poterit fieri, quòd eius fœtus totius corporis conforma-

tionem

tionem habebit aliquo modo ad similitudinem quadrupedis seu felis comparatam; vt patet in exemplis 8. 9. & 12. fœtus toto corpore ad similitudinem diaboli conformati. Hi effectus tam diuersi non possunt eideni speciei per se ascribi, quia sic vna & eadem species posset producere figuram, colorem, occultas proprietates, substantiam corpoream; res nempe diuersissimas, quod est impossibile. Ergo.

Octaud. Figuræ, numeri, quantitatis, situs, nullæ sunt propriæ species: nam sunt sensibilia communia, quæ non habent propriam speciem, vt dicunt Philosophi; sed cognoscuntur solum per quendam modum, quem speciei propriæ superaddunt: sed in fœtu mutantur sæpè partium figura, numerus, quantitas, situs. Ergò non mutantur à speciebus figuræ, numeri, &c. quia earum nullæ species sunt. Denique, etiamsi illa accidentia haberent propriam speciem, tamen illæ species non possent esse productiue similis accidentis realis, quia illæ ipsamet accidentia non sunt actiua, nec productiua sui similis. Ergo multò minùs species eorum: cum sint minoris entitatis. Quod in fœtu illa accidentia mutantur, patet exemplis. Nam mulier perterrita à diabolo, simia, rana; producit fœtum habentem similitudinem diaboli, simiæ, ranæ; vt est in exemplis 8. 9. 12. 19. 23. & gallina ab accipitre perterrita producit pullum similem accipitri, vt est in exemplo 27. ergo mutatur Figura. Si aliqua terreatur à monstro habente quatuor crura; est possibile, vt producat fœtum habentem quatuor crura. Ergo mutatur Numerus. Quædam territa ab imagine, in qua depictus erat puer Hydrocephalus, peperit fœtum cum magno capite; vt est in exemplo 15. ergo exprimitur Quantitas. Alia fuit territa à marito minitante eius capiti gladio stricto, & peperit fœtum cum vulnere in capite; vt est in exemplo decimoquarto, quod refertur ad partium Situm. Ergo potest permu-
tari Situs. Nec valet dicere, quòd figura, quantitas, numerus, superaddant modum speciebus proprijs, & ratione illius modi possint efficere similem in fœtu figuram, quantitatem, numerum, &c. quia sic saltem non possent

possent illa efficere, nisi facta prius mutatione in sensibili proprio: at sæpè in fœtu solùm mutatur figura, quantitas, numerus, &c. nulla facta circa sensibile proprium mutatione. Ergò. Subsumptum probatur. Quia quæ mulier terrebatur à simia, rana, &c. producebat quidem in fœtu figuram & similitudinem simiæ & ranae, sed tamen non colorem earum.

Nond. Substantiæ non cadunt in phantasiam, sed tantùm accidentia; solus verò intellectus substantias percipit. Ergò species phantasticæ tantùm sunt species accidentium. Ergò tantùm etiam possunt producere accidentia, & non substantias: atqui in fœtu sæpè producuntur substantiæ, id est, res novæ forma & materiâ constantes; vt tumores carnosî diuersicolores in exemplo decimo octauo; eminentiæ instar cornuum in exemplo nono & duodecimo; fragra carnea in exemplo vigesimo; pili in exemplo quinto, &c. Ergò species phantasticæ effectiuè non producant eas. Nec valet dicere, quòd species non producant materiam & formam; sed materiam idoneam ex corpore seligant, & moueant eam ad locum determinatum, & in eam imprimant accidentia rerum imaginatarum: quia imprimis hoc esset dicere species cognoscere ex qua materia debeant tales substantiæ fieri, & vbinam illa materia in corpore fœtus, vel matris contineatur, & quòd, & per quas vias duci debeat, & in summa species habere intellectum. Secundò, quia sic species haberent vim, & per se mouendi humores determinatos ad loca determinata, & eos alterandi: adeòque maiorem vim quàm anima in humores sibi subiectos; imò maiorem vim, quàm ipsæ intelligentiæ, quæ mouent quidem, sed non possunt alterare: hæ verò vtrumque facerent. Tertiò. Sequeretur species habere vim conformandi; quia tales substantias, vt cornua, vngues, carnea fragra efformare, est actus conformatricis; sicquæ sequeretur species, quæ minimæ sunt entitatis, esse tam efficaces & nobiles, quàm ipsa facultas conformatrix, quæ à Philosophis diuinissima fuit appellata, & supernis intelligentijs ascripta vel comparata.

CONCLUSIO XLIII. Phantasia median-

libus

tibus

tibus animi Passionibus & humorū, & spirituum motu potest aliquas circa fœtum facere mutationes.

Hæc conclusio patet ex conclusione 31. & 32. Dico autem aliquas: quia non potest facere omnes. Multæ enim à phantasia in fœtu contingunt signaturæ, quæ non possunt animi passionibus, aut inde sequenti spirituum & humorum motui ascribi. Pro cuius intelligentia est notandum; læsiones & permutationes, quæ circa fœtum contingunt, esse duplices; aliæ sunt communes, aliæ particulares & determinatæ. Communes, vt abortus, mors ipsius fœtus, morbi aliqui interni, externæ etiam deformitates aliquæ; vt confusæ & indistinctæ maculæ nullam rem distinctè referentes; certa etiam vitia conformationis, vt nimia vnius partis magnitudo aut paruitas; alicuius in numero defectus vel exuperantia; excrescentia aliqua carnosæ, rudis & informis, nulli rei præcisè similis; partis alicuius curuitas vel transpositio, &c. Peculiares seu determinatæ notæ seu deformitates sunt; quæ peculiarem & determinatam aliquam habent figuram, colorem, situm, magnitudinem, materiam; vel cum aliqua re externa habent similitudinem, aut rem aliquam externam, vt fructum aut animal, aut aliud quippiam præcisè referunt. Tales sunt, faciei figura, quæ notabiliter representet ranam, vel simiam, vel auem: vel particula aliqua carnis adnata, quæ lacertam vel verum cerasum representet: vel talis macula, quæ aut colore determinato, aut pilis innascentibus referat, vel gallum gallinaceum, vel morum, vel glirem, vel vulnus aliquod, &c. Vtræque istæ notæ vel sunt præimaginatæ; sic, quòd tempore prægnationis mater præcisè habuerit phantasiam de ijs, vel de rebus, cum quibus illæ secundum aliquid habent similitudinem; vel non sunt præimaginatæ, sic quòd mater præcisè de ijs non sit imaginata. Præimaginatæ sunt, quando, verbi gratia, mater antea fuisset à lupo deterrita, & postea in fœtu apparerent, vel facies similis lupo, vel cutis tota hirsuta instar lupi, vel pedes sicut ungulæ luporum, vel cicatrices in cute sicut vestigia ungularum lupi, &c. Non præimaginatæ; quando, verbi gratia, mater à lupo valde deterrita fuisset, & in fœtu appa-

appareret summus pallor vultus, vel fieret febris, vel fœtus nasceretur cum quatuor manibus, vel cum vno crure, vel esset semigeminus: quæ omnia propter animi passiones phantasiam sequentes contingere possunt. Tales enim læsiones & notæ non sunt præimaginatæ. Quia, quando mater terrebatur à lupo, non habuit illas species seu notas in phantasia: neque enim tum cogitavit, aut de febre fœtus, aut de pallore vultus eius, aut pluralitate manuum, aut vnitæ cruris, aut de aliquo, quod cum illis similitudinem habeat: sed de lupo, de morte, de moribus, &c. Communes illæ notæ possunt non tantum à phantasia fieri, sed etiam ab alijs causis; nempe illis omnibus, quæ inter causas monstrorum referuntur. Sæpe enim ab alijs causis tales notæ contingunt, etiam si nulla de ijs accesserit imaginatio. Peculiæres & determinatæ notæ, & quæ assimilantur rebus aliquibus externis, plerumque non fiunt nisi à phantasia. Interim utraq; possunt à phantasia fieri, pariter & imaginatæ, & non imaginatæ. De imaginatis est manifestum. Nam si, verbi gratia, mulier tempore prægnationis fortiter fuerit imaginata cerasa, & ea ardentè experiuerit; manifestum est, quod ceraforum aliqua similitudo in fœtu non rarè exprimitur. Et sic de alijs. Fiunt etiam non imaginatæ. Nam si, verbi gratia, mulier à lupo perterrita fuerit; subsequente motu humorum & spirituum in corpore fœtus; potest in eo fieri febris, vultus pallor perpetuus; & mediante motu humorum & spirituum in corpore matris; sanguine materno seu alimentario, & spiritibus ab utero & fœtu retractis, & fœtu sic alimento destituto; potest fieri alicuius partis defectus, vel nimia paruitas; illius nimirum, à qua tumultuario illo motu alimentum maximè retrocesserit: vel semine & sanguine distractis, & diuisis potest fœtus fieri vel semigeminus, vel cum quatuor manibus, vel sex digitis, &c. Pariter, si mulier fuerit alicuius rei, ut fragri aut cerasi desiderio summè affecta, fieri potest, ut illo affectu motis humoribus, sanguis impetu ad uterum feratur, & illo impetuoso incursu causa sit ut vna pars, in quam maximè irruerit, fiat vel prægrandis, si adhuc illum formatrix facultas.

regere potuerit, vel remaneat informis, si ab illo fuerit victa & oppressa: vel fieri potest, vt cutis corporis alicubi euadat rubicunda: sanguinis portione in habitum irruente. Illæ notæ non fuerunt tunc imaginatæ: quia tunc tantum in imaginatione fuit cerasum, seu colores eius; & non membri alicuius deformitas aut vitium: & tamen à phantasia causantur.

His positis dico. Phantasiam, notas, læsiones & effectus Communes posse causare in fœtu, per animi Passiones & humorum, & spirituum motum: at notas Peculiares requirentes determinatum colorem, situm, figuram & materiam: & notas Imaginatas seu notas respondentes rebus imaginatis, & determinatas secundum species in phantasia receptas; non posse facere solum, & per se mediantibus animi passionibus & humorum, & spirituum motu; sed necessario insuper alia ratione. Hanc posteriorem partem: scilicet quod peculiare notas seu notas præimaginatas non possit facere per animi passiones, proxima conclusione ostenditur. Quod verò aliquas læsiones & permutationes, nempe communes iam dictas per eas efficere possit; quod est in conclusione, sic declaratur. Proprius & perpetuus effectus passionum animi est, mediante motu cordis humores corporis & spiritus agitare, vt est manifestum: sanguis & spiritus materni moti, possunt vel impetu, vel nimia quantitate ad vterum & fœtum ferri, vel ab eo auocari: per vtramque actionem necessario debet fœtus alterari; imò alterari & affici varijs modis. Ergò per illas potest phantasia fœtum immutare. Porro, quia corpus fœtus est contiguum corpori matris, & humores, & spiritus fœtus, sunt humores & spiritus matris, & à matre deriuantur, & cum matris humoribus sunt continui: ided per sympathiam, quæ est illorum corporum inter se, necessum est, vt cum humores matris agitantur, etiam agitentur humores & spiritus fœtus: At illis motis & agitatibus, necessarium est, vt tenerum fœtus corpus varijs permutationibus afficiatur. Ergo animi passiones & consequenter phantasia mediantibus illis, potest illud varijs modis permutare.

Dico

Dico ergo imprimis, quòd hac ratione possit causare abortum: facultate vteri expulsiua propter corporis turbationem irritata.

Secundò. Potest causare mortem fœtus & varios morbos internos: idque varijs modis. Primò, quatenus ab illis passionibus potest causari morbus in corpore matris, qui propter vicinitatem communicetur corpori fœtus; vt febris & alij morbi: matre enim ægotante non potest fœtus benè valere. Secundò, quatenus per illas animi passionis sanguis, spiritus, & calor matris ab vtero & fœtu sursùm retrahuntur, vel è contrà nimis confertim ad eum mittuntur. Exinde enim fœtus alimento & calore destitutus, refrigeratur, contabescit & moritur: ex hoc in febrem incidit, aut facultas eius vitalis suffocatur. Tertiò; quatenus ex illo motu, potest mensium profluuium matri oboriri, vnde fœtus languet, exit vel perit. Quartò; quatenus pravi & corrupti matris humores motu illo fluctuantes, versùs vterum transmitti possunt: à quibus fœtus afficitur. Quintò; quatenus hæmoribus matris motis etiam moventur humores fœtus. Ex eorum enim inordinato motu varia mala contingere possunt; nempe, vel teneriorum arteriarum ruptio, hæmorrhagia, vel febris aliqua, vel obstructions, vel apostemata, &c. Sicuti enim illa in adultis ab agitatissimis humoribus fieri possunt, ita multo magis in tenero fœtu. Illa motione humorum insuper actiones fœtus interpellantur, & præcipuè facultas conformatrix: ex quo plurimè monstrosæ contingere possunt deformitates.

Tertiò. Potest etiam causare morbos externos, deformitates, maculas, notas, & varia vitia cōformationis. Eadem ratione fieri potest, vt vna pars fiat longè maior alterà, & proportionem naturalem excedat: quatenus agitatissimis humoribus, fieri potest, vt plus alimenti ad vnā mittatur, quàm ad alteram. Fieri etiam potest, vt vna maneat informis, altera formata: quatenus propter humores magna copia in vnā impulsos, formatrix obruta, illic in suo opere impeditur; in altera verò non: vnde illam non format, vel deformat. Non aliter, ac si quis in vasis argillacei

unum latus molem aliquam argillę inijceret: tum enim illud latus maneret informe, alterum verò esset formatum. Possunt etiam maculę in fœtum induci: sanguine, vel bile, vel melancholia in aliquam partem externam motu illo decumbentibus; qui in partis alimentum transeuntes, cutem simili colore inficiant: vel prauis aliquibus è corpore matris humoribus ad fœtum transmissis; qui partem, quam alunt, prauo colore tingant. Potest etiam fieri, vt fœtus aliqua parte mutilus euadat; propter defectum, scilicet, alimenti: ipso, nempe, propter turbulentum humorum motum ad alias partes conuerso: sicuti & aliàs sine operatione imaginationis, propter alimenti defectum, monstra mutila nasci contingit.

Verum hæ permutationes non sunt verę Signaturę, sed potius monitrosę deformitates: & non sunt notę peculiares, determinatę ad similitudinem rerum imaginatarum, sed fiunt à facultate conformatrice propter animi passionibus læsa; quę formatrix eas fortuitò facit, pro fortuito humorum in hanc vel illam partem incursum: & non prout modo quodam particulari secundum species in phantasia receptas determinatur. Ex quo patet, istiusmodi permutationes, quę fiunt in fœtu mediantibus animi passionibus, verè & formaliter non causari à Phantasia, sed solummodò & propriè ab ipsis animi Passionibus: & proindè non debere phantasie ascribi, sed illis. Phantasia enim ad eas verè & effectiue non concurrat: sed totaliter fiunt à virtute animi passionum: & ita fiunt, sicuti passionibus ex natura sua eas facere natę sunt: & propter hanc vel illam, huius vel illius rei imaginationem, non fiunt aliter atque aliter. Atque aded phantasia non aliter concurrat, quàm quatenus excitat in actum ipsam appetitiuam, quę verè & efficienter eas causat: etsi tamen non immediatè, sed mediante potentia motiua cordis & aliorum membrorum. Quando illę permutationes seu notę ita fiunt, vt varientur & determinentur secundum hoc, quòd est imaginatum: vt quando, verbi gratia, est imaginatum monstrum habens quatuor manus, & nascitur fœtus cum pluribus manibus: aut est imaginatum monstrum ca-

rens

rens vno pede, & fœtus nascitur altero pede destitutus; aut est imaginatum cerasum; & postea apparet in fœtu aliqua nota habens similitudinem cerasi: tum ad illas phantasia propriè concurret: illas, nimirum, determinando, vt fiant alię atque alię; secundùm hoc, quod est imaginatum. Et merito tales Phantasię ascribuntur. Sed cum phantasia non aliud facit, quàm excitare animi passiones: animi verò passiones tum vlteriùs mera virtutè propria causant eiusmodi perturbationes, & tales quales ipsę ex natura sua natę sunt facere; sic quod, siue hoc, siue illud sit imaginatum; siue leo, siue lupus, siue serpens, siue gladius, siue vulnus, siue mors, siue fractura; siue in hac, siue in illa parte; per hoc lęsio & signatura non sit alia atque alia; & in nullo determinata ad hoc, quod fuit in imaginatione; tum verè talis effectus non pertinet ad Phantasiam, vt propriam causam, sed solummodò ad animi Passiones.

CONCLUSIO XLIV. Notas & signaturas peculiares seu Signaturas Imaginatas, id est, rebus in phantasia præconceptis assimilatas, non potest phantasia edere mediātibus Animi passionibus, & humorum, & spirituum motu; sed necessariò alio modo.

Hęc conclusio, vt dixi suprà, est contrà D. Thomam part. 1. quęst. 110. art. 2. resp. ad 1. & quęstione 117. & part. 3. quęst. 13. art. 3. ad tertium, & 3. contra gentes cap. 103. vbi dicit. animam & phantasiam non posse mouere corpus, nisi mediantibus animi passionibus, & humorum, & spirituum motu: & nusquam agnoscit (quod sciam) alium modum, quo possit corpus seu proprium, seu fœtum immutare. Pro quo est notandum: quòd non negem, quin ad eiusmodi determinatas & particulares signaturas concurrant animi passiones: docet enim experientia phantasiam rarò signare, cum est simplex; sed solummodò quando subito timore aut desiderio est comitata sed dico illas animi passiones mediante motu humorum per se & effectiue illas non facere; seu dico humores ab animi passionibus motos suo illo motu, ac in fœtum fortuito & confuso incurfu, illas per se immediatè & effectiue non facere, sed solum concurrere, vt causam sine qua non: proximam verò

& effectiuam causam esse aliam. Hanc conclusionem etiam tenent Conimbricenses lib. 1. de generat. & corrupt. cap. 4. quæst. 30. art. 1. vbi contra D. Thomam dicunt impossibile esse dare rationem variarum notarum, quæ in fœtu contingunt; tenendo phantasiam corpora non aliter, quàm per animi passiones immutare.

Probatur primò. Proprius, per se & proximus effectus animi passionum est mouere humores & spiritus, tum propij corporis, tum etiam fœtus; non, determinatè hos vel illos, sed omnes simul; id est, totam massam sanguineam simul & motu quodam confuso ad intrà, & extrà, sursum & deorsum: At tali confuso motu non possunt peculiare & determinatæ notæ certo colore, figura, materia, quantitate, & in certo situ corporis nascentis produci. Ergò phantasia per animi passiones illas non producit.

Probatur secundò. Contingunt in fœtu plurimæ notæ peculiare & determinatæ, habentes determinatam figuram, colorem, situm, quantitatem, materiam; quæ non possunt fieri, nisi à determinata actione facultatis conformatricis: atqui passiones animi non conformant (etenim appetitus non est facultas conformatrix) neque etiam conformatricem possunt determinare. Ergò non contingunt per eas. Quod animi passiones non possint facultatem conformatricem determinare, est manifestum. Nam per quid determinarent? non per species; quia non habent, nam appetitus non est cognoscitiuus; non seipsis, quia eandem passionem, verbi gratia, terrorem; sequuntur notæ diuersæ; vnum autem non potest determinare ad diuersa: non per motum humorum & spirituum; quia ille est confusus, ergo. Denique; quia, quid desiderium, vel terror, vel motus humorum habent commune cum figura, colore, quantitate, situ: & cum figura similia, cum colore cerasi, &c. vt possint notas secundum illa determinare?

Tertiò. Si imaginatio signaret per animi passiones; imaginatio de diuersissimis rebus deberet signare eodem modo; at non signat eodem modo, sed diuersissimis, ergo. Maior probatur. Quia de diuersissimis rebus imaginatio sæpè mouet eandem passionem. Sic de quacumque

cumque re desiderabili sit imaginatio, oritur semper idē specie desiderium: & de quacūque re terribili sit imaginatio, semper oritur idem specie terror. Sic siue terrear à leone, siue à tigride, siue à diabolo, siue ab hoste, idē est specie terror, secūdum magis & minùs differens. At eadem specie passio eodē modo afficit cor, & ferè eundem inducit humorū & spirituum motū. Nam in omni timore semper calor & spiritus feruntur à circumferentia ad centrum, & in omni gaudio semper à centro ad circumferentiam: manente autē eodem humorum & spirituum motu, idem deberet sequi effectus, & eadem fœtus permutatio. Ergo deberet semper oriri in fœtu eadem signatura. Vnde, siue mulier terreretur à mure, siue à simia, siue à gladio, siue à viso vulnere, semper deberet fœtus eodem modo signari. Atqui contrarium docet experientia. Nam, quæ terretur à simia, signabit fœtum aliqua similitudine simiæ, quæ à glire, aliqua similitudine gliris, vt pilis, &c. quæ à vulnere aut gladio, aliqua similitudine vulneris, vt cicatrice, macula, sanguinea, &c. Ergo.

Quartò. Si imaginatio signaret per animi passionēs, contrariæ passionēs deberent signare contrario modos at experientia docet sæpè non ita signare, sed eodem. Ergò. Etenim desiderium & terror, quæ sunt contrariæ passionēs (cum vna consistat in prosecutione, altera in fuga;) sæpè signant eodem modo. Nam si vna mulier inspexerit pulchram picturam desiderio habendi prole similem ei, fiet vt prolem producat similem: vt est in exemplo 1. & 2. E contrà, si alia inspexerit picturam vrsi cum terrore quodam; fieri potest, vt etiam producat fœtum similem ei; vt est in exemplo 7. Ergo vtraque passio causabit eandem signaturam; nempe, similitudinem cum pictura inspecta. Probatur clariùs alio exemplo. Si aliqua habuerit simiam & eam valdè amauerit, & cum ea luserit, & ea delectata fuerit; fieri potest, vt producat prolem habentem similitudinem aliquam cum illa; vt patet in exemplo 23. si verò alia è contrà à simia deterrita fuerit; fieri poterit, quòd etiam producat fœtum cum eadem similitudinē habentem; vt est in exemplo 7. & in exēplo 27. &c. in quibus per terrorē in fœtu fuit

fuit expressa figura animalis, de quo terror fuit. Pariter; si mulier desiderauerit comedere morum & non habuerit; fieri poterit, quodd fœtus erit signatus similitudine mori, e contrâ, si alia à moro in faciem ex improposito iniecto fuerit perculsa, fieri poterit, quodd etiam in eius fœtu figura mori expressa relucebit. Ergo contrariæ passiones easdem inducunt signaturæ.

Quintò. Cum producit fœtus habens similitudinem in figura cum re imaginata: vt, cum producit fœtus similis lineamenti & figura faciei, viro aut picturæ, simiæ, aut cani, de quibus mater est imaginata; quomodd animi passiones possunt esse causa talis similitudinis in figura? aut quomodo confusus illæ motus humorum & spirituum ad extrâ & intrâ potest esse causa figuræ, & accidentium illius rei imaginatæ? Motus ille humorum est calefactius, vel frige factius, adducendo vel amouendo humores calidos vel frigidos: at quomodd potest esse factius figuræ in aliqua parte? & quidem figuræ imaginatæ? Quod certè nec animi passiones, nec motus humorum possint figuram immutare, fatetur D. Thomas part. 3. quæst. 13. art. 3. ad 3. vbi, cum dixisset phantasiam mediantibus animi passionibus, & humorum, & spirituum motu, corpora permutare, subiungit, ideò corpus obedire forti imaginationi, quoad calorem & frigus, & alia consequentia: sed aliæ, inquit, dispositiones corporis, quæ non habent ordinem naturalem ad imaginationem, non possunt, inquit, transmutari ab ea, quantumcumque sit fortis: puta, inquit, figura manus vel pedis, vel aliquid simile.

Sextò. Cum mater territa à vulnere, quod vidit in facie alicuius hominis læsi, producit fœtum cum rubra cicatrice in facie: aut deterrita à marito vacundo, ætum gladij minitante, producit fœtum cum vulnere vero in capite, vt est in exemplo 14. quomodo possunt animi passiones esse causa talis notæ? Fateor equidem eas, motu humorum, posse esse causam, vt aliqui humores erumpant in pueri cutem, & ibi maculas faciant, vt supra est ostensum: sed tales maculæ non possunt esse in determinata parte, cum determinato colore, cum de-

termi-

terminata figura; sed tantum fortuitæ; pro fortuito humoris, huius vel illius, in hanc vel illam partem, hac vel illa quantitate, expulsi. At quomodo possunt esse causa maculæ determinati coloris, existentis præcisè in capite, figuræ oblongæ instar vulneris, secundum normam & dictamen prægressæ imaginationis? Motus enim ille humorum est confusus per totum, ad extrâ vel intrâ, non in determinatam partem; est totius massæ sanguineæ, & non specialiter alicuius humoris solius; rubri, flavi aut nigri; est humoris multi, & non præcisè tantilli, qui paruulam notam facere possit, solummodo magnitudine cicatricis; est humoris irrumpentis in cutem modo confuso, & non tali, ut rectè facere valeat vnam maculam oblongam instar vulneris, &c. Aut quomodo motus ille humorum erit causa veri vulneris in tali loco determinato?

Septimò. Cum mulier perterrita à mure producit in fœtu maculas confitas pilis nigris; vel perterrita ab homine habente formam diaboli, producit ungulas & cornua: aut perterrita à lacerta, producit fœtum habentem lacertam in pectore; quomodo animi passionibus, seu motus ille confusus humorum in venis & arteriis existentium possunt esse causa eorum? Quomodo motus ille generalis humorum est causa, ut quasi per electionem solæ fulgines vel humores pilis, aut cornibus generandis apti in determinatam corporis partem ferantur, & non sanguis aut bilis? &c. Quomodo ille confusus motus humorum impellit sanguinem in cutem talis quantitate & modo, ut præcisè fiat ex eo forma lacertæ? & non rotundæ alicuius molis: & tum præcisè formâ lacertæ, & non cerasi, quando de lacerta fuit terror & imaginatio; tum verò cerasi seu rotundi tuberculi & non lacertæ, quando cogitatio fuit de ceraso, aut moro? Sunt equidem hæc opera facultatis conformatricis determinatè conformantis, secundum dictamen & regulam prægressæ imaginationis; quare non possunt per se animi passionibus aut turbulento humorum & spirituum motui ascribi. Infinita alia argumenta ex particularibus notis in fœtu eluceantibus possent desumi, quæ breuitatis causa omitto.

CONCLUSIO XLV. *Notas Peculiares & Imaginatas in fœtu causat phantasia Dirigendo potentiam Conformatricem.*

Pro quo sciendum est, omnes deformitates, notas, & vitia conformationis, quæ in fœtu contingunt, effectiue facere ipsam conformatricem. Quidquid enim in toto corpore conformatur, siue benè, siue malè: siue cum hac figura, siue cum illa: siue cum hoc colore, quâtitate, situ, seu cum alijs: totum facit conformatrix, non phantasia. Phantasia enim nihil conformat, nec est conformatrix; ipsa autem conformatrix est, quæ omnia conformat, tam ea quæ malè, quàm quæ benè sunt conformata. Verùm phantasia aliquandò seducit conformatricem à recta conformatione, quam secundum speciem & naturam seminis, in quo est, facere deberet: & determinat ad aliquid conformandum secundum similitudinem sui, seu eius quod est imaginatum. Et sic causat eiusmodi notas determinatiue: faciendo vt fiant tales vel tales. Et hac ratione meritò potest dici esse causa earum: & illarum quas facit hac ratione, longè aliter est causa, quàm illarum, quas facit mediantibus animi passionibus: Ad has enim verè nihil confert, nec eas facit, nec determinat; vt ostensum est: ad illas verò concurrir, determinando & causando, vt fiant hæ vel illæ; prout hoc vel illud est imaginatum: & sic meritò est causa illarum, harum non.

Probatur conclusio. Etenim ostensum est exemplis, & est communis opinio omnium hominum, phantasia aliquas peculiares & determinatas notas in fœtu posse causare: illas non facit per se, seu nudum suum actum imaginationis: non etiam per species suas: non per animi passiones, vt de singulis est ostensum: & tamè facit, adedq; facit aliquo modo: nullus modus potest excogitari, quo facere possit, præterquam in conclusione assignatus. Ergo facit illo. Confirmatur: Posita mutatione in effectû, necessariò debet præcessisse mutatio in causa proxima & synectica: istæ notæ sunt effectus conformatricis, & conformatrix est synectica causa illarum: nam sunt vitia conformationis. Ergo cum illæ eueniunt, necessariò debet conformatrix esse immutata. At à nullo potest

potest immutari, nisi à phantasia: quia phantasiam sequuntur eiusmodi notæ, ergo ipsa est quæ immutat eam. Non potest immutare, nisi per modum dirigentis, ergo dirigit eâ, & ad sic vel sic conformandum determinat.

Probatur secundò. Si tales notæ contingerent per animi passiones, & humorum, & spirituum motum, & non per operationem facultatis conformatricis sic vel sic directæ; possent tales notæ etiam fieri in proprio corpore: At non fiunt: nunquam enim propter nostram imaginationem in corpore nostro fiunt ullæ notæ aut signaturæ: nunquam maculæ ullæ: nunquam membrorum figura, quantitas, situs, numerus permutantur; & quantumcumque mater imagnetur, nunquam illas notas proprio corpori imprimit, quas fœtui. Ergò verisimile est hoc fieri propter conformatricem, quam phantasia immutat & dirigit: quæ in fœtu est in ætate suæ operationis; in matre verò & adultis iam cessauit. Quæ enim posset esse alia causa, cur illæ in fœtu seu homine fiende fierent, in adultis & iam factis non; si non esset ipsa conformatrix? Neque valet dicere, idèd hoc fieri, quia corpus fœtus est tenerum, molle & facile receptiuum impressionis humorum & spirituum; corpus verò hominis iam facti & adulti, durum & minime receptiuum earum: Primò, quia illa diuersitas in duritie non est tanta, vt per illam vnum corpus valeat eas recipere, aliud non. Secundò, quia non ita humores & spiritus notas illas imprimunt in partes, sicut sigillum imprimit figuram in ceram; vel sicuti substantia colorata in murum proiecta colorem imprimit in eum; sed quatenus humores in ratione alimenti ingrediuntur substantiam membrorum, & membra ad eorum ingressum dilatantur & recipiunt eos, & in se conuertunt & sibi applicant; quæ receptio & dilataxiò tam benè fit in adultis, quàm in tenero fœtu. Imò videtur quod talis impressio multo magis deberet fieri in proprio corpore, si fieret motu humorum; quàm in corpore fœtus: cum & motus sit violentior in proprio corpore, quàm in corpore fœtus: & omnis actio & impressio fortius & efficacius fiat in propinquum, quàm in remotum. Verùm difficultas est,

QVÆ.

QVÆSTIO XV.

Quomodo possit conformatricem dirigere?

CONCLUSIO XLVI. Dirigit conformatricem per species Exemplariter.

Hanc conclusionem videtur innuere Auicenna lib. 3. fen. 21. tract. 1. cap. 6. loquens in hæc verba: (Et dixerunt quidam sapientum, & non sunt elongati à iudicio possibilitatis, quòd de causis assimilationis est illud, quod exemplificatur, cum est dispositio conceptionis in mente mulieris, aut viri ex forma humana exemplificatione firma.) Vbi per verbum (exemplificationis) manifestè videtur innuere, speciem rerum phantasia conceptam causare assimilationem fœtus, per hoc; quod per modum Exemplaris dirigat potentiam conformatricem.

D. Augustinus, etsi in alijs locis suprà commemoratis, videatur velle species assimilare fœtum effectiue; tamen lib. 3. de Trinit. cap. 8. videtur clarè innuere eas id facere exemplariter & obiectiue. Loquens enim de ouibus Iacob, sic inquit, (vt autem de varietate virgarum pecorum conceptorum color aliquid duceret, fecit hoc anima grauidæ pecudis per oculos affecta forinsecus & interius pro suo modulo formandi regulam trahens. Vbi per verbum (reguie) videtur indicare, animam seu formatricem assimilare fœtum, regulatam & directam à speciebus oculo, & phantasia conceptis. Sicuti enim regula nō facit lineam, sed dirigit; ita phantasia & species phantastica non faciunt notas, & figuras, ac lineamenta fœtus, sed dirigunt.

Pro huius conclusionis intelligentia est sciendum: tres modos posse assignari, quibus dici possit hæc directio fieri: vel scilicet per imperium phantasie super conformatricem; vel per sympathiam singularem cum ea; vel per communicationem specierum. Per imperium vel sympathiam; dicendo, quòd phantasia habeat aliquod imperium politicum super conformatricem, vel aliquam talem sympathiam, per quorum alterum, quando fortiter aliquid apprehendit, ita afficit conformatricem; vt
debeat

Debeat aliquo modo conformare secundum hoc, quod ipsa apprehendit. Per communicationem specierum; dicendo, quod species phantasia perceptæ imprimantur spiritibus, & sanguini matris, & continuitate quadam etiam sanguini & spiritibus fœtus: & ibi per modum cuiusdam exemplaris disponant & dirigant conformatricem ad conformandum secundum exemplificationem & determinationem earum. Verum dico neutro priorum modorum dici posse illam directionem fieri: quapropter ut fiat tertio modo est necessum.

Nam imprimis non potest fieri per imperiũ aliquod, quod phantasia habeat super conformatrice. Primò, quia, ut docet D. Thomas part. 1. quæst. 81. art. 4. Barthol. Medina in 1. 2. q. 9. art. 1. conclus. 2. Fonseca to. 3. Met. lib. 9. c. 2. Conimbricenses 3. de anima cap. 13. quæstione prima, articulo tertio, & omnes alij, ipsamet voluntas, quæ alijs omnibus potentijs imperat, non habet imperium super potentijs vegetativis seu naturalibus. Ergo nec phantasia aut appetitus: At conformatrix est potentia vegetativa. Ergo phantasia non habet imperium super ea. Hoc confirmatur Experientia. Etenim, quantumcumque quis velit, imaginetur aut appetat, ut facultas expultrix expellat humorem obstruentem; aut attractrix trahat alimētum in partes tabidas, aut concoctrix concoquat serosos & crudos humores in corpore abundantes, aut distributrix pellat humores huc vel illuc; nihil propterea plus minusve fit: aut si aliqua in his propter illas contingit immutatio, illa tantum contingit propter mutuam aliquam inter eas sympathiam, & non propter ullum unius in alteram imperium aut dominium. Secundò. Si phantasia haberet imperium super conformatrice; signaturæ & notæ in fœtu quàm frequentissimè fierent: at fiunt rarissimè. Ergo.

Non potest etiam fieri per sympathiam aliquam naturalem inter eas. Nam etsi quidem non negem, quin inter phantasiam, appetitivam, & potentias aliquas naturales, ut præcipuè inter motivam cordis, intercedat satis magna sympathia: dico tamen, illam sympathiam non esse inter phantasiam & potentiam fœtum contror-

K mantem:

mantem: & vt esset, non posse esse tantam, quodd per eam conformatrix posset dirigi & determinari ad tam varios effectus producendos, quales producere experientia est manifestum.

Quod nulla possit esse inter illas sympathia, qua vna alteram sic dirigere & mouere possit. Probo. Quia fundamentum propter quod vna potentia alteram sic mouet, aut dirigit; excitat ad exercitium sui actus; vel determinat speciem eius; positum est in identitate radicis vtriusque: in eo scilicet, quodd vtraque in eadem anima sit radicata. Propter quam identitatem radicis fit, vt, quando anima per vnā potentiam exercuit vnā operationem, eadem per aliam exerceat aliam, ad priorem illam ordinem habentem. At quando potentia nō sunt in eadem anima radicatae, non possunt se mutuo mouere. Idēd enim phantasia mea mouet appetitum meum, & non appetitum alterius hominis: & appetitus meus motiuam cordis mei, & non alterius hominis; quia phantasia mea, & appetitus, & motiuam cordis mei in eadem anima sunt radicatae; phantasia autem mea & appetitiua, & motiuam alterius hominis in diuersis. At phantasia & appetitiua patris seu matris non sunt fundatae in eadem anima cum conformatrice foetus, ergo non possunt habere talem sympathiam, qua possint hanc dirigere & mouere. Minor probatur. Quia conformatrix, vel non est potentia animae, cum sit ab anima parentum separata, & in alio subiecto, nempe semine; vel est potentia animae foetus, sibi ipsi domicilium architectantis: vt puto esse ipsissimam veritatem, quam nos in libro nostro de Hominis procreatione sumus declaraturi.

Secundō. Quia, etsi phantasia parentum cum conformatrice foetus haberet aliquam sympathiam; tamen illa non posset esse tanta, quodd phantasia posset per eam determinare speciem actus conformatricis: sed solummodo tanta, quodd posset excitare eam ad exercitium sui actus: quomodo aliae eiusdem animae potentiae sympathiam habentes, solummodo se mutuo mouere aptae sunt. At phantasia determinat conformatricem. Ergo non per talem sympathiam,

Tertiō.

Tertiò. Quando vna potentia dirigit. & specificat actum potentie alterius sine oblatione specierum; tunc non specificat eam nisi determinato modo: naturales enim sympathie ad aliquid vnum sunt determinate: at phantasia variat & determinat actus conformatricis modis infinitis, ergo non per nudum imperium, aut aliquam sympathiam: sed necessariò per species determinantes eam; quæ pariter sunt, infinitæ. Quod phantasia variet actus conformatricis modis infinitis, sic probò. Aspectu & imaginatione simiæ, producitur fœtus habens similitudinem simiæ: imaginatione & terrore diaboli, producitur fœtus habens similitudinem diaboli terrore galli indici, habens excrescentias multas diuersicolores, similitudine illius: terrore accipitris, habens similitudinem accipitris: terrore muris, habens pilos instar muris: lacertæ, habens in pectore carneam lacertam: ranæ, habens vultum ranalem: vt in exemplis conclusione 40. allatis est manifestum. At sicut imaginatione illorum animalium, producuntur fœtus habentes similitudinem eorum; ita pari ratione, imaginatione aliorum animalium, possunt fœtus produci habentes similitudinem eorum. Non est enim ratio, cur imaginatione illorum magis possint produci fœtus cum signaturis eorum; quàm imaginatione horum cum signaturis horum: at animalia à quibus possunt matres sic terreri, sunt infinita. Ergo & signaturæ possunt esse infinitæ. Eodem modo aspectu pulchræ picturæ producuntur fœtus pulchri: & aspectu picturæ in qua est vrsus depictus, producitur fœtus similitudine vrsi: in qua est æthiops depictus, similitudine æthiopis: in qua homo pilosus, fœtus totus pilis coopertus: in qua est depictus homo cum magno capite; fœtus habens magnum caput ad similitudinem illius. At qua ratione intuitu illarum imaginum potuerunt produci fœtus referentes notas, & similitudinem earum; eadem intuitu aliarum multarum in quibus formæ terribiles sunt depictæ, possunt deinceps etiam produci fœtus referentes similitudinem illarum. Pariter desiderio cerasi, vux, mori, signatur fœtus similitudine eorum. Ergo eadem ratione desiderio aliorum fructuum seu ciborum, poterit etiam

signari similitudine illorum. Et, vt vno verbo dicam: *fi-*
cur terrore à re habente talem figuram, visum est fœ-
 tum produci, cum similitudine talis figuræ: & terrore
 à pictura cum magno capite produci fœtum cum simi-
 litudine in eadem quantitate: & terrore rei habentis
 partium numerum non naturalem, fœtum simili nu-
 meri vitio laborantem; eadem ratione, terrore vel desi-
 derio aliarum rerum infinitarum, hanc vel illam figu-
 ram, quantitatem, numerum, situm partium habentium,
 potest fœtus eisdem figura, quantitate, numero,
 situ variari. Hi modi sunt infiniti. Ergo.

Quartò: Cum actus conformatricis assimilentur re-
 bus imaginatis, & determinentur secundum eas, quid
 potest esse causa talis præcisæ determinationis ad eas, nisi
 ipsæ rerum species phantasia perceptæ? quæ dirigant &
 exemplariter moueant conformatricem ad simile ei
 conformandum, quod ipsæ indicant? Certè meo iudi-
 cio non videtur aliud quippiam esse imaginabile.

Verùm obijciat aliquis non parua ac leuia argumen-
 ta. Nulla potentia potest operari secundum exemplar,
 nisi cognitua: at conformatrix non est cognitua, quia
 est potentia vegetatiua. Ergo non potest operari secun-
 dum exemplar. Maior probatur. Etenim exemplar di-
 rigit indicando & monstrando: at indicatio & monstra-
 tio non potest fieri nisi cognoscenti. Ergo. Confirma-
 tur. Si conformatrix sit cæca, ergo non potest cognosce-
 re colorem, qui à specie phantastica indicatur: non po-
 test cognoscere figuram; & vnum ab alio distinguere: si
 non cognoscit, an indicetur color ruber, an niger, an fi-
 gura simiæ, an vrsi, an accipitris; quomodo à desiderio
 cerasi, à terrore visî horrendi vulneris, potest in fœtu
 magis exprimere colorem rubrum, quàm nigrum? quo-
 modo magis exprimit figuram simiæ, cum de simia fuit
 imaginatio, quàm vrsæ, quàm accipitris, & contrà, ma-
 gis accipitris, quando fuit imaginatio de illo, quàm si-
 miæ, aut alterius? Confirmatur secundò. Si species de-
 terminaret conformatricem, determinaret per suam ra-
 tionem representandi: sed nihil potest determinari per
 representationem, nisi quod representationem cognos-
 cit: conformatrix representationem non cognoscit.

Ergò

Ergò non potest per species determinari.

Secundò. Si species determinaret conformatricem, species deberet recipi in potentia conformatrice: potentia enim determinantur ad hunc vel illum actum per receptionem speciei in se: atqui species phantasticæ non possunt recipi in potentia conformatrice. Ergo. Minor probatur. Species sunt medium cognitionis, & habent esse repræsentativum, & tales non possunt recipi, nisi in potentia sibi proportionata, nempe cognoscitiua, talis non est conformatrix. Ergo. Si enim in aliam reciperentur, iam exirent extra propriam potentiam, quod Philosophi dicunt fieri non posse. Confirmatur. Species phantasticæ sunt in anima matris: at conformatrix non est in anima matris; sed vel est in anima fœtus, vel non est potentia animæ, ut dixi, sed virtus quædam à parentibus decisa: saltem est separata ab anima parentû, quia est in alio subiecto. Ergo species non possunt conformatrici communicari, & in eam recipi. Patet sequela. Quia sic migrarent de subiecto in subiectum, & sic sequeretur, quod species ab vna anima possent transire in aliam, & ab vna potentia in aliâ; & consequenter, quod vnus homo posset communicare species suas alteri homini, & imprimere eas in animam alterius, & sic alteri conceptus suos communicare, & alterius cognoscere, sine signis vllis aut loquela. Hoc est absurdum, & contra experientiam. Ergo.

Tertiò. Quod operatur ad exemplar, & præcipue operatione difficili, seu ad exemplar difficilis imitationis; & operatione longæ durationis; illud videtur necessario continua sui exemplaris præsentia opus habere. Alioquin videtur, quod non posset illud imitari: at conformatio ad similitudinē rei externæ, ad quam formatrix non habet ordinem, ut vrsi, diaboli, simiæ, &c. est operatio difficilis, & diuturnæ durationis quia illa conformatio durat multis mensibus. Ergo, si fieret secundum exemplar, deberet formatrix illud exemplar cōtinuū sibi præsens habere: At non potest semper habere: quia species subito evanescent: imò scribūt aliqui, mulieres aliquas produxisse aliquando fœtus signatos, quæ rerū quas phantasia cogitauerant, non habebant memoriā, nec eas multū cogitæ-

tione reuoluerant. Ergo. Confirmatur. Exacta confortatio partium externarum fit valde serò, & videtur demùm fieri sub postremos menses: at phantasia concepta etiam in coitu fortum signat. Ergo non ratione speciei phantasticæ conformatricem dirigentis, sed alio modo. Sequela probatur: quia species illa in coitu concepta iam euauit, antequàm peruentum sit ad vltimos illos menses, quibus formatrix incipit secundùm eam conformare. Ergo non potest eam dirigere. Confirmatur secundò. Si species sic dirigerent conformatricem exemplariter, species quæ sunt fortiores, haberent vim maiorem eam dirigendi & magis signandi: at species multo tempore imaginatione reuolutæ sunt fortiores subito tantum conceptis. Ergo illæ deberent magis his signare. At contrà fit; quia docet experientia, mulieres, quæ aliquid cum desiderio & terrore subito quodam motu sunt imaginatæ, magis signare illis, quæ de aliqua re sunt imaginatæ multis mensibus. Ergo.

Quartò. Si species phantasticæ possent sic dirigere & determinare conformatricem, videtur, quod dirigeret semper: & consequenter quodd omnis imaginatio præcipuè fortior semper fœtum signaret: at non semper signat, sed rarissimè. Ergo. Maior probatur. Quia nulla mulier est, quæ tempore suæ prægnationis non habeat aliquando semel fortem de re aliqua imaginationem, aut alicuius desiderium. Sequela probatur. Quia species talis fortis imaginationis possent vno tempore, sicut altero vtero & fœtui communicari; possent vno tempore dirigere conformatricem, sicut altero: ipsa conformatrix esset vno tempore æquè dirigibilis, sicut altero: fœtus vno tempore mollis & tener, sicut altero: aptus flecti ad nutum conformatricis. Ergo nihil deesset ad signaturam. Ergo omni tempore deberet fieri.

Sed respondeo ad primum. Negando maiorem. Ad probationem dico, esse quidem necessarium vt exemplar indicet & monstret operanti modum, quo debet operari, & operans cognoscat monstrationem illius: sed non est propterea necessarium, vt operans sit cognoscitium. Pro quo est notandum, duplicem esse modum cognoscendi: vnum per veram cognitionem, quomodo cognos-

cognoscunt potentiae illae, quae dicuntur Cognoscitiae, sensus nimirum & intellectus: alterum per cognitionem naturalem, seu per instinctum; quomodo cognoscunt etiam potentiae vegetativae. Etenim plantae cognoscunt & distinguunt in terra alimentum, & sibi conueniens sugunt, alio relicto: partes corporis cognoscunt suum alimentum, & una trahit bilem, alia melancholiam, alia sanguinem, alijs relictis, & sic cognoscunt & distinguunt illos; & distinguunt excrementum contra alimentum, & illud expellunt, hoc retinent. Dico ergo, illud quod operatur ad exemplar, non esse necessarium cognoscituum per veram cognitionem, seu cognitionem proprie dictam; sed sufficit, quod cognoscat per instinctum. Conformatrix autem cognoscit exemplar per instinctum, & ideo potest operari secundum ipsum. Debet autem potentiae conformatricis diuinitati ascribi quod sicuti alia facit opera admiranda, ita praeter alijs potentijs vegetatiuis possit per instinctum rudi quodam modo cognoscere representationem specierum phantasticarum.

Ad secundum respondeo. Non esse necessarium species illas recipi in conformatrice; sed sufficere quod sint in subiecto, circa quod conformatrix versatur; in sanguine scilicet, qui est alimentum foetus & obiectum conformatricis: vel in spiritu qui est instrumentum eius: Eo maxime, quod species dirigant ut exemplar: exemplar autem non debet esse internum imitanti, sed sufficit quod sit praesens & propinquum. Et etiam si dicerentur in conformatrice recipi, nihil inde absurdi sequeretur: quandoquidem non reciperentur, ut medium cognitionis proprie dictae, seu ut representativae modo cognitiuo; sed modo quodam naturali quo modo eas recipi in potentia non cognitiua nihil vetat.

Ad tertium respondetur. Non esse necessarium, ut exemplar sit semper praesens, sed sufficere quod sit praesens in principio conformationis: seu quando conformatrix primo turbatur in operatione naturali, & incipit operari ad similitudinem rei externae. Quando enim daedala natura iam est conuersa ad formam externam, & illam sibi imitandam proposuit, & iam de facto eam

imitari incept; potest progredi in ea, & illam prosequi, etiamsi exemplar seu species dirigens postea evanescat nec est opus continua eius præsencia aut directione. Quamvis tamen, si semper præsens esset, & species continuata imaginatione reiterarètur & corroborarentur, magis equidem dirigeretur, & exemplar perfectius exprimeret & imitaretur, quàm si evanescerent: sicuti fieri infrà quoque dicemus. At verò in primo exordio signaturæ seu non naturalis conformationis, necessum est, ut exemplar sit præsens, & species phantasticæ sint & fortes, & ad fœtum ac conformatricem perveniant: & ideò, si imaginatio non sit fortis, non potest mulier signare. Et, etsi aliquæ ediderint fœtus signatos, quæ eiusmodi imaginationis aut terroris, vel desiderij non meminerint, censendum est id factum esse; non, quia nō habuerunt fortem imaginationem, sed quia non habuerunt actum reflexum super ea, & ad eam non attenderunt, & sic eius non meminerunt: aut si omninò non habuerunt fortem imaginationem, illas quæ in fœtu apparuerunt notas & lésiones non fuisse veras signaturas, vi imaginationis impressas, sed alias deformitates monstruosas & casuales. Certum enim est multas deformitates contingere in fœtu, quæ non sunt Signaturæ, nec fiunt vi imaginationis; sed à varijs alijs causis, quæ inter causas monstrorum referuntur. Ad confirmationem dico. Etiamsi exacta conformatio partium externarum seriùs fiat, nihilominùs posse fœtum ab imaginatione matris in coitu seu primis diebus habita, signari: quia primis diebus saltem sternitur à natura aliquod rudimentum fœtus formandi, & sic iam in principio fit aliqua delineatio notæ futuræ; quam inceptam deinceps natura continuo prosequitur, & paulatim succedente exactiore conformatione magis magisque exprimit. Et sic non fit imaginatio rei alicuius in conceptu, aut primis conformationis diebus; & tribus aut quatuor demùm mensibus post conformatrix incipit conformare ad similitudinem illius; hoc enim fieri non potest; quia iam species evanuisse, & sic conformatrix non amplius dirigeretur ab ea: sed statim in illo instanti imaginationis formatrix incipit errare & seduci ab opere

operē naturali, & conuerti ad formam externam imaginatam: & sic statim sternit aliquod fundamentum eius, & illud continuat, & prosequitur magis minúsque; prout vel speciei impressio vehemens aut debilis fuerit; vel conformatrix valida, vel inbecilla. Non enim solū postremis mensibus incipit externarum partium conformatio, sed etiam primis. Omnes enim partes in fœtu simul finguntur; tam citò parue, quàm magnæ: tam citò externæ, quàm internæ. Et etiam si aliquæ alijs prius videantur perfectæ, omnium tamen primum rudimentum æquè citò, & eodem tempore inceptit. Ad secundam confirmationem dico. Species impetu & subito conceptas; cum succedentibus animi passionibus magis imprimere, & magis abducere conformatricem à naturali operatione, quàm conceptas lentè & diuturna imaginatione.

Ad quartum patebit responsio infra, ubi de eo specialiter agemus.

Habemus ergo nunc, quomodò species phantasticæ dirigant conformatricem. Restat videre:

Quomodo ipsæ ad conformatricem perueniant. Etenim cum ipsæ sint in cerebro, cōformatrix verò sit in vtero, & ita sint remotæ; exemplar autem debeat esse propinquū ei quod ad illud operatur; necessum videtur esse, ut ad vterū valeant peruenire; alioqui ex tam longinquo non possent conformatricem permutare. Pro quo est notandum, quod si formatrix & phantasia radicarentur in eadem anima, fortè non esset necessum species deferri ad locum in quo est conformatrix; sed dici posset, vnam potentiam existentem in vna parte posse afficere & excitare in actum, & eadem ratione etiam determinare & dirigere aliam potentiam existentem in alia parte remota sine delatione specierū: per hoc solum, quod in eadem anima cum illa radicetur. Quatenus cum anima per vnam potentiam est operata in vna parte, eadem cum sit in vtraque, excitat etiam potētiam, quam habet in alia parte. Verū hoc non potest dici de phantasia & conformatrice. Nam phantasia est in anima parentum, formatrix verò vel nō est potentia animæ, vel est potētia animæ fœtus: & sic nō habet eandem radicē cum phan-

tasia: & idèd non potest tali ratione eam afficere & dirigere: sed vt dirigat eam, necessariò debet ad conformatricem deferri. Hanc necessitatem delationis declarat Gal. lib. de Theriaca ad Pisonem: quando loquens de modo, quo phantasia fœtum immutat, dicit id fieri, visu, inquit, imaginem transmittente. Verùm, quomodò illa transmissio ac delatio fit? Galenus modum non declarat. Sit ergo.

CONCLUSIO XLVIII. Species deferuntur ad vterum & conformatricem mediantibus animi Passionibus.

Hæc conclusio patebit per conclusionem sequentem: idèd de ea speciatim hic nihil agemus. Et sic tandem est expositum, quomodo phantasia fœtum signet. Restat inquirere, quæ phantasia signet: quando, quantum: & vbi. Docet enim experientia non omnem signare. Etenim mulieres tempore suæ grauidationis habent varias imaginationes, nec vlla est, quæ non aliquando fortiter imaginetur, & tamen non omnes, neque semper signant; quinimò rarissimè. Quenam ergo causa est, cur aliquando eueniat signatura, aliquando non?

QVÆSTIO XVI.

Quenam imaginatio habet illam signandi potestatem, quæ non?

CONCLUSIO XLIX. Imaginatio cum Assensu, & quam animi Passiones sequuntur, potest signare: alia non.

Etenim si mulier solum nudè ac simpliciter aliquid imaginaretur: vt si, exempli gratia, consideraret tabulam aliquam, in qua pulchra animalia essent depicta, vel turpia, ferocibus oculis, magnis vnguibus & acutis dentibus prædita, &c. & ea solum admiraretur; aut videret verum leonem, aut vrsum in cauea inclusum, quem delectationis gratia iuisset visum; aut mendicum deformem, mutilum, vlcerosum; cui pietatis gratia medicinam faceret; aut videret multos excellentes fructus, & eorum pulchritudinem consideraret, sola simplici imaginatione

ginatione & intuitu; sine assensu & inclinatione, quam subita fuga aut persecutio sequeretur: talis fœtum non signaret. Sed si sic videret aut imaginaretur illa; quòd phantasia in ea inclinaret, vel ea auersaretur; & inde sequeretur actus appetitus & animi passiones: tunc posset signare. Itaque solum signat phantasia, quam sequuntur animi passiones; alia non.

Verùm obijciat aliquis. Mulieres in hora conceptus solum nudè imaginantes aliquid, putà pulchram vel deformem picturam, sine eo quòd intensè desiderent illud, quod per eam representatur, aut terreantur ab eo; possunt fœtum signare. Ergo sola imaginatio signat, sine animi passionibus superuenientibus. Antecedens patet exemplis. Nam, quæ in hora conceptus intuendo picturam, in qua depictus erat vrsus, peperit postea fœtum similitudine vrsi; non habuit vllum terrorem ab illa pictura; quia sciebat illam non posse eam mordere aut lædere. Quæ intuitu imaginis Ioannis Baptistæ in hora conceptus, peperit postmodum fœtum totum villosum, non habuit terrorem ab illa imagine. Quæ inspiciendo imaginem æthiopis in cubiculo pendentem, produxit fœtum nigri coloris, non habuit terrorem ab ea. Omnes enim sciuerunt esse imagines, & nulla se posse ab eis noxa affici: & tamen fœtus earum fuerunt signati per vim imaginationis. Ergo fuerunt signati per nudam imaginationem, & non propter animi passiones eam comitantes. Respondeo: species habere rerum virtutes & imagines, & picturas non rarò appetitum mouere sicuti res ipsæ: & etsi ipsa imago seu figura in imagine depicta non inducat desiderium aut terrorem sui, cum sciatur esse imago, & non res ipsa; tamen cogitatione rei, quæ per eam representatur, sæpissimè appetitus afficitur, & animi passiones sequuntur. Sic imago Christi virgis cæsi, imago mortui parentis charissimi, imago hominum miserrimè trucidatorum; sæpissimè inducunt dolorem, tristitiam, terrorem, metum, lachrymas, &c. imago fructuum delicatarum desiderium & appetitum; & tamen etiam illæ imagines non sunt ipsa res: ratio est, quia non ipsa per se imago excitat appetitum, sed illud quòd per illam representatur.

Hoc

Hoc posito respondeo : mulieres illas signauisse , non quòd territæ fuerint ab imaginibus illis per se , sed ab ipsis rebus , quæ per illas demonstrabantur : Mulieres autem res minimas , & rerum umbras timent : & sic timent *Æthiopes* , si viderent : homines villosos & siluestres , si reperirentur : *vr̃fos* , &c. præcipuè quæ teneriores & delicatesiores sunt ; ita etiam timent vel solas illarum rerum picturas , & ab ijs terrorem aliquando concipiunt. Atcedit ; quòd , cum mulier tempore conceptus videt pulchram picturam ; sæpè sequatur in ea cogitatio , & desiderium habendi prolem similem ei , & per illud desiderium aliquando signat. Quod si solum consideraret picturam in ratione picturæ ; quòd scilicet sit pulchra ; sic vel sic picta : & præterea non afficeretur vllò desiderio habēdi prolem similem illi , certum est , quod nō signaret. Quando aliqua tempore coitus vidit imaginem *vr̃si* , potest esse quod non habuerit terrorem ab ea ; quasi illa vel *vr̃sus* aliquis per eam representatus eam posset ledere , vel mordere : sciuit enim tantum esse picturam , & se ab ea lædi non posse , & *vr̃sum* , qui per eam representabatur , à se esse longè remotum : sed cogitauit , quòd fortè per illius intuitum eius fœtus posset signari & deturpari aliqua similitudine eius , & sic territa fuit ; & terror ille signauit , & sic de alijs. Quapropter dico , quia mulieres audiuerunt intuitum & cogitationem rerum horrendarum & turpium , soleæ aliquando fœtus signare ; idè cum ipsæ eas vident , timere , & ea ratione signare . Quòd si mulier rustica & hebes , quæ nunquam audiuiſſet imaginationem talem vim habere inspiceret eas ; credo quod rarò & non ita facile signaret.

Sed instabit aliquis. Si mulieres signarent , per hoc , quòd post aspectum & imaginationem rei alicuius , timerent ne illo aspectu vel imaginatione fœtus earum lederentur , sequeretur , quòd non signarent per simplicem imaginationem , sed per imaginationem reflexam : imaginando scilicet suam imaginationem fore noxiam ; & concipiendo terrorem ab ea : atqui signant per simplicem imaginationem , & non per talem imaginationem reflexam. Ergo. Minor probatur. Non enim signant ; quia
timent ,

timēt, ne sua imaginatio fœtum lædat; sed quia imaginatio lædit, idēdō timēt: & sic imaginationem signare, præcedit timorem earum, & non sequitur: & ita non signant per illum, nec propter eiusmodi actionem reflexam, sed propter imaginationē simplicem. Confirmatur. Oves iacob videndo & imaginando virgas diuersi colores signauerūt fœtus suos: at non signarūt per eiusmodi actionem reflexam; quia in brutis non est actio reflexa. Eodem autem modo, quo illæ imaginatione virgarum signauerunt fœtus suos, eodem videntur & mulieres illę intuitu & imaginatione picturarum signauisse suos. Ergō non per eiusmodi actionem reflexam. Denique si mulieres signarent per actionē reflexam, sequeretur quōd bruta non signarent: atqui signant, vt patet in exemplis conclus. 40 & in ijs quę sequuntur. Ergo.

Secundō. Oves iacob signauerunt fœtus suos per nudam imaginationem sine vllis passionibus eam comitantibus. Ergo illæ non sunt necessariae. Antecedens probatur. Quia non est verisimile oves iacob fuisse deterritas ab albis virgis decorticatis: si enim deterritæ fuissent, non ibi hæssissent neque coiussent.

Tertiō. Habetur suprā in exemplis conclusionis quædragessimæ columbas producere pullos diuersi colores, si videant columbas diuersi coloris in columbario depictas: gallinas pariter pullos variegatos, si oua earum diuersis coloribus depingantur: equas hinnulos pulcherrimis maculis distinctos, si equi admissarū diuersis maculis in dorso fuerint depicti: pauones pullos albos, si incubantibus lintea alba obijciantur: bruta in montibus niuosis albos fœtus, imaginatione niuis albæ. In his omnibus exemplis nuda imaginatio nullis comitata animi passionibus fœtus signat: nullum enim illorum animalium imaginatione præfatorum obiectorum videtur habere occasionem desiderij vel terroris. Ergo passionēs non sunt necessariae ad signandum.

Sed respondeo ad primum. Negando minorem. Ad probationem dico: imaginationem simplicem posse quidem signare & sēpissimē per simplicem imaginationem debuisse contingere signationes, priusquā mulieres haberent scientiam virtutis eius, & priusquā incipe-

inciperent sic reflecti super ea, & timere eam: tamen, postquam iam experientiâ didicerunt eam signare: in- ceperunt suam imaginationem metuere, & metu illo causato per reflexionem signant magis: & ita dico posse eas quidem signare per simplicem imaginationem; sed magis signare, si accedat reflexio. Et hæc est ratio, cur frequentius signent homines, quàm bruta: quia homi- nes propter coniunctionem intellectus habent illam re- flexionem, bruta verò propter defectum illius carent ea. Nisi fortè reflexio talis sit, vt corrigat & coerceat actum imaginationis: quo casu tantùm abest, vt augeat occasionem signandi, vt potius impediat: sicut infra di- cemus. Ad assumptum subsyllogismi respondeo. Sim- plicem mulierum in commemoratis exemplis imagi- nationem potuisse sequi animi passionem, vt suprâ est de- claratum: & ideò potuisse eas signare per simplicem ima- ginationem, seclusa omni reflexione.

Ad secundum Respondeo. Signaturam ouium Ia- cob fuisse supernaturalem, & ideò non esse mirum, si ea contigerit alio modo, quàm naturales fieri possunt: & ideò ex ea nihil quoad signaturas naturales potest in- ferri. Fuisse supernaturalem probatur autoritate Chry- sostomi, Homilia 57. super Genesim: qui loquens de ouibus illis, dicit; illud transcendisse ordinem naturæ, & miraculo ascribit: tum etiam Theodoretî commen- tario super Genesim quæst. 88. dicentis, Iacobum ob- iecisse ouibus virgas decorticas: non, inquit, quòd in eis consideret; sed, quòd diuinam opem expectaret. Quibus verbis indicat, illud etiam non naturale, sed miraculosum fuisse. Quod etiam tenet Costæus in suis Disquisitionibus, Syluaticus in historijs, Vayrus in lib. de Fascino & alij. Probatur etiam verbis sacræ Scriptu- ræ Genesios cap. 31. vbi ipsemet Iacob illam ouium mu- tationem diuinæ potentie ascribit; dicens filiabus La- ban fortunam eius inuidentibus hæc verba: (Deus Pa- tris mei fuit mecum) & postea (postquam enim con- ceptus ouium tempus aduenerat, leuaui oculos meos, & vidi in somnis ascendentes mares super fæminas va- rios & maculosos, & diuerforum colorum: dixitque Angelus Dei ad me in somnis: Iacob: & ego respondi, adsum:

adsum: qui ait, *Lena oculos tuos, & vide vniuersos masculos ascendentes super feminas varios & maculosos atque resperfos: vidi enim omnia, quæ fecit tibi Laban.* Ego sum Deus Bethel, ubi vnixisti lapidem & votum vouisti mihi, &c. Quibus omnibus declaratur tuum opus illius mutationis speciali Dei gratia & concursu particulari, adeòque supernaturaliter esse perpetratum. Probatur etiam Ratione: quia, si id naturaliter factum fuisset, iamdudùm eandem artem, & alij artifices imitari, & variegatas sic producere oues potuissent: at hoc nemo hactenus adhuc potuit. Ergo.

Ad tertium respondeo. Omnia ista esse falsa & fabulosa, & ideò nullam probandi efficaciam habere. Maneat ergo ratum, imaginationem citrà animi passiones non signare. Et queramus vterius, Quæ ratione & modo illæ ad signandum concurrant & requirantur.

CONCLUSIO L. Passiones concurrunt varijs modis: primùm turbando & corrumpendo conformatricem: secundò, vigorando species phantasticas: tertio, & maximè, eas conformatrici applicando.

Pro quo est Notandum: quòd, etsi suprà conclusione 44. dixerim phantasiam mediantibus animi passionibus non causare notas & signaturas peculiare, præcisam aliquam seu singularem signationem habentes: hic verò dicam eam causare; proptereà tamen in illis non sit contrarietas. Etenim illi non dixi absolute animi passiones non concurrere, sed solummodò dixi non concurrere per se & effectiue: siue non concurrere mouendo humores & spiritus, qui motu fortuito suo in membra incursu ea effectiue signent, sine vlla peculiari conformatricis cooperatione, permutatione & determinatione. Hic verò dico eas concurrere solùm, vt causam adiuuantem, & præcipuè vt causam sine qua non, vt adiuuantem, corroborando & intendendo species phantasticas: vt causam sine qua non, applicando illud quod dirigit & determinat veram causam efficientem earum, nempe conformatricem: & remouendo prohibens, per deprauationem & turbationem conformatricis, cuius integritas & robur eiusmodi directioni obesset. Causam autem effectricem veram teneo esse confor-

conformatricem à speciebus illis directam.

Dico ergo imprimis passiones concurrere Turbando conformatricem. Nam, quia conformatrix turbatur in sua operatione ordinaria & naturali, ideò facile potest seduci ad aliam, quam species phantasticæ ei proponunt. Quod si non turbaretur, sed maneret in suo vigore, non ita facile ab ea posset auocari, & sic non posset à phantasia dirigi ad efformandum, quod esset imaginatum. Illam turbationem præstant animi passiones, agitando humores & spiritus matris, & per consensum & connexionem etiam humores & spiritus fœtus. Nam cum spiritus sint instrumentum conformatricis, sanguis sit alimentum & materia circa quam; necessum est, ut illis per nimiam agitationem disiectis & dissipatis facultas formatrix distrahatur, turbetur & corrumpatur; non aliter, quàm artifex in operando impediretur, si eius instrumenta disicerentur; & materia ad fingendum necessaria motu inordinato concitaretur. Nisi fortè etiam dicere velimus, passiones animæ matris per consensum turbare & impedire per se primò actionem conformatricis; eo modo, quo in corpore actiones vnius potentiæ sæpè impediunt actiones alterius: & præcipuè animi passiones, actiones ferè omnium aliarum potentiarum. Quod tamen propter diuersitatem radicis, & subiecti inter passiones matris & conformatricem fœtus minùs verum videtur.

Dico secundò. Etiam concurrere Vigorâdo & Fortificando species phantasticas: possunt autem eas fortificare varijs modis: vel per hoc quòd superuenientes imaginationi faciant species eius esse efficaciores in mouendo & afficiendo conformatricem, quàm fuissent antea, si ipsæ non superuenissent: vel per hoc, quòd faciant eas longiùs ferri & irradiare per sanguinem & spiritum vitalem, quàm sine superuentu earum irradiare potuissent: vel saltem, quòd faciant eas fortius imprimi eis, vel fortè etiam quòd eas ita modificent & disponant, ut valeant conformatricem afficere & dirigere: quod ex propria sua natura antea facere non potuissent. Etenim quòd species superuentu animi passionum fortificentur, & fiant efficaciores in mouendo, ex eo patet, quod

illæ fortiùs in memoriam imprimant, quæ, cum illis, quàm quæ siue illis, sunt conceptæ. Quæ enim sunt impressæ quantumcumque forti vel diuturna imaginatione, faciè tamen adhuc tandem euanescent, si nullæ animi passiones eas sint comitatæ: quæ verò cum magna aliqua ira, timore, gaudio, aut terrore, &c. sunt impressæ, illæ perpetuùm hærent, & nunquam ferè obliterantur.

Dico tertio. Etiam concurrere & maximè, Applicando species potentiæ conformatrici: quæ cum alioqui sint in cerebro, necessum est vt ad vterum perueniant, vt conformatricem dirigere possint. Sed dubium est, qua ratione id facere possint. Marsilius Ficinus lib. 13. de immortalitate animæ cap. 1. dicit hoc fieri vibratione spiritus per neruos: quatenus, inquit, dum vehemens cogitatio spiritus vehementer mouet; formam quam continua imaginatione reuoluit, fœtui imprimat. Verùm ille modus non est simpliciter verus: quia à matre ad fœtum nulli nerui feruntur, & idè non possunt species à cerebro matris rectà per neruos ad fœtum deferri. Fœtus enim cum matre solùm habet communionem & colligantiam per vasa vmbilicalia: at inter vasa vmbilicalia non sunt nerui, vt docent omnes anatomici. Ergo. Quapropter dico: propter actum appetitus & animi passiones, quæ phantasiæ coniunguntur, species in remotas partes irradiare. Quando signatura fit propter imaginationem habitam in hora coitus, species irradiant rectà per neruos in testes, & semini immediatè imprimuntur: quod semen cum in vterum recipitur, secum deferat species illas, & aliquanto tempore retinet, & cum formatrix incipit illud efformare, format ad similitudinem earum: Quando autem fit signatura propter imaginationem habitam post conceptum, tum per neruos mediante actu appetitus species communicantur cordi; ibique sanguini & spiritibus vitalibus imprimuntur, & illis tanquàm subiectis delatæ, inde per arterias matris, & tandem vmbilicales, fœtui communicantur.

At dubium est, quomodo sic cum sanguine & spiritibus deferantur: an illis in illo instanti imaginatio-

nis celeri impetu eò vibratis; an verò longo tempore post, successione quadam alimenti lentè ad fœtum tractis, vel distributis. Certè Auicennæ mens fuit, hac ratione deferri. Etenim 5. de animalibus, dicit, imaginationem spiritibus cerebri species imprimere, spiritus illos misceri sanguini, qui fit alimentum fœtus: illum imprimere speciem fœtui. Hunc sequitur Citadinus lib. 3. super art. paru. cap. 15. & plerique alij. Verùm hæc opinio non est vera. Nam, vt fiat signatura & species possint conformatricem dirigere ac seducere, requiritur, vt ipsæ sint fortes & efficaces in exemplificando: requiritur vt repentè & subitò occurrant; quò vehementem facere possint impressionem: requiritur vt humores & spiritus vehementer agitentur; vt sic formatrix turbetur & interpelletur in conformatione sua ordinaria & naturali. At si illo modo deferrentur: quatenùs scilicet sanguis & spiritus cordis, cui fuerunt impressæ, paulatim pro alimento, successione quadam eius quod est exhaustum, versus fœtum distribuerentur; priusquàm illi lentâ illâ distributione ad fœtum peruenissent, iam species illæ essent factæ euanidæ, & essent extinctæ; & nullo impetu, sed lentè ad fœtum peruenirent: & nulla adesset humorum aut spirituum vehemens agitatio; & idèd non posset formatrix ab ijs affici, seduci aut dirigi. Quapropter debent deferri subitò & impetu quodam; & in illo instanti imaginationis, quo animi passiones adhuc durant, & humores spiritusque, susque deque violentè agitantur. Ita ergo deferuntur. Propter sympathiam cerebri & cordis, appetitus & potentiarum cordis, communicantur cordi, & sanguini & spiritibus imprimuntur. Eodem momento insurgens motiua cordis agitat spiritus & humores, & impellit in varias partes, maximè vterum & fœtum: illi ita impulsî secum deferunt species, quas in corde hauserunt. Et hæc ratione maximè potest fieri signatura. Etenim species tum sunt fortes, & idèd fortiter exemplificant: sunt enim recentes & per concomitantes animi passiones fortificatæ, & sic efficacius seducunt & dirigunt conformatricem: sunt subitò & impetu delatæ, & ita magis imprimunt: agitati sunt humores & spiritus fœtus, & ita forma

formatrix in opere ordinario & naturali turbatur, & sic facilius ab eo seducitur & dirigitur ad exemplar illarum. Propter complures autem causas magis versùs vterum & fœtum, quàm versùs alias partes humores & spiritus eliduntur. Prima, quia illi solent magis moveri versùs partes calore abundantes; calor autem eo tempore circà vterum maximè abundat. Secunda, quia in animi passionibus natura mittit humores & spiritus in auxilium partium laborantium & egentium, & maximè earum, de quibus maximè est sollicita: est autem maximè sollicita de fœtu, & ideò mittit eò. Tertia, quia in agitatione humorum eo maximè spiritus & humores feruntur, quò ferri maximè consueverunt: at toto tempore gestationis vteri maximè ferri consueverunt versùs vterum. Ergo in animi passionibus tunc maximè eò feruntur. Cui accedit; quòd versùs eum viæ tunc sint maximè dilatatae, vnde magis alijs admittunt & suscipiunt humores concitados. Quarta causa est: quia, vt conclusiòne 24. est ostensum, phantasia habet vim directoriam spirituum & humorum: hinc, quia matres aliquid inopinatò videntes aut imaginantes, statim cogitant de fœtu suo, & timent ei, & ita imaginantes res externas coimaginantur fœtum suum; fit, vt per istam fœtus coimaginationem spiritus per animi passionnes concitati magis versùs fœtum, quàm versùs aliam partem dirigantur.

Verùm obijciat aliquis, Mater non videtur dirigere imaginationem, aut species imaginatione perceptas versùs fœtum suum: quia nulla est mater, quæ desideret fœtum suum notatum, sed toto animo nititur auertere eas, & aliò dirigere. Ergo imaginatio eius non est directiua versùs fœtum, sed potiùs amotiua ab eo.

Secundò. Passiones animi, per quas plerumque fœtus signantur, sunt timor & terror; at tales non sunt motiuae humorum & spirituum à corde versùs vterum, non enim sunt motiuae ad extra, sicut ira & gaudium, sed ad intrà. Ergo illæ non sunt causa, vt humores & spiritus, & consequenter species eis imprellæ à corde ad vterum deferantur, sed potiùs contrà.

Sed respondeo ad primum. Illam directionem fieri

à phantasia, non pro voluntate nostra, sed instinctu quodam & proprietate naturali: & ideò fieri nobis nec eam intendentibus, nec fieri volentibus. Sic videmus homines de oscitando, mingendo, egerendo, comedendo, coeundo cogitantes, irritari & inclinari ad illas actiones obeundas, etiamsi illi inclinationi resistere, & eam quàm maxime arcere velint: humoribus nimirum & spiritibus illa cogitatione ad illas partes, à quibus illæ actiones exercentur, etiam contrà voluntatem directis.

Ad secundum infra conclusione 51. patebit responsio. Sed quæritur

QVÆSTIO XVII.

*Cur non omnis imaginatio, quam animi
passiones sequuntur, signat?*

Respondeo: varias esse causas. Etenim, ad hoc, ut signatura fiat, multa requiruntur: in quorum aliquo si fuerit defectus, illa non eueniet. Primum enim requiritur; ut species sint fortes; ut ad vterum & fœtum perueniant; ut subito & impetu conformatrici offerantur; ut conformatrix sit debilis & facile seducibilis ab eis; ut materia ad exprimendum id, quod imaginatione percipitur idonea, sit in promptu, &c. Hæc rarò simul omnia coincidunt, & ideò quàm rarissimè contingit signatura. Quando itaque potentia phantastica naturaliter est debilis, vel imaginatio tempore prægnationis non est intensa; non fit signatura: quia tum species sunt debiles, nec longè irradiant, nec fortiter exemplificant. Quod si mulieres aliquando pròduxerint fœtus maculatos, quæ nullam fortem habuerunt imaginationem; censendum est tales notas aut maculas non fuisse veras signaturas; sed tantum fuisse deformitates monstrosas, casuales & fortuitas: ab alia peculiari causa, & non ab imaginatione profectas. Mulieres fortes, prudentes & animosæ non facile signant, quia tales non facile timent, aut terrentur à rebus paruis; nec leuiter aut stultè quasuis desiderant; & cum passiones aliquæ

aliquæ earum imaginationem sequuntur, non sunt intensæ: quia à ratione coercentur. Hinc species, nec vim, nec impetum acquirunt, nec corporis humores aut spiritus immoderate concitantur, nec conformatrix turbatur aut distrahitur. Quando semen est validum, & facultas formatrix robusta, minùs etiam contingit signatura: quia talis manet constans in operatione sua naturali, nec ab ea faciliè abducitur per species imaginatas. Porro non omnes etiam animi passiones signant, sed certæ quædam & determinatæ, & eæ quidem certo quodam & determinato modo mouentes. Si enim humores versùs vterum non moueantur, vel moti non perueniant, vel ad alia membra dirigantur, quod ob varias causas fieri potest; nihil fit. Species enim tum non approximantur conformatrici, ac proinde non afficiunt eam. Huc multum faciunt & humorum & spirituum crassitudo & inobedientia ad motum: propter quas, nec ipsi ita longè vibrari, nec ita faciliè species eis imprimi possunt. Si humores alimentarij fœtus, corrupti sint & prauis, sic vt minùs obediunt plasmationi formatricis; quia tum ipsa faciliùs potest auocari ab opere suo naturali, & abduci ad directionem phantasie, signatura fiet faciliùs. Quibus materia ad exprimendum illud, quod est imaginatum, idonea suppetit, ijs quoque faciliùs fit. Sic si mater fuerit imaginata hominem altero crure carentem, faciliùs fœtum similem producet, si fœtus laborauerit defectu alimenti, quàm si abundauerit. E contra, si imaginata fuerit hominem cum magno capite aut quatuor cruribus, faciliùs similem producet fœtum, si materia superabundauerit, quàm si defuerit. Sic faciliùs producet villosum, in cuius corpore abundauerint humores fuliginosi, pilis generandis idonei; faciliùs rubris maculis præditum, quæ fuerit sanguinea; liuidis, quæ melancholica; flauis, quæ cholericæ, &c. quàm, quæ contrà. Denique faciliùs signabit illa imaginatio, quæ cum fuerit in principio intensa & subita, & magnis animi perturbationibus comitata, insuper adhuc multo tempore fuerit continuata, quàm, quæ in momento cessauerit. Et pariter magis, quæ habuerit coniuncta reflexionem, seu coïmaginationem

nem & sollicitudinem de fœtu, quàm, quæ fuerit simplex, & illa caruerit. Porro, cum dictum sit Phantasiam signare propter animi passiones, Queritur

QVÆSTIO XVIII.

An omnes animi Passiones signent?

Seu an Phantasia signet cum omnibus, an cum aliquibustantum, & quænam illæ sint. Pro quo sit

CONCLUSIO LI. Maximè signanti Desiderium & Terror.

Hæc conclusio probatur, imprimis communi opinione hominum, qui credunt illas passiones vel maximè vel solum signare. Probatur etiam Experientia & Exemplis conclusione 40. allatis; quibus manifestum est, ferè omnes signaturas ibi commemoratas propter alterutram illarum passionum, & nullas ferè propter alias contigisse.

Quod verò imprimis Desiderium concurrat ad signandum, mirum non est: quandoquidem & mulieres gravidæ frequentibus & intensissimis variorum ciborum desiderijs teneantur, vt patet in pica; & desiderium habeat vim mouendi humores & spiritus ab intro ad extrà, adeòque ad vterum: qui respectu cordis inter partes externas est habendus. Quæ ratione facere potest, vt species imaginatione perceptæ vtero & conformatrici faciliè communicentur.

Potest tamen dubitari: an ipsum Desiderium per se faciat signaturas, an verò aliæ passiones ipsum aliquando comitantes. Etenim communis opinio hominum est, fœtus signari, non quando mulieres simpliciter aliquid desiderauerint, sed quando desiderauerunt id, quod potiri non potuerunt. Quo videtur colligi signaturam fieri, non propter desiderium, sed potius propter iram, indignationem aut tristitiam aliquam desiderium sequentem: quam concipiunt ex rei desideratæ negatione. Nam si ipsum desiderium per se signaret; videtur quod tam benè signaret, quando res desiderata esset obtenta, quàm quando non esset obtenta. Sed Respondet, videri desiderium per se signare; & simplex desiderium

derium posse signare, etiamsi ipsum nullæ aliæ passionis fuerint subsecutæ. Quod probo autoritate Hippocratis & Galeni. Etenim Hippocrates lib. de superfoetatu. dicit in hæc verba. Si mulier, inquit, grauida terram aut carbones comedere desiderauerit, eademque comedat, in capite pueri notæ à talibus apparebunt. Vbi dicit, non tum solum desiderium signare, cum mulier re desiderata non fuerit potita, seu cum prædictarum passionum fuerint secutæ; sed etiam cum fuerit potita & desiderium fuerit simplex. Nam cum mulier cibos desideratos comedit, desiderium est simplex, & nullæ ex prædictis passionibus illud insequuntur. Galenus vero lib. de Theriaca ad Pisonem dicit, mulieres pulchras proles habere desiderantes, eas aliquando acquirere, si pulchras picturas intuitæ fuerint. Quibus verbis hoc saltem innuit, solum & nudum desiderium per se posse signare; & non signare propter alias passiones ipsam consequentes. Illo enim casu, quo mulieres in illum solum finem pulchras picturas intuentur, desiderium est simplex, & nullæ prædictarum passionum, iræ, tristitiæ, indignationis, &c. ipsum sequuntur. Ita alias audiui mulieribus accidisse, ut cum ipsæ cibos aliquos tempore prægnationis intensissimè desiderassent, proles earum eorundem ciborum appetitu ducerentur, & cum fastidiissent, ipsæ quoque eosdem auersarentur.

Magis interim signant mulieres, cum re desideratâ potiri non potuerint, quàm cum potuerunt. Ratio est vel, quia desiderium tum est maius, & sic est efficacius in signando: vel quia alio modo mouet humores & spiritus, cum aliæ passiones prædictæ superuenerint, quàm quando non.

Quod verò etiam Terror possit signare, non est quoque mirum: quandoquidem ipse est affectus omnium affectuum maximus & efficacissimus. Est enim affectus valdè repentinus, humores & spiritus summo impetu mouens, & omnes animæ potentias in momento, & grauissimè consternans. Hinc species phantasticæ vigorantur & intenduntur; & mediante humorum & spirituum motu longissimè feruntur; & vtero communicantur; & conformatrix in suo opere naturali læditur & perturbatur:

nem & sollicitudinem de fœtu, quàm, quæ fuerit simplex, & illa caruerit. Porro, cum dictum sit Phantasiam signare propter animi passiones, Quæritur

QVÆSTIO XVIII.

An omnes animi Passiones signent?

Seu an Phantasia signet cum omnibus, an cum aliquibus tantum, & quænam illæ sint. Pro quo sit

CONCLUSIO LI. Maxime signant Desiderium & Terror.

Hæc conclusio probatur, imprimis communi opinione hominum, qui credunt illas passiones vel maxime vel solum signare. Probatur etiam Experientia & Exemplis conclusione 40. allatis; quibus manifestum est, ferè omnes signaturas ibi commemoratas propter alterutram illarum passionum, & nullas ferè propter alias contigisse.

Quòd verò imprimis Desiderium concurrat ad signandum, mirum non est: quandoquidem & mulieres gravidæ frequentibus & intensissimis variorum ciborum desiderijs teneantur, ut patet in pica; & desiderium habeat vim mouendi humores & spiritus ab intrò ad extrà, adeoque ad vterum: qui respectu cordis inter partes externas est habendus. Qua ratione facere potest, ut species imaginatione perceptæ vtero & conformatrici faciliè communicentur.

Potest tamen dubitari: an ipsum Desiderium per se faciat signaturas, an verò aliæ passiones ipsum aliquando comitantes. Etenim communis opinio hominum est, fœtus signari, non quando mulieres simpliciter aliquid desiderauerint, sed quando desiderauerunt id, quò potiri non potuerunt. Quo videtur colligi signaturam fieri, non propter desiderium, sed potius propter iram, indignationem aut tristitiam aliquam desiderium sequentem: quam concipiunt ex rei desideratæ negatione. Nam si ipsum desiderium per se signaret; videtur quod tam bene signaret, quando res desiderata esset obtenta, quàm quando non esset obtenta. Sed Respondet, videri desiderium per se signare; & simplex desiderium

derium posse signare, etiamsi ipsum nullæ aliæ passion-
 nes fuerint subsecutæ. Quod probo autoritate Hip-
 pocratis & Galeni. Etenim Hippocrates lib. de super-
 fœtat. dicit in hæc verba. Si mulier, inquit, grauida
 terram aut carbones comedere desiderauerit, eadem-
 que comedat, in capite pueri notæ à talibus apparebūt.
 Vbi dicit, non tum solum desiderium signare, cum mu-
 lier re desiderata non fuerit potita, seu cum prædictæ
 passionēs fuerint secutæ; sed etiam cum fuerit potita &
 desiderium fuerit simplex. Nam cum mulier cibos de-
 sideratos comedit, desiderium est simplex, & nullæ ex
 prædictis passionibus illud insequuntur. Galenus ve-
 rò lib. de Theriaca ad Pisonem dicit, mulieres pulchras
 proles habere desiderantes, eas aliquando acquirere, si
 pulchras picturas intuitæ fuerint. Quibus verbis hoc
 saltem innuit, solum & nudum desiderium per se posse
 signare: & non signare propter alias passionēs ipsum
 consequentes. Illo enim casu, quo mulieres in illum so-
 lum finem pulchras picturas intuentur, desiderium est
 simplex, & nullæ prædictarum passionum, iræ, tristi-
 tiæ, indignationis, &c. ipsum sequuntur. Ita alias au-
 diuimus mulieribus accidisse, vt cum ipsæ cibos aliquos
 tempore prægnationis intensissimè desiderassent, pro-
 les earum eorundem ciborum appetitu ducerentur, &
 cum fastidissent, ipsæ quoque eosdem auersarentur.

Magis interim signant mulieres, cum re desideratæ
 potiri non potuerunt, quàm cum potuerunt. Ratio est
 vel, quia desiderium tum est maius, & sic est efficacius
 in signando: vel quia alio modo mouet humores & spi-
 ritus, cum aliæ passionēs prædictæ superuenerint, quàm
 quando non.

Quod verò etiam Terror possit signare, non est quo-
 que mirum: quandoquidem ipse est affectus omnium
 affectuum maximus & efficacissimus. Est enim affectus
 valdè repentinus, humores & spiritus summo impetu
 mouens, & omnes animæ potentias in momento, & gra-
 uissimè consternans. Hinc species phantasticæ vigorantur
 & intenduntur, & mediante humorum & spirituum
 motu longissimè feruntur; & vtero communicantur;
 & conformatrix in suo opere naturali læditur & pertur-

batur: quæ tria ad signaturam requiruntur. Quam vehementens sit hæc passio, ex symptomatibus, quæ inducit, facile colligi potest: quæ tanta sunt, vt nulla alia similia inducere possit. Ea sunt: repentinus faciei pallor, aliquando etiam tota vita adhærens; extremorum tremor: sæpè sensus & motus omnimoda abolitio, vt homines de repente in terram cadant: animi deliquium: vertigo; cordis palpitatio, aliquando toto vitæ tempore perdurans: pilorum erectio: testiculorum contractio: alui & vrinæ inuoluntaria eiectio, epilepsia, mors, &c. Habuimus suprâ aliquos præ timore vna nocte canos euasisse: alium ad supplicium ductum solo linteo aqua frigida in collum percussam mortuum concidisse. Verùm dicit aliquis; passiones animi, sicut præcedente conclusione dictum est, concurrunt ad signaturam approximando species phantasticas vtero & conformatrici: illa approximatio fit mediante motu humorum & spirituum: terror non mouet humores & spiritus à corde versùs vterum, sed potiùs ab vtero versùs cor. Ergo non approximatur species phantasticas vtero aut conformatrici, sed potiùs amouet ab eis: & per consequens non potest esse causa signaturæ. Subsumptum probatur authoritate Galeni §. de sympt. caus. cap. 5. Aristotelis 27. sect. problem. 1 & 2. D. Thomæ 1. 2. quæstio. 44. in responsione art. 3. qui omnes dicunt timorem, cuius species est terror, mouere humores & calorem à partibus externis ad internas: Vterus respectu cordis est pars externa. Ergo

Sed Respondeo. Timorem mouere quidem humores & spiritus ab externis ad internas; sed peculiariter insuper eos mouere à supernis ad infernas: versùs intestina scilicet, vterum, vesicam, &c. & hac ratione species phantasticas vtero & conformatrici approximate. Etenim animi passiones non semper mouent humores & spiritus vno simplici modo, ad intrâ aut extrâ; sed diuersa, difformibusque. Non enim semper mouent à centro ad omnem circumferentiam, aut ab omni circumferentia ad centrum, sed sæpè ab vna parte magis, quàm ab alia; & magis in vnam, quàm in aliam: & aliquando mouent hos humores & spiritus, seu humores
& spi-

& spiritus harum partium ad intrà; alios, seu aliarum partium ad extrà. Nam cum ab aliquibus partibus spiritus & humores secedunt, & trahuntur ad intrà; necessum est, ut in alias cedant & moueantur ad extrà: alioqui vel vacuum, vel penetratio dimensionum evenirét. Aliquando eosdem humores spiritusque mouent motibus oppositis successiuè: & quos primum mouerunt ad intrà, eosdem postea iterùm mouent ad extrà: ut in ira & pudore patet. Et hæc est ratio diuersitatis effectuum, quas animi passionibus in corpore & diuersis partibus excitant. Quod si omnes eodem præcisè modo mouerent: & omnes, quæ in fuga consistunt, vno simplici modo mouerent omnes humores ab omni parte circumferentiæ ad cor: & quæ in prosecutione, à corde ad omnes partes circumferentiæ; eadem symptomata ab omnibus producerentur: at non producantur eadem, sed diuersissima. Ergo.

Timorem sic mouere humores & spiritus, & calorem à supernis partibus ad infernas, clarè docent Aristoteles 17. sect. problem. 6. 7. 8. 10. & 11. Et D. Thomas 1. 2. quæst. 44. art. 1. respons. ad 1. & 3. & artic. 3. respons. ad tertium: ubi dicunt, rationem, cur in timore fiat pallor vultus, labrorum, vocis, manuum & cordis tremor, sitis, alui vrinaque deiectio, murmur ventris, &c. non esse aliam, quàm quòd in timore sanguis & calor ab externis partibus ad internas, & à supernis ad infernas moueantur: Quatenus enim ipsi caput, pectus, manus & cor deserunt, indeque illæ infrigidantur, fit pallor vultus, manuum cordis & vocis tremor: quatenus verò descendunt ad partes infernas, indeque illæ incalescunt, fit sitis, ventris murmur, alui vrinaque expulsioniones. Et hæc est etiam ratio, cur timor faciat abortum; ut Galenus 3. aphor. tom. 45. & 53. docet. Nec potest dici illa symptomata obueneritimentibus, per hoc, quòd humores & spiritus ac calor ab infernis partibus retrahantur sursùm, quibus retractis muscoli retentioni destinati debilitentur, & sic non valeant illa retinere, ut plerique dicunt: quia illa non exeunt propter læsam retentricem, sed potiùs propter stimulatam expultricem. Non enim timentibus

vltroneè exeunt excrementa, sed timentes irritantur & stimulantur ad expulsionem: excrementis illis humorum & caloris motum sequentibus, seu ab illis quodammodo protrusis. Sic; cùm abortus fit propter timorem, fœtus non exit per quandam excidentiam, defœtu retentricis, sed emittitur irritatione & conatu expultricis. Pari ratione ira, etsi humores & spiritus à corde moueat ad extrà, tamen peculiariter magis mouet ad caput: vt docet Hippocrates §. de motib. vulgar. c. 9. & manifestè indicant accidentia, magis circa caput, quàm circa alias partes euenientia: vt oculi torui, spuma oris, tremor maxillarum, faciei rubor, visus geminatus, epilepsia, apoplexia, &c. Sic multæ aliæ passionēs, etsi vniuersaliter quidem moueant humores & spiritus ad intrà & extrà; tamen peculiariter adhuc movent ab aliquibus partibus magis, & ad aliquas magis, quàm ad alias.

Ad rationem, cur terror magis signet alijs passionibus, etiam hoc accedit, quòd diuersæ passionēs cum diuersis partibus & diuersis facultatibus peculiarem habeant consensum vel antipathiam: quòd fit vt hæc has, illæ illas tum partes tum facultates magis moueant & afficiant. Sic ira maximè turbat mentem, timor potentiam motiuam & sensitiuam, tristitia vegetatiuas, verecundia, memoriam, &c. terror verò maximè afficit & destruit potentiam conformatricem.

Accedit tertio, quòd in animi passionibus humores & spiritus aliter atque aliter moueantur, pro diuersitate dispositionis corporum & membrorum. Iracundia in aliquibus facit pallorem, in alijs ruborem; & sic de alijs: in his hæc, in alijs alia symptomata ab iisdem passionibus excitantur. Vnde mirum non est timorem, etsi in alijs corporibus ab externis partibus ad internas tantum humores & spiritus moueret; in grauidis tamen peculiari ratione etiam ad vterum, seu magis ad vterum aut internas partes, quàm ad alias mouere. Etenim in timore & terrore ad eas partes videtur natura maximè mittere humores & spiritus, de quibus maximè est sollicita: in prægnantibus maximè est sollicita de fœtu. Itaque non ad cor tantum, sed etiam versùs vterum &

fœtum

fœtum mittit. Ad quod iuuat viarum laxitas, illarum partium maximus calor, consuetudo fluendi, &c.

Dico in conclusione terrorem & desiderium maximè signare. Per quod indico etiam alias complures animi passiones signare posse. Puto enim omnes passiones valdè intensas, & subitò obortas signare posse. Sic imprimis puto maximum Gaudium signare posse. Etenim si mulier aliquid magnopere desiderasset, quod obtinere non potuisset, vel nequidem sperasset; vt si desiderasset poma granata, quæ tota regione non potuissent inueniri, & subitò & inexpectatò ex Hispanijs delata sibi propinari videret: credo quòd illo maximo & subito gaudio posset signare & afficere fœtum aliqua similitudine illius granati. Pariter credo etiam intensissimum Amorem posse signare. Sic si mulier ex vno viro grauida, alterum intensissimè deperiret; videtur non impossibile eam continua de illo imaginatione posse fœtum signare similitudine eius. Scribit Plutarchus 5. de plac. Philos. c. 12. quasdam statuas adamasse, & eis similes proles produxisse. Verecundia etiam magna signare potest. Quædam mulier grauida in mensa acquirebat maximum desiderium comedendi de porcello assato propè se stante. Cum desiderium diutiùs ferre nequireret, rogauit quendam sibi assidentem, vt sibi de capite illius al. quid ministrare dignaretur. Ipse, vt satisfaceret eius appetitui, totum porcelli caput amputauit, & orbi eius imposuit. Cuius facti causa, cum omnes conuiuæ assidentes oculos in eam conijcerent, ipsa ita verecundata fuit, vt postea prolem ediderit habentem caput similitudine porcelli. Credo quòd etiam Ira posset signare. Sic si E. G. aliqua mulier haberet rem aliquam sibi summè charam, vt vitrum aut vascula porcellana à maioribus relictà; & domestica simia ea casu frangeret, & ipsa summè irata insequeretur eam, animo illam occidendi, & assequi non posset, credo quòd ex illa intensissima ira fieri posset, quod fœtum aliqua illius simiæ similitudine signaret. Sed dubium est

QVÆSTIO XIX.

*Quenam imaginatio signet, an tantum
Matris, an etiam Patris?*

CONCLUSIO LII. Non tantum signat imaginatio Matris, sed etiam Patris.

Hæc conclusio probatur Authoritate. Etenim Genes. 30. vbi est sermo de ouibus Iacob, habetur; quod virgæ decorticatæ ponebantur ante oculos ouium & arietum. Vbi, cum fiat mentio, tam benè arietum, quàm ouium; videtur indicari tam benè arietes signare, quàm oues.

Secundò probatur authoritate Aristotelis sect. 10. problematum 12. vbi quærens, cur proles reliquorum animalium sint magis similes parentibus, quàm hominum; dicit id esse, quia homines magis vario in conceptu sunt animo, quàm bruta. Prout autem, inquit, pater materque in conceptu affecti fuerint, ita partus variatur. Illis enim verbis indicat non tantum matris, sed & patris imaginationem signare.

Tertiò authoritate Plinii lib. 7. c. 12. vbi agens de vi imaginationis dicit: cogitationem vtriuslibet animi subito transuolantem effingere similitudinem aut miscere. Vbi cum ponat verbum (vtriuslibet) indicat tam benè imaginationem patris, quàm matris signare.

Accedit authoritas Auicennæ, qui 3. canon. fen. 22. tract. 1. c. 2. sic ait. (Et dixerunt, inquit, quidam sapientum & non sunt elongati à iudicio possibilitatis, quod de causis assimilationis est illud, quod exemplificatur, cum est dispositio in mente mulieris aut viri.) Vbi cum faciat etiam mentionem viri, indicat tam benè virum, quàm mulierem signare.

Probatur etiam Ratione. Mater potest signare in hora cōceptus; ergo potest etiā signare pater. Probatur sequela. Quia, quando mater signat per imaginationē in hora conceptus; tunc signat, quatenus species phantasticæ per nervos communicantur semini in testibus esistenti, & iam in costu in tumescenti & exiturienti, vt iam dictum est: non enim potest tum signare per hoc, quod species communicentur sanguini & spiritibus vitalibus, qui ad

vt. runa

utrum & embrionem vibrentur: quia tunc adhuc non est vlla continuitas feminis cum vtero, nec vllus sanguis aut spiritus adhuc semini à matre communicatur; quia necdum sunt vllę vię factę, & necdum est facta vlla colligantia inter eas. Si ergo à matre species phantasticę in hora coitus possunt imprimi semini eius; ergo & à patre poterunt. Ergo, sicut mater potest signare per species semini impressas in hora coitus: ita poterit & pater. Dico autem patrem rarissimè signare: & hoc est manifestum in exemplis. Nulla enim sunt inter suprà conclusionem 40. allata, quibus mas videatur signasse. Denique, etsi audiamus frequenter fœtus fuisse signatos propter imaginationem matris; nunquam tamen audimus aliquos esse signatos propter imaginationem patris.

Rationes sunt complures. Primò, quia credo rarissimè fieri signaturam in conceptu, sed semper ferè post conceptum, & in tempore grauidationis: Pater autem non potest signare, nisi in conceptu.

Secundò. Quia phantasia matrum est fortior, quàm patrum: eo quod in illis ipsa non sic coerceatur à ratione, sicut in viris: & quia illę multò faciliùs metuunt, & à minimis rebus grauiùs terrentur, quàm hi: qui ob maiorem rerum experientiam meliùs sciunt malum à bono, & arduum à facili distinguere. Sine autem fortibus passionibus non fit signatura.

Denique, quia imaginatio mulierum in coitu concepta; multo tempore post potest continuari: vnde fortificatur & magis imprimit: & si sit cum reflexione & co-
 imaginatione de fœtu, augetur: per hoc, quod species sic magis ad fœtum dirigantur. At imaginatio viri post coitum, qualiscunque fuerit, nihil ampliùs addit ad efficaciam signandi; quia est absens, & à fœtu separatus. Ergo. Sed videndum,

Q V Æ S T I O X X.

An etiam Brutorum imaginatio signet?

CONCLUSIO LIII. Non tantùm hominum, sed etiam Brutorum imaginatio signat.

Hęc conclusio probatur, Primùm authoritate. Etenim

nim Aristoteles sect. 10. problematum 12. & Plinius 7. histor. natur. c. 12. rationem reddentes, cur proles hominum magis sint, dissimiles parentibus, quàm brutorum; dicunt esse hanc; quod homines magis vagam & eelerem in coitu habeant imaginationem, quàm bruta. Ergo agnoscunt etiam brutorum imaginationem signare: etsi magis humanam. D. Augustinus lib. 18. de Ciuit. Dei; rationem reddens, cur apud Ægyptios nunquam deesset bos varijs maculis distinctus, quem Ægyptij Apim appellabant & pro Deo colebant; dicit id fuisse factum virtutē imaginationis vaccæ coeuntis; dæmone similes species obijciēte. Quibus declarat etiam vaccas & brutā per imaginationem signare.

Probatur etiam exemplis, & imprimis ouium Iacob, quæ imaginatione virgarum fœtus similes produxerunt. Nam, etsi illa signatura, vt dixi, fuerit supernaturalis; non tamen fuit supernaturalis simpliciter & absolutè, sed tantummodo quodam. Non enim fuit supernaturale oues per imaginationem fortem signare; sed fuit supernaturale signare propter conspectas virgas aliquas decorticatas: seu fuit supernaturale, propter tales virgulas, eas ita fortiter imaginari; quod per illam imaginationem possent fœtus suos simili colore signare. Et illa signatura fuit supernaturalis; non quod fuerit contrā naturam, sed quod fuerit suprā naturam. Deus enim, quando facit aliquem effectum supernaturalem, vtendo causis secundis ad eius productionem, nunquam vtitur eis sic, vt ipsæ operentur contrā naturam suam, sed benè vt operentur suprā naturam: potentiā suā diuinā ita eas eleuando, vt effectum edant longè maiorem, quàm sua virtute naturali edere possent. Sic ergo etiam in hoc casu fecit Deus. Non fecit, quod imaginatio ouium signaret, quæ alioqui per naturam suam signare nata non esset; sed fecit quod illa parua imaginatio aliquot virgularum, quæ alioqui sui paruitate signare non posset, ita attolleretur in virtute sua, quod signaret. Per hoc enim quod Iacob sic illas virgas obiecit ouibus, patet opinionem hominum tum fuisse, bruta per imaginationem signare posse. Sed, quia sciuit non semper omnem imaginationem signare; idè sperauit

speravit in Domino; quod ipse virtutem debilem causarum naturalium speciali suo concursu vigoraret.

Patet etiam in exemplo Alberti Magni, gallinam signasse pullum similitudine rostri accipitrini, perterritam tempore coitus ab accipitre superuolante.

Dico interim, imaginationem brutorum minus signare, quam hominum. Etenim quotidiana experientia docet, phantasiam humanam sæpè signare. De brutis raro vel nunquam id auditur. De gallina quæ produxit serpentem intuitu serpentis: de columbis producentibus pullos diuersicolores, cum oua colorantur, vel cum columbæ in columbario depinguntur: de pauone producente pullos albos, cum femella albo linteo obuelatur, & alia conclusione 40. commemorata, certum est nugatoria & falsa esse. Et hoc est, quod dicunt Aristoteles & Plinius locis supra citatis; propter varietatem & celeritatem phantasie humanæ tempore coitus contingentis, fœtus humanos magis dissimiles esse parentibus, quam belluinos: quia, scilicet, phantasia humana fœtus sæpissimè signet, & signando dissimiles faciat, belluina non item. Quod si magis signaret belluina, quam humana, falsum esset humanos fœtus parentibus magis dissimiles esse belluinis. Ex quo patet manifestè errasse Valesium lib. sac. Philos. cap. II. cum dicit, phantasiam brutorum magis signare: propterea quod sit magis corpori immersa & materialis.

Rationem, cur humana phantasia magis signet, quam brutorum, tradunt iidem Aristoteles & Plinius iisdem locis: nempe quod ipsa sit magis varia & velox: & Cicero 1. quæst. Tuscul. quod hominum anima sit particeps rationis, brutorum non item. Quia enim humana phantasia est coniuncta cum intellectu, idè est fortior nobilior & excellentior belluinâ: & idè potest vehementiores inducere animi passiones & efficacius conformatricem turbare & seducere. Saltem, quando libera est, nec per actum intellectus specialiter refrenatur. Nam quando coercetur, tantum abest, ut sit fortior aut signet, ut potius eius signatio impediatur. Verum

QVÆSTIO XXI.

*Quo tempore signat; an tantum Grauiditatis,
an etiam Conceptus?*

CONCLUSIO LIV. Signat & tempore Conceptus & tempore Grauiditatis.

Signare tempore Conceptus, probatur autoritate multorum. Aristoteles 10. probl. 12. & Plinius 7. hist. natur. cap. 12. dicentes phantasiam esse causam dissimilitudinis fœtus, loquuntur de ea, quæ fit tempore conceptus. Galenus lib. de Theriac. ad Pisonem cap. 14. Plutarch. 5. de plac. c. 11. Auicenna fen. 2. lib. 1. doctr. 2. cap. 14. D. Augustinus lib. 12. de Ciuit. Dei cap. 25. & lib. 18. agentes de vi imaginationis circa fœtus immutationem, omnes loquuntur de illa quæ est tempore conceptus.

Probatur etiam exemplis. Oves Iacob signauerunt fœtus suos imaginatione, quam habuerunt tempore conceptus. Mulier, quæ produxit pulchram prolem intuitu pulchræ picturæ in exemplo 1. Æthiopissa: quæ produxit fœtum album imaginatione picturæ albam faciem habentis, in exemplo 3. quæ fœtum villosum intuitu imaginis, in qua S. Iohannes erat depictus, in exemplo 6. quæ diabolica forma præditum, metu à marito diaboli forma vestito in exemplis 8. 9. 14. quæ fœtum ranalem timore ranæ in exemplo 19: gallina, quæ pullum cū rostro accipitrino, metu ab accipitre superuolante in exemplo 27. omnes produxerunt virtute illius imaginationis, quam habuerunt tempore conceptus. Ergo.

Quod verò etiam tempore Grauiditatis signet, primum patet autoritate Hippocratis lib. de superfoet. qui dicit, quòd si mulier prægnans carbones, aut quid simile comedere desiderauerit, in capite pueri eius notæ à similibus apparebunt.

Patet secundò exemplis plurimis vt 9. 11. 12. 13. 14. 15. 16. 17. 21. 22. 24. & tandem quotidianâ experientiâ: quæ docet plerumque signare mulieres cum iam grauidæ sunt, si aliquid vel valdè desiderauerint, vel ab aliquo

quo valde territa fuerint.

Porro imaginatio patris non signat, nisi tempore conceptus: quia extra illud tempus à fœtu abest; matris verò signat utroque, quia semper est fœtui præsens. Dico autem imaginationem tempore graviditatis frequentius signare, quàm tempore conceptus. Sæpè enim ipsi audiimus mulieres tempore graviditatis à re aliqua grauitèr deterritas, aut aliquam intensè desiderantes produxisse fœtus signatos: at tales produxisse propter imaginationem habitam tempore conceptus, rarissimè aut nunquam audiimus. Rationem credo esse duplicem. Primum, quòd parentes rei veneræ operam dantes, ita ei toti sint intenti, vt nihil aliud cogitent: & vel sit nox, vel sint seiuncti à rebus externis; & ita non habeant occasionem quid externum imaginandi, vel tale aliquid imaginandi, ex quo magnum aliquod desiderium aut terror sequi possint. At matres iam grauidæ, huc illucque euntes & varias res externas videntes, sæpius habent occasionem eius. Eò magis, quòd sæpius tempore gestationis vteri Pica laborèt, propter quam & ad animi passiones magis inclinantur, & variarum rerum desiderio & appetitu ducuntur. Secundò, quòd tempore conceptus à speciebus phantasiæ impressis, non statim facultas formatrix afficiatur & dirigatur: eo quod tunc adhuc non sit in actu aut exercitio suæ operationis, sed inter tempus, quo species semini sunt impressæ, & illud quo formatrix incipit formare membra, aut saltem perfectius formare membra externa; mediat satis magnum interuallum: quo scilicet semen fermentatur, membranæ & vasa vmbilicalia efformantur, & viscerum rudimenta sternuntur. Quo interuallo durante, species semini impressæ interim euanescent & obliterantur: sic vt formatrix nihil ab eis moueatur, vel etiam si moueatur, & iam de facto incipiat aliquam conformationem secundum directionem earum, postea tamen ad naturam rediens, quia embryo adhuc totus lacteus est, tener & flexibilis, inceptam conformationem adhuc corrigit aut delet. At verò tempore graviditatis, est in actuali exercitio suæ conformationis, & ideo tum per subortam vehementem imaginatio-

nem mox in momento permutatur, & statim disponitur ad variandum eam: & de facto variat, secundum exemplar speciei phantasticæ sibi recenter & viuè oblata: & quam semel variauit, non ampliùs, facilè corrigit aut mutat. Etsi autem sæpiùs & frequentius signet tempore prægnationis, quàm tempore conceptus; tamen, quando tempore conceptus signat, videtur posse causare signaturas longè euidentiores & notabiliores, & magis à naturali statu organizationis recedentes, quàm tempore prægnationis.

Pro quo est notandum. Non quouis tempore posse quasuis signaturas induci, sed quasdam omni tempore, quasdam non nisi in principio. In fine prægnationis possunt induci notæ in colore, in pilis: vt maculæ rubræ, aut liuidæ, aut pilis confusæ. Possunt etiam produci carnes aliquæ adnascentiæ & tubercula, fragri, vugæ aut cerasi similitudinem habentia: potest etiam magnitudo aut paruitas alicuius membri adhuc mutari: natus rã hanc vel illam partem magis minùsue nutriente, & magis minùsue sanguinem alimentarium ad eam trahente. Et sic mulier quinto aut sexto mense deterrita à pictura vel homine enorme caput, vel pedem habente, posset adhuc producere fœtum, similem earundem partium magnitudinem habentem. Posset etiam adhuc non nihil partium figura mutari. Vt, si q̃sdem mensibus mater terreretur à porco, simia, cane, posset adhuc producere fœtum aliqualem cum illis animalibus secundum faciem similitudinem habentem: saltem quoad partes carnosas, quæ necdum sunt indurata: sic quod labra adhuc possent prominere per modum porcelli aut canis, &c. Verùm totalis mala capitis conformatio, quæ caput fieret notabiliter simile porco, vel simiæ; etiam quoad ossium figurationem; sic quod notabiliter fieret oblongum, &c. non posset sub postremos menses fieri, sed solummodò primis. Nam postremis mensibus ossa iam sunt conformata & indurata: quæ autem natura semel conformauit & iam sunt indurata, ea non potest ampliùs mollescere, extendere, vel incuruare: sed sicut in principio facta fuerunt, ita necessum est vt permancant deinceps. At in primis mensibus adhuc sunt

scneca

tenera & flexibilia; itaque possunt adhuc mutari, & aliter atque aliter conformari. Sic postremis mensibus nulla etiam potest fieri circa numerum, vel ipsius fœtus, vel membrorum eius variatio: sed si quæ per vim imaginationis fieri potest, ea tantum fieri potest in principio conformationis: nempe vel in conceptu, vel primis mensibus; vel fortè tantum etiam primo mense aut primis diebus. Nam, quando conformatrix delineavit semel fœtum, non potest amplius illum diuidere, sic ut ex eo fiant binis: nec potest decursu temporis ex residuo seminis facere alterum. Quia, quando iam primis diebus ex meliore seminis parte semel fœtus vnus est circumscriptus, residuum eius quod in principio non fuit viuificatum; aquetcit & manet deinceps in idoneum ad alterius secundi fœtus constitutionem. Et eodem modo, quando conformatrix semel delineavit fœtum cum duobus cruribus, duobus brachijs, vno capite; & præcipuè iam produxit ad aliquam perfectionem: non videtur posse illam delineationem permutare, & facere ut alterum caput, aut noua brachia, aut crura per modum cuiusdam noui furculi enascentis erumpant & pronascentur. Maximè, cum consistit, in generatione hominis non vnâ partem nasci ex alia; nec brachia aut crura nasci ex trunco corporis; nec nervos, arterias, venas, & cerebro, corde, aut hepate, aut digitos ex trunco manus, sicut nascuntur ramuli ex trunco arboris; sed omnes æquè simul & æquè primò delineari: & tam citò delineari & nasci brachia, quàm corpus; digitos, quàm manum; venas capillares, quàm ipsum magnum caudicem earum; extremum nerui, quàm illius principium, &c. & omnia simul perfici & adolescere. Omnium maximè: quando natura iam conformasset fœtum cum numero plurali partium, non videtur, quòd posset postea eum producere cum numero minore: & sic quando fœtus iam esset conformatus cum duobus cruribus, etiam si postea mater videret hominem cum vno crure, & ab eo summo perè deterreretur; non videtur, quòd posset sic signare fœtum suum, quòd prodiret cum vno. Nam vbi remaneret alterum? Facultas nutritrix non posset illud amputare: non posset etiam corrumpere; cum

eius non sit partes corrumpere, sed facere, itaque vt remaneat necessum est. Quamuis fieri posset, quod minus alterò nutriretur, & sic minus illo relinqueretur. Sic quoque, quando partes iam essent situ & ordine suo rectè conformatæ, phantasia non posset facere, quod illæ transpenderentur: & ided, si mater postremis vterit mensibus casu videret picturam aliquam deformem aut monstrum, in quo crura prodirent à scapulis, & brachia ex natibus; nunquam posset sua imaginatione efficere, quod fœtus eius cum eiusmodi deformitate nasceretur. Ex quo patet falsum esse; quod refert Gemma exemplo 13. mulierem quandam grauidam imaginatione triū regum tres proles produxisse: & quod refert Langius in exemplo 16. aliam propter desiderium triū morsuum in humero pistoris & vnum denegatum; tres peperisse proles, quarum vna mortua erat: vel saltem fuisse casuale, & non imaginationi ascribendum. Signaturæ euenientes post conceptum, tempore nimirum graviditatis, maxime contingunt circa tertium mensem. Ratio est, quia tum mulieres propter menses retentos & putridos vapores in stomachum & cerebrum ascendentes solent laborare pica, & varijs & inordinatis desiderijs & appetitibus moueri: & tum phantasia magis deprauatur, & conformatrix debilitatur, & fœtus quoad externas & carnosas partes, circa quas signaturæ eueniunt, magis perficitur & elaboratur.

Circa signaturam Brutorum, dico, post oui productionem pullum nulla matris imaginatione amplius posse signari; & ided falsum esse, quod dicunt nonnulli secretorum & agriculturæ scriptores, pullos produci varij coloris, si oua inter excubandum varijs coloribus depingantur: aut matris excubantis oculis panni variorum colorum obijciantur: & pariter quod scribit Bartholomæus Medina supra in exemplo 30. gallinam producturam serpentem loco pulli, si excubantis oculis serpens cancellis inclusus perpetud obijciatur. Postquam enim ouum iam in lucem æditum est, gallina excubans nullam amplius vim ei impertit præter calorem; quo solo formatrix intus sopita excitatur. Quod ex eo patet; quod, teste Arist. 6. hist. animal. cap. 1. in

Ægypto non sub gallinis, sed sub terra & in fimo, & in aquis calidis: & teste Scaligero exercitatione 23. super furno oua soleant excubari: tum etiam ex eo, quod oua sæpè excubentur ab aue alterius speciei, & propterea tamen pulli exinde prodeunt, in natura sua, aut effigie in nullo mutantur. Quod si gallina incubans virtutem aliquam ouis impertiret, necessariò illi aliquam similitudinis aut proprietatis illius umbram referrent. Queritur

QVÆSTIO XXII.

Quantam permutationem possit in fœtum inducere, & quas signaturas possit causare?

Videtur enim quod possit quâlibet. Nam cum phantasia signet per hoc, quod species eius dirigant conformatricem, & conformatrix per modum exemplaris sequatur eas: species autem rerum sint infinitæ, & sic infinitis modis possint conformatricem dirigere, & conformatrix videatur ei se esse indifferens ad omnem directionem, & tam benè dirigibilis ab hac specie ad conformandum hoc, quàm ab illa, ad cõformandum illud: videtur, quod nullam non signaturam possit producere & ad nullam non similitudinem fœtum permutare.

Confirmatur. Conclusionem 40. exemplis 3. 6. 13. 18. 20. 24. 26. 29. 32. ostensum est, phantasiam posse mutare Colorem. Qua autem ratione potest mutare colorem ad vnâ differentiam, eadem ratione videtur & posse mutare ad aliam: & sicut in illis exemplis patet, quòd produxerit colorem album, nigrum, rubrum, purpureum, ita videtur etiam, quod possit producere flauum, viridem, &c. Tamen est formatrix dirigibilis à specie vnus coloris ad producendum illum colorem, quàm à specie alterius, ad producendum illum. Ergo potest in fœtu causare omnem colorem.

Denique patet in exemplis, quòd possit producere varias Excrescentias & adnascentias externas, & substantias diuersæ speciei. Nam in exemplo 5. & 7. & 24. produxit pilos in varijs partibus & toto corpore: in

exemplo 7. ungulas instar vrſi, in exemplo 9. & 11. cornua: in exemplo 9. 18. 20. 22. excreſcentias carneas: in exemplo 10. teſtas concharum, &c. Ergo videtur, quòd poſſet quaſuis alias excreſcentias & ſubſtantias producere: & quod eadem ratione poſſet producere fœtum cum alis & plumis inſtar auis, cum ſquammis, inſtar piſcis; cum ungulis, inſtar equi; cum cauda, inſtar brutorum, &c. Tamen enim videtur ſpecies auium & plumarum efficax eſſe ad dirigendum conformatricem, vt producat plumas, quàm ſpecies vrſi ad dirigendum, vt producat pilos; & ſpecies diaboli, vt producat cornua, & ſpecies caudæ, vt producat caudam, & ſpecies laceratæ, vt producat lacertam, & ſic de cæteris.

Denique poteſt phantasia in fœtu facere mutationem circa Numerum. Nam in exemplo 11. producebantur gemini imaginatione duarum mulierum capitibus colliſarum: in exemplo 13. tergemini, imaginatione trium regum: in exemplo 16. iterum totidem, deſiderio trium morſuum in humero piſtoris: in 21. vnum labrum. Ergo videtur poſſe cauſare omnem numeri mutationem; & ad exceſſum, & ad defectum; tam in partibus, quàm in toto fœtu: & per conſequens poſſe eſſe cauſa ſeptem, octo, decem prolium; imò trecentorum ſexaginta quatuor, vt accidit in comitiſſa Hollâdiæ de qua Ludouicus Viues, Eraſmus Roterodamus, & Abrahamus Ortelius in topographia Flandriæ meminerunt: & etiam poſſe eſſe cauſa quatuor crurum, quatuor brachiorum, duorum capitum, vnius cruris, &c. Nam qua ratione poteſt mutare numerum ad tria, eâdem poteſt & ad ſex, & ad decem: & qua ratione poteſt mutare numerum in toto fœtu, eâdem & in ſingulis membris: & qua ratione poteſt cauſare defectum labri, vt in exemplo 21. eâdem poſſet & cauſare defectum brachij vel alterius alicuius partis.

Poteſt etiam facere mutationem in Figura. Sic in exemplo 1. & 2. mutauit ad ſimilitudinem piſturæ & ſtatue: in 4. ad ſimilitudinem anchoræ: in 7. ad ſimilitudinem vrſi: in 8. 9. 10. 11. ad ſimilitudinem diaboli, mytuli, cinguli, ocrearum, maſupij, campanulæ, &c. in 19. ad ſimilitudinem ranæ: in 20. ad ſimilitudinem
fragor-

fragrorum & ceraforum: in 22. ad similitudinem laceratæ: in 23. ad similitudinem simiæ: 27. ad similitudinem accipitris: 30. ad similitudinem serpentis. Ergo consequenter posset permutare ad cuiusvis alterius figuræ similitudinem. Et sic videtur, quod mulier per suam imaginationem posset producere fœtum instar leonis, tigridis, piscis, & elephantis: ut fertur de Alcippe, quæ dicitur peperisse elephantum.

Potest etiam facere mutationem in Quantitate. Sic in exemplo 15. mulier produxit fœtum cum prægrandi capite, territa ab imagine, in qua figura cum magno capite erat depicta.

Potest etiam facere mutationem in Situ. Nam in quo situ signa aliqua apparuerunt in reimaginata, in eodem eadem sæpè in fœtu exprimuntur: uti euidenter patet in exemplo 3. 14. 22. &c. Sic in exemplo 14. mulier produxit fœtum realiter vulneratum; aspectu & terrore hominis vulnerati: in exemplo 11. produxit duos fœtus capitibus connexos, terrore concepto ex sui capitis contrà alterius mulieris caput collisione, &c. Quapropter, cum phantasia possit causare quemvis colorem, producere quamvis substantiam, mutare fœtum secundum omnem munerum, figuram, quantitatem, situm partium; sequitur etiam posse quamvis in fœtu facere permutationem, & nullam esse signaturam imaginabilem, quæ non possit eius virtute produci. Sit

CONCLUSIO LV. Phantasia non potest facere aliam mutationem in fœtu, neque alias causare Signaturas, quàm ad quas materia corporis est apta duci, & ad quas facultas formatrix habet ordinem naturalem.

Quapropter etsi species phantasticæ omnes sint quidem ex se æquè natæ dirigere conformatricem, tamen ipsa conformatrix non est propterea nata omnium directionem & repræsentationem sequi. Etenim formatrix non potest formare quicquam, nisi ad quod formandum habet materiam idoneam. Ex quouis enim non potest fieri quoduis, sed tantùm ex materia apta & disposita. Denique, etsi esset materia disposita, tamen adhuc etiam ipsa non potest quicquam conformare, nisi

ad quod conformandum habet ordinem & inclinationem, ac instinctum naturalem: ad quod autem non habet ordinem, illud non potest conformare. Et sic formatrix humana non potest generare leonem, aut piscem, aut plumas, aut squammas, aut vera cornua, &c. quia nullum habet ordinem ad illa, nec habet vllum instinctum aut scientiam naturalem faciendi ea. Denique, quis etiamsi formatrix aliquando secundum aliquid & ruditer possit imitari id, quod species phantasticæ ei representant, tamen nunquam potest imitari perfectè. Nam etsi ab ijs aliquando parum turbetur in suo opere ordinario & naturali, & leuiter aberrat, sequendo exemplar phantasie, tamen nunquam in totum superatur aut remouetur ab eo, sed semper ille instinctus naturalis præualet directioni specierum, & semper redit ad naturam suam: & ita etsi in minutis aliquo modo aberrat, tamen secundum totalem conformationem semper sequitur suum instinctum.

Dico itaque imprimis, phantasiam non posse mutare Speciem aut Genus fœtus. Sic desiderio cerarum aut fragrorum non possunt in fœtu produci vera cerasa aut fragra, quia in corpore non est materia apta, vt fiant cerasa aut fragra. Desiderio, terrore aut imaginatione casei, lapidis, ligni, auri, non potest generari fœtus caseaceus, lapideus, aureus: quia non est materia apta productioni eorum. Non potest etiam produci verus piscis, serpens, avis, simia, canis, leo: primò, quia materia feminis non est apta ad talem organizationem, aut talis formæ susceptionem: secundò, quia formatrix seminis humani non habet instinctum aut naturalem scientiam organizandi, sicut debent organizari illa animalia; neque producendi formam essentialem illorum, sed tantum humanam, à qua est decisa, & cum qua habet similitudinem. Et ita falsum est, quod suprà dixit Medina, gallinam serpentem producturam, si ouis incubans serpentem ante se positum continuò inspexerit.

Dico secundò. Per imaginationem non posse etiam produci fœtū illis animalibus perfectè aut ferè perfectè similem. Imò dico non posse produci fœtum, cuius vel solum caput, vel soli pedes, vel brachia, aut aliæ partes habeant

habeant perfectam similitudinem cum illis. Nam sicut formatrix nō habet ex se scientiam, aut instinctum formandi perfectè totum animal specie distinctum, ita nō habet etiam scientiam formandi aliquam partem solam. Quā enim ratione posset effingere, modò vnam partem illius animalis in vno homine, modò aliam in alio; eādem posset & in tertio homine effingere omnes & totum animal: at non potest totum, vt dictum est, ergo nec partem eius. Neque sufficit directio phantasiae: quia, etsi phantasia possit eius actionem naturalem parū immutare, & paululum seducere à perfecta hominis similitudine ad aliqualem similitudinem rei imaginatae, tamen non potest immutare & seducere in totum: nec potest superare instinctum naturalem eius; sed ipsa semper reuertitur ad illum, & secundum illum semper maximè, & magis principaliter operatur, & totum efformat. Phantasia enim est solum dirigens: quod autem dirigit, tantū modum addit actioni, non autem totam essentiam eius potest permutare. Vnde quomodocumque conformatrix dirigatur, non potest sed dirigi, vt dirigatur extrā semitam totalem suae aptitudinis & inclinationis naturalis.

Dico tertio. Phantasia posse mutare secundū quid Figuram fœtus seu aliquarum partium eius: & dico phantasia facere posse, vt fœtus aliquo modo, & ruditer ad figuram alicuius animalis permutetur: puta simiae, porcelli, canis, &c. Id est; potest facere, vt mulier deterrita à cane vel simia producat fœtum habentem caput, quod quidem principaliter sit simile capiti humano, sed tamen aliquo modo referat caput canis aut simiae: vt quod sit prominens aut oblongum, aut alicubi pilis confusum, sicut caput canis: vel planum, certis quibusdam lineamentis, prominentijs aut cavitatibus simiae effigiem referens. Hoc enim non est contra naturam conformatricis humanae. Quia etsi tale caput habeat aliquam similitudinem cum capitibus illorum animalium, principaliter tamen est caput humanum. Formatrix enim humana non est præcisè determinata, aut alligata ad aliquam certam figuram, sed habet suam latitudinem, sub qua potest

formare capita cum varijs figuris: alia sic, alia aliter: & faciem vnius hominis sic, alterius aliter. Et ita sæpè etiam citrà concursum phantasie facit in vno homine aliquando faciem habentem similitudinem aliquam cum simia, in alio cum cane; in alio cum rostro accipitrino, &c. Et idèd, quando à phantasiâ seducta aliquando efformat ad similitudinem illorum animalium, nihil facit contra naturam, inclinationem aut potentiam suam: & idèd potest tales figuras aliquando ruditer imitari. Et hoc est potentie seductæ & errantis. At eas perfectè & quoad omnia assimilare: sic, vt videantur esse vera capita illorum animalium, est impossibile. Quia hoc non fieret à formatrice, vt errante: sed deberet fieri ab ea, vt operante ex arte & industria naturali, & tanquàm habente peculiarem potentiam & scientiam naturalem ad ea conformandum: quem instinctū non habet formatrix generis humani, sed solummodò brutorum. Porro phantasiā adhuc quoad multa alia figuram fœtus posse permutare exemplis conclusionis 40. est manifestum, etsi D. Thomas part. 3. quæst. 13. art. 3. ad tertium, negauerit. Sed puto ibi D. Thomam non tam loqui de vi, quàm imaginatio habet in fœtum, quàm potiùs de ea, quàm habet in corpus proprium. In proprio enim corpore non potest figuram permutare, quia in eo iam figura facta est, & destrui non potest; in corpore verò fœtus potest, quia in eo iam tantum adhuc est in fieri, & idèd à phantasia conformatricem dirigente adhuc potest variari.

Dico quartò. Posse mutare Colorem & producere varias maculas: tamen non posse producere maculas omnis generis, sed tantum tales, quales humores corporis sunt apti inducere: præcipuè autem rubras, purpureas, quæ à sanguine fiunt; cum is vbique & maximè abundet: interdum etiam liuidas & flauescentes. At perfectè virides, ceruleas, flauas non potest: quia nulli sunt in corpore humores, qui eas causare possunt. An autem tales maculæ possint produci toto corpore; & an Æthiops virtute imaginationis possit producere fœtum perfectè album: aut alba perfectum Æthiopem, ambigo. Ego credo quod non. De exemplis postea dicemus.

Sic

Sic ergo desiderio vini, cerasi, mori: terrore vulneris, &c. posse maculas similis coloris fœtui imprimi non est ambigendum.

Dico quintò. Posse causare Pilos & Excreſcentias in varijs partibus. Et hoc est experientia manifestum, & nihil est miri: facit enim etiam sæpè citra concursum imaginationis. Ergo. An autem possit facere toto corpore hirsutos, posset dubitari: quia non videtur, quòd in corpore humidi fœtus possint esse tot fuliginosi humores, qui possint esse materia tot pilorum. Mihi verò nihil impossibile videtur: quandoquidem fœtus, necessarios & conuenientes partibus generandis humores trahit à corpore matris, etiamsi in se non habeat. An Cornua & Vngulæ possint produci, magis dubium est. Perfecta cornua & vngulas producere est impossibile: ossæ autem aliquas eminentias in capite extantes, quales in monstro illo Indico protuberasse commemorauimus, vel vngues crassos, densos, oblongos non videtur impossibile. Vidi enim aliàs, quibus vngues in pedibus tanta longitudine & crassitie excreſcerent, vt cornibus caprarum similes fierent, & ferris per interualla amputari deberent. Multò minùs possibile videtur concham testaceam loco capitis in exemplo 10. productam fuisse, de quo infra statim dicemus.

Dico sextò. Propter phantasiam posse mutari membrorum aliquorum Quantitatem. Et sic credo verum esse potuisse, quod habetur in exemplo 15. mulierem intuitu picturæ magnum caput habentis potuisse fœtum cum magno capite producere. Et eadem ratione puto, quòd quæ videret hominem habentem magnum crus, magnum brachium, enormem nasum, posset simili vitio affectum fœtum procreare. Archangelus Picolomineus in prælectionibus Anatomicis lect. 1. dicit phantasiam posse fœtum immutare quoad colorem & figuram partium, sed non quoad situm aut quantitatem earum; sed non video rationem diuersitatis; cum vnum sit æquè difficile ac alterum. Quidquid enim phantasia facit, facit immutando & dirigendo conformatricem: tam benè autem potest eam dirigere & seducere ad malè conformandum partes secundum quantitatem, quàm

secun-

secundum figuram, & conformatrici perturbatae & seductae æque facile est errare circa quantitatem, vel variare quantitatem, quam variare figuram.

Dico septimò. Videri Numerum posse mutari. Sic si mulier perterrita fuisset à mēstro habente quatuor brachia, aut quatuor pedes, aut vnum tantum, non videtur esse impossibile, quòd prolem aliquo etiam numeri vitio laborantem producere posset. Non credo tamen quòd posset producere cum quatuor cruribus, aut quatuor brachijs, aut duobus capitibus perfectis, &c. quia non credo, quòd in tantum conformatrix à phantasia abduci posset, sed solummodò cum leui aliqua excessus vel defectus adumbratione. Dato tamen, quòd ita fieri posset, certum est, quòd non posset fieri, nisi in primo principio procreationis, antequàm iam illa membra suo numero naturali essent constituta, & aliquotusque perfecta. Nam quando iam perfecta essent, alia noua enasci, vel iam facta deleri aut amputari non possent: sicut conuisione 54. est ostensum. Sed an propter phantasiam gemini aut tergemini fœtus fieri possent? Ego non credo tantam vim imaginationi esse ascribendam.

Meritò quæri posset, an posset etiam mutare Sexum, Credo autem quòd non: tum, quia non est tanta phantasia virtus in conformatricem: tum etiam, quia vt bene quoque dixit Syluaticus in historijs Medicinalibus historia 6. sexus plurimùm pendet à temperamento seminis: quòd species phantasticæ sua virtute exemplificandi non possunt mutare.

His præsuppositis, facile est iudicare quid de exemplis conuisione 40. allatis sit sentiendum.

Dico autem non esse exemplis magnam fidem adhibendam: quia aliquando sunt simpliciter falsa, ab authoribus memoriæ tradita ex relatu & rumore hominum, qui sæpè est falsus.

Secundò: quia multa sunt nullius momenti, sed sæpè ab hominibus & authoribus ita colorantur & exaggerantur verbis, vt videantur multum esse, quæ in rei veritate nihil sunt. Si aliqua fuit territa ab imagine diabolici, & peperit prolem parùm deformem, aut fœdissimi coloris,

coloris, statim dicitur peperisse prolem forma diabolis: alij adijciunt habuisse cornua: alij caudam. Et sic quæ in re non fuit, nisi parum turpis, clamoribus hominum fit tora diabolica. Sic de multis alijs est censendum.

Tertio multæ sunt deformitates monstrosæ fortuitæ & casuales, non profectæ ab imaginatione: quæ tamen à mulierculis ascribuntur imaginationi. Sic contingit sæpissimè mulieres nullius terroris, desiderij aut fortis imaginationis conscias parere proles aliquas notis, aut maculis, aut deformitatibus affectas; quas quando vident, admirantes & nescientes causam earum, tum demum incipiunt cogitare, an nihil fortè fuerint tempore suæ graviditatis imagnate: & tamdiu reuoluendo querunt, donec aliquam sibi persuadeant aut effingant imaginationem, cui eas ascribant: etsi reuera illa non fuerit earum causa. Et sic imaginationi non adueniunt notæ, sed notis ipsis affingitur imaginatio.

Quarto: Suspiciandum est eiusmodi signaturas sæpè esse supernaturales & miraculosas, vel diabolo eas inducente, vel Deo propter hominum castigationem immitteute. Et sic fortè signaturæ prolium in exemplis 8. 9. & 12. in quibus matres produxerunt proles diabolo similes, fuerunt ultiones & castigationes diuinæ, petulantiam & impietatem parentum in filijs castigantes.

Quinto. Quia sæpè subest alia causa: & sæpè similitudo est naturalis profecta ab ipso genitore: sed quia genitor est illegitimus, ab ipsis matribus, & sæpè etiam medicis earum honori studentibus imaginationi ascribitur: ut earum improbitas & adulterium occultentur. Et ita potuit fortè in exemplo tertio Æthiopissæ, quæ albam prolem peperit, & in sexto, in quo alba genuit æthiopem, accidisse.

Porro de singulis in particulari ita iudico. De primo & secundo, iudico non esse verum: mulierem intuitu alicuius pulchræ picturæ posse producere prolem similem ei. Si hoc esset verum, picturæ essent caræ, & in magno pretio, & nulla iam mulier haberet deformes proles. illum enim aspectum deliberatum picturæ non sequitur subita, & vehemens animi passio, & ideo non potest signare.

De se.

De secundo. Dico Heliodori historiam esse fictam, & idè illius exempli nullam vim esse: vel, vt dixi, prolem fortè fuisse ex adulterio, ex patre albo.

De quarto. Dico videri fabulosum.

De quinto. Possibile esse & ostendere vim imaginationis.

De sexto. Iudico esse supra vim & potentiam phantasie, & credo non esse verum: nec D. Hieronymum mendacij arguo, quia ipse hoc tantum ex alijs, & non seipso refert. Fortè tamen accidit per adulterium cum seruo aliquo æthiope, cuius amore fortè mater fuerit detenta. Alij dicunt fortè ex humoribus corruptis in corpore fœtus accidisse: sed sunt nugæ, nec ita possunt corrumpi in corpore humores, vt ex ijs fœtus niger fieri posset. Priùs enim fœtus extingueretur, quàm talis euadere posset. Alij putant fortè accidisse; quòd aliquis in familia fuerit æthiops, auus proauisue: cuius similitudo in nepote reuixerit: vt in alijs factum aliquandò fuisse Aristot. 7. histor. animal. 6. & Solinus Polyhist. cap. 4. referunt. Sed non credo sic oblitteratam in filio similitudinem, in nepote reuiuiscere posse. Quidquid sit; vix credo vt imaginationis fieri potuisse.

Ad septimum dico, possibile esse, quòd quoad pilos & deformitatem coloris & vngues magnos, & etiam figuram faciei, aliqualem cum vrsò similitudinem habuerit: non est tamen credendum, quòd habuerit veram & perfectam. Quod si habuisset, quis scit an sicut in palatio Vrsinorum erant picturæ vrsorum, non fuerit etiam ipsum animal verum, cum eoq; mulier ipsa rem habuerit.

Ad octauum & nonum, & duodecimum. Dico, fortè deformitatem fuisse leuem secundum colorem, aut aliquos pilos, vngues maiusculos, & fortè aliqualem etiam carneam aut osseam in capite, & alijs partibus excrecentiam speciem cornuum, peræ, cinguli, nolæ referentem & exaggeratam rumore vulgi, & verbis authorum, & sic fuisse possibilem. Sed si fuerit terribilis, & cum maximo recessu à forma humana, cum veris cornibus, vera cauda, virgulis, perfecta nigredine, &c. dico non fuisse naturalem, sed miraculosam, & à Dei iussu

frusta castigatione profectam. Nam formatrix non habet potestatem cornua, caudam & ungulas producendi, nec ordinem vllum ad figuram diabolicam.

Ad decimum dico me non credere. Quia enim ipse erat senex, & historia erat vetusta, ob cuius vetustatem non poterat facile ab aliquo redargui, ideò tum in illa, tum in alijs, quas aliquando commemorabat, sæpè erat valdè infelix coniiciendi veritatem. Deus sit animæ eius propitius.

Ad vndecimum. Videri casu & non virtute imaginationis factum fuisse. Saltem virtute imaginationis nō accidit, quòd bini producerentur; sed tantum, quòd capitibus connati. Nam, vt conclusione 54. est ostensum, tempore prægnationis, id est, quando iam vnus fœtus est descriptus, & aliquousque eius conformatio est progressa, non potest ampliùs numerus mutari.

Ad decimumtertium. Videri non esse verum, vel fuisse casuale & malè virtuti imaginationis ascriptum.

Ad decimumquartum. Difficile esse creditu, partes quæ antea erant conformatæ integrè, superueniente postea imaginatione potuisse à natura sciungi & diuidi verò vulnere. Quo enim cultro natura diuitit eas: si in hora conceptus, aut paulò post, antequàm fœtus fuisset conformatus, id contigisset; fieri equidem potuisset: at quia post contigit prægnanti, videtur impossibile fuisse.

Ad decimumquintum. Dico esse possibile.

Ad decimumsextum. Vel fuisse falsum, vel fuisse casuale: nulla autem ratione virtute imaginationis contingere potuisse. Numerus enim fœtuum, vel non potest à phantasia mutari, vel saltem non potest mutari tempore prægnationis, vt conclusione 54. est ostensum. Et quomodo desiderium trium morsuum in humero pistoris potuisset causare tres fœtus? potuisset quidem in fœtu vno causasse tres cicatrices in humero aut tria frusta carnea: at quomodo tres proles? Desiderium trium cerasorum non producit tres fœtus, sed vnā aut alteram maculam in fœtu vno, cerasi similitudinem habentem. Denique quomodo morsus tertius potuit occidisse tertium fœtum? Desiderium cerasorum negatorum nō extinguit fœtum, sed maculat. Et, si tres morsus causa-

uerunt

uerunt tres fœtus, ergo tertius morsus causauit tertium fœtum, seu productionem & vitam illius; at quomodo tertius morsus potuit causasse productionem seu viuificationem, & incrementum tertij fœtus, & extinctionionem eiusdem? Extinctionionem non potuit causasse, nisi multis mensibus post: quia iam erat adultus, cum nasceretur; & sic multis antea mensibus creuerat: at quomodo imaginatio & mœstitia ex morsu tertio denegato potuit multis mensibus post fœtum extinguere? Radicula ista sunt & indigna fide rectè philosophantis.

Ad decimum septimum, admirandum magis esse, quàm inquirendum, quomodo imaginatio & timor matris causet eundem timorem in anima fœtus.

Ad decimum octauum. Possibile esse, eoque vim imaginationis comprobari.

Ad decimum nonum. Etsi parum ridiculum videatur, tamen non esse impossibile.

Ad vigesimum. Fateor talia sepius euenire, & exinde maximè phantasie vim elucere.

Ad vigesimum primum. Casu labrum fœtui illi defuisse, non vi imaginationis. Quomodo enim absterisio sanguinis à labro causasset defectum labij? causare potuisset labium sanguinolentum, sed non nullum.

Ad vigesimum secundum. Respondeo fieri potuisse, quod illius mulieris pectori adnata fuerit aliqua informis particula carnis, ruditer aliquam lacertam aut animalculum adumbrans; sed imprimis non potuit fuisse lacerta cum perspecta configuratione: quia formatrix hominis non habet scientiam conformandi lacertas. Secundò, non potuit fuisse nata, nec postremis mensibus, nec immediatè ante partum: nam postremis mensibus, cum iam corpus sua cute firmiter est circumscriptum, nihil potest amplius tale enasci ex ea, & quando enasci posset, non ita breui tempore nasci posset.

Ad vigesimum tertium, vigesimum quartum, vigesimum quintum. Dico esse possibilis & notoria, & ex eis phantasie vires maximè elucescere.

Ad vigesimum sextum. Fuisse supernaturale, ut supra dictum est, tamen ex eo satis probari animalia per imaginationem naturaliter posse signare, & hoc credidisse

disse & sciuisse sanctum illum virum, & ex illa scientia cum id experiri voluisset: quanquam sic signasse solo intuitu virgarum decorticatarum, fuerit supernaturale.

Ad vigesimum septimum dico. Possibile fuisse.

Ad vigesimum nonum, & trigessimum primum. Esse nugas & propterea tali arti euentum non respondere.

Ad trigessimum non posse habere veritatem: primò, quia imaginatio gallinæ excubantis nihil amplius ouo iam genito impertit, vt conclusione 54. est ostensum: secundò, quia formatrix oui non habet ordinem ad figuram aut formam essentialem serpentis, & ideo non potest producere eam.

Ad trigessimum secundum. Dico, in illis montibus animalia non esse alba propter imaginationem niuis, sed à temperamento & natura loci. Hoc est manifestum: Primò, quia scribit Olaus Magnus lib. 18. hist. Septent. c. 8. & Ortelius in Liuonia; quòd cum toto æstiuo ver- noque tempore lepores in regione septentrionali pristinum colorem seruent, post autumnum ac primæ niuis casum colorem mutant, & ex fuscis fiant albi. Ergo non fiunt albi propter matrum in conceptu imaginationem: Secundò, quia etsi Plinius lib. 8. cap. 52. dicat in Alpibus inueniri albos lepores, non dicit tamen hoc esse propter imaginationem; sed potius, quòd aliqui putent eos niue vesci. Est alia quæstio

QVÆSTIO XXIII.

Cur phantasia non semper imprimit in factum res imaginatas eodem modo, sed sæpe tam diuersis?

DOcet enim experientia, quòd easdem res sæpe exprimat modo diuersissimo. Interdum tantum secundum colorem: interdum secundum figuram: interdum secundum quantitatem: interdum per substantiæ corporeæ aggerationem, &c. Sic aliquando cerasa, fragra, mora deliderata, exprimit solo colore & maculâ aliqua rubicundâ: interdum productâ quadam substantiâ carneâ, rotundâ, coloratâ, vel non coloratâ. Quia

prà in exemplis, & non rarò aliàs factum audiuius. Sic animal. a, à quibus mater terrorem concepit, interdum exprimit sola cicatrice in fœtu producta, idum vel morsum referente: interdum pilis productis, similitudinem habentibus cum pilis illius animalis, vt sæpè apparet, cum mulieres à gliribus aut muribus perterritæ fuerunt: interdum exprimit similitudine figuræ faciei; sic vt facies habeat conformationem seu figuram, sicut facies illius animalis; vt apparet in exemplo 23. conclusionis 40. mulieris à simia deterritæ, & in exemplo conclusionis 53. à capite porcino sibi in mensa ministrato verecundatæ. Aliquandò exprimit totius corporis assimilatione; vt apparet in exemplis 8. 9. & 12. mulierum à figura diaboli perterritarum; quæ fœtus produxerunt toto corpore ad similitudinem diaboli conformatos: vt in exemplo 7. mulieris quæ toto corpore ad similitudinem vrsi figuratum produxit. Interdum exprimit, producta substantia carnea, illius animalis similitudinē gerente: vt in exemplo 22. de lacerta carnea. Interdum exprimit ratione diuersissima: causando in fœtu quandam proprietatem odio habendi illud animal, à quo mater deterrita fuit; vt patet in exemplo 17. &c.

CONCLUSIO LVI. Huius exactam dare rationem est impossibile, possunt tamen variæ causæ assignari.

Sunt enim illa secreta naturæ valdè stupenda, quæ admirari potius licet, quàm inuestigare. Imprimis potest hoc pendere à tempore, quo imaginatio contingit. Nam si illa contingat in conceptu, vel statim post, ante omnem conformationem; videtur quòd fœtus secundum se totum possit conformari ad similitudinem animalis vel picturæ, de quibus fuit imaginatio: si autem contingat serò & tempore prægnationis, non potest. Ratio est, quia, tum corporis figura necdum est descripta, & idèò potest tum adhuc describi ad similitudinem rei imaginatæ. Quando verò iam descripta est, non potest amplius mutari: sed solum potest fieri mutatio circa colorem, pilorum prouentum; partis alicuius magnitudinem; aut aliquid carneum informe adnascens.

Potest hoc etiam pendere à modo quo formatrix à specie;

speciebus phantasticis afficitur, & ab animi passionibus perturbatur. Nam si species & passionibus fuerint fortes, & conformatrix ab eis vehementer fuerit affecta, poterit secundum plura accidentia, & intensius, & secundum plures partes exprimere rem imaginatam, quàm si leuiter tantum affecta fuisset.

Tertio. Potest pendere à materia ad hanc vel illam rem exprimendam idoneæ præsentia vel absentia. Sic, si mater ab vrsò aut aliqua figura diaboli terreretur; si adesset materia ad totum corpus pilis conferendum, nigro colore inficiendum, caudam vel ungulas producendum, idonea; possent fortè illa in fœtu produci. At si materia desit, non possunt: sed vel tantum macula produci, vel cicatrix, vel figura fœtus secundum aliquid mutabitur, &c.

Quarto. A modo etiam, quo phantasia res imaginatas apprehendit. Prout enim illæ in oculos aut phantasiam, aliquando sub vna magis qualitate, quàm sub alia incurrunt; fiet, quòd fœtus magis secundum vnâ, quàm secundum aliam qualitatem assimilabitur. Sic, si mater deterrita à fele, cane, simia, aut alio animali; magis illud animo conceperit, vt lædens aut mordens; fortè magis fœtum signabit aliqua cicatrice aut nota vulneris: si, vt turpe & fœdum, & pilis suis aut colore aduersum; fortè magis signabit pilis aliquibus productis, aut macula aliqua colorem illius referente: si, vt horrendum aut informe rostrum habens; fortè ita signabit, vt secundum faciei figuram illi assimiletur: si totius animalis figuram magis animo conceperit, fortè secundum totius corporis figuram ipsum transformabit. Subintellige, inquam; modò tempus, quo singulæ notæ fieri possunt, non refragetur. Iam enim dictum est, non quouis tempore quasuis, sed certo tantum fieri posse. Omnium facillimè phantasia exprimit secundum colorem & maculas aut pilos: tum, quia illa facilioris sunt productionis; tum, quia quouis tempore produci possunt. Quæritur vltimò

QVÆSTIO XXIV.

*Cur non eidem semper Parti, sed diuersis
notæ inducantur?*

E Tenim mulier à lacerta perterrita fœtum signauit in pectore: plurimæ à mure aut glire perterritæ, signant maculis pilosis in vultu: vna desiderio cerasi mori affecta signabit maculâ aut excrefcentiâ carneâ, genitâ in vultu: alia in dorso, scapulis aut alia parte.

CONCLUSIO LVII. Plerumque notæ illi Parti imprimuntur, quæ fuit in imaginatione.

Pro quo est sciendum. quòd non tantum species representant rerum qualitates, sed connotant etiam situm & partem, in qua illæ sunt. Hinc, sicut dirigunt conformatricem ad exprimendum rerum qualitates, ita simul dirigunt eam ad exprimendum illas eodem situ, & in eadem parte. Hinc est, quòd mulieres frequenter signant fœtus eadem parte, quæ in re externa vitia vel deformitates perceperunt. Sic in exemplo 14. mulier deterrita ab homine minitante ei ictum in caput, produxit fœtum vulnus in capite habentem: deterrita à pictura habente magnum caput in exemplo 15. produxit fœtum habentem magnum caput: quæ deterrita fuit propter capitis sui contra caput alterius mulieris collisionem in exemplo 11. produxit duos fœtus capitibus connotatos: quæ deterrita fuit à lacerta in pectus insiliente in exemplo 22. produxit fœtum lacertam pectori adnatam tam habentem: quæ perterrita fuit à diabolo cornua habente in exemplo 9. & 12. produxit fœtum in capite cornutum: quæ imaginata fuit imaginem Ioannis Baptistæ toto corpore hirsuti; toto corpore hirsutum fœtum produxit.

Verùm non semper notatur fœtus ea parte, quam connotat ipsa species phantastica; sed potest signari & frequentissimè signatur eâ, quam mater peculiariter imaginatur: seu in quam in illo instanti imaginationis cogitationem dirigit: illa autem est facies, & ideo sæpissimè fœtus in facie signantur magis, quàm in alia parte.

Nam

Nam, quia matres sciunt à forti imaginatione, desiderio & terrore foetus suos frequenter signari; ideò, cum sic aliquid imaginantur, statim metuunt ne eiusmodi signatura incidat in faciem sui foetus, & sic imaginando aliquam rem externam per quandam reflexionem, coimaginantur faciem sui foetus: & hinc signatura sepius incidit in faciem eius.

Alia causa est: quia natura in nullius partis conformatione tanto vititur artificio, quanto in conformatione faciei humanæ, & ideò illius conformationi est maximè intentat: & ideò, cum sic dirigitur à phantasia, vt aliquam rem externam velit imitari & exprimere; maximè illam exprimit in facie.

Facit etiam ad hoc vt signatura magis in vna, quàm in altera parte eueniat, aliquid materiæ ad signaturam necessarię præsentia, magis in hac quàm in illa parte: tum etiam impetus humorum, qui per animi passiones agitantur, fiens magis in vnam, quàm in aliam partem. Ex quo vnus partis conformatrix magis, quàm alterius debilitatur. Nam, quia passiones quæ imaginationem comitantur, non semper sunt eadem, nec eodem præcisè modo obueniunt; non eundem semper faciunt præcisè humorum & spirituum motum: sed hæ magis in has, aliæ in alias partes eos vibrant.

Dicit Levinus Lemnius lib. 1. cap. 4. de occult. nat. mir. & est communis opinio muliercularum, signaturam transferri in aliam partem, vt femora, nates; si terrore aut desiderio iam affectæ manibus abstergant faciem, & illas partibus illis applicet: sed meritò ridet hoc Hercules Saxonia 4. cap. 30. sui Panthei, & ego cum ipso, asseroque eiusmodi faciei absterfionem aut attatum aliquarum partium, nullam vim ad signandum hanc magis, quàm illam partem habere. Atque hæ sunt in vniuersum vires, quas phantasia & in Proprium, & in Alienum corpus potest exercere. Restat vt ad argumenta in principio quæstionis 4. allata, quibus nimia eius in vtrumque actiuitas probabatur, respondeamus.

Ad primum itaque Respondeo. Communem vulgi opinionem falsam esse, si putet phantasiam per se talem actiuitatem habere; sed si intelligat eam per accidens

esse causam multarum permutationum, fateor esse veram; ut iam dictum est.

Ad authoritatem Aristot. responsum est conclus. 20. & concl. 24. resp. ad 1. & concl. 25. resp. ad 1.

Ad authoritatem Auicennæ, Algazelis, &c. Respondeo phantasiâ per accidens bene esse causam signaturæ factus, sicut conclus. 27. est ostensum: sed non per se primo: eam autem habere virtutem in remota agendi & ea afficiendi vel propria virtute, vel virtute à cœlis derivata, dico esse falsum: ut conclus. 26. & 39. est ostensum. Etenim phantasiâ elementa mundi posse perturbare, hominem remotum fascinare, ex equo deicere, hominem sine matre, plantam sine semine generare, legetes transferre ridicula sunt, & Philosopho indigna: sed si quæ talia admiranda opera aliquando ab hominibus, ut Apollonio Tyanæo alijsue perpetrata fuerint, non virtute imaginationis, sed arte Magica facta fuerunt.

Quod sanguis interfecti in præsentia occisoris è corpore erumpat, non est naturale: ideòque non fit vi imaginationis, sed causæ supernaturali est ascribendum; vel Deo, vel Angelis iniquitatem interfectoris detegentibus & vlciscentibus; vel diabolis, aut innocentes falsò accusare, aut nocentes ad desperationem perducere conantibus.

Quod reliquiae sanctorum aliquando sanitatem cœlentibus pariant, non fit virtute confidentiæ & imaginationis, quam ægri cultui illi adhibent; ut impiè dicit Pomponatius: sed miraculo & gratiâ Dei singulari, remunerantis honorem, qui sanctis eius exhibetur. Quòd Salutatores illi Hispanici admiranda aliqua præter ordinem naturæ præstent, id vel faciunt arte magica, vel gratiâ aliqua singulari à Deo familijs aliquibus concessa. Ludouicus autem Mercatus Regius Medicus, quém vepotè Hispanum, & in Hispania degentem certum est non ignorare quid de illis hominibus sit, tomo 1. suorum operum lib. 2. class. 3. quæst. 168. art. 4. dicit opera eorum ficta esse, plena superstitione diabolica, & à religione Catholica aliena.

Ad authoritatem Hippoc. D. Thomæ & aliorum. Dico eos vtrâ dicere, sed esse intelligendum phantasiâ

non

non facere ea per se, sed per accidens: mediantibus alijs animæ potentijs, vt iam dictum est.

Ad secundum argumentum à ratione dēsumptum, respondeo Intellectum & phantasiam fieri omnia spiritaliter & modo quodam intentionali: quatenus recipiunt rerum omnium species, & ab ijs informantur, sed non per hoc posse realiter agere. Quod enim tantum aliquid est intentionaliter, illud non potest illud ipsum in alio facere realiter: vt conclus. 25. est ostensum.

Ad tertium respondeo. Verum esse, quod multæ res naturales habeant admirandas virtutes, & quod sic anima seu corpora animata, meritò etiam debeant habere virtutes longè illis admirabiliores; sed non propterea sequitur, quod debeant habere illas, quas Auicenna & alij imaginationi ascribunt; res, scilicet, externas alterandi vel permutandi: sed sufficit, quod habeant alias, nempe, potentias cognoscitiuas, sensum, motum, intellectum, & voluntatem: quæ sunt virtutes omnium aliarum rerum naturalium virtutibus longè excellentiores & diuiniore. Et etsi aliquæ animæ alijs essent excellentiores, quod tamen plerique scholastici negant, cum substantijs non videatur competere, magis & minus; tamen propterea illæ non possent naturaliter habere vim aliquam alterius generis, quam omnes reliquæ animæ haberent. Possent quidem in eodem genere potentiarum habere potentias nobiliores potentijs aliarum animarum, per quas possent vel perfectius videre, audire aut intelligere, quàm aliæ animæ: sed non talem per quam possent fascinare, elementa turbare, externa corpora alterare vel loco mouere.

Ad quartum respondeo. Nec sola visione, nec solo tactu, nec sola verborum prolatione, posse vllos effectus ad extrà physicè produci; cum illæ actiones sint immanentes: sed si qui tales aliquando eiusmodi actiones sint secuti, eos vel ope diabolica euenisse, vel ab hominibus gratia quadam peculiari diuinitus data perpetratos fuisse.

Ad exempla ex Auicenna vel Augustino desumpta, suprà conclusione 11. est responsum, & insuper adhuc aliter respondeo. Illa non virtute imaginationis, sed
virtute

virtute aliarum potentiarum naturalium, seu vegeta-
tinarum accidisse.

Ad exemplum de subita canitie & morte respondeo:
Imaginationem illas non causasse, vel saltem non cau-
sasse per se, quod ibi querebatur: sed mediante maximo
timore, quem non est dubium maximas in corpus per-
turbationes inducere posse. Atque hæc sunt quæ in hu-
ius materiæ tanta obscuritate licuit inuestigare, quæ vt
lector æqui bonique consulat, rogo.

F I N I S .





